

PHILOSOPHIA
LIBERA

S E U

E C L E C T I C A

RATIONALIS, AC MECHANICA SENSUUM

*Ad Studiosæ Juventutis institutionem accommodata,
ac per lectiones digesta.*

A U C T O R E

P. IG. MONTEIRO S. J.
L U S I T A N O.

T O M U S III.

Q U I

P H Y S I C Æ G E N E R A L I S II.

*In quo continentur Mensura Virium, Theoria Gravita-
tis, & Virium Centralium, Statica, Mechanica,
& Hydrostatica Physicæ, &c. &c. &c.*



V E N E T I I S M D C C L X V I.

T Y P I S A N T O N I I Z A T T A
S U P E R I O R U M P E R M I S S U , A C P R I V I L E G I I S .





PHILOSOPHIA

LIBERA

SEU


ECLECTICA, RATIONALIS, AC MECHANICA SENSUUM.

PHYSICÆ GENERALIS PARS SECUNDA.

LECTIO PRIMA.

De virium corporum motorum æstimatione, ac mensura; seu de viribus vivis, & mortuis.

ANNOTATIO HISTORICA.

1.  irium vivarum, & mortuarum nomen, & discrimen est penitus in Philosophia novum, illudque primum Leibnitium observare, & dignoscere docuit Germanus agricola; in Philosophiam vero Leibnitius ipse induxit omnium Philosophorum primus (a). Quare celebre hoc hujusce sæculi inventum (si ita appellare liceret) rustico homini debere.

(a) Wolfius Mechanicæ cap. 7 Acta Eruditorum Lipsiæ anno 1688. pag. 161.

4 PHYSICA GENERALIS.

beremus. Corpora vel moveantur vel quiescant, pro-
 pter vim habent, qua vel alia corpora praevalent,
 dum quiescunt, vel transferuntur, & in alia corpora
 impingunt, dum moventur. Utamque hujusmodi vim
 una, eademque mensura, & nomine appellabant, &
 dimeticbantur philosophi usque ad Leibnitium, ea,
 inquam, mensura, quam superius tradidimus, & im-
 praesentiarum magis explicabimus. Unus erat omnium
 sensus, vires scilicet corporum esse factum ex eorum
 massis in velocitates ductis, seu per ejusmodi factum
 recte, & semper exprimi Leibnitius vires corporum
 quiescentium a viribus corporum motorum distinxit:
 primas nuncupavi mortuas; secundas autem vivas:
 vim mortuam antiquo more, & regula dimetiri, &
 exprimere docuit, ducendo nimirum velocitatem in
 massam: vivas tamen vires contendit esse non factum
 ex massa in velocitatem, sed factum ex massa in ve-
 locitatis quadratum ducta.

2. Sit v. g. Corpus A, (Fig. 4. Tab. I.) cujus mas-
 sa 8., velocitas, si moveretur, 4: illius vires erunt 32,
 factum scilicet ex massa 8 in velocitatem quatuor du-
 cta: in hoc omnes conveniunt: moveatur vero ipsum-
 met corpus A velocitate 4: illius vires in hoc statu
 vivas appellant, suntque secundum Leibnitium, 128,
 factum nimirum ex massa 8. non in velocitatem, 4,
 sed in velocitatis quadratum. 16; at si oppositam opi-
 nionem audiamus, sunt vires etiam in hoc secundo ca-
 su factum ex 8 in 4, hoc est 32:

3. Nova haec Leibnitii opinio undique fere profligata post auctoris mortem pene jacuit, quoad eam an-
 no 1724. D. Bernoville suscitavit, & magnopere illu-
 stravit (a), Post Bernoville eandem sententiam sunt
 amplexi, & ratione, aut experimentis confirmarunt
 Muschembroek (b), Graveffande (c), Herman-
 nus

(a) Discours sur les loix de la Comunic. du
 mouvement. Saverien. Diction. v. Force.

(b) Elementa Physic. cap. 6.

(c) Element. Philosoph. T. 1. n. 757.

PHYSICA GENERALIS.

nus (a), Balfinger (b), Polenus (c), Wolfius (d), & alii: Ivo Domina de Chatetelet eandem opinionem in suis institutionibus physicis propugnat (e). Priorem, & antiquam sententiam, quæ erat omnium Philosophorum opinio, tenuit Cartesius (f), a quo etiam nomen accepit, Cartesiani omnes, Newton cum discipulis (g): communiter omnes Angli, & aliarum gentium quampurimi: nominatim vero Galilæus, Catalani, Loville, Papin, Maclaurin, Pomberton, Jurin, Crouffats, Clarke, Martini, Scherffer &c. Eam egregie contra Bernoville propugnauit D. Mai-
ran (h). D. D. Alembert eam questionem de voce, & puro nomine esse pronuntiavit (i), & jam a tea Desaguliers non parum æquivoci in ea latere existimauit; licet ipse Cartesianam opinionem teneat, & non parum illustret (l).

4. Post supradictos omnes rem in Italia est aggressus P. Riccati Jesuita, Geometra quidem egregius, & vir plurimis aliis nominibus commendabilis. qui integro volumine de hujusmodi controversia in lucem edito (in quo tamen plurima alia sparsim tractat) aliorum industriam superavit, reque penitus enucleata, plurima antiqua argumenta cum pro una, tum pro alia parte adhiberi solita, sophismata, aut petitiones principii esse demonstravit, aliaque ex suo produxit, quibus Leibnitianam sententiam ulterius confirmat, & veram esse contendit (m). Hic igitur unus scriptor circa virium virarum mensuram, omnium instar esse potest.

5. Pri-

(a) De mensura virium in actis Acad. Petropol.

(b) De virib. corpori moto insitis.

(c) Tract. de Castellis.

(d) Elem. Mathes. T. 3.

(e) Institutions de Physique.

(f) Princip. Part. 2., & alibi passim.

(g) Phil. nat. Princ. Math. Lib. I.

(h) Dissert. sur l'Estimation, & la mesure &c.

(i) Apud Saverien. Diction. T. I. v. Forces.

(l) Cursus Exper. T. 2.

(m) Dialogo di Vinc. Riccati 1749.

6 *PHYSICA GENERALIS.*

5. Primo igitur stabilienda nobis est virium vivarum vera, & genuina idea, & quid eo nomine intelligamus: plures enim sunt, qui cum vera utrimque experimenta, & argumenta afferri animadvertant, rem æquivoco laborare, & non omnes in eadem idea convenire autumant. (a) Secundo. Aliqua præterea sunt, de quibus omnes conveniunt, & veluti axiomata in præsentī controversia ab omnibus accipiuntur.

Primo. Nallum est dissidium circa vires mortuas, quæ secundum antiquam, & novam opinionem sunt factum ex massa in velocitatem ducta sensu paulo ante exposito. Mibi tamen vis mortua absolute in se spectata, (si tamen est aliqua in rerum natura vis mortua absolute, seu gravitas, aut pressio sine vero motu, quod a pluribus negatur, neque contrarium demonstrari potest, ut infra notabimus; supposito tamen, quod aliqua sit pressio, & gravitatio sine ullo omnino motu) mibi, inquam, vis mortua est pura massa corporis gravitantis (de gravibus enim solummodo loquimur): Corporis enim plane quiescentis pondus est illius massa, non vero velocitas, quam non habet. In machinis tamen v. g. in balance, ubi unius corporis actio, & vis est ad aliud relativa, hæc vis mortua per massam, & velocitatem initialem exprimitur, ut in mechanica exponimus. Hæc etiam ratione omnes vires mortuas absolute (ut sit) exprimere per me licet, vel quod nulla sit pressio sine vero motu, vel quod initialis velocitas infinite parva errorem in calculum non inducat. Vires mortuæ corporum elasticorum, quæ in puro nisu consistere existimantur, per massam, & velocitatem eorum corporum, quibus motum communicant, ab omnibus exprimuntur, & dimetiuntur. Circa quod iterum noto, incertum planè esse, an hæc elasticorum pressio sit sine omni motu: id enim pendet a natura causæ elaterii, quæ est ignota.

6. Secundo. Ab omnibus tamquam axioma admittitur, quod causa sit proportionalis, & æqualis suo effectui totali, & immediato. Id tamen discriminis est

inter

(a) Desagul. loc. cit.

inter utramque opinionem, quod in antiqua, ad compi-
tandum effectum habeatur semper ratio temporis, in
quo effectus eduntur; ita ut causæ dignoscantur ab ef-
fectibus eodem tempore editis: in nova autem opinio-
ne ad tempus non attendatur, ut postea explicabimus.
Tertio. Quamcumque opinionem amplectaris parvum in
mechanicis rebus explicandis erit discrimen; idem sem-
per modus applicandi machinis potentiam subsistet;
eademque est in utraque Mechanicæ theoria; licet sim-
pliciore ratione in priori, quam in posteriori sententia
illa omnia exponantur.

7. Quarto. Calculi, & experimenta, quæ pro utra-
que parte afferuntur, vera esse deprehenduntur, &
observationibus conformia: aut igitur in æquivoco la-
boramus, aut plurima ex iis experimentis ad rem non
spectant, aut a peculiaribus, atque ignotis causis, de-
ducuntur, quarum naturam, vires, & leges non sa-
tis perspectas habemus. Quinto. In motu æquabili et-
iam nova opinio cum antiqua convenit, actionesque,
seu vires corporum motu æquabili translationum per
velocitates exprimi fatentur fere omnes. Verum P.
Riccati in huiusmodi motibus neque actionem, neque
effectum agnoscit (a).

Sexto. In durorum corporum percussionibus novam
virium mensuram non observant conveniunt illius as-
sertores; eoque de capite plurimi eorum dura corpora
existere, aut in hoc rerum ordine esse possibilea negant,
quia scilicet neque stabilitam naturæ legem de nova
virium mensura, neque alias notas leges observarent (b).

8. Controversiam igitur proprie reducant ad corpora
elastica, & mollia, ad motus acceleratos & retarda-
tos, ad motus pendulorum, & alia similia. Antiqua
tamen regula, seu Cartesiana opinio nulli exceptioni
dat locum, sed omnia generatim corpora & casus com-
prehendit, eandem ubique mensuram adhibet. Deni-
que cum de virium mensura loquimur, illas tantum
actiones, & effectus consideramus, & attendimus, quæ

(a) loc. cit. giornata prima.

(b) Desagul. Cours de Phys. to. 2. Riccati giornata 10.

PHYSICA GENERALIS.

ex mobilis energia, & viribus oriuntur. Aliae enim, quae intervenire possunt, motuum, & effectuum causa, a praesenti virium discussione separari omnino debent.

DEFINITIO.

9. Vis vivae nomine intelligo illam vim, energiam, efficaciam, & impetum in Corpore moto residentem, cujus beneficio corpus ipsum movetur. *P. Riccati* eam definit; *vim corporis moti in illud transfusam, & productam ab actionibus vis mortuae, & isdemmet actionibus proportionalem.* Hujus definitionis sensum minime rejicio: licet transfusionem non ea claritate percipiam, quam ad definitionem aliqui forsitan requirant. Alii aliter virium vivarum ideam proponunt. Demus modo duo mobilia aequalia inaequali velocitate moveri; primum quidem velocitate 4; secundum velocitate 2; quaeritur modo quanam sit proportio inter eorum corporum impetus atque energias? Idus ab hujusmodi corporibus inflicti, qualem inter se habebunt proportionem, quidve erit eorum mensura?

PROPOSITIO I.

10. *Velocitas corporum per eorum massam ducta, est virium vivarum mensura, ac proinde vires corporis cujuscunque dati crescunt, aut minuantur in eadem ratione, qua crescit, aut minuitur ejus corporis velocitas.*

Clarius, & verosimilior mihi apparet antiqua haec *Cartesii* atque *Newtoni* opinio & regula, quamvis argumenta *P. Riccati*, imprimis vero Auctorem, plurimi faciam. Propositio multiplici de capite probari solet, ex theoria scilicet motus aequabilis, ex corporum durorum, aut elasticorum percussionibus, ex compositione, & resolutione virium, atque aliis similibus argumentis. Primo tamen ad quaestionem de nomine rem posse facile reduci mihi videtur, si celeritatem corporis cujuscunque moti appellamus effectum integrum immediatum, & proprium virium

rium, & impetus eo in corpore residentium : cum enim notum aliunde sit, causas esse effectibus suis integris, & immediatis, & propriis æquales, ac proportionales, si velocitatem, effectum virium voco, regulam, & mensuram virium vocando assignavi. Si tamen rem ulterius promovere velimus, in id quæstio reducitur, & rei cardo vertitur, sitne velocitas corporis moti immediatus, & integer ejus virium effectus, quod quidem esset quæstionem de nomine movere; aut unam in aliam controversiam mutare, sed ad motum æquabilem hæc ratio nos conducit.

MOTUS ÆQUABILIS.

11. Ponamus igitur duo corpora ex. gr. æqualia *AB* motu æquabili translata, & sese moventia, primum tamen velocitate dupla celeritatis *B*: effectus virium, & impetus, quibus hæc corpora deferuntur, sunt eorum motus, & spatia ab iis percurra, eaque est inter impetus proportio, atque inter illa spatia: spatia autem sunt, ut celeritates: vires igitur corporum motu æquabili translatorum sunt, ut corporum celeritates si corpora sint æqualia: si vero sint inæqualia erunt factum ex massis in celeritates ductis. Paulo aliter: sumradicta corpora, quorum pondus sint 2 libræ, adducantur, *A* quidem per 8, *B* vero per 4 pedes eodem tempore: vires duplo majores insuntuntur in *A* per 8, quam in *B* per 4 pedes eodem tempore adducendo: adducere enim *B* per 4 pedes, est adducere duas libras per 4 pedes; adducere autem *BA* per 8. pedes, est adducere duas libras per 4 pedes, & easdem per alios 4 pedes insimul movere: translatio igitur corporis *A* est effectus duplus translationis corporis *B*: si autem causæ sunt, ut effectus, vis in *A* est dupla virium in *B*: sunt igitur vires ut celeritates.

12. Huic argumento claro, simplici, omnibus obvio, & notissimo aliud opponunt a *Leibnitio* ex eademmet motuum æquabilium theoria deductum: Actio quæ agit duplum, tempore dimidio est dupla actionis, quæ agit idemmet duplum tempore integro, seu duplo; v. g. iter duorum milliarum intra
unam

unam horam est duplum itineris duorum milliarium duobus horis.

Actio, quæ agit duplum tempore duplo, est dupla actionis agentis subduplum tempore subduplo; v. g. iter duorum milliarium duabus horis agere, est duplo majus, quam unum milliare unica hora conficere.

Ergo actio agens duplum tempore subduplo, est quadrupla actionis agentis subduplum tempore subduplo, hoc est, duorum milliarium iter hora conficere, est quadruplo majus, quam iter unius millarii in una hora absolvere: Si loco dupli substituaturs triplum, quadruplum, quintuplum &c. inferatur in consequentia actio novem, sexdecim, viginti quinque vicibus major. En totum Leibnitii argumentum &c.

13. Hæc duo *Cartesii*, & *Leibnitii* argumenta aliquibus adolescentibus acuto ingenio præditis seorsim aliquando proposui, qui neque rem, de qua agebatur, neque præsentem controversiam, neque scopum, quo tenderem, aut quas partes agerem, suspicabantur; eorumque de propositis sibi argumentis judicium cum deinde quæsissem, eadem omnium fuit responsio, quasi secum invicem contulissent; primum (quod *Cartesii* est, quod semel tantummodo pronuntiaveram) & clarum sibi videri, & eos persuadere. Secundum (quod *Leibnitii* est) ter, aut quater a me repetitum, cum parumper perpendifsent, non satis a se intelligi aperte dixerunt, præmissas satis obscuras, & æquivocas: inter ipsas, & consequentiam obscuram esse connexionem. Hanc ego responsionem ab hominibus acuto ingenio præditis atque ab omni præjudicio liberis datam, quasi sincerum naturalis rationis judicium, veram esse existimo. Secundæ propositionis v. g. hic debet esse sensus. Impetus, vis, & energia, cujus beneficio duo millaria duabus horis decurruntur, est dupla illius impetus, cujus beneficio unum milliare in hora una conficitur, quod quidem est falsum, eadem enim est vis in primo, atque in secundo casu.

14. Secundo. Respondent in motu æquabili nullum

lum esse effectum, neque ullam actionem virium viriarum: nihil ibi esse, ex quo dignoscere possumus impetum, vim, & energiam in corpore moto residentem. Vis viva eo in casu similiter se habet, ac magna vis pecuniæ, quam per plures annos collegeram, & cui tandem confusus longum iter aggredior, & perago: neque in itinere longo, aut brevi, a me beneficio pecuniæ, aut a mobili ope virium, aut impetus facto, aliquid est, ex quo dignoscam quantum pecuniæ, aut impetus habeat viator, aut mobile; neque ullus est effectus, aut actio a pecunia, aut ab impetu procedens, quæ & pecuniæ, & impetus possit esse mensura: actio, & effectus pecuniæ, aut impetus, ex quibus hæc dignoscere poterimus, erunt tantummodo illa obstacula, ad quæ removenda, pecunia, aut impetus impenduntur. In hunc modum *Cartesii* argumento respondet doctissimus *P. Riccati* (a).

15. Verum ego longe aliter rem concipio, & primo quidem dico, quod jam superius notavi, ad questionem de nomine nos hic maxime reduci: res enim ab eo pendet, an velocitas vocetur effectus virium, seu impetus in corpore moto residentis. Secundo. Longissimum est discrimen inter pecuniam, & impetum: pecunia ad summum est tantummodo aliqua occasio, aut potius conditio ad iter agendum movens, aut obstacula removens, illius effectus alii non sunt, quam permutationes cum aliis rebus, quæ, vel iter agamus, vel domi vivamus necessariæ nobis sunt: quid enim physice intercedit inter pecuniam, & motum? Ex adverso nullum alium video virium, & impetus effectum, præter motum: in motum physice influit, eumque physice producit: ubicumque est impetus, est etiam motus ab impetu productus: motus scilicet est aliquid vere existens in natura: quæ tamen est illius causa præter impetum? Rursus quem alium effectum habet impetus nisi motum, ac proinde velocitatem, quæ est ipsemet motus cum relatione ad tem-

(a) loc. cit. giornata prima.

tempus? Corpus æquabili motu delatum in alia corpora incurrat: quid in illis agit? ea deturbat, & loco pellit; hoc autem est motus: ipsummet corpus in aliud incurrat, in illudque totum suum impetum transfundat & post transfusionem quiescat: a quo habet hoc secundum corpus, quod & moveatur, & certa cum velocitate moveatur, nisi ab impetu in secundum corpus translato? at motus, qui modo est in secundo mobili, erat prius in primo: modo ab impetu in primo mobili hætenus existente, sed jam in secundum translato provenit; hætenus igitur dum in primo existeret corpore, erat etiam effectus illius impetus, qui eo in corpore existeret.

16. Attamen opponis: tum solummodo effectum aliquem producit causa, cum mutatio aliqua in statu corporum ab ea causa inducitur; ea enim tantum ratione agere intelligitur corpus, aut causa, atque actionem exercere: at stante, seu perseverante motu æquabili, nulla in corporum statu fit mutatio ab eo impetu corporis æqualitater moti: ergo hujusmodi impetus neque actionem, neque effectum producit, aut exercet, nullamque proinde eo in statu habemus virium mensuram. Resp. Aliud est actionem, & effectum fieri, & incipere; aliud vero effectum, & actionem factam conservari: cum causa movens impetum corpori quiescenti, motum, & determinatam velocitatem imprimit, illudque corpus a quiete ad certam velocitatem determinat, actionem exercet, effectum producit: actio est impressio virium, transitusque, & determinatio corporis ad motum: effectus est impetus ille, & determinata velocitas mobili impressa: quamdiu igitur maneat in corpore determinatus ille impetus, & velocitas, manet effectus non tum primo factus, sed conservatus: manet in corpore quidquid in illud a causa movente translatum, aut productum fuit; nihil enim perit: si ergo nihil perit, si omnia manent, manet effectus productus: si ergo effectus cum producebatur, erat mensura causæ producentis, hoc est virium vivarum; effectus conser-

servatus, est conservata mensura earumdemmet virium.

17. Omnia hæc satis clara mihi esse videntur. Corpus grave in vacuo positum, & libere deorsum cadens, motumque suum ob actiones gravitatis accelerans, velocitates suas continue crescentes a quiete, usque ad terminum ultimum accelerationis ab actionibus vis mortuæ, nempe gravitatis, continuo, & semper instantibus, ac prementibus accipit: effectus harum actionum sunt celeritates successive acquisitæ, quas gravitas cadenti corpori imprimit, illius inertiam semper superando: in termino accelerationis sunt omnium actionum effectus simul collecti: fac ut ex eo puncto corpus motum suum horizontaliter per medium non resistens prosequatur: habebimus motum æquabilem, & conservatam illam omnem velocitatem, quam actiones vis mortuæ successive produserant. Singulæ scilicet actiones singulas produserunt celeritates tamquam effectus proprios, atque mensuras: singulæ istæ celeritates conservantur: conservantur igitur causarum mensuræ.

18. P. Riccati regulam illam Nevvtonianam, *actio, & resistentia semper sunt æquales* &c. in pluribus causis veram esse recte negat, & animo gestio, quod a tanto Geometradicatur, negatam modo inveniam regulam illam, quam ego mihi ipsi negabam, quantumvis non ignorarem male a Wolfio carpi, quasi rem non intelligant, qui prædictam legem in omnibus casibus veram esse non admittant: Ex vera tamen auctoris doctrina arguo: In corpore motu æquabili delato in aliud incurrente, illudque post ictum ad motum determinante, vis agens seu actio superat resistentiam: pars actionis, resistentiæ æqualis, tollet omnem resistentiam, & impedimentum ad motum, cum ob æqualitatem sint in æquilibrio cum resistentia: ex vi hujus partis actionis nullus est motus, pars reliqua actionis, seu excessus actionis supra resistentiam aliquid agit: si enim non agat non est motus: quid tamen agit, nisi motum purum, hoc est motum sine ulla resistentia ad motum, cum hæc jam sublata sit: mo-

tus igitur purus est effectus virium vivarum, atque proinde earum mensura (a).

19. Est ergo, inquis, determinata vis, & impetus in corpore motu æquabili, & determinata velocitate delato? (b). Ita quidem respondeo: Erit ergo ibi etiam determinatus effectus: concedo. Ecquis tamen est, amabo, determinatus ille effectus? Gradus ille determinatus velocitatis, respondeo, quem determinatus ille impetus in moto corpore residens producit. Quid tamen est, pergis, determinata illa velocitas? Ratio determinata inter spatium, & tempus, repono. Quale tamen spatium, quale tempus pro mensura & rationis terminis mihi assignas? Resp. liberum nobis est tempus quodcumque assignare; eo tamen determinato, aut a nobis assumpto, ab ipsa impetus energia determinatur spatium eo tempore peragrandum. Assignare igitur possumus, dices, minutum primum, & quodcumque aliud tempus: ergo effectus non est determinatus: impossibile autem est, quod existat aliquis effectus, & tamen non sit determinatus. Resp. semper esse determinatam rationem inter tempus, & spatium in motu quocumque dato æquabili: hæc ratio constans, hæc velocitas determinata est effectus impetus, seu virium vivarum in corpore residentium. Quid enim interest, posse me assumere duo, tria, quatuor minuta, si ratio inter hæc minuta, & spatia illis respondentia, hoc est, velocitas semper est eadem? Idem proculdubio est agere dimidium A in dimidio tempore A, atque agere totum A in integro tempore A.

20. Meo igitur iudicio integra vis argumenti Cartesiani de motu æquabili constat: in eo motu habemus impetum, seu vires vivas determinatas: earum virium beneficio movetur corpus cum data velocitate: is motus, velocitas, & spatium peragratum, est propriissimus effectus virium, & impetus, ac proinde propria, atque genuina mensura. Recte vero,
& so-

(a) Loc. cit. *giornata nona pag.* 300.

(b) Loc. cit. *giorn. prima pag.* 46.

& solide probat laudatus Geometra, veram fore, in omnibus aliis motibus regulam Cartesianam, semel dato, quod in motu æquabili valeat; sunt enim ex adversariis aliqui, qui id negant. Vis enim acceleratrix, aut, retardatrix quæcumque illico sit vis constans, si acceleratio, aut retardatio finiatur, & mobile spatium liberum deinde ingrediatur.

21. Motus igitur, quem Corpus in se ipso habet, est sola mensura, & constans effectus illius impetus, quo ipsum corpus defertur. In motibus vero, quos mobile in aliis corporibus efficit, videndum an hujusmodi motus a nulla alia particulari causa etiam oriantur, aut efficiantur.

THEORIA PERCUSSIONIS IN CORPORIBUS DURIS.

22. Theoria motus, & percussorum in corporibus duris, secundum argumentum nobis supeditat. Corpus durum quodcumque. A motu uniformi delatum incurrat successive, & seorsim in alia corpora dura: Primo in aliud sibi æquale. Sec: in aliud ipsius duplum: Tert: in aliud quod sit, ejus dimidium, tertia, aut quarta pars &c. Sit illius corporis massa 8; velocitas 24: post percussorem in primo casu est velocitas, 12, in secundo, 8, in tertio, 16, in quarto, 18: &c. hac semper lege servata ut velocitas decrescat in eadem ratione, qua augetur massa, idemque semper maneat factum ex massa in celeritatem: hoc factum ante percussorem erat, 192, id autem semper manet post percussiones quascumque: modo sic: vires in percussione non destruuntur, sed quæ ante percussorem in impingente corpore tantum existebant, post percussorem per alia etiam corpora distribuuntur, & ab omnibus tamquam principium admittitur: id autem juxta Cartesii regulam exactissime verificatur, ut modo diximus, minime vero in nova opinione; nam ante percussorem erant vires, 4608, factum scilicet ex massa, 8, ducta in, 576, quadratum velocitatis, 24; post percussorem in primo casu erunt vires, 2304, duo nimirum facta, ex mas-
sa

sa 8. in quadratum, 144, cujus radix est velocitas, 12; pereunt ergo in percussione vires: denique similiter in aliis casibus fiet.

23. Qui dura corpora existere non inficiantur, in iis exceptionem regulæ Leibnitianæ agnoscunt: aliqui tamen ut argumentum fugiant, ea corpora non modo existere; verum etiam esse possibile in præsentis rerum ordine negant. Verum ego hujusmodi impossibilitatem minime video. Probabilissimum esse non negabunt, ultima elementa physica materię, esse physice indivisibilia (licet geometricè sint semper divisibilia) : unde enim demonstrabimus esse impossibilia, aut etiam non existere puncta physica extensa, qualia superius tradidimus ex demonstrationibus Geometrarum, hoc est, ex ideis nostris? Quam infirma sit hæc ratio, in loco demonstravimus: ea autem Elementa sunt perfecte dura, in iisque proinde tota vis argumenti constat: si existerent corpora dura, inquires, rumperetur lex continuitatis in percussionibus (a), cum velocitates, & impetus non per gradus, sed simul communicarentur: præterea in eorundem corporum occurribus vires vivæ sese mutuo destruerent, quin aliis corporibus communicarentur, aut ulterius existerent in natura.

24. Resp. Admitto utramque, neque in eo video aliquid Physicæ Legibus contrarium: legem continuitatis universalem non existere in natura, neque efficaci aliquo argumento probari, inferius conficiam. Circa virium destructionem etiam mihi planum est, vim mortuam a mortua, mortuam a viva, vivam a viva penitus multoties destrui. Primum ab omnibus admittitur, & locum habet in actionibus corporum quiescentium, & se mutuo sustentantium in tractionibus æquabilibus, & ex diametro oppositis, ut dicitur, in mechanica: Secundum est per se evidens in omnibus percussionibus, qui-

(a) *Naturam hujus Legis, & argumenta, quibus ejus existentia probatur, vide in lectione ad calcem hujus voluminis adjecta.*

quibus corpora quiescentia ad motum ab aliis determinantur, & concitantur, ac proinde Inertia, seu vis mortua corporis quiescentis a viribus vivis corporis incurrentis superatur: vim etiam vivam a mortua destrui in corpore gravi sursum perpendiculariter per medium non resistens projecto, v. g. per vacuum, demonstrati aliquibus videri potest; imperus enim, qui procul dubio est vis viva, a vi mortua, qualis est gravitas destruitur; id tamen non affirmo, cum sit ignotum mihi, quanam gravitatis causa existat: tertium denique verificatur in percussionibus contrariis durorum corporum: in quo igitur sensu verum sit, *vires corporum per communicationem solummodo deperdi* superius diximus, cum hanc legem ad corpora tantum mota, & in quiescens incurrentia in presenti rerum ordine extendimus.

25. Attamen, contendis, hæc duo sunt naturæ leges; primum, quod nulla vis destruat, quin prius effectum contusionis, aut alium similem producat: secundum, quod nullus esse possit novus motus sine causa determinante: & ex prima lege sequitur, duo corpora dura æqualia, sibi mutuo occurrentia eadem velocitate, post percussione[m] reflecti; cum neque contendantur, neque rumpantur; ex secunda vero deducitur, ejusmodi corpora in percussione omnem suum motum amittere, cum nulla existat causa motus reflexi: impossibilia igitur sunt corpora (dura), ex quibus illa duo opposita, & naturæ legibus contraria inferuntur (a).

26. Resp. Nego. primum esse naturæ legem: concedo secundum: facta igitur corporum durorum æqualium percussione, ea corpora vel penitus sistent, (suppono etiam habere velocitates æquales, aut massas reciprocas) vel a se invicem reflecterent, juxta diversas philosophorum opiniones, quas dedimus in lectionibus de motu reflexo, illiusque legibus, atque de collisione corporum durorum,

(a) Ita arguit Laud. A. loc. cit. giorn. 10.
Mont. Phil. T. III. B

rum, quo in loco priorem sensum probamus ob rationes ibi expositas. Si secundum teneas, causa sufficiens (determinans, non produciens) reflexi motus, sunt ipsamet corpora dura, & impetus contrarii, qui sibi invicem sunt mutui obices, atque ad reflectendum determinantes causæ. Nisi igitur alio de capite ostendatur corporum durorum impossibilitas, indubium mihi est, ea in præsentis rerum ordine esse possibilia: quin immo prima Elementa corporum meo, & communissimo aliorum judicio sunt perfecte dura.

**THEORIA MOTUS IN CORPORIBUS
MOLLIBUS.**

27. Ter: Experimenta in corporum durorum percussionibus facta non facile in nova opinione exponuntur: ea propter corpora perfecte dura, aut impossibilia dicuntur, aut in iis regulam Leibnitianam non observari fatentur. Corporum mollium percussiones, aut theoriam experimentis confirmatam, in nova opinione, Leibnitiani aliquorum, etiam Cartesianorum judicio satis explicant (a): Aliud tamen mihi videtur. En rei summam paucis expositam. Sibi mutuo occurrant duo corpora mollia AB, (Fig. 4. Tab. I.) primo ita, ut velocitates sint in ratione inversa massarum v. g. pondus A, 2 unciz, velocitas 8; pondus B. 4, velocitas item 4; 2. sit quantitas motus A major, quam B v. g. singulorum pondus sit 2. unciz; velocitas A 8, velocitas B duo, 3°. sit pondus A, 8; pondus B 1, velocitas A 1. velocitas B 3.

28. In primo casu in utraque opinione sunt quantitates motus æquales, nempe $2 \times 8 = 16$, & post percussionem utrumque corpus silet, ut experientia demonstrat: in veteri opinione etiam vires sunt 16, ac proinde æquales, & mutuo destruantur: in nova opinione vires A sunt 128, vires B sunt 64:
sunt

(a) Vide Desaguliers t. 2. lib. 6. in notis.

sunt igitur vires inæquales; nihilominus tamen sistant corpora; quia vires in mutuis contusionibus faciendis impenduntur integræ, (a) quintamen vires vivæ se numquam elidunt (b). In secundo casu quantitas motus A 16, quantitas B 4, effectus est, quod post percussionem moveantur per directionem corporis A velocitate communi 3: in veteri opinione vires oppositæ sunt 16, 4; 4 ex B, & 4 ex A eliduntur per actionem, & reactionem æquales: remanent 12, quæ divisæ per totam massam 4, relinquunt velocitatem communem 3:

29. In nova opinione vires A sunt 128, vires B 8: summa 136; post percussionem remanent vires 36, seu 4×9 : vires 100. in compressionibus, & contusionibus faciendis impenduntur: In tertio Casu sunt quantitates motus in A 8, in B 3: in veteri opinione sunt etiam vires 8, 3, ac proinde mobile A (Fig. 4. Tab. I) est fortius: in nova opinione vires A sunt 8, vires B 9; B igitur fortius: experientia docet, quod in percussione vincit A, & per suam directionem secum desert B, hoc est, major vis superat minorem in veteri sententia: minor superat majorem, secundum novam opinionem, eo quod, inquiunt, integra vis major in contundendo alio corpore impendatur.

30. Hæc experimentorum expositio in nova opinione non leve mihi ad veterem confirmandam supeditat argumentum. Et primo quidem A cum massa 9. velocitate 1. occurrat corpori B, cujus massa 1., velocitas 3, habes in nova opinione duas vires perfectissime æquales: prima tamen superat, & secum desert secundam: substitue secundo aliud sibi omnino quoad vires æquale, nempe massam 9, velocitatem 1; hæc duo sibi occurrentia sistant: quare igitur non sistant in primo casu, cum sint & inter se, & aliis in secundo casu substitutis æqualia?

(a) Ita post Muscemb. communiter respondent. *Elem. Physic.*

(b) Riccati giorn. 10. p. 339.

lia? quare non easdem in utroque casu contusiones, & contusionem summam efficiunt? Pressius ad rem veniamus.

31. Ponamus duo mobilia mollia A B, (Fig. 4. Tab. I.) ut in primo casu, quæ sint ex una saltem parte plana, secundum quam sibi mutuo occurrant, A quidem cum viribus 128, B vero cum viribus 64: sunt igitur vires inæquales, & majores in A: cur tamen non vincit A? quia majores illius vires in contusione, & compressione facienda impenduntur: Bene est: Ex tamen vires vivæ oppositæ non eliduntur, non destruuntur, aut pereunt: remanent ergo etiam post compressionem, contusionem, & percussionem factam: at vires vivæ sine motu esse non possunt, idemque est non existere motum, atque non existere vires vivas. Modo sic: vires vivæ impenduntur in contusione, ac compressione facienda: contusio, compressio, compplanatio fit per impressionem motus, & virium in primis superficiebus corporum occurrentium, & successive in aliis, quoad per totam massam diffundatur, ut alibi exposuimus (a): primæ partes NV v. g. in aliud corpus impingentes, vim, & impetum ex CD recipiunt, quo vel regrediuntur, vel tardius moventur, dumque interea partes RX, IS priori velocitate procedunt, fit condensatio partium in RX, & successive in tota massa corporis. (Pono experimentum fieri in recipiente evacuato). Hæc compressio, hoc est, motus incipiens ab NV diffunditur tandem per totum corpus NT, motusque, & vis corporis AD transit in NT, & vicissim: permutatis igitur viribus pergent moveri corpora motu reflexo. Uno verbo, vires vivæ semper manent, non destruuntur, non transfunduntur in alia corpora; cum ea in vacuo non existant: Compressio, & contusio non est expensa, est transfusio virium mutua: vires transfusæ perseverant: ergo manet summa virium antecedentium, vel
vires

(a) Vide lectionem 19. & 20. tom. 2.

vires vivæ se destruunt, contra atque ii contendunt.

32. Eodem argumento desumpto a distributione virium probabitur, quod in casu figurato mobile A non sistet, sed secum deferet B, cujus minores sunt vires, etiamsi admittas, vires vivas mutuo se elidere: cum enim contusio non sit expensa, aut amissio virium, sed transfusio, vires corporis B solum destruent impetum corporis A sibi æqualem, præcipue cum major adversariorum pars æqualitatem inter actionem, & resistantiam admittant: parte ergo virium, quæ superesset in A, utrumque corpus post percussione[m] moveretur.

33. Id tandem manifestius videbitur. si ponamus globos A B æquales, quorum alter B quiescat, alius vero A (Fig. 4. Tab. I.) cum 8 gradibus velocitatis in quiescentem incurrat (massa utriusque sint 2. unciz); ante percussione[m] est velocitas 8, massa 2, quantitas motus 16; post percussione[m] uterque globus simul cum velocitate 4 progreditur; massa item est 4, quantitas motus 16; in veteri igitur opinione eadem est ante; & post percussione[m] vis, & impetus; in nova opinione vis A erat 128, ante percussione[m]; post illam vero est 64, seu 4×16 : alia virium medietas in contusione facta ab A in B insumpta est. Experimentum in vacuo ponamus: Contusio fit in B per communicationem virium A in priores partes B contactui propiores, quæ huiusmodi viribus acceptis ad motum per directionem corporis A sollicitantur, immo & motum accipiunt: quæro huiusmodi vis, seu motus partibus corporis B communicatus, in illis receptus, easque movens, quo tandem abiit? cui tandem corpori partes priores B illum motum communicant? Sunt utrumque Corpus in vacuo constituta; nihil est, cui vires, impetus, motus communicentur: non eliduntur, aut destruuntur, ut fatentur adversarii: neque partes corporis B aliud agunt, nisi resistendo per vim mortuam, inertiz vires, impetus, & motum in se recipere: motus, & vires per communicationem non destruuntur, aut pereunt absolute in rerum natura, sed solum rela-

tive in corpore communicante : manent ergo eadem vires in illis duobus corporibus AB. Hæc ratio mihi videtur efficax.

COMPOSITIO VIRIUM.

34. Compositio, & resolutio virium ad earum mensuram agnoscendam non parum interveniunt : compositionem alibi exposuimus, cum motum compositum explicavimus (a). Ex ibi dictis, & modo circa resolutionem addendis, ita argumentamur. Compositio, & resolutio virium antiquam opinionem confirmat, novam evertere videtur : priorem partem vide inferius probatam num. 33: Existit in rebus compositio, & resolutio virium, ut ii, quibuscum agimus, fatentur, hoc est, corpus quodcumque A (Fig. 23. Tab. 4.) duabus viribus AR, AB angulum quemcumque BAR æfficientibus actum, percurrit lineam AC diagonalem ejus figuræ quadrilateræ cujuscumque, cujus prædictæ vires secundum earum proportionem, & directionis angulum, latera extiterint, viresque AR, AB componunt vim AC, immo sunt vis AC, aut illius causa. Rursus vis quæcumque AC resolvitur in duas quascumque AR, AB, quæ sint latera figuræ cujuscumque, cujus recta AC sit diagonalis : AC igitur producit, aut est vis duplex AR, AB.

35. Modo sic: AR, AB, AC repræsentant velocitates mobilis, seu virium, cum eodem tempore omnia percurrantur : quoniam autem causæ suis effectibus sunt æquales ; erunt vires AR, AB generatrices, aut componentes, vi AC generatæ, aut compositæ æquales, & vicissim : ea autem æqualitas visitur, & demonstratur inter quadrata rectarum AR, AB, & AC (b), minime autem inter diagonalem AC ex una parte, & latera duo ex alia, ut est per se evidens. Hic discursus, quantum-

(a) Tomo primo *Physicæ lect.* 16.

(b) *Geometr. Elem. secund.* n. 110.

rumvis specie verus., ex superius dictis & ex inferiorius dicendis, demonstrabitur falsus..

36. Rem promoveamus.. Præter causam adductam, quo vires efficiunt. angulum rectum, erit semper causa major, aut minor effectû: sint enim vires AE , AD angulum obliquum EAD efficientes: componitur ex his vis AB : est autem quadratum AB majus, quadratis AE , AD , seu $AE \cdot EB$ (*): ergo in omni compositione sub angulis acutis quibuscumque est causa minor effectû: in omni resolutione erit causa effectû major. Rursus eademmet vires AE , AD , mutatis directionibus in AF , AG , AI , AH , (Fig. 2. Tab. I.) angulum successive, & continue majorem, efficiant FAI , GAH &c., perfectisque parallelogramis, ut figura demonstrat; eademmet vires AE , AD , quæ modo sub angulo EAD vim producebant, aut componebant AB , effectum se ipsis majorem: dispositæ postea sub angulo FAI , vim aliam efficiunt AM , priori quidem AB minorem, se ipsis tamen majorem: angulo ulterius crescente, effectus seu vis composita semper erit successive, & continue minor; semper tamen major, quam causa dum angulus fuerit acutus: In resolutione vero causæ semper decrescent AB , AM , AL , eundem semper effectum, seu vires componentes producent, quæ tamen causa producente semper erunt minores, dum anguli fuerint acuti.

37. Cum angulus a recto transit in obtusum, res penitus invertitur: in compositione est semper causa major effectû, vires nimirum componentes AP AQ , majores, quam vis composita AC ; in resolutione est semper causa minor, quam effectus, hoc est, Diagonalis quadratum AC (Fig. 3. Tab. I.) minus, quam duo quadrata, seu vires compositæ, ac resolventes AP , AQ . Nisi igitur statuatur

(*) Eff enim $AB^2 = AC^2 + CB^2$; quæ duobus $AE^2 + EB^2$ sunt majora, ut demonstratur evidenter ex secundo Euclidis.

tur, vires componentes, quemcumque angulum efficiant, sese ex parte destruere, compositio, & resolutio exponi non poterunt: at posita etiam illa mutua destructione, & impedimento, adhuc nova opinio a compositione demonstratur falsa: tunc enim non amplius dabitur æqualitas, cum virium directiones angulum rectum formaverint: cum sit quadratum AC (Fig. 23. Tab. IV.) æquale duobus AB , AR integris, non vero ex parte diminutis, & vicissim.

38. Præterea compositio, & resolutio virium etiam in viribus mortuis locum habet, ut mille exemplis explicari, & demonstrari potest; perinde in mortuis, atque in vivis verificari debet æqualitas inter causam, & effectum. Si igitur & istud principium, & illa compositio, atque resolutio in viribus mortuis locum habet, quin tamen hujusmodi vires per aliqua quadrata exprimantur, aut mensurentur; idem pariter dicendum est de viribus vivis: atque si compositio, & resolutio in utroque virium genere eodem modo exprimi possint, ut fieri in veteri opinione probavimus; is proculdubio modus, & ratio præferenda est.

39. Gravitās, seu vis mortua corporis C recte exprimitur per CR ; eam componunt vires CI , CS (Fig. 7. Tab. IV.) sibi invicem normales, quæ latera sunt illius rectanguli, cujus CR est diagonalis, & quarum prima CI exprimit pressionem corporis in planum inclinatum; Secunda CS nifum corporis ad descendendum supra planum. Sit etiam aliud corpus S (ut ipsomet exemplo, & casu a P. Riccati allato utamur) supra duo plana DB , DC (Fig. 5. Tab. I.) diverse inclinata sustentatum in punctis E , F , ad quæ ex centro globi S ducantur rectæ SE , SF ad prædicta plana perpendiculares; ducto insimul radio SX ad horizontem perpendiculari, ex puncto infimo X ducantur XV , XT normales ad radios SE , SF . Repræsentet SX vim gravitatis corporis S , quam exercet supra sustentaculum, a quo sustentarentur in A ; hæc vis absoluta SX componitur ex duabus TS , SV , & in illas resolvitur, planaue DB , DC , solam vim gravitatis SX penitus sustinen-

flinencia, eam sustentant in ratione SV , ad ST ; pressio nimirum in E est SV ; pressio in F est ST ; utraque hæc pressio simul æquatur pressioni in X a vi SX .

40. Ad hoc ultimum, quod ideo attuli, ut exponendo statim argumento locum darem; respondetur secundum novam opinionem; locum etiam habere in viribus mortuis compositionem, & resolutionem virium, nullum tamen ibi dare effectum (effectum enim solummodo vocant mutationem status in corpora inductam); opus proinde non esse proportionem, & æqualitatem inter causam, & effectum adductis in exemplis quærere. Hæc responsio ad quæstionem de nomine rem iterum reducit. Duo plana DB , DC pressionem modo a corpore S patiuntur, quam antea non patiebantur: huiusmodi pressiones in corporibus DB DC receptas, veros effectus nuncupamus, cum sit aliquid, quod antea non erat: in hoc igitur etiam casu observari debet principium æqualitatis inter causam, & effectum.

41. Plurima ingeniose cogitata, & fusissime tractata proponit *P. Riccati*, ut compositionem virium in antiqua opinione impossibilem, ex nova necessario consequentem esse demonstraret (a): omnia expendere, integrum volumen requireret. Si virium compositionem in Cartesiana sententia exposuero, & vindicavero, satis conficiam Leibnitianam ex hoc etiam capite esse falsam; id quod ex hætenus dictis, & ex inferius adjiciendis confirmabitur.

42. Velocitates aut vires quæcumque perfectissime conspirantes, hoc est per eandem directionem tendentes in quocumque corpore A receptæ, nullo modo destruuntur, cum nullam habeant oppositionem: vires, aut velocitates quæcumque in eodem corpore receptæ, & perfecte oppositæ, perfecte destruuntur, si sunt æquales; imperfecte si sint inæquales; & remanet solum excessus majoris supra minorem: vires, aut velocitates quæcumque in eodem corpore A receptæ, & partim perfecte oppositæ,

(a) *Giornata 7. a pag. 202. ad 244. loc. cit.*

ta, partim perfecte conspirantes, destruuntur secundum partem, conservantur secundum aliam. Si corpus *A* urgeatur velocitate *AB* 3. & velocitate *BC* 2. secundum eandem directionem, ambabus simul velocitatibus 3, & 2, hoc est 5. movebitur. Si corpus *A* velocitate 3 versus *B* urgeatur, & alia æquali versus *D* directo oppositum; corpus subsistet, & vires se mutuo destruunt quoad motum producendum.

43. Si corpus *A* duabus viribus, seu velocitatibus *AE* 3, *AI* 3 urgeatur, sub angulo *EAF* quocumque acuto, recto, aut obtuso, earum velocitatum pars destruitur, pars altera conservatur: vires *AE*, *AF*, seu velocitates spectari possunt tamquam diagonalis rectangulorum *MB*, *NB*, ac proinde prima resolvitur in duas *AB*, *AM*, secunda in alias duas *AB*, *AN*: idem igitur est, corpus *A* duabus viribus *AE*, *AF* impelli, ac quatuor viribus seu velocitatibus *AM*, *AB*, *AB*, *AN*: ex his quatuor, duæ *AM*, *AN* sibi diametraliter oppositæ, & in hoc casu æquales, se mutuo destruunt, & nihil in corpore agunt, ut evidens mihi apparet; reliquarum beneficio *ME*, *MF*, cum sibi nullo modo opponantur, & perfecte conspirent ob parallelismum rectarum *ME*, *NF*, nullo modo destruuntur, spatiumque *AH* earum ope percurrit corpus, spatium inquam, æquale duobus simul *ME*, *NF*: idem pari ratione erit in viribus *AO*, *AP* æqualibus, aut inæqualibus, angulum rectum, aut obtusum quemcumque efficientibus. Uno verbo vires *AE*, *AF* sub quocumque angulo resolvuntur in quatuor *AM*, *AN*, *AB*, *AB*, secundum adversarios: duæ autem *AM*, *AN* evidenter se destruunt; corpus enim quodcumque *A* duabus viribus æqualibus secundum directiones oppositas tractum, neutri morem gerit, & quiescit: in omni igitur compositione virium aliquid deperditur.

44. Id etiam discursu, & ratione physica satis manifesta, & sensibili evinci potest. Sint *AE*, *AF* duo canales, per quos a puncto *A* viribus *AE*, *AF* impellantur duo corpora æqualia, secum tamen gamine elastico, quod sine magna difficultate disten-

stendatur: canales eas aperturas habeant, quæ sibi mutuo secundum longitudines respondeant, & per quas elasticum ligamen pertranseat: cum & corpora, & velocitates ponamus æqualia, mobilia per canales AE , AF pariter descendant, ligamen, seu funem elasticam ita progrediendo distrahent, ut ligamen sibi ipsi semper sit parallelum, & magis semper, & magis distractum, magis semper, & magis ulteriori distractioni continue resistet: distrahitur ligamen versus utramque partem æqualiter tantum ab X , quantum a Z : vires igitur distrahentes; & æquales sunt, & diametraliter opponuntur, ac proinde se omnino destruunt, seu potius pereunt in duobus mobilibus, a quibus proveniunt: iminuuntur igitur vires in mobilibus: neque enim eandem celeritatem habebunt, aut idem spatium percurrent corpora ligamen distraendo, atque antea cum libere movebantur, ut nemini dubium esse poterit: ligamen scilicet in corpora reagendo, atque ad sese trahere conando, rationem corporum in canalibus auget, & motum, vim, velocitatem minuit: vires igitur AE , AF sese ex parte destruunt.

45. Existit quidem virium compositio, & resolutio Physica, & Geometrica: Si compositionem physice attendamus, partes nimirum physice destruuntur, partes reliquæ simplicem vim component: resolutio vero physice dat solummodo eas partes componentium, quæ simplicem composuere, non vero partes destructas: exemplo res fiet clarior: corpus B actum viribus BF BD percurrit, & habet vim, ac velocitatem BG : pars BM provenit a vi BF , pars BL , hoc est, MG nascitur a vi BD : reliquæ componentium virium partes destruuntur, & vim BG non component: in resolutione vis BG dat easdemmet partes, quas accepit, non vero destructas, hoc est, vi BF dat, & restituit BM , seu BN ; velocitati BD restituit BO æqualem BL , aut MG . Est dicere, si sint 4 corpora æqualia $ABQP$, duo corpora AQ velocitatibus AB , QB impingentia in corpus B , in illo efficiunt velocitatem BG : Corpus vero P velocitate PB , aut BG impingens oblique in duo corpora AQ in B posita,

ta, atque movens secundum directionis BD , BF , iis imprimit velocitates BN , BO , quarum summa sit velocitas BG .

Geometrice ad proportionem solummodo, qua in resolutione vires distribuuntur, & in compositione constantur, & uniuntur, attendi debet. Si tamen hoc ultimum non probes, in priorem resolutionem, ac compositionem res omnis devolvitur.

47. Tandem unum, aut alterum ex Elasticis etiam attingamus, licet argumentis eo ex fonte hac in controversia deductis, ob indicandam statim rationem, non parum diffidam: arguo tamen ex communiter admissis ab ipsis etiam Leibnitianis. Sint laminæ elasticæ tensæ P (Fig. 8. Tab. I.) æquales: utrimque versus duo corpora AB æqualia, sibi opposita, & laminis adjacencia vim, & actionem producturæ, cum primum laxentur, planum MNO , cui omnia sunt imposita, ab M versus N celeritate, ut 1, simul cum laminis, & corporibus AB deferatur: uterque igitur globus ab M versus N celeritate ut 1 moventur, easdemque habent vires; cum statuuntur æquales: ea insuper laminarum actio, ut utrique corpori celeritatem, & vim ut 1. communicet; dum moveri pergunt elatere utrimque laxato, globus A sistit, quia duplici impulsione directe opposita, atque æquali, nempe ut 1. urgetur; B autem velocitate ut 2 pergit versus N : modo sic: si vera est nova opinio; ergo in A post laminarum restitutionem sunt vires nullæ, in B autem vires ut 4; cum antea vires utriusque essent 1: ergo elater corpori B vim addidit ut 3; eandem igitur corpori A impressit; ac proinde A cum viribus ut 2. retrogredi deberet: quiescit tamen: ergo elaterium vires non imprimit ut 3; neque B vim habet ut 4, sed ut 2, factum scilicet ex massa in simplicem celeritatem ducta; & imprimuntur vires, ut 1. singulis corporibus AB : cum vero corporis A directio sit corporis B , & plani directioni opposita, mutuo destruuntur æquales vires in A , duplicantur in B , ob oppositam rationem.

48. Ponamus 2^o. planum immobile, corpora vero AB inæqualia, primum v. g. duplum alterius: laxatis

xatis laminis percutiuntur, & impelluntur A B velocitatibus, quæ sunt massis reciproce proportionales: modo sic: ponantur æquales in elaterio vires versus utramque partem: hæ vires laxatis laminis, effectus producant, nempe mutationes status in corporibus A B, hoc est, determinatos illos motus, quos accipiunt ab elasticis laminis: si igitur existit semper æqualitas inter causam, & effectum; sunt etiam in hoc casu effectus æquales: effectus autem sunt vires, quas A B in se habent, & a laminis acceperunt: sunt igitur æquales hujusmodi vires: at cum sint velocitates inverse ut massæ, æqualia sunt facta ex massis in velocitates, inæqualia tamen facta ex massis in quadrati velocitatem, ut omnibus notum est.

Argumenta opposita.

49. Plurima in nos opponuntur, tum ab experimentis, tum etiam a ratione petita: eorum partem omittemus, quia, ut recte demonstravit P. Riccati, sunt puræ petitiones principii: hujusmodi est argumentum a theoria descensus corporum accelerati petittum, quod in utraque opinione pariter exponitur, & in utraque principium supponit. Dixi etiam superius, non satis me iis argumentis in præsentii controversia confidere, quæ a corporibus elasticis deducuntur, idemque ulterius extendi ad fossarum excavationem, & alia phænomena, atque effectus, quos in corporibus fluidis, mollibus, ac compressibilibus mobilia corpora efficiunt: eosque effectus tamquam justam, sinceram, atque exactam virium mensuram assumi non posse vehementer suspicor. Quod ego ut conjecturam Physicis propono, ipsi examinabunt, rejicient, aut probabunt.

50. Incertum scilicet esse existimo, proveniant necne ii effectus a sola vi, & impetu impingentis corporis: quamdiu autem non constet, nullam aliam causam illic intervenire, perperam eos assumam, velut virium impingentis corporis mensuram: Primo fluiditas in motu intestino particularum secundum plurimos consistit; in omnibus fluidis corporibus.

bus occultum, nescio quod, motus principium latere videtur; imo illud principium ad omnia corpora plurimi philosophi extendunt, atque in iis agnoscunt: vel id in universali, & elementari materia ignis, vel in alia quacumque causa consistat: extra dubium esse, in multis saltem corporibus, videtur, id principium ejus esse conditionis, ut quamdiu ab externa causa non excitatur, iners maneat, atque sine actione, quamprimum vero excitatur, in actione cum externa excitante causa concurrat, eamque adjuvet: integerque proinde effectus exteriori causæ, illiusque impulsui tribui non debeat.

2^o. Id principium corporibus etiam mollioribus, præcipue vero elasticis commune est: ignis enim universalis ubique diffusus existit: molliora præterea corpora aliquid de fluiditate participant pro majori, vel minori mollietatis gradu.

3^o. Præter illam materiam universalem, aliud etiam interni motus principium, occultum illud quidem, in elasticis existit. Hæc omnia plurimis phænomenis passim obviis firmantur: scintilla ignis in pulveris pyrii cumulum illapsa immensum producit motum: qui effectum illum unico scintillæ motui tribueret, a vero aberraret: illius causa in interno particularum elaterio latet. Idem est in omnium corporum combustione; ignis domui, arbori, navi applicitus, integram civitatem, sylvam, classem, comburit, & in motum vehementissimum excitat. Radii solares per vitrum transmissi, in ejusque foco congregati, vehementissimum ignem, hoc est, motum, in applicatis foco corporibus producit: cum corpus elasticum minus in aliud majus impingit, major est motus quantitas post percussionem, quam ante, ut alibi diximus (a), & experientia demonstrat. Ex his, & plurimis aliis, quæ afferri possunt, certum saltem mihi est, minime constare, effectus illos, quos in corporibus mollioribus, elasticisque observamus, ab impingentium cor-

(a) Tom. 1. *Physic. lect. de legib. mot. elasticor.*

corporum impetu unice provenire, eamque solum habere causam. Video quid conjecturis hisce meis ab uniformitate effectuum in diversis corporibus mollibus, fluidis, elasticis observata opponi potest: id tamen expositum discursum, & conjecturam non convellit.

Et hinc quamdiu mihi non probabitur, omne illud, quod in corporibus mollibus, fluidis, elasticis post aliorum corporum lapsum, aut percussionem observamus, ab impetu externo tantum provenire, his argumentis semper diffidam. Unum tamen, aut alterum proponam.

52. Opponitur 2^o. In compositione virium nulla est earum oppositio, neque destructio; tenetque proinde allatum superius argumentum contra Cartesianam opinionem pro Leibnitio: vires enim, quas dicimus ex parte oppositas, reducuntur ad perfecte conspirantes: si autem perfecte conspirant, nullo modo opponuntur, aut destruuntur: Sit corpus S , ut supra, duobus planis inclinatis DB , DC sustentatum in punctis E , F : SX (Fig. 5. Tab. I.), gravitas absoluta, ST , SV gravitates respective in planis, in quas resolvitur, & quæ componunt vim SX : producto XS in A , per A , ducantur tangentibus AB , AC concurrentes cum planis DE , DF productis: sunt igitur BA , BE æquales, sicuti etiam CA , CF : Si igitur ponamus duo puncta B , C immobilia, erunt EBA , & FCA duo vectes æqualium brachiorum circa BC girantium: fulcro constituto in R , quod vectium impediatur motum, corpus sphericum S intra plana constituo ut figura demonstrat: modo sic: Quoniam vis SX resolvitur in duas ST , SV ; æque sunt normales ad duo brachia $EBFC$; iisdemmet viribus premetur fulcrum R : vires igitur SV , ST spectari possunt in puncto R adunatæ: hujusmodi autem vires in fulcro spectatæ non amplius opponuntur, sed perfectissime conspirant.

53. Hoc argumentum, quantumvis ingeniosum, meam opinionem, & compositionem virium a me superius expositam non infringit, & potius ab adversariis solvendum est: Primo agimus de viribus mor-

33 *PHYSICA GENERALIS.*

mortuis, in quibus, nisi de nomine disputemus, & veram causam, & verum effectum habemus, ut superius dixi, veramque p oinde æqualitatem inter effectum, & causam: cum igitur circa vires mortuas omnes conveniamus, solvendum est ab adversariis propositum argumentum. Omissis igitur plurimis, quæ circa reductionem vectium curvorum ad rectos dici possent, Respondeo ex supradictis vim gravitatis corporis *S*, vim *SX*, pressionem in *X* absolutam, vim *SA*, pressionem in *A*, aut in *R* idem omnino esse: omnia autem hæc, hoc est vim *SX* v. g. neque componi, neque resolvi in integras *SV*, *ST*, sed in vires, seu rectas, quarum summa sit æqualis *SX*. In *R*, sicut & in *X* agit sola gravitas corporis, seu vis premendi: hæcmet vis neque diminuta, neque aucta, sed distributa non secundum quantitates *SV*, *ST*, sed in ratione *SV*, *ST* agit, & premit in punctis *EF*.

54. At, inquis, principium petimus, aut destructionem virium ex ratione oppositionis deserimus: vires enim *SV*, *ST* sese ex parte destruunt, inquit, quia opponuntur: si ergo in *R*, aut *A* nullo modo opponuntur, nullo modo se destruunt. Resp. vires *SV*, *ST* componentes opponi, & se ex parte destruere superius demonstravi; neque igitur integræ *SV*, *ST* simplicem *SX* componunt, neque *SX* in integras *SV*, *ST* resolvitur: probari igitur prius deberet, non vero assumi, vires integras *SV*, *ST* premere in *A*. Attamen, pergis, pressio in *A* est summa pressionum in *EF*: esto; sed summa pressionum in *EF* non est summa rectorum *SV*, *ST*, sed summa rectorum proportionalium ad *SV*, *ST* æqualis rectæ *SX*. Adde, etiam in *A* ob vectium dispositionem esse virium oppositionem, licet recta *AX* sit gravitatis directio, & communis tangens utriusque circuli: fac enim girare vectes circa puncta *BC*, & ex crescenti semper peripheriarum distantia virium oppositionem agnosces (a).

55. Op-

(a) Hoc argumentum invanies apud Riccati giorn. 1.

55. Opponitur 2^o. ex *Leibnitio*, & *Wolffio* (a). Duo mobilia AN ob gravitatem descendendo per AB4. (Fig. 6. 11. Tab. 4.) pedum, & per MN unius pedis altitudines, motumque suum accelerando, eas usque ad M, & B, descensuum terminos, vires acquirunt, quibus ad easdem MN, BA ascendant, aut ascendere possunt; suntque hujusmodi ascensus, atque percursa spatia virium in M, & B acquisitarum effectus integri: quoniam igitur causæ sunt effectibus proportionales; erunt vires ut 1. ad 4: velocitates tamen sunt ut 1. ad 2: sunt igitur vires vivæ in ratione duplicata velocitatum, seu in ratione spatorum. Hoc argumentum pendulis etiam applicari potest, meo tamen iudicio rem supponit.

56. Resp. A corporibus AN in descensuum terminis BM tollatur omnis resistentia ad motum a gravitate vel a medio proveniens, spatiumque sit, per quod libere moveri possint: in eo casu illa duo corpora viribus acquisitis in B, & M motu uniformi per spatia indefinita movebuntur, ut est evidens: quinam in hoc casu erunt virium vivarum effectus? spatia, inquires: at, non spatia absoluta, & indeterminate accepta repono; hoc enim modo accepta sunt effectus indefiniti virium definitarum: mensuræ igitur virium erunt spatia iisdem temporibus percursa, hoc est, determinata velocitas: velocitas igitur constans, & determinata, quæ ex viribus vivis in B, & M acquisitis oritur, est earummet virium effectus, & mensura. In casu argumenti ad aliud præter spatia attendere opus est; ut earum virium effectus, & mensuras habeamus. Suppono motum fieri in vacuo: Si nullæ essent resistentiæ, motus essent indefiniti, indefinita etiam spatia a viribus acquisitis, & semper conservandis percurranda, & sola velocitas esset determinata, & definita: in eo igitur casu non motus, neque spatia sunt mensura virium, sed actiones resistentiæ,

ex

(a) *Elem. Mathes. Mechan. cap. 7.*
Mont. Philo. T. II. C

ex quibus provenit, quod spatia non percurrantur indefinita, quod vires, & velocitates diminuantur, & quod vires vivæ acquiræ destruantur: sola autem gravitas, illiusque actiones unica illa causa sunt, & resistentia, quæ integram vim vivam acquiram in B, aut M destruit: per illas igitur resistentias superandas, quas corpus, & vis viva ascendendo semper offendit contrarias, dignosci, & dimetiri debet vis viva: per quid enim melius dimetiri debet vis, quam per id, quod exactissime illam destruit, & destruendo vicissim destruitur? Actiones autem gravitatis in ascensu per BA eduntur secundum tempus, an secundum spatia? Primum dicit *Cartesius*, secundum *Leibnitius*: argumentum igitur in utraque opinione proponi potest, & in utraque est petitio principii.

57. Opponunt 3^o. Experimentum *Riccioli* ab aliis deinceps paulo immutatum. In tabulam OP QS (Fig. 9. Tab. I.) sebo, aut butyro copiose obductam libere dimittantur gravia corpora spherica AB mole quidem paria; pondere autem inæqualia, hac lege, ut altitudines BV, AN, ex quibus demittuntur, sint eorum ponderibus reciproce proportionales: in casu autem nostro sit A corporis B pondere quadruplum, ac proinde altitudo BV erit etiam quadrupla altitudinis AN. Prædicti globuli rotunda vestigia, seu foveas ONM, RVŠ sebo imprimunt, & excavant accuratissimæ æquales: hæ autem foveæ, cum sint virium effectus, sunt ut ipsæ vires: vis igitur in B est eadem, atque in A: sunt igitur vires ut massæ per altitudines multiplicatæ: cum sit $A.B::BV.AN$; seu $A.B::16.4$: hoc est $16.4::16.4$: sunt autem $16 \times 4 = 4 \times 16$: at altitudines ANBV sunt spatia, seu celeritatum quadrata: ergo vires sunt massæ in quadrata celeritatum ductæ: nam velocitates sunt in ratione subduplicata altitudinum AN, BV, seu ut 4 ad 8: si igitur vires statuantur ut massæ in celeritates ductæ, erit vis A = 16×4 , seu 64; vis autem B = 4×8 , seu 32; ergo A vim habebit duplo majorem, quam B: duplam igitur foveam excavabit, quod est falsum.

58. Resp.

38. Resp. primo constare, & probari debet, eas fossas non aliam habere causam, quam decidentium globulorum imperus, de quo quamdiu non probabitur, dubitandum nobis est. 2^o. Corporum AB motus, & celeritates in N, & V acquisite ex acceleratis fieri æquales supponamus eo modo, quem superius diximus; deinde corporibus eo motu translatis eorum quantitates motuum, atque percussiones tam in duris, quam in mollibus, atque elasticis perpendamus, seu potius ea corpora AB eo motu æquabili translata sibi occurrere: vel ponantur mollia, vel dura, vel elastica, semper vincet A, & secum deferet B; quod posita virium æqualitate, impossibile esse superius probavi: dicendum proinde est, vires in A esse majores, quam in B, fossarumque æqualitatem ex alia causa petendam.

39. Tertio igitur respondetur communiter; mollia corpora, in quibus fossæ excavantur, considerata sunt, tamquam fluida imperfecta; in iis autem ex peculiari ratione fluidorum, resistentiæ, sive effectus sunt in ratione duplicata velocitatum, ut suo loco clarius explicamus: duo corpora AB in materia molli NV velocitates imprimunt, quibus moventur in sine descensus B scilicet duplam, A vero subduplam: B imprimendo velocitatem duplam expellit dupla velocitate duplam materiam eodem tempore, quo A expellit subduplam materiam velocitate subdupla: & hinc fossæ excavatz ex ratione fluidorum sunt in ratione duplicata velocitatum, ac proinde æquales.

60. Addo ego insuper, adversarios velint, nolint, hæc etiam probaturos, & parum illis favere argumentum: In tubo CB aqua pleno sit CP quadrupla altitudinis CD, apertisque in D, & P æqualibus foraminibus, exiliet per P aqua dupla illius, quæ exiliet per D (Fig. 12. Hydrostat.), habebitque celeritatem duplo majorem in P, atque in D, ut experientia, & calculo inferius demonstramus: modo sic: vires agentes in P, & D sunt vires mortuæ, gravitates nimirum aquæ: vis tamen in P est quadrupla virium in D, ut ex se patet: effectus igitur etiam erit quadruplus: ergo licet vis mortua

agens in P illic velocitatem tantummodo duplam imprimat, ex indole, & ratione fluiditatis efficitur; ut & virium mortuarum actio effectum quadruplum efficiat. Rursus si vera esset nova opinio, vis atque effectus productus in P est massa 2, in quadratum, 4, & velocitatis, 2, hoc est, 8; effectus autem, seu vis aquæ salientis in D est 1, hoc est, factum ex massa 1. in velocitatem 1; effectus igitur in P est octuplus effectus in D; causa autem est solum quadrupla, ut omnes in Hydrostatica demonstrant: causam insuper quadruplam producere non posse effectum octuplum, hoc est, causam debere esse suo effectui proportionalem, est axioma ab omnibus stabilitum: inde autem sequitur evidenter, vires non esse quadrata velocitatum. Non parum huic argumento tribuendum mihi videtur.

61. Opponitur 4^o. Experientia demonstrat, & nos etiam alibi stabilivimus, quod multoties in elasticorum corporum pressioibus major sit virium summa, & motus quantitas post percussione, quam ante illam, si vera esset Cartesiana opinio, cum tale quidpiam in nova sententia locum non habeat: ne igitur illud absurdum admittatur, antiquam opinionem deferere opus est. In corpus A v. g. elasticum, & quiescens, cujus massa, 1, incurrat aliud B (Fig. 4. Tab. I.), cujus massa, 9, velocitas 8, quantitas motus, seu summa virium, 24; post percussione tota quantitate motus B translata in A, regreditur B velocitate 4, hoc est viribus 12: major igitur est post percussione, quam ante illam, virium summa, secundum antiquam opinionem, cum in nova sententia eadem semper virium summa fervetur, ut facili calculo demonstrari posset.

62. Resp. ex supradictis post hujusmodi percussiones major est secundum utramque sententiam quantitas motus: hæc non impulsui directo impingentis corporis B (cujus vim, & virium mensuram quarimus) sed elasticitati corporum tribuitur: nisi enim corpora essent elastica, & impingens quiescente minus; motus qualitas non augetur: excessus igitur, atque augmentum quantitatis motus peculiari causæ ab impetu impingentis, corporis distinct-

distinctæ tribuendum est: mutato igitur nomine quantitatis motuum in quantitatem virium, res illa quæ secundum omnes est causa primi augmenti, secundum nos etiam est causa secundi, cum unum ab alio non distinguamus. Uno verbo prædictum virium augmentum elasticitati tribuitur, non impingentis corporis impulsui: quamdiu autem non probabitur nullam aliam causam hic intervenire præter impulsus prædictum, nihil contra nos. Eadem responsio similibus aliis argumentis adhibenda est.

63. *Opponitur Quinto. Argumentum Bernoulli:* concipe corpus C oblique moveri in elastrum L velocitate CL ut 2, & angulo inclinationis CLP, 30 graduum, cuius nempe sinus CP, est semissis radii CL: (Fig. 10. Tab. I.) suppono autem eam esse resistentiam in elastro, ut ad illud tendendum requiratur præcise unus velocitatis gradus in illo corpore, si perpendiculariter impingeret. Quid ergo fiet post incursionem obliquam corporis C in elastrum L, 2 Quoniam motus per CL componitur, ut notum est, ex collateralibus CP, & PL: & cum CP secundum quam corpus impingit in elastrum L, exprimat dimidiam celeritatem corporis per CL consumatur hic motus per CP tenso elastro L (perinde enim esset, ac si corpus C celeritate CP perpendiculariter incurreret in elastrum, quod per hypotheseam eam celeritatem destruere potest) remanente corporis celeritate, & directione PL. Producta igitur PL in M, ita ut LM sit æqualis PL, æqualis radii 3 (ponitur enim CL = 2), & applicato in M alio simili elastro, faciente cum LM angulum LMQ, cujus sinus LQ æqualis CP = 1. Per eandem rationem manifestum est, corpus C post tensionem elastri tensurum esse elastrum M, amisso motu per LQ & servato motu per QM. Prolongata utique QM ad N ut fiat MN = QM = radii 2, ibique substituto elastro simili tertio constituyente cum MN angulum MNR semirectum, quod scilicet & MR iterum sit æquale CP = 1. Patet similiter motum per MR totum impendi in tensionem elastri N, corpore interim moveri pergente directione, & celeritate RN = 1. Denique si hac celeritate residua impingat perpendi-

C 3

lari-

lariter in elastrum O, huic flectendo totam suam vim reliquam dabit: ipsum itaque corpus ad quietem redigetur. Hisce ita præmissis patet nunc potentiam corporis C tantam fuisse, ut per se solum tendere possit præcise quatuor elastra talia, ad quæ singula seorsim tendenda requiritur dimidia velocitas corporis æqualis ipsi C, ideoque cum effectus illius quadruplo major sit, quam effectus hujus, evidens est quoque, vim corporis velocitate 2 graduum quadrupla esse vis corporis ejusdem, vel æqualis velocitate unius gradus; baud absimili modo demonstrarem corpus C velocitate 3 graduum tendere posse 9 elastra, ad quorum unum tendendum unus velocitatis gradus in eo corpore requiritur, & tandem in genere numerum elastrorum tensorum semper esse quadruplum numeri graduum velocitatis. \equiv (a). Hoc argumentum appellat VVolfius demonstrationem; nostram vero sententiam errorem.

64. Respondeo. Nihil demonstrativi in allato argumento agnoscunt communiter, aut antiquæ aut novæ opinionis fautores. De elasticitate iterum, atque de motuum compositione, & resolutione res agitur. Probari igitur prius debet, 1º. corpus C velocitate CL in elaterium impingens, illud directe ferire tota vi CP, & servare totam vim PC. 2º. nullum hic intervenire effectum, elaterii proprium, atque virtuti elasticæ solummodo, aut principaliter saltem tribuendum: primum esse falsum superius demonstravimus: Quid vero de secundo judicemus, superius jam exposuimus.

65. Opponitur Sexto. Universalis gravitas, si qua existit, aut saltem gravitas corporum terrestrium, crescit, aut decrescit in ratione inversa quadratorum distantiae a centro terræ, ut inferius dicemus; corpora igitur descendencia ad terram, & motum suum accelerantia vim acquirunt, non in ratione temporum descensionis, sed secundum rationem spatiorum, hoc est, non secundum tempus, quod descendendo impendunt; sed secundum spatia, per quæ

(a) Apud VVolfius elem. mechan. cap. 7.

quæ transeunt: fluxus enim per spatia, non fluxus temporis vires auget: cum igitur tempora sint velocitates, spatia sint velocitatum seu temporum quadrata; sunt vires corporum cadentium, ut quadrata velocitatum in massam ducta. Hoc argumentum, tanquam valde probabilem coniecturam ex suo etiam protulit, aut saltem in hanc formam redegit P. Riccati.

66. Respondeo Primo, argumentum viribus etiam mortuis competit, ut ex se facile patet; si ergo argumento non obstante, vires mortuas etiam Leibnitiani per simplicem velocitatem dimetiuntur; nihil ex illo etiam contra vires vivas concluditur. 2^o. Non extenditur, etiam argumentum ad motus æquabiles, ad vires constantes, ad percussiones instantaneas &c; cum igitur vires acceleratæ, aut retardatæ ab æqualibus non differant ipsius etiam P. Riccati confessione, easque vires satis efficaciter hætenus probavimus per simplicem velocitatem mensurari; concludendum pariter est, vires non accelerari, neque retardari, non produci, neque destrui secundum spatia, sed secundum tempora. Dico igitur actiones gravitatis augeri, ipsamque gravitatem agere secundum tempora: gravitas enim est causa necessaria semper instans, &urgens. Dum igitur non est impedita actiones suas secundum tempus multiplicat a duobus corporibus gravibus decidentibus, diverso tamen tempore idem spatium v. g. 50 pedes prope terram percurrentibus, itaut in illis peragrandis duo minuta secunda impendat; aliud vero impendat unum; in illo spatio, percurrente plus aget gravitas primi quam secundi, idque in ratione temporum; aliter gravitas, vis & causa necessaria, in dimidio tempore nihil ageret, sed staret otiosa, & iners, cum tamen nihil esset, quod eam impediret: hocque pacto in antiquum, & explosum *morularum* systema incideremus; & cum velocitas semper augeri possit, & imminui; corporaque gravia minori semper, & minori tempore datum illud spatium percurrere; sequeretur inde gravitatem, vim necessariam, semper instantem, & prementem, per 20,

200, 1000 millionem partes temporis sui descensus nihil agere, omnesque actiones suas exerere in minima parte temporis. Dicamus igitur potius cum omnibus Philosophis, & cum communi hominum sensu, ea lege naturalibus causis vim agendi fuisse a Deo datam, ut secundum temporum rationem effectus suos agerent, cæteris tamen paribus. Alia etiam argumenta a Leibnitianis proponuntur, quæ quidem omnia longum esset referre, neque necessarium; cum vel parum differant ab hætenus expositis, vel ipsorum etiam adversariorum iudicio parum habeant ponderis. Legi potest P. Scherffer (a), & Riccati in laudato hætenus opere, in quo nihil modestiæ, sublimioris Geometriæ, & meditationis desiderabis.

LECTIO SECUNDA.

De viribus Centralibus, Centipreta nimirum, & centrifuga.

DEFINITIO.

67. Lapis funda circumactus, & a manu immobili in revolutionum a lapide descriptarum centro retentus, si excutiat, aut libere abire permittatur per rectam circuli revolutionis tangentem, projicitur, & a manu seu revolutionis centro fugit: dum vero manu retinetur, positive semper a centro recedere conatur, atque manum trahere nititur, funem distendit, positivæque in manu vires opus sunt, ut circumactum lapidem, recedere semper affectantem retineat, ac ad sese trahere adnitatur: in quocumque igitur corpore in funda, sicut & in curva alia quacumque girante, duo saltem nifi inveniuntur, unus, quo ad centrum corpus retrahitur, alius, quo per tangentem idemmet corpus

(a) Tom. 1. *Physicæ*.

pus abiret. Sit v. g. corpus A, quod vis quædam AX ad punctum determinatum X semper, & ubique trahat: alia autem potentia AB cum priore AS angulum v. g. rectum efficiens, idem corpus per AB projiciat; mobile igitur motu composito in C deferetur in puncto C secunda potentia per tangentem CT semper designata, & prima CV ad centrum semper tendens, corpus iterum per diagonalem CZ movebunt, & ita deinceps. Hujusmodi vires communi vocabulo *centrales* nuncupantur, habita nimirum ad punctum illud X revolutionum, centrum, relatione.

Distinctionis tamen, & muneris gratia, prior *Centipreta* appellatur, quia corpus ad centrum semper, & ubique trahit: posterior vero *centrifuga*, quia mobile a centro semper removet. Suntque proinde hujusmodi vires inter se contrariæ; cum prima ad centrum, secunda a centro corpus moveat, aut movere adnitatur. Licet autem vis centrifuga mobile A non per radium XA directe a centro removeat, sed illud per rectam tangentem AB dirigat; vi tamen centripetæ opponitur: corpus enim per tangentem ABP delatum a centro X magis semper & magis recedit quantitativè CB, ZM, RN, OP &c: rectaque DX sensim circa centrum X girante, per eandem directe a centro recederet corpus A ea in recta, tamquam in canali delatum: directe igitur prædictæ vires opponuntur, saltem in effectibus, & mensuris, licet una per tangentem AB corpus impellat, alia autem per AX illud a tangente deturbare, & ad centrum adducere adnitatur.

DEFINITIO.

68. Cum ejusmodi virium beneficio, non recta aliqua, sed curva linea ACO (Fig. 11. Tab. I.) describatur, ut infra demonstrabimus, hujuscæ curvæ centrum X centrum virium dicitur. Ipsa autem curva ACO mobilis *orbita*, aut *trajectoria* nuncupatur. Recta XA a centro orbitæ ad peripheriam ducta dicitur virium, seu *orbitæ radius*. *Tempus periodi-*

riodicum est illud, quod mobile in orbita percurrentia infumit.

69. Vires centrales, quibus hæc orbita percurritur, potissimum tamen vis centrifuga, aliud non sunt, quam ipsemet impetus corporis girantis, sed per lineam rectam semper moveri, & recedere conantis, ab ipsius corporis inertia conservatus. Hujusce virtutis effectus, & veluti mensura relative ad centrum X est pars CB , ZM , RN lineæ secantis AP a centro ad tangentem ductæ, & interceptæ inter arcum, & ipsam tangentem: per illa enim segmenta recessus corporis a centro, & illius retractio ad centrum exhibetur, hoc est, quantum corpus recederet a centro, & curva, si f la vi centrifuga urgeretur, & quantum valeat etiam vis centripeta, quæ mobile tantumdem retrahit, ne prædicta segmenta girando, & recedendo percurrat. Uno verbo, dum corpus A in orbita AO revolvitur, conatur semper a centro recedere, & semper ad centrum retrahitur; Conatus & vis recedendi a centro, qua scilicet corpus girans manum X secum trahere nititur, exprimitur per CB , ZM &c. per quæ recederet corpus, nisi perpetuo ab alia vi in X residente; aut ad X tendente impediretur: per eandem igitur segmenta rectæ secantes CB , ZM &c. exprimitur vis centripeta, seu vis illa, quam in manu X residere opus est, ut illum recedendi conatum impediat, & corpus ab orbita recedere non permittat.

70. Hujusmodi recedendi conatus & vis recessioni obstands, eamque impediens, seu vis centripeta, ac centrifuga aliud sunt a velocitate, seu quantitate motus corporis per orbitam; seu potius non semper eandem servant proportionem, ac velocitates corporis in orbita, ut statim dicemus.

71. In arcubus insensibilibus, & minimis linea CB sensibiliter non differt ab alia CH perpendiculari ad tangentem, parallela ad NS , & parallelogrammi SH latere. Et hinc atque ex modo dictis plures sunt, qui vim centripetam per AS , vim centrifugam per CU exprimant; atque exinde deducant, hujusmodi vires in corpore per curvam quam-

quancumque giranti semper esse equales. Quidquid de hujusmodi expressione, aut æqualitate sit, aut intelligatur; mihi certum est, vires centripetam, ac centrifugam corporis in circulo girantis esse æquales: in aliis tamen curvis eam æqualitatem ita intellige, ut nonnumquam alia aliam vim superet, & corpus modo ad centrum magis accedat actione vis centripetæ supra centrifugam, modo a centro magis recedat beneficio vis centrifugæ. Ponamus scilicet corpus circa focum A ellipseos XDSM (Fig. 22, tab. 4.) virium centralium beneficio convolvi: manifestum est, ab apside X ad focum A magis vicino ad apsidem usque S corpus magis semper, & magis a foco A virium centro recedere; a puncto autem S ad aliud oppositum X iterum regrediendo magis semper, & magis ad centrum virium accedere: jam vero primus recessus vi centrifugæ tantummodo tribuitur, sicut etiam secundus accessus centripetam omnino habet causam. Quoties igitur in curva non servatur eadem distantia a centro virium, opus omnino est, ut vires vicissim alia supra aliam agant; interim tamen opposita latera MX, NO (Figura 21. tab. 4.) parallelogrami XMNO, cujus duo latera MXMN vires centrales representant, sunt æqualia; sed ea duo opposita latera MXNO proprie solum representant vim centripetam MX, & illius effectum NO, seu quantum ejus virtutis beneficio corpus a tangente retrahitur, aut ne abeat, impeditur. (a)

72. Sunt etiam, qui in casu revolutionis corporum tres vires distinguant, *Centripetam*, *centrifugam*, *tangentialem*: at cum posita projectione corporis A per tangentem AP, & gravitate versus centrum X, nullaque alia vi accedente, corpus A per curvam moveatur; duplicem tantummodo descriptam vim agnoscimus, earum actiones, & actionum mensuram distinguimus juxta ea, quæ diximus de compositione & resolutione virium (b), vires scilicet

ex

(a) Vide quæ diximus in astronomia physica, lectione ultima.

(b) Lectione antecedenti; t. 1. lectione de motu composito.

44 PHYSICA GENERALIS.

ex parte se destruere, ex parte item se mutuo juvare. Si quis tamen eas vires, aut earum effectus, & mensuram aliis nominibus significet, id minime refert.

OBSERVATIO.

73. *Duo corpora solida æqualia, atque ejusdem massæ v.g. duo globi eburnei, tenui filo ita invicem sint commissi, & disposita, ut alio in motus centro quiescente, aliud circa ipsum impellatur, impulsus globus circa primum quiescentem revolvitur, sensim tamen a centro recedit, & quiescentem globum a centro extrahit, & secum abripit.*

Experimentum fieri facile poterit, si tabula aliqua circularis, tenuis crassitie, & satis lævigata ita horizontaliter aptetur, ut circa ejus centrum horizontaliter, magnæque velocitate convolvatur. In rotæ enim centro, puncto scilicet immobili, alter globus constituitur, alius vero ope fili cum primo commissus in media inter centrum, & peripheriam distantia positus, una cum rota convolvitur. Hac inquam ratione prædictus effectus obtinebitur.

OBSERVATIO.

74. *Quod si globi quidem in dictis jam locis locentur, filum tamen illos priori in experimento committens, antequam rotam convolvere incipias, rumpatur; factò iterum periculo, hoc est, rota lignea ad horizontales revolutiones acta; primus quidem globus perstat immobilis in centro; secundus libere ab illo recedit. Si tamen ejusmodi globi filo iterum commissi, in æqualibus a centro distantis dispositi ad motum circularem concitentur: in eadem semper distantia circa centrum revolvuntur (a)*

OBSERVATIO.

75. *In vitreis duobus tubulis ab una sui extremitate C*
aper-

(a) Experimenta Nollet tomo 2. pag. mibi 44.

apertis, eaque ex parte tubo seu vase *A* aqua, aut quibuscumque aliis liquoribus pleno, commissis, atque communicantibus, ab alia autem extremitate *B* hermetice clausis, & capitatis, oblique insuper ad horizontem dispositis, & circa tubum *A* circumactis, aqua a vase *A* sensim per tubos *BH* (Fig. 12. tab. 1.) ascendit, & sphaerulas concavas *BH* replet; Prædicti tubi, aut alii quicumque similes ad horizontem etiam inclinati, atque ubi invicem inferius communicantes, diversæ gravitatis ac densitatis liquores contineant: immotis quidem tubis, densius fluidum eorum in fundo quiescit, leviora supra densiora, & graviora gradatim existunt: tubis autem in orbem actis circa commune commissuræ punctum *C*, ordo, & situs fluidorum penitus invertitur: gravius enim fluidum sensim ab infimo loco, ac revolutionum centro recedendo, perque tubum, & medios alias liquores ascendendo, supremum, & remotiorem a centro locum occupat, in eoque deinceps girat: alii suo etiam ordine graviores supra leviores ascendant, & circumvolvuntur.

OBSERVATIO.

76. Id etiam alia ratione obtinere possumus: tubum vitreum oblongum, & parum amplum puta *BA* (Fig. 11. tab. 4.) pluribus liquoribus diversa specifica gravitate præditis imple, ut graviores deorsum versus *B*, leviores superius existant, dum tubus quiescit: manu postea tubum & extremo infimo *B* prebendens illum, vel horizontaliter, vel verticaliter, vel oblique ad horizontem rapide convolve, ita ut extremum *A* circulationum peripheriam describat. Observata antea phaenomena hac iterum ratione observabis; qui liquores ob majorem gravitatem erant in *B* sensim ad aliud extremum *A* ascendent, & alii secundum gravitatis rationem deorsum ad centrum, detrudent.

Quodsi ambo tubi eundem contineant liquorem puta aquam, in alio autem eorum suberis globus, aqua levior, in altero cupreus aqua densior, ac gravior, includantur: Stantibus quidem tubis, suber supra aquam; infra illam tubulorum in fundo quiescit cupreus: circum actis tamen tubis, cupreus globus sensim ad tubi extre-

extremitatem elatiorem ascendens, supra aquam circumvolvitur, eamque, ascendendo deorsum detrudit; suber e contrario a tibi extremitate deorsum paulatim ab aqua sursum ascendente protruditur; quoad infra aquam penitus rejectum in infimo loco girat (a).

PROPOSITIO SECUNDA.

77. *Corpus quodcumque tam solidum, quam fluidum circa punctum aliquod in curva circumvolutum, expositis modo centralibus viribus movetur, quarum scilicet una per tangentem agit, altera vero ad centrum, seu ad punctum aliquod intra curvam positum dirigitur.*

Primo enim corpus quodcumque A motu solummodo composito potest curvam describere (b); Si enim motu simplici promoveretur lineam rectam describeret: duabus igitur saltem urgetur viribus. Ejusmodi autem vires sunt centrifuga & centripeta: nam omne corpus circa punctum revolutum, & sibi derelictum per rectam tangentem a centro fugit (n. 73.) vi igitur centrifuga urgetur ut abunde ex allatis observationibus constat. Secundo. Qui manu lapidem in funda circumagit, vehementem in manu ipsa lapidis conatum, ac vim experitur; quia a manu, seu revolutionum centro recedere semper nititur, manumque una secum trahere. Tertio, Aqua etiam, fluida omnia ac quaecumque gravia corpora contra gravitatis indolem ascendunt, dum circumvolvuntur: Est igitur in iis omnibus vis, & conatus recedendi, ac proinde est etiam vis impediens discessionem, dum in curva moveri pergunt corpora; aliter enim sublata vi impediente, curvam illico defererent.

Satis igitur praedicta utraque vis demonstratur: nisi enim lapsus A v. g. funda circum actus, & circa manum, aut centrum X revolutus a vi aliqua versus ipsum centrum perpetuo retraheretur, lapis
per

(a) *Experimenta Nollet loco citato pag. 47. 57.*

(b) *Tom. I. Lc. 13.*

per arreptam semel viam rectam AP (Fig. 1. tab. 1.) progredieretur, atque a X in infinitum discederet: quia igitur non discedit, sed curvam ACO circa punctum X describit a semitis rectis ubique recedendo; a vi aliqua versus X perpetuo detinetur, & protruditur. Hujusmodi vis in lapide a manu funda circum acto est vis retrahens manum, quæ lapidem abire semper conantem detinet: in aliis autem corporibus circa centrum aliquod girantibus v. g. aere circa centrum telluris in copernicana hypothese, est ipsorum corporum gravitas, seu gravitatis effectus.

78. Vis centrifuga corporum ex vi etiam inertia pendet, atque probatur, sicut, & ex generali motus lege (a), ut modo insinuavimus: corpus enim A secundum directionem aliquam AP impulsus, ex vi propriæ inertia; atque ex citata lege motus per eandem rectam semper moveretur: at per rectam AP progredi nequit, quin a centro X semper magis, & magis recedat: Stante igitur virtute inertia, & universali motus lege, quas supra stabilivimus, inficiari nullus poterit, corpora omnia circa centrum quodcumque girantia virtute centrifuga donari.

79. Vim etiam centrifugam innumera passim experimenta, & obvia phaenomena demonstrant: currum, & machinarum quorumcumque totæ, dum circumvolvuntur, aquam, pulverem, platearum lutum, ac canum viscositate sua rotarum periphæriæ aliquantulum adhærens, per lineas rectas tangentes rotam ipsam projiciunt. Hujus etiam virtutis beneficio frumentum sub molendini rota contritum, atque in pulverem redactum, sensim a totæ girantis centro discedit quoad illius periphæriam attingens per tangentes a circumvoluta rota projicitur. Hoc pacto plura alia phaenomena virtuti corporum centrifugæ accepta referimus. Et hinc vis centrifuga non est aliquid in physica novum; homines enim numquam latuit, lapidem funda circumactum, cum primum demittatur, impetu a manu recedere. Ex quo

(a) Tom. 1. Lect. 12. 13.

48 *PHYSICA GENERALIS.*

quo igitur homines, atque pueri fundis lapides projiciunt, mulieresque triticum clibano purgant, vim centrifugam agnoscunt; neque aliud agimus, quam rei antiquæ nomen novum tribuere, illiusque leges, atque effectus explorare.

Expositam propositionem experimentis, & ratione satis probatam non leviter confirmabimus si motum ex hujusmodi viribus compositum supponamus, quo insimul propositio conversa demonstrabitur.

PROPOSITIO TERTIA.

80. *Omne corpus A duplici vi ad motum sollicitatum, quarum una ad punctum aliquod determinatum X (Fig. 11. tab. 1.) perpetuo corpus trahat, altera secundum directionem AP, v. g. ad priorem AX perpendicularem dirigatur, curvam circa datum punctum X describit.*

Corpus A per rectam AP ita projiciatur, ut tempusculo insensibili spatium AB percurreret: insimul autem alia potentia ad X trahatur, ita ut eodem tempusculo, si huic virtuti solummodo morem gereret ad 5 perveniret: mobile igitur neque AB, neque AS describet, sed per AC incederet. In C existens, iisdemque iterum viribus per CT, CV sollicitatum lineolam CZ describeret, & ita in omnibus aliis punctis, quæ sequuntur. Jam vero lineolæ AC, CZ, ZR &c. insensibiles, & sibi continuæ curvam AO componunt, ad quam a tangentibus per vim centripetam corpus continuo retrahitur. Non tamen dicimus curvam a corpore duabus prædictis viribus acto descriptam, in se ipsam semper redire, & spatium comprehendere; plurimæ enim sunt curvæ in se non redeunt, v. g. parabola, hyperbola &c. ex tamen a viribus centralibus describi possunt. Quod igitur corpus lineam curvam in se redeuntem describat, a ratione inter vires centrales intercedente dependet. Vide dicenda in astronomia physica lectione 17.

PHÆNOMENA.

81. *Plurima, quæ passim obvia sunt, phænomena per supradictas vires explicantur. Primo enim, si vas aqua plenum, & aperto ore, manu v. g. prebendum circumducas per aerem in plano ad horizontem perpendiculari; in superiore circuli parte, converso in terram ore, aqua non diffluit sed concepta vi centrifuga propriam gravitatem superans, vasis potius fundum, ac latera premit. Etenim, si interea, dum vas superiorem circuli arcum describit, terramque aperto ore despicit, foramen in fundo, aut latere aperiretur; aqua illico gravitati suæ minime cedens, per apertum foramen sursum, aut per tangentis profiliret. Neque id solummodo in aqua, aut in cæteris fluidis, verum etiam in corporibus quibuscumque solidis, quæ tamen facile in prædicto casu ruerent, passim observamus.*

PHÆNOMENON SECUNDUM.

82. *Quod si idemmet vas ore sursum verso horizontaliter circa centrum aliquod rotetur; aqua per aversum a centro labium secundum circuli tangentes diffluit; magnam enim vim centrifugam acquirens aqua, prædictum vasis labium fortius premit, in illudque tota consuens ex ea parte supra vas ipsum æffurgit, atque a vase ad motum centrifugum libera per tangentes recedit. Quod si illudmet vas non circa externum centrum extra vas positum, sed circa se ipsum, ut quotidie fit, convolvamus; aqua, aut liquores cæteri, dum circumvolvuntur, cavam superficiem superne efficiunt, a cujus centro in vasis axe posito versus omnia vasis latera sese circumquaque attolunt. Vi enim centrifuga a revolutionis centro, aut axe versus peripheriam circumquaque fugiens liquor, & in vas ubique impingens attollitur a subsequente acque semper impulsus.*

PHÆNOMENON TERTIUM.

83. *Pueri etiam aliquando ludendi gratia pedibus erecti velociter circa se ipsos vertigine convolvuntur; at*
Mont. Phil. Tom. III. D paucis

paucis volutionibus absolutis sistentes, horisontem circa se ipsos circumvolvi videre sibi videntur; perturbato cerebro vix sese a lapsu immunes sustinent, nec nisi aliquantulo temporis interjuncto pristinum statum recuperant. Spiritus scilicet animales, omnesque corporis humores impetu, seu vi centrifuga concepta & acquisita, dum in vasibus quisque suis convolvuntur, ad corporis superficiem contendunt, rectumque spirituum ordinem, ac functiones perturbant, hominemque vix sui compotem, & ad hujusmodi functiones aptum relinquunt.

Iidemmet spiritus in fundo oculi, & prope retinam girantes atque circumvoluti, moveri adhuc pergunt, & fluctuant; sistente jam corpore, receptamque proinde externorum objectorum impressionem secum circumferunt, atque ex diversis retinæ partibus ad cerebrum emittunt, puer tamen hujusmodi motum non animadvertens, neque persentiscens, eum ad externa corpora refert: sed hæc clarius suo loco explicabuntur.

PHÆNOMENON QUARTUM.

84. Innumera porro sunt, quæ passim observamus ab hujusmodi viribus pendentia. In omnibus machinis, in quibus rotæ cum impetu convolvuntur, molendinis, torcularibus, & aliis, insignia hujusmodi virium phænomena, & effectus observamus. Molendinorum, & similium machinarum rotæ aqua velociter convolutæ aquam ipsam per lineas tangentes cum magno impetu projiciunt.

Frumenti grana intra molas prope axem cadentia vi centrifuga intra ipsam molæ massam trabuntur; eademque vis efficit, ut dum rota convolvi pergit ipsa in farinam paulatim comminuta, & redacta ad molæ peripheriam magis semper, & magis accedant, quoad peripheriam attingentia per tangentes a molis ipsis protruduntur. Alia sane machina opus esset ad commune hoc hominum beneficium obtinendum, nisi in rebus vis centrifuga existeret.

Tritissima non numquam earundem virium exempla æerei turbines edunt, hujusmodi scilicet ventus in vorticem rapidissime actus homines, armenta, facillime abripit: in gyros, in altum attollit, ad magnas distantias per

per lineas tangentes projicit, arbores eradicat, domos subvertit, & dissipat, milleque alia, dum circa axem suum rapidissime convolvitur, insimulque ab uno ad alium locum transit, ruinarum vestigia post se relinquit.

Dum etiam festivi ignes grata nobis spectacula noctu exhibent, id semper observamus, igneas scilicet rotas, cum inceduntur, & ardendo circa axes suos rapidissime convolvuntur, perennem scintillarum torrentem per tangentes tamdiu emittere, quamdiu & inflammatio, & vertigo perseverat.

Vis tandem centrifuga, ut mille alia omittam, atque constans illa omnium corporum lex, ut per revolutionum tangentes abeant, efficit funditorum artis fundamentum, ut facile ex dictis demonstratur.

PROPOSITIO QUARTA.

85. In plurimorum corporum gyrationum systemate, si alia aliis sint densiora; alia item aliis ad motum aptiora, partes densiores majorem vim centrifugam acquirunt; eaque majori virtute acquisita longius, quam variorum a centro recedunt, & recedendo debiliores ad centrum detrudunt, aut detrudere nituntur.

Utraque propositionis pars ex allatis hactenus observationibus demonstratur. Nam graviore, seu densiores partes quorumcumque fluidorum, alias minus densas ad centrum repellunt; dum majori, conatu ab illo recedunt. Idem in fluidis respectu solidorum, in solidis relate ad liquida verum habet; Ut tamen hæc propositio; ex qua corporum gravitas juxta plurimos philosophos dependet, magis; enucleetur altius repetenda virium centralium theoria.

PROPOSITIO QUINTA.

86. Vires centrifuge duorum, aut quorumcumque corporum eadem velocitate in eadem a centro distantia circumvolvuntur; sunt in ratione directa massarum corporum;

Id ex motuum theoria est evidens: pone enim massas æquales, aut eādem: sunt igitur omnia ele-

menta virium æqualia, seu eadem, ac proinde etiam vires. Si ergo tota massa corporum variatur, augeatur aut minuitur, reliquis elementis manentibus iisdem, variantur etiam, augentur, aut minuuntur vires corporum in ratione variantis elementi, ut est per *e*, & ex motuum, aut virium theoria manifestum.

E pluribus igitur corporibus quibuscumque in eadem a centro distantia, eadem cum velocitate gyrationum, aut impulsorum, quæ densiora sunt, ad maiorem distantiam recedunt, & ab iis leviora ad centrum detrahuntur. Si vero corpora, seu particule corporum sint æque densæ, & magnæ, eadem in omnibus erit vis centrifuga, neque aliæ alias ad centrum projicient.

PROPOSITIO SEXTA.

87. Si duo, aut plura corpora quæcumque æqualia in orbis inæqualibus circa centrum iisdem temporibus volvantur, servatis iisdem a centro distantis, erunt illorum vires centrifugæ, ut orbitalium radii, seu, ut distantie corporum a centro.

Duo corpora æqualia sint *DA*, eodem tempore arcus similes *AC*, *DE*, (Fig. 11. tab. 1.) hoc est, integras orbis percurrentia: vis centrifuga corporis *D* est *FE*; corporis *A* est *CB* (n. 69.): sunt autem *FE*, *BC*, ut *DX*, *AX*: Nam *FX* est ad *BX*, ut *BX* ad *AX* (a), hoc est, ut *EX* ad *CX*: quoniam ergo tota *FX*, *BX* sunt inter se, ut ablata *EX*, *CX*; etiam reliqua *FE*, *BC* sunt inter se, ut tota *FX*, *BX*, seu, ut distantie *DX*, *AX* (b).

COROLLARIUM I.

88. Ponantur duo corpora *DA* in duabus fundis inæqualibus *XD*, *XA* (Fig. 11. tab. 1.) a manu *X*,
cir-

(a) *Elementum Geometriæ* 3. (n. 125.)

(b) *Elem. geom. introd.* (n. 43.)

circumduci eodem tempore, erit nifus lapidis D, ut a manu recedat, seu nifus in manu necessarius, ut lapidem retineat, ad alios similes nifus corporis A, ut fundarum longitudines DX, AX: erunt igitur etiam in hoc casu, ut circumferentiæ orbitarum, immo & ut velocitates; circumferentiæ enim circulatorum sunt, ut radii; velocitates autem, cum tempora periodica sint eadem, sunt ut spatia, hoc est, circumferentiæ, hoc est radii circulatorum.

COROLLARIUM II.

80. Si duo corpora DA diversis in orbitis eodem tempore gyrantia sint inter se inverse ut illorum distantia a centro, seu orbitarum radii; erunt inter se æquales eorum vires centrales. Generatim enim vires corporum centrifugæ sunt factum ex corporis massa ducta in FE, v. g. aut BC, nifum recedendi a centro: dum igitur massæ & nifus FE, BC fuerint reciproce proportionales, vires erunt æquales, ut ex Geometria est manifestum (a).

Et hinc etiam sequitur, quod si densitas corporis A sit ad densitatem corporis D in majori ratione, quam distantia DX ad distantiam AX, major erit vis centrifuga corporis A, quam vis corporis D; ac proinde A sensim girando magis recedet a X, quam D, illudque postremum corpus ad centrum ad illo repellendum.

PHÆNOMENA.

90. Hinc manifeste jam deducitur primo, quare circumducto circa unam sui extremitatem tubo in quo plures liquores diversarum densitatum, ac gravitatis specificæ continentur, qui densiores sunt, & prius inferiora loca occupabant, majoribus viribus centrifugis acquisitis versus tubi summam aſcendant, aliosque deorsum versus centrum impellant.

Secundo. Qui triticum a paleis, lolio, arenis, & aliis

(a) Elem. Geom. 3. (n. 122.)

aliis similibus purgare volunt triticum in clibanum iniectum, & elibano quasi circa centrum circumducto girare cogunt: usu enim, & experientia docente, paleæ lolium, & alia similia corpora triticeis granis leviora in clibani centro adunantur, impulsæ nimirum a majori granorum, quæ densiora sunt, virtute centrifuga: ex adverso avenæ tritico solidiores a clibani peripheria recedunt; sique exinde, ut facillime virtutis centrifugæ beneficio, & legibus, triticum, & omnia alia grana, quin immo innumera fere corpora a facibus liberentur. In hoc præterea obvio passim exemplo, id etiam observamus, quod sinceriora, & graviora grana non solum ad circumferentiam abeant, sed paleas, & leviora alia purgamenta sursum ad superiorem superficiem more fluidorum detrudant. Innumera scilicet frumenti grana perturbato illo motu, quo intra elibanum cidentur, fluidorum indolem aliquantulum imitantur.

91. Unde etiam manifestum est, quod si ponatur congeries, & veluti chaos plurimorumque corporum systema in densitate imparium & nullo ordine spatium quodcumque occupantium; eaque omnia circa commune aliquod centrum circumvolvi adigantur; densiora omnia a minus densis suo ordine segregabuntur, & gradatim disponentur: Eo enim pacto, ut dixi, omnia fluida purgari possunt. Et hinc etiam patet ratio, quæ liquores, quicumque heterogeni, atque diversæ gravitatis specificæ, si forte permixti sint, a sese invicem separentur: Si enim tubum, in quo sunt permixti velociter circa aliam ejus extremitatem circumvolvas, fluida, & partes densiores secundum gravitatum rationem separabuntur, & ad diversas in tubo ipso a centro distantias collocabuntur.

92. Tercio. Passim observamus, paleas, ligna, cortices, atque ramos arborum, & id genus alia, si in aquam vorticoso motu circumactam appellant, a gyrante aqua in vorticis centrum detrudi, & per ipsius vorticis axem deorsum præcipitari: id quod expositis virium centralium legibus referendum est. Unde etiam patet, quam merito navigiorum gubernatores visos a longe, aut in hydrographicis tabulis notatos hujusmodi vortices, seu immensas voragines sedulo vitent: Si enim propius incauti accedant, navigium a prolabentibus in vorticem aquis abreptum, vorticem ipsum ingrediens, hic,

bac, illuc contortum, ad voraginis centrum tandem conjicitur, atque ob multiplices, contrariosque motus discisum, non amplius emersurum absorbetur.

COROLLARIUM III.

93. Si vorticis, aut systematis partes non in eodem plano circumvolvuntur, sed circa eundem axem AB , indiversis tamen planis NM , DG , XF ; (Fig. 14. tab. 2.) leviora, seu rariora corpora a densioribus quidem non ad unum omnia centrum, aut punctum v. g. C in medio systemate positum detruduntur sed ad puncta quædam F , C , E in iis, in quibus revolvuntur, planis existentia, singula impelluntur: quæ quidem puncta sunt suarum revolutionum centra v. g. superius, & rarius corpus M non ad punctum C , sphaeræ centrum in diverso revolutionis plano DC existens, sed ad punctum E in eodem suarum revolutionum plano constitutum detruditur: idemque de aliis omnibus dicendum. Unde non ad vorticis centrum, idemque punctum systematis, sed ad illius, & communem revolutionum omnium axem corpora gyratione diriguntur, atque ab aliis impelluntur. Id vero ex lege universali motus, & naturæ oritur; corpus enim in plano quocumque determinato motum, nisi ab externa aliqua causa determinetur, numquam ad aliud planum deflectit: corpus igitur in circulo circumductum per illiusmet circuli tangentes in eodem plano recedere conatur; & corpora leviora, quæ offendit, in eodemmet plano ad centrum descendere compellit.

94. Opponitur tamen. Si intra globum vitreum aqua plenum, & lente circa axem revolutum, globulus cereus ob admissum intra se plumbi granum, aqua aliquantulum gravior, in exigua ab axe distantia disponitur ac circumfertur; postea tamen duplo majori velocitate vas vitreum, & contenta in ipso aqua circumvolvitur; cereus globus præter expectationem ad axem detruditur, ut periculo facto didicit Nollet (a): corpora igitur graviora, & densio-

12

(a) *Leçons* tome 2. pag. 65.

ta in fluido vortice circumvoluta, non ad peripheriam, sed ad centrum propelluntur, minorique virtute centrifuga donantur. Respondeo nego consequentiam. Vis centrifuga, ut jam indicavimus, & ulterius modo demonstrabimus, non tantum ex majori massa, sed etiam ex majori velocitate augeatur: Si igitur globulus cereus aqua gravior, eandem atque aqua, velocitatem habeat; majori utique vis centrifuga præditus ad peripheriam evaderet: at cum duplicata repente in aqua velocitas non illico cereo globo communicetur, fit ut major aquæ velocitas majorem cerei globi gravitatem superet, majorique proinde vi centrifuga circumvolvatur, ac globum ad axem detrudat.

COROLLARIUM IV.

95. Quoniam jam supra demonstravimus, corpora æqualia in diversis a centro distantis circa centrum eodem tempore circumvoluta, vires centrifugas habere in ratione distantiarum, aut velocitatum; Sequitur inde, quod si globus solidus, aut vortex fluidus sphaericus circa axem rotetur, ita ut omnes partes homogeneæ eodem tempore vertiginem suam absolvant; vim centrifugam longe majorem habebunt partes, quæ in æquatoris D (Fig. 14. tab. 2.) periphæria convolvuntur, quam quæ propiores ad polum existunt: immo ab æquatore D versus polos vires centrifugæ gradatim semper decrescunt; decrescentibus enim periphæriis eodem tempore percursis decrescunt etiam velocitates, & cum velocitatibus vires centrifugæ. Corpus igitur in æquatore fortius a centro, seu axe recedere nititur, quam reliqua omnia extra æquatorem posita. Corpora in polis nullas habent vires centrifugas, cum nullum habeant motum vertiginis; quod si corpora diversis temporibus vertigines suas conficiant, eorum vires exponendam mox rationem habebunt.

PROPOSITIO VII.

96. Corporum æqualium seu ejusdem massæ, diversis cele-

celeritatibus circumvolutorum in eadem orbita vires centrifugæ, seu centrales sunt inter se in ratione quadratorum velocitatum.

Revolvantur duo corpora æqualia in orbita AO (Fig. 11. tab. 1.) primum quidem celeritate AZ, secundum autem celeritate dupla AO: erit vis centrifuga secundi mobilis quadrupla virium primi. Moveatur tertium aliud mobile æquale in orbita DI radii dupli DX, eodem tamen tempore orbitam suam percurrat, quo primum conficit orbitam AO: eodem igitur tempore arcus similes AZ, DI percurrent; habet igitur D velocitatem duplam velocitatis AZ, ac proinde æqualem velocitati AO: vis autem centrifuga IG corporis D est dupla virium ZM primi corporis gyrantis, ut superius demonstravimus: at OP est dupla lineæ IG: nam sunt æquales arcus DI, AO; secundus tamen ob duplo majorem curvaturam a tangente sua duplo magis recedit, quam arcus DI, est igitur OP dupla lineæ IG, & quadrupla lineæ ZM.

Id minime miraberis, si animadvertas vires, de quibus loquimur, superius jam expositas, esse nulum OP recedendi a curva, & vim retrahentem PO esse vim impedientem illius recessum; hujusmodi autem recessus OP, IG corporum in inæqualibus orbitis gyrantium, licet habeant eandem velocitatem, non sunt, ut velocitates ipsæ, ut est manifestum. (3)

C O R O L L A R I U M.

97. Corporum igitur in inæqualibus orbitis eodem tempore gyrantium vires centrales exprimuntur per massas in velocitates ductas; in iisdem autem orbitis, diversis temporibus, seu velocitatibus circumvolutorum vires sunt, atque exprimuntur per massas in velocitatum quadrata ductas. Istus tamen, & percussiones corporum secundum tangentes, in quibuscumque orbitis revolvantur, sunt semper factum ex massa per velocitates multiplicata, juxta ea, quæ lectione superiore demonstravimus.

Rursus, si corpora sunt inæqualia, & in iisdem orbiis circumvolvuntur, quibuscumque velocitati-

bus

bus diversis, erunt illorum vires centrales in ratione composita ex simplici massarum, & duplicata velocitatum. (4)

PROPOSITIO VIII.

98. Si corpus aliquod *M* in curva circa punctum aliquod *A* vi ad illud tendente retineatur, eamque lineam viribus contralibus describat, erunt areae *AMO AOS*, quas radius *AM* a centro curvæ ad corpus ductus describit, proportionales.

Demonst. circa punctum aliquod *A*, (Fig. 21. tab. 4.) quod statuamus Terram, in curva aliqua quodcumque corpus *M*, v. g. luna, giret per spatium omnino liberum, nulloque resistente medio impeditum, quod omnino supponi debet: corpus igitur *M* dato tempore per *MO* delatum, æquali etiam tempore per rectam *OR* priori *MO* parem moveretur: interim tamen quoniam vi centrali tendente ad punctum *A* ad curvam semper detruditur, ea vis erit *RS* prioris radio *OA* parallella, cujus beneficio post datum tempus erit corpus in *S*. Jam vero duo triangula *AMO*, *AOR* inter easdem parallellas, & supra æquales bases *RO*, *OM* constituta, sunt æqualia: triangulum autem *AOR* ob easdem causas est æquale triangulo *AOS*, cum & basim communem *AO* habeant, & inter parallellas *AO*, *SR* constituatur: triangula igitur *AMO*, *AOS*, hoc est, areæ a girante corpore descriptæ, sunt omnino æqualia. Quod vero de primis duobus triangulis, seu areis demonstratur, de sequentibus verum etiam existit.

Propositio etiam hujus theorematidis conversa, nimirum si corpus curvam aliquam, circa datum punctum describendo arcus semper efficiat temporibus proportionales, vires, quibus curvam describit, ad datum illud punctum tendunt, simili ratione demonstratur: quoniam tamen eam in astronomia physica lectione 17., ubi de systemate planetario agitur, demonstramus, eo lectorem remittimus.

PROPOSITIO IX.

99. Si corpora RD (Fig. 4. tab. 4.) fuerint inæqualia, & diverſis celeritatibus in æqualibus orbitis convolvantur, erant vires eorum centrales in ratione compoſita ex ſimplici ratione maſſarum, & duplicata velocitatum.

Propoſitio ſequitur ex jam demonſtratis; generantur enim vires centrales ex maſſis, & celeritatibus, & ex orbitarum amplitudinibus: propius tamen ad rem noſtram, ſi ſola corpora ſunt inæqualia, velocitates autem, & orbitæ ſint æquales, vires corporum centrales ſunt inter ſe in ratione maſſarum (n. 83.): ſi autem ſolæ velocitates ſint inæquales, corpora, & orbitæ æquales; ſunt vires centrales in ratione duplicata quadratorum velocitatum (291.): ſi ergo & maſſæ, & velocitates ſint inæquales, ſolæ autem orbitæ ſint æquales; vires centrales ex duplici capite creſcunt, aut diminuntur, ſuntque in ratione compoſita ex ratione maſſarum ſimplici, duplicata velocitatum.

SCHOLIUM.

100. Plures alias propoſitiones circa vires centrales invenies demonſtratas apud Huygens, qui primus omnium theoriâ bujuſmodi virium dedit, Wolphium, Keill., Graveſſande & alios: eas in præſentiarum ommitto, quia, cum puram ſapientiam maſſeſim, non parum ſaſſidii phyſicarum, atque amænarum rerum curioſis afferrent. Satis mihi ſit in Tyronum gratiam præcipuas, quæ rei ſumma continent, indicare.

1. Si corpora quæcumque æqualia, inæqualibus a centro diſtantiis, atque temporibus periodicis, etiam inæqualibus revolvantur; erunt illorum vires centrales in ratione compoſita, ex directa diſtantiarum, ſeu radiorum, & inverſa quadratorum temporum periodicorum: (5)

2. Vires centrales quorumcumque corporum æqualium æquali celeritate in circulis inæqualibus girantium, ſunt inter ſe in ratione inverſa radiorum, ſeu diſtantiarum a centro (6)

3. Cor-

60 PHISICA GENERALIS.

3. Corpora quæcumque inæqualia inæquali celeritate in circulis inæqualibus girantia vires centrales habent, quæ sunt in ratione composita ex rationibus massarum directâ, radiorum seu distantiarum inversa; & celeritatum duplicata directâ (7)

4. Si corpora æqualia ita revolvantur, ut quadrata temporum periodicorum sint inter se, ut distantiarum cubi; erunt vires centrales hujusmodi corporum in ratione inversa quadratorum distantiarum (8)

N O T Æ.

Supradicta omnia, & quamplurima alia virium centralium theoriam spectantia, aut constituentia, facillime, & brevissime ope calculi demonstrantur, ut paucis hic indigitabimus.

Lemma.

(1) Vires centrifugæ, seu centrales corporis cujuscumque L in circulo DLP girantis recte exprimuntur per quadratum DL^2 arcus infinite parvi DL per diametrum DP divisi, hoc est, per $\frac{DL^2}{DP}$ (Fig. 5. tab. 4.)

Quoniam enim arcus DL supponitur infinite parvus, pro recta haberi potest, & cum recta DC, aut YL ejusdem arcus sinu, confungi: quoniam vero arcus DL supponitur infinite parvus, etiam PY non differit a PD: cum igitur sint $PY \cdot YL :: YL \cdot YD$; etiam erunt $PD \cdot DL :: DL \cdot DY$ ergo DL^2 divisum per DP dabit in quotiente DY, hoc est, $\frac{DL^2}{DP} = YD$: quoniam igitur YD æqualis est Lb, quæ vim centrifugam exprimit, erunt vires centrifugæ, seu centrales $\frac{DL^2}{DP}$, quod erat demonstrandum.

(2) Quoniam spatia a mobili motu æquabili percurra ejus celeritatem exprimunt, arcus DL a circumvoluto corpore descriptus ejus celeritatem designabit: vires igitur centrales corporis cujuscumque
gyran-

gyrantis, rectæ exprimentur per quadratum celeritatis, seu spatii divisum per diametrum. Vires autem corporum vocentur $V. v.$; $D. d.$ diametri, seu distantia; $R. r.$ radii; $C. c$ celeritates; $S. s$ spatia; $O. o$ orbitæ; $T. t$ tempora, ita ut majoribus litteris designata, ad unum, minoribus ad alterum spectent Corpus.

Sunt igitur vires centrales corporis in circulo gyrantis $\frac{C^2}{D}$, seu $\frac{S^2}{D}$: sunt autem diametri, ut radii erunt igitur etiam vires centrales $\frac{C^2}{R}$, seu $\frac{S^2}{R}$ hoc est quadratum celeritatis, aut spatii divisum per diametrum, aut radium, aut distantiam.

(3) Cum corpora, & orbitæ ponuntur æqualia, celeritates autem inæquales, necessario sequitur, vires centrales esse, ut quadrata celeritatum, seu spatiorum; vires enim V corporis cujuscunque A $v. g.$ sunt $\frac{C^2}{D}$, vires autem v alterius B sunt $\frac{c^2}{d}$: sunt igitur $V = \frac{C^2}{D}$, $v = \frac{c^2}{d}$: seu $V = \frac{S^2}{D}$, $v = \frac{s^2}{d}$: si ergo $D = d$; sunt $V. v = C^2. c^2$; vel $V. v = S^2. s^2$

(4) Ex præcedenti æquatione $V = \frac{CC}{D}$; $v. = \frac{cc}{d}$, sequitur esse $V. v = \frac{CC}{D} \cdot \frac{cc}{d}$: ergo $VCCd = vccD$: hoc est, vires centrales duorum corporum, quorum distantia, seu orbitæ, & celeritates sunt inæquales, rationem habent compositam ex inversa distantiarum, & duplicata celeritatum.

(5) Tempora periodica corporum circumvolutorum sunt in ratione celeritatum inversa, & directa spatiorum, seu orbium, hoc est radiorum, seu distantiarum: sunt igitur $T. t = Oc. oC = Rc. rC$: ergo $T. t = \frac{R}{C} \cdot \frac{r}{c}$, & consequenter $C. c = \frac{R}{T} \cdot \frac{r}{t}$: vires igitur centrales etiam per $\frac{R}{TT} \cdot \frac{r}{tt}$
ex-

exprimuntur: sunt ergo $V \cdot v = \frac{R}{TT} \cdot \frac{r}{tt}$; & tandem erunt $V \cdot v = Rtt \cdot rTT$, hoc est, vires $V \cdot v$ sunt in ratione directa distantiarum, seu radiorum $R \cdot r$, & duplicata inversa temporum $tt \cdot TT$.

(6) Demonstravimus jam esse $V = \frac{CC}{D}$, $v = \frac{cc}{d}$. si ergo ponantur $C^2 = c^2$, ac proinde etiam $C = c$, erunt etiam $V \cdot v = \frac{1}{D} \cdot \frac{1}{d}$, hoc est, $V \cdot v = 1d \cdot 1D$, hoc est, $V \cdot v = d \cdot D$, hoc est, vires in ratione inversa distantiarum.

(7) Composita hæc ratio ex demonstratis evidenter deducitur: si enim sint $R = r$, sunt $V \cdot v = MCC \cdot mcc$: ergo si R, r etiam sint inæquales, erunt $V \cdot v = MCCr, mccR$.

(8) Demonstravimus jam, esse $V \cdot v = \frac{R}{TT} \cdot \frac{r}{tt}$ (n. 3.) distantie autem per $D \cdot d$ designantur; suntque ex hypotefi $T^2 \cdot t^2 = D^3 \cdot d^3$; sunt igitur $V \cdot v = \frac{R}{D^3} \cdot \frac{r}{d^3} = \frac{1}{R^{\frac{1}{3}}} \cdot \frac{1}{r^{\frac{1}{3}}} = r^2 \cdot R^2$.

LECTIO TERTIA.

De Corporum gravitate.

tor. Generali motuum theoria in superioribus tradita ad alios corporum motus generales, omnibusque corporum generibus communes, peculiari tamen nomine, & proprietatibus donatos descendimus; ad eos scilicet motus expendendos, qui vel ab una gravitate pendent, vel eam potissimam habent causam; suntque & fluidis; & duris corporibus communes. Priusquam igitur ulterius ad gravitatis effectus examinandos progrediamur, rectus doctrinæ ordo postulat, ut gravitatem (quæ alioquin inter corporum proprietates recenseri ab aliquibus solet,) perpendamus: In obscurissimam sane physice partem incidimus, in qua evolvenda mirum est, quantum philosophorum ingenia defudarint, quin tamen hætenus rem acuteti-

tetigisse gloriari quis possit; iisque forte sit accedendum, inquit Du-Hamel, (a) qui gravitatis causam a nobis negant inveniri posse; quod nobis desit sensus proprius, atque, ut ajunt, specificus huic qualitati percipiendæ, ut qui cæcus natus est, quæ sit colorum natura, ne suspicari quidem potest: ut tamen tempori & scænz ferviamus, hujusce argumentum pro diglitate tractabimus.

DEFINITIO.

102. Juxta communem philosophorum sensum gravitas ea esse dicitur corporum vis, proprietas, aut energia, qua ipsa sibi derelicta, & a nullo obice impedita versus terræ centrum, aut telluris globum descendunt, vel si ab externa causâ impediuntur, descendere semper nituntur: lapis v. g. ex quacumque altitudine sibi derelictus ad terram descendit, quod si illum manu sustineas, premendo descendere semper affectat, Hujusmodi autem nîsus corporis ad descensum impediti dicitur *gravitatio* corporum.

103. Duo tamen hic animadvertere oportet. *Primum*; cum in hac definitione assumitur, *gravitatem corpora ad centrum telluris deferre*, illud solummodo significari, corporum gravium, seu gravitatis directionem ad terræ centrum dirigi, ut postea demonstrabimus.

Quoniam tamen aliquorum philosophorum opinione postea referenda, corpora non ad terræ centrum, sed ad globum solummodo componendum gravitate descendunt, consulto in hac definitione dixi, *gravitatem esse vim corpora ad terræ centrum, vel ad telluris globum ex indole sua deferentem*. *Secundum*; hæc gravitatis definitio nisi aliud addatur, ab iis solummodo accipi posse videtur, qui gravitatem in qualitate, aut vi aliqua corporibus interna constituunt; hoc enim admisso, verum esset, corpora sibi derelicta versus telluris centrum dirigi, & deferri: in eorum tamen philosophorum sensu, qui gravitatem a
vera

(a) *Phys. gen. tr. 2. disp. 2. cap. 2.*

vera externæ materiæ impulsionem deducunt, definitio est absolute falsa; corpora enim ex se sunt massa iners, verius nullam partem diriguntur; sique versus terræ centrum moventur, id a causis, & impulsionibus materiæ externæ procul dubio habent.

Quare gravitatem ita ad omnium philosophorum sensum delinire possumus, *vim naturalem a nobis non proflantem, qua corpora sibi, & naturalium causarum systemati derelicta, directe versus centrum telluris deferri nituntur*: hoc est im pacto gravitas vel intrinseca illa, sit, vel omnino extrinseca, hac definitione comprehenditur. Quod autem dicimus de gravitate, seu, vi corpora versus terræ centrum dirigente, de gravitate etiam, qua corpora in lunam, solem, aut reliqua astra cadunt, ut ~~scilicet~~ in locis dicitur, intelligendum est.

DEFINITIO.

104. Alia est, *gravitas absoluta*, alia autem *relativa*; prima est propria cujuscunque corporis gravitas sine ullo ad aliorum corporum gravitatem respectu: secunda est corporis gravitas ad aliorum corporum gravitates relata: gravitate hoc modo accepta, alia aliis graviora sunt corpora. *Levitas* autem gravitati opposita (si qua datur) est vis quædam corporum, qua ipsa sibi a nobis derelicta sursum a terra ascendunt, aut ascendere conantur: *absoluta levitas* diceretur vis, qua corpus, nullo externo impellente, sursum moveretur. *Levitas relativa* est minor gravitas, seu est gravitas ad majorem gravitatem relata, unde corpus quodcumque grave, si, cum graviore comparatur, est relative leve.

Hanc tamen *levitatis* ideam secundum illa intelligere oportet, quæ modo circa gravitatem notavimus: absoluta enim levitas, si qua existat, vel ab externorum corporum impulsionibus provenire potest, vel in interna aliqua corporum vi, atque energia consistere.

§.

Præcipua gravitatis phænomena.

Ad causæ cognitionem præcipui ejus effectus nos manudent, neque tamen nos ad omnes inpresentiarum attendimus; neque nisi terrestrium corporum propria, & peculiaria phænomena proponimus; probe conscii, generalis gravitatis systema alium sibi locum vindicare.

OBSERVATIO.

105. Corpora quæcumque terrestria nobis cognita, & in quibus experimenta institimus, omni externo impedimento sublato, ab terram descendunt per lineam ad horizontem perpendicularem. Linea hæc a gravi descendente descripta est linea ad sensum recta: nihil amplius contendo; ea linea si terra movetur, absolute quidem est exigua, & insensibilis arcus motu composito descriptus, quem observator extra telluris atmosphæram locatus deprehendere forsitan potuisset; relative autem ad terram ipsam est linea recta, eodem enim modo res hic se haberent, atque in corpore e vertice mali supra currentis navis tabulatum labenti eveniunt, quem casum supra exposuimus. Ex hoc primo phænomeno aliud in loco latius deducemus, corpora scilicet descendendo ad terræ centrum dirigi (centrum inquam, gravitatis, non magnitudinis) in quacumque tandem regione vel in aqua, vel in continentis medio corpora existant, & cadant.

Interim suppono, aliquam omnibus inesse, quantumvis confusam, plani horizontalis ideam: sit nimirum tellus RMSL, supra Cujus superficiem sit homo in M, hujusce habitatoris planum horizontale erit planum AM A, (Fig. 5. Tab. IV.) terram tangens in M, in puncto scilicet, ubi habitator existit; da modo corpus quodcumque grave N supra terræ superficiem locatum, directe & perpendiculariter respondens puncto M plani Horizontalis A A; id igitur corpus, ubicumque terrarum res observetur, omni impedimento sublato, de-

66 PHYSICA GENERALIS.

scendit per NM ad planum AA perpendiculararem; neque timendum est, quod ex N recta descendat ad A, aut alium quodcumque punctum plani horizontalis a puncto M distinctum.

DEFINITIO.

106. In corporibus duplex intendum distinguitur centrum: Magnitudinis, & gravitatis: centrum magnitudinis est punctum quoddam in corporis medio positum, per quod si corpus ipsum utcumque secetur; in duas æquales partes, ejusdem scilicet magnitudinis, & voluminis dividitur: centrum gravitatis est punctum intra corpus existens, per quod transiens utcumque planum, corpus illud in duas ejusdem ponderis partes seu æqualiter ponderantes dividit; licet hujusmodi partes sint aliquando diversæ inter se magnitudinis, quando nimirum centrum magnitudinis cum centro gravitatis non congruit: quod tum fit, cum corpora non habent eandem ubique densitatem, seu gravitatem, sed aliqua ex parte sunt graviora: id tamen latius infra in Centrobarica physica explicabimus.

OBSERVATIO.

107. Omnia corpora, dum ad terram descendunt, motum suum accelerant, vel perpendiculariter ad horizontem, vel per viam obliquam, p'r planum scilicet inclinatum, cum scilicet ob impedimentum ad descensum obliquum compelluntur. De corporibus tamen loquimur, quæ libere descendunt, aut saltem ita cadunt, ut acceleratio non semper impediatur. Hæc autem accelerati motus proportio fit secundum numeros impares 1. 3. 5. 7. 9. &c. E contrario omnia corpora a terra sursum recta vel oblique projecta motum suum retardant, eandemque numerorum imparium proportionem inversam sequuntur 9. 7. 5. 3. 1. Quoad impresso impetu tandem extincto, ad terram regrediuntur, prioremque accelerati motus rationem sequuntur.

Hanc observationem delibasse hic sufficiat; inferius enim iterum ad incudem revocabitur, & fusissime explicabitur.

OBSER-

OBSERVATIO.

108. Corpus quodcumque, dum in eadem a tellure vicinia existit, seu in eadem a centro terræ distantia, eandem servat gravitatem; in variis autem a terra distantis existens gravitatem variat, esseque ejusdem corporis gravitas in ratione inversa quadratorum distantiae a terræ centro: omnia hæc phaenomena clarius suis in locis exponentur; immo si opus sit, ratione etiam, & luculentissimis experimentis confirmabuntur, impresentiarum amplior eorum expositio, & probatio opus non est. Hæc igitur phaenomena exponenda tibi sunt, quamcumque de gravitatis natura sententiam amplectaris; eaque potior censebitur opinio, in qua melius supradicta omnia explicaveris.

ANNOTATIO HISTORICA.

109. Multiplicem physici viam inierunt, ut presentem difficultatem expedirent: ad duo autem potissimum capita reduci possunt: vel enim gravitatem ab ipsius corporis natura derivant, vel ab externa aliqua causa repetunt.

Aristoteles, Arabes, & scholastici intrinsecum quoddam principium, virtutem, & qualitatem absolutam in corporibus intrinsecus receptam admittunt, cujus est indoles, & natura, ut corpora ad terram deferat. Ipse etiam Epicurus, si Tullio credimus (a) corporum, seu materiae gravitatem extrinsecam aethorum, ex quibus constantur corpora, vi, ac virtute derivabat; quasi scilicet aethori, & corpora indole & natura sua deorsum ferentur; unde juxta Aristotelem, & Epicurum ideo corpora deorsum feruntur, quia virtutem quamdam ad cadendum in se habent.

Inter eos, qui gravitatem ab externa causa repetunt, Gassendus (b), & Aethemistarum plurimi, quibus praeivit Keplerus (c) corporum gravitatem ex
peren-

(a) Lib. 1. de Finibus Cap. 6.

(b) Sect. 1. Phys. lib. 5. cap. 2.

(c) Vide Muschénbro. Essai de Phys. §. 139.

perenni spirituum, & vaporum e tellure quaque ver-
sum emissione derivant: ii enim e terra continuo, &
circumquaque recta prodeuntes, hamati, & multiplici
ratione uncinati, corpora omnia circa terram existen-
tia pervadunt & ad tellurem adducunt; ad eum mo-
dum, quo magnes effluviorum emissionem positum juxta
ferrum attrahit. Terram igitur, tamquam ingentem ma-
gnetem, & universalem considerant, qui omnia corpora
ad se allicitat.

Newton gravitatem, vim attractivam esse affirmat,
eamque dicit esse proprietatem materiae, seu omnium
corporum, non essentialem, sed necessariam: videri
potest hæc sententia hoc modo exposita, gravitatem cor-
poribus intrinsicam statuere, & ab eorum natura qua-
si profluentem. Verum Newton gravitatem tribuit spi-
ritui cuidam ubique diffuso, & corpora omnia intime
pervadenti. (a) Hactenus, inquit Newton, phænome-
na cælorum, & maris nostri per vim gravitatis ex-
positi; sed causam gravitatis nondum assignavi. Ori-
tur utique hæc vis a causa aliqua, quæ penetrat ad
usque centra solis, & planetarum sine virtutis di-
minutione; quæque agit non pro quantitate super-
ficierum, sed pro quantitate materiae solidæ:
Alio tamen in loco eam tribuit actioni elasticæ subtilis-
simæ illius materiae, quæ in recipiente machinæ pneu-
maticæ post aeris extractionem remanet: quod quidem
fluidum citra dubium materiale esse videtur. Id tamen
Eufius infra examinabitur,

Interim animadvertere sufficiat, quod si causa illa
gravitatis universalis in materia reponatur, sive illa
per puram impulsionem, sive per elasticitatem agat;
tunc in systemate etiam Newtoniano gravitas corporum
erit illis plane extrinseca, & nihil cum occultis per-
ipateticorum qualitatibus commune habebit, sed potius
erit causa mechanica, materialis, & sensibilis: si ta-
men ponatur (ut reapse ponitur) ab omni materiali im-
pulsione distincta; neque externa, neque mechanica, ne-
que materialis dici poterit.

Alii corporum gravitatem, vim quamdam iis indi-
tam

(a) Schol. prop. 69. L. 1. & schol. gener. in fine L. 3.

tam appellant, qua in unum coire affectant: ita rem exposuit Dom: Roberval, & plures alii; si tamen eo nomine indicatur aliquid intrinsecum, cum expositis jam sententiis congruere videtur hæc opinio.

Leibnitijs corporum gravitatem, & ad terram descensum ex eo oriri statuit, quod subtilissima quædam, & fluidissima materia tellurem circumambiens, ab illius centro per rectas lineas recedere conetur, & ad eum modum propellatur, quò lucis radii a luminosis corporis centro recti circumquaque vibrantur; crassiora proinde corpora ad hujusmodi motum inepta offendens, ad tellurem detrudit, omnem in ipsis gravitatis motum, & energiam efficiens: hoc enim pacto aqua leviora corpora sursum propellit; graviora vero, aquam infra ipsam descendendo, elevat: (a) Radii tamen lucis a luminosis corporibus vel per puram emissionem, atque rectilineam pulsionem vibrantur, vel potius circulariter in modum soni diffundantur: prior explicandi modus in Exemplum hic proponitur.

Porro generalem corporum ad se invicem attractionem ante Newtonum in physicam inducere conati sunt Frencile, Roberval (b) potissimum tamen Keplerus attractionis universalis auctor.

Tandem Renatus des Cartes novum gravitatem explicandi modum proposuit, vel antiquum, ut aliis placeat, & jam oblitteratum ad scenam revocavit. Eam igitur externam esse corporum impulsione statuit: fluidissima enim primi, & secundi elementi materia, Terræ vorticis propria, perenni & rapidissimo cursu ab occidente in orientem supra pbes gyrans, ab orbitarum, & revolutionum centro recedere maxima vi centrifuga conatur: omnia igitur crassiora corpora, ad motum ejusmodi non satis apta, ad revolutionum; seu vorticis centrum propellit, eaque impulsione in corporibus gravitatem efficit, quæ proinde in externa corporum impulsione consistit. Indubium utique est & ipsa experientia demonstrat, in vorticoso quolibet motu, v. g. in aquæ vortice, densiores, subtiliores, ad motum-

que

(a) Acta Erud. Lips. 1690. Maii p. 235.

(b) Apud Nollet tom. 2. pag. 100.

que aptiores particulas, aqueas v.g., leviora alia corpora, palcas v.g. aquae innatantes, & ob figuram suam nam satis ad motum aptas, ad hujusmodi vorticis centrum detrudere. Ingeniosissima hæc Cartesii Hypotesis, quæ pluribus arrisit, Purchot, Regnault, Rohault, Regis, & aliis, inferius explicabitur. Superest modo, in quamnam ex prædictis sententiis supra posita phænomena clarius, & verius explicentur, expendere, eamque, prætermittis aliis, stabilire. Sit igitur...

P R O P O S I T I O X.

110. *Corporum gravitas non est principium aliquod, qualitas, vis, aut energia corporibus ipsis intrinseca, & ab eorum natura promanans; ac proinde corpora non ideo in terram descendunt, quia ad eam ab interna causa impellantur.*

Prætermisso enim, quod in opposita peripateticorum opinione nulla gravitatis, illiusque effectuum physica explicatio adhibeatur, sed quærenti cur ad terram descendant corpora, omnem hoc uno verbo explicationem absolvant, quia scilicet gravitatem habent, hoc est, descendendi virtutem, seu qualitatem, aut potentiam, qua ad terram feruntur (responsionem, cuiusvis illitterato homini apprimè notam), Ea hypotesi admissa gravitatis phænomena non explicantur, aut stare posse videntur.

1^a. Corpora, in quacumque a tellure distantia constituantur, eandem habent naturam, easdemque qualitates a natura fluentes: si igitur in eorum natura, aut intima qualitate gravitas constituitur, eandem ubique habebunt gravitatem: cadit igitur quartum phænomenon, quod ejusdem corporis gravitas in variis a terra distantis sit in ratione inversa quadratorum distantiae: seu potius, si phænomenon sit verum, prædictam illam qualitatem & constantem causam evertit: at phenomeni veritatem supra indicavimus, & inferius experimentis confirmabimus. Istud præterea gravitatis in majoribus distantis a tellure decrementum, ex aliarum etiam qualitatum, seu virium indole, & similitudine probaretur: omnes enim, ut calor, Frigus, lux & ab earum fontibus recedendo decrescunt.

2°. Nullam etiã rationem afferunt, quare corpus grave perpendiculariter ad horizontem descendat; motum suum secundum imparium numerorum rationem accelleret, & ascendendo retardet; gravitatem insuper habeant eorum densitati semper proportionatam.

3°. Corpus ex sua natura est iners quãdam massa, impenetrabilis, extensa, ad omnem motum, & quietem indifferens, nullaquẽ in ejus natura gravitatis idea & vestigium deprehenditur: neque enim lapis corporis rationem, aut naturam amitteret, si omnem ad tellurem nislam, & gravitationem perderet; sed in aera sublatus, neque ascenderet, neque descenderet: ergo nullum corpus est ex natura sua grave, aut gravitatem in seipso producit, cum ad gravitatem sit penitus indifferens.

4°. Si corporum gravitas esset quãdam qualitas ab ipsa corporum natura effluens, & in illa recepta, corpus inanimatum, iners, & quietum se ad motum determinaret, nullaquẽ ipsi externa impulsione opus esset, ut a quiete ad motum transiret; in se enim produceret gravitatem, & per gravitatem motum: at nullum corpus sese ad motum potest determinare. (a)

5°. Hac stante opinione, lapis aut quodcumque corpus terrestre, ad firmamentum, aut fixarum cælum elatus, & sibi relictus in tellurem illico relaberetur: at quis hujusce asserti vadem se interponet? Probatum autem: lapis in eam regionem translatus suam ibi naturam, & proprietates haberet: ergo sua esset gravitate intrinseca prãditus.

6°. Vel lapis, v. g. terrestris fertur ad terram, vel ad locum terræ: aliis terminis: suppose parumper tellurem cum aere a Deo in nihilum redigi, vel alio transferri, vacuo, quem occupabat, loco relicto; quæro, quo tandem sese deferret lapis supra aerem constitutus? ad locum, quem tellus modo occupabat, & ea in hypotesi evacuet; vel ad tellurem, in cœlo v. g. translata? primum dici, aut intel-

Intelligi nequit, neque enim corpus ad vacuum spatium ex seipso tendere potest: deinde lapis non ad spatium; sed ad terram gravitate sua propendet. Neque dicas, lapidem in eo casu ad locum a terra desertum descensurum, propterea quod sit universi centrum, & locus infimus: hoc enim, quantum ex humanis observationibus conici potest, aperte falsum est, ut in Astronomia physica evincimus; neque, si esset verum, difficultatem declinaret: argumentum enim in corpore lunari versus lunam cadente instauraretur: deinde quid virtutis est in universi centro, ut corpora ad sese attrahat? secundum etiam dici non potest; quis enim lapidem admonet de translata in solem tellure; quis eum ad motum versus eam plagam determinat, aut impellit? sed hoc etiam dato, illud sequitur, descensum lapidis in terram non ex ipso lapide, sed ex tellure ipsa pendere, unde in attractionem laberentur.

7°. Integer etiam telluris globus, velut unicū corpus gravitabit ex natura sua, vel ob intimam qualitatem; quorsum tamen gravitat? Aliter: concipiamus in Lunam Telluris globum translatum, & solidam Lunæ orbitam *vacuam*; stabitne Tellus, an ad locum modo suum descendet? Tandem ut *Du-Hamel* (b) verbis utar *id intellectu est difficile, quomodo forma illa (gravitas interna) omnis motus sit opifex, aut quo instinctu in terræ centrum propendeat? quid sit illa qualitas gravi corpori congenita, & a generante profecta? quid illam excitet? cumque corpus extra terram positum est, quid eam sui muneris admoncat? quomodo tam ingens corpus a re tam levi moveatur?*

III. Oppones. Elementis sua Deus motuum principia, peculiareque motus donavit, quibus ad suum unumquodque finem tenderet, & ad universi perfectionem concurreret: ergo etiam corporibus gravibus peculiaris motus principium, vim, & efficaciam attribuit, qua ad terram via semper recta propendeant, & deferantur.

Respen-

Respondeo: omnem, qui in elementis inest, & deprehenditur, motum extrinsecum habere principium, causam, & motorem, neque ab intima elementorum natura originem ducere juxta stabilitas alibi a nobis leges; neque enim corpus, iners massa, nisi motum ab externo motore accipiat, movere, aut moveri potest.

PROPOSITIO II.

112. *Corporum gravitas, aut gravitatis phenomena explicari, aut intelligi difficile possunt per virtutem attractivam, seu magneticam terræ juxta expositam superius Gassendi opinionem.*

1^o. Enim intelligi vix potest, qualiter tellus per emissarios spiritus, hamatas, & uncinatas particulas ab ejus nucleo circumquaque diffusas pensile in aere corpus attripiat, & prehensum in terram trahat: neque physicam sapit, hujusmodi uncinatos spiritus, quasi lictores quosdam, seu venaticos canes immitti; in prædam eos irruere, a tergo prehendere, & corpus nil tale cogitans, quasi religatum, mediis satellitibus circumseptum ad terram pertrahi; aliosque iterum eorum vicem, & locum subire, ut eodem fungantur munere.

2^o. Hujusmodi attrahendi modus consilium sapit, & rationem, neque inertæ materię tribui potest: in corpus enim irruere, a fronte invadere, vel a tergo instare, repetitisque ictibus impellere; aut corpus ipsum, ceu manu prehensum, in terram adducere, prudentis consilii est: deinde uncinatæ hujusmodi particulae a terra erumpentes & in pensile corpus illasæ, sursum a terra feruntur: qua igitur de causa arreptam semel motus directionem deserunt, in aliam oppositam mutant, ut ad terram per eandem viam regrediantur? corpus enim semel per eandem directionem incedens motum, & directionem semper servat, nisi ab aliqua externa causa ad hujusmodi mutationem compellatur (a), nulla autem adeam particu-

(a) Tom. 2. Lect. 12.

ticularum motus, & directionis variationem assignabitur causa.

3°. Tellurem pro regionum varietate variam spirituum, & particularum copiam ex se emittere necesse est; ut enim magnes non parem ubique, seu per omnes sui partes *diffusam habet attrahendi virtutem*; quin etiam in eadem Telluris regione, variabilis semper est acus magneticæ virtus, & attractio, declinatio, & inclinatio, ut suis locis demonstrabimus; unde facile conjicimus, non in diversis modo, sed in eadem etiam regione plurimas esse in terrestri magnetismo mutationes imminutiones, & incrementa: tum sic: varia igitur erit pro locorum eodem tempore diversitate, imo & pro varietate temporum in eodem loco ejusdemmet corporis gravitas; cum varia sit gravitatis causa, nempe attrahentium corpusculorum copia: hoc autem non est observationibus consonum.

113. 4°. In hac hypotesi nulla esse poterit descendens, & allapsi in terram corporis reflexio: probo: Lapis v.g. ab aere descendens, cum terram jam attingit, maxima trahitur vi, impetu, gravitate; hoc est, in hujus sententiæ terminis, maxima attractione, seu numerosiore uncinatarum particularum manipulo comprehensus affertur; omnes autem hujusmodi liſtores corpus ad terram adducunt: qualiter igitur lapis tum, cum numerosiori liſtorum manu perducitur, poterit a terra resilire, viam aliquantulum relegere, & uncinatas omnes particulas parumper superare, sistere, secum parumper retrorsum adducere?

114. 5°. Vel uncinatæ particulæ pensile corpus trahunt, quatenus illius poros ingressæ grave ipsum introrsum apprehendunt, vel quatenus in averſa corporis a terra superficiem allabuntur. Si primum: quo magis porosa sunt corpora, majorem habebunt gravitatem; cum plures attrahentes athomos admittant: si secundum; graviora erunt corpora, cæteris paribus, quæ majori erunt superficie donata: utrumque autem falsum. Hoc argumentum in id tandem recidit, quod si gravitas ab actionibus, & impulsionæ materiæ magneticæ proveniret; gravitates & pon-

pondera absoluta corporum essent in ratione superficialium, non vero in ratione massarum eorundem corporum; cum in solas superficies fiat corporum impulsio; certum autem est, corporum pondera massarum rationem sequi,

Non levibus tamen argumentis sententiam hanc probat præclarus auctor *Gassendus*.

115. 10. Licet explicari a nobis nequeat, ob humani ingenii imbecillitatem, modus attractionis terrestris, seu quo tellus corpora ad sese trahit; non inde tamen attractionis falsitas est eruenda; attrahit enim ferrum magnes; attractionis modum penitus ignoramus, quin attractionem ipsam experimentis confirmatam inspicari valeamus; quid ni igitur terrestrem corporum attractionem admittemus, licet mechanicum hujus attractionis modum penitus ignoremus? Adde, quod vim magnetis attractivam ex effectu tantum deducimus; quia scilicet observatione deprendimus, ferrum in modica a lapide distantia ad magnetem accurrere: at omnia, quæ in terram cadunt corpora, si enormis terræ magnitudo attendatur, modicam, imo & vix sensibilem ab illa habent distantiam; cum igitur universa corpora in telluris vicinia existentia ad illam semper accurrere observamus eo pacto, quoad magnetem accurrit ferrum; qua tandem ratione ex simili perenni effectu eandem in tellure causam, seu vim non agnosceremus? præcipue cum terram magnum esse magnetem omnes jam concedant, & late probant *Descartes*, & alii? Hujusmodi ratiocinio aliis verbis, & forma concepto hypothesim suam non leviter firmat *Gassendus* (a).

Resp. Utut plausibile appareat allatum argumentum, rem tamen non conficere; cum ex rationibus in propositionis fundamento allatis ejus falsitas liquido pateat: deinde unum vel alterum corpus magnes solummodo ad se trahit; universa a tellure attrahuntur: hæc autem virtutis extensio, omnia corpora comprehendens, non satis ex singulari exemplo

(a) *Epist. 1. de mot. impr. n. 15.*

plo probatur; imo si ex magnete ad Terram ita deducitur consequentia; confiteri necesse est, corpora versus terrestres polos multo velocius ad terram cadere, & ab illa attrahi, quam versus æquatorem; cum major etiam attrahendi vis (hoc est gravitas) sit in polis, quam in reliquis magnetis partibus: consequentia tamen fallit; corpora enim insensibiliter solum versus Terræ polos deprehenduntur graviora, ut suo loco explicabitur: deinde non eadem, aut æqualis esset in omni loco corporum supra superficiem Telluris gravitas: cum neque tellus neque magnetes æqualem ex omni partem vim attrahendi habeant.

116. Dices ipsa hæc corporum terræ polis viciniorum major gravitas, quam in regionibus versus æquatorem positis, supradictam hypothesin confirmat, cum in magnete eadem observentur phænomena.

Resp. Hujusmodi gravitatis discrimen valde sensibile in terra, ut in magnete, esse deberet, ut hypothesis faveret.

117. Oppones secundo in facta hypothesi recte, & eleganter explicantur exposita superius gravitatis phænomena: 1^o. enim circa telluris centrum, seu nucleum precipua magneticæ virtutis efficacia statuitur (a): corpora igitur gravia recta ad centrum attrahuntur; ac per consequens per lineam ad horizontem perpendicularem, ut ex Geometria nostra clare constat (b). Secundo magnetica virtus, cum recta circumquaque a terra diffundatur, eodem modo, ac lucis radiatio peragitur; perinde igitur, ac lux, pro majori a centro distantia, magis debilitatur, & rarefcit: quo igitur remotiora sunt corpora a centro, seu a terra, minus; seu debilius attrahuntur: hinc autem duo inferuntur observatis conformia: *primum*, ejusdem corporis gravitatem a terra recedendo decrefcere in ratione duplicata distantiarum, eodem pacto, quo alias probabimus, illuminatio-

(a) *Vid de Cales. de Magnete.*

(b) *Elem. Geom. n. 80.*

tionis intensitatem decrefcere, effeque in ratione inverfa quadratorum diftantiarum obiecti a corpore luminoso: utrumque autem rationi, obfervationibus, & geometriæ conforium eft. *Secundum*, corpora defcendendo, cum fortius, & fortius deorfum trahantur, motum fuum accelerare; afcendendo autem e contraria ratione motum retardare, quod eft alterum gravitatis phænomenon.

118. Refpondeo: Inficiari non poffum hujus difcurfus probabilitatem; plurima tamen funt, quæ dictis ftare nos cogunt, ut ex fundamentis conftat, maxime autem, quod impulfiones funt fecundum fuperficies, gravitates autem fecundum maffas. Pone etenim in eadem a Telluris fuperficie diftantia duo corpora æqualis voluminis, ejufde figuræ, inæqualis denfitatis; vel etiam duo corpora fimilia, homogenea, fed inæqualia: in fecundo cafu pondera, feu gravitates funt, ut diametrorum cubi, hoc eft, ut maffæ, fuperficies autem, & impulfiones in iis fuperficiebus factæ, funt, ut diametrorum quadrata. In primo fimiliter cafu pondera funt, ut denfitates, hoc eft, inæquales: impulfiones autem, ut fuperficies, ac proinde æquales: pondera igitur non nafcuntur ab impulfionibus: deinde fi factò difcurfui ftandum eft, duo lapides v. g., quorum primus ab alta turri, vel ex nubibus laberetur, fecundus ex menfa ad terram tunc dimitteretur, cum primus menfam tranfiens attingeret, ut uterque menfæ altitudinem emetiri fimul inciperet, ad terram ambo fimul appellerent, iifdemque viribus, & impetu terram ferient; in menfæ enim altitudine eadem eft trahentium particularum, feu athomorum quantitas, & intentio; eadem proinde eft gravitas, impetus, celeritas &c. quod eft faliffimum. Quod fi, ut prædictam confequentiam declines, ulterius contendas, primum lapidem non tantum ab athomis in menfæ altitudine existentibus, fed ab omnibus in fuper, quas a defcenfus initio offendit, ad terram propelli, & allici, majoremque proinde impetum habere, propterea quod aliæ aliis advenientes uncinatæ particulæ, funium, feu trahentium potentiarum numerum augeant. Repono: ergo nullus erit terminus acce-

accelerationis motus, neque ad motum æquabilem aliquando perveniet corpus; cum ad singula descensus, seu viæ puncta novi, & fortiores accedant funes, & trahentes atomi; quod tamen experientię repugnat. (a)

119. Oppones 3^o. In nulla alia hypothesi (nihil enim dissimulandum) elegantius, quam in sententia *Gassendi* gravitatis phænomena explicantur; neque felicius aliæ difficultatibus occurrunt, aut intelligi possunt.

Respondeo: Nisi melior difficultatibus occurrendi, & effectus explicandi subest via, rem in medio relinquemus; satius enim existimamus, rem dubiam, & mille undequaque difficultatibus implicatam in medio relinquere, quam parvi ponderis argumentis, seu potius conjecturis ductos rem e cathedra decidere. Iterum tamen ad extremum dico, examinatam hætenus *Gassendi* opinionem, minus esse difficultatibus obnoxiam, quam sint cæteræ aliorum philosophorum sententiæ, qui vel mechanice, vel per qualitates, aut per vires occultas rem explicare sunt aggressi: nulla etiam majoris ponderis argumentis rem probare videtur: causam enim dubiam non adstruit, aut hypothesim cogitat: vim magneticam omnes agnoscimus: eam telluris globo nemo non tribuit: causam igitur omnium confessione existentem habemus. Cætera si non feliciter, minus tamen infelicitè, quam in aliis sententiis se habent: nisi igitur probabilius judicarem, in universalem Dei legem corporum gravitatem referre, hæc una mihi præ aliis minus displiceret opinio.

P R O P O S I T I O XII.

120. *Corporum gravitatem per vim attractivam Newtonianam modo superius indicato tradere, & exponere, obscurum, atque non satis probabile mihi videtur.*

Primo res saltem est valde dubia, & obscura, an existat in rebus vis attractiva universalis Newtoniana,

(a) *Videri pot. de Chales Stat. L. 1.*

na, ut sequenti lectione exponemus; præterea clariorem nos ideam habemus de gravitate, quam de attractione universali. Rem igitur minus obscuram per obscuriorem tradimus, cum gravitatem per attractionem explicamus.

2º. Si gravitatem esse proprietatem necessariam omnium corporum cum *Newtono* admittitur, non est igitur gravitas aliquid externum, vis aut actio, corporibus superaddita: quidquid enim est externum corporibus additum poterit deficere corporibus non deficientibus, ac proinde non est proprietas necessaria: erit igitur gravitas, hoc modo exposita attributum aliquod corporum: hoc modo tamen inqualitatem peripateticam incideremus, quam *Newtonus* admittere nolet.

3º. Dom. *Newton* ad spiritum universalem subtilissimum ubique diffusum confugit, eumque gravitatis, & attractionis universalis causam esse insinuat: (a) ejusmodi autem spiritus, illiusque in corpora omnia actio, hypothesim sapere videtur, rem tantopere in *Newtoniana* philosophia damnatam, & diris omnibus traditam: cum nulla sint phænomena, aut experimenta hujusmodi universalem spiritum ubique diffusum indicantia.

4º. Eum etiam spiritum universalem, vel alium ejus Vicarium attractionis, & gravitatis causam maxime elasticum ponit, seu insinuat Dominus *Newton* (b) quod autem elaterium habet, illoque operatur, est materia: ergo est impenetrabilis, ac proinde per veram impulsionem agit non in corporum massam, sed in superficies: hinc autem sequi videtur, quod e duobus corporibus densitate, & figura similibus gravius esset, atque velocius in terram descenderet, quod minus esset, ut ex geometria facile constat: id autem experientiae opponitur.

5º. Hunc spiritum subtiliorem esse elasticum, ubique diffundi, corporibus non resistere, & alia similia, hypothesis iterum speciem habere videntur.

6º Is

(a) Vide Lect. 17. *Astron.* verba ip'a *Newtoni*.

(b) Vide iterum lect. cit. *Auctoris* verba.

60. Is etiam spiritus si est elasticus, & materia; gravitatem, & vim attractivam habebit juxta Newtoniana principia, unde tamen hoc? Abactione spiritus subtilioris? At hæc consequentia in longam seriem nos conduceret. Uno verbo si attractio ex vera materiæ elasticitate petitur; in veram impulsione incidimus, omnibusque iis difficultatibus premimur, quæ Carte anam, Gassendi, & aliorum opiniones evertere videntur: si vero attractio ut vis quædam non materialis usurpatur, atque ab omni impulsione distincta, qui genuinus est attractionis sensus in Newtoniano systemate, probandum tum primum esset attractionem eo sensu acceptam existere. Tandem vide lectionem sequentem, ubi hæc enucleatius prosequimur.

P R O P O S I T I O X I I I .

121. *Neque gravitas, neque gravitatis phenomena explicari possunt per unicum fluidæ materiæ vorticem supra æquatoris polos ab occidente in orientem per circulos parallelos delatum.*

Simplicissimam æque ac clarissimam, atque ingeniosissimam ad gravitatis motus explicandos hypothese primus excogitavit, vel adhibuit *Des-Cartes*; (a) eique innumeri postea philosophi turmatim calculos suos adjecerunt: alii fundo opinionis retento emendatricem manum adhibuerunt, ut *Hugenius*, *Malebranche*, *Bulffinger*, & alii, de quibus postea: interim simplicem vorticis hypotesim ad lydium lapidem expendamus.

Probatur prima argumento ab *Hugenio* primum ex motus theoria desumpto, & multiplici postea experientia confirmato (b) Stante hac hypothese ea tantum corpora, quæ in æquatore existunt ad telluris centrum gravitate sua deferrentur, reliqua omnia
extra

(a) *Keplero hanc gloriam tribuit, sed immerito fortasse Leibnitius. Act. eruditorum ad annum 1690.*

(b) *Nollet tom. 2. Lect. 5.*

extra æquatorem posita, v. g. omnia gravia in Europa ad terram decidentia, non ad centrum A (Fig. 13. Tab. II.) sed ad Telluris axem R N a materia vorticis detru-derentur, singula nimirum ad eorum circulorum cen-trum, in quorum planis existunt; v. g. corpus P in cir-culi PQ plano PSQ existens, ad punctum S, ejus cir-culi centrum recta descenderet, minime autem ad A centrum Telluris: Nam corpus P per vim fluidi PQ centrifugam ad ejus circuli centrum propellitur. Vis autem centrifuga materiæ a centro S ejusdem circuli recedere conatur per tangentes ejusdem cir-culi PX in eodem circuli plano jacentes, ut nullus ignorat: omnia autem circulorum æquatori parallel-orum centra in vorticis BCN axe BN sunt con-slituta, sed extra vorticis centrum A, quod unius æquatoris CE centrum est: ergo omnia corpora ex-tra æquatorem jacentia, gravitate sua non ad Tel-luris centrum, sed ad axem tantummodo deferren-tur, ac proinde oblique, non recta ad horizontem descenderent, quod est aperte falsum.

122. Id etiam experimento confirmatur in vase vitreo sphærico, cylindrico, conico, aut cujuscum-que alterius figuræ, aqua pleno, si liquores alii aqua leviores, & colore aliquo, ut oculis discernantur, præditi; vel alia corpora solida aqua etiam leviora includantur: revolutio circa axem AB (Fig. 14. Tab. II.) horizontaliter aut oblique dispositum vase XZ, liquores, qui vase immoto præ levitate sua aquam insidebant, in varias & rotundas guttas divisi, & per aquam dispersi ad axem AB sensim detrudun-tur, & circa ipsum hinc inde a centro in cylindrum conformantur: corpora item solida, v. g. globus ce-reus ad axem quidem, & ad illud axis punctum E v. g., quod in plano revolutionum existit, descen-dunt, non ad centrum C.

Jam vero hicce motus per lineam PS ad axem BN (Fig. 13. Tab. II.) perpendicularem, esset ad ho-rizontem obliquus; puncti enim P, e quo grave cor-pus descendit, horizon est circulus TV ad prædi-ctam lineam obliquus. Equidem particulæ aqueæ in circulo PS circumvolutæ, & ob majorem densita-tem majori vi centrifuga donatæ, quam liquor, v.

2. Spiritus terebinthinæ, aut cereus globus, supra illum ascendunt, & illum versus suæ revolutionis centrum S repellunt. Unde infertur, grave D polo N perpendiculariter imminens ad terram non descensurum, sed immobile in ipso axe in medio aere constitutum: fluida enim materia ambiens, & circa axem ad æquatorem semper parallela circumfluens, corpus ad axis punctum N repelleret.

123. Aliis argumentis, quibus alii passim prædictam opinionem impugnant, supersedeo; ea enim sunt, ut facile solvantur, & nisi *Hagenii* obstaret demonstratio, a cartésiana opinione amplectenda nos minime deterrent.

Opponitur tamen: circularis ipsa vorticis figura corpora inclusa æqualiter circumquaque premit, & ad idem punctum, quod est spheræ centrum, dirigit.

Respondeo negando totum argumentum; nihil enim refert, qualem vas habeat figuram, ut inclusum in vase corpus, fluidoque circumrotato innatans ad vasis centrum detrudatur: corpus enim ab ea tantum fluidi parte propellitur, in cuius plano ad axem perpendiculari corpus ipsum existit: hæc autem fluidi pars ad suum peculiaris plani MN (Fig. 14. Tab. II.) centrum C, a quo ipsa recedere conatur, corpus detrudit, ut ex supradictis constat. Deinde vel in vase spherico, vel in cylindrico, aut conico fiat experimentum, id semper ediscimus, corpora extra æquatorem posita ad axem solum deferri: in vase utique conico, ob convergentes a basi ad apicem usque vasis parietes, gyrans cum fluido corpus ad basim detruderetur, si argumenti ratio staret: non detruditur autem, sed indifferenter ad axem fertur.

124. Verum inquires factò sepius periculo ab *Industrio Nollet* (a) deprensum est, quod aeris bulla (idem in aliis liquoribus eveniret) ab aqua in spherico vitro, cujus axis AB ad horizontem esset inclinatus, circumvoluta, ad axem primo detrusa; deinde per axem ipsum sursum ad elevatum solum B ascen-

(a) *Tom. 2. Leß. 5. pag. 65.*

B ascendens; sistente, vel languesciente rotationis motu ad spheræ centrum relabitur: ergo signum est, quod spherica vasis figura innatantia fluido corpora ad centrum undecumque repellit; in circulari igitur vortice ad centrum deferentur gravia, quod est rei cardo.

Respondeo. Ex eodem *Nollet* negando consequentiam: allatus enim bullæ motus longe aliam habet causam. Concava globi vitrei superficies ad motum concitata ratione sua internam fluidi massam ad motum abripit paullatim; sistente etiam vitro, volventis aquæ motus paullatim etiam ex eadem causa lentescit, & languet: circuli autem aquei ad axem perpendiculares & citius sistunt, quo minores sunt: majorem enim est eorum peripheria respectu ad superficiem: hinc autem fit, ut aqua quiescere a polis incipiat; & sistente jam aqua polari B, innatans bulla aeris ob majorem levitatem sursum ascendere ad summitatem per viam obliquam incipit, incidit igitur in aquam & a polo B remotiore, & adhuc gyrante, aqua iterum ad axem detruditur; ea interim aqua quiescente sursum iterum oblique ascendere conatur bulla, in aliamque gyrentem aquam ingreditur, a qua ad axem regeritur; eodemque pacto sequentes circulos ingressa ad centrum pervenit, unde hic ad centrum motus, alias, quam vorticosum motum habet causas.

Iterum pro Cartesiana opinione

125. Opponitur, Vortex circularis OBE supra axem DE revolvatur, sitque ON aliquis ex parallelis circulis ad axem perpendicularibus, in cujus plano solidum aliquod fluido levius circumvolvatur corpus in puncto N v.g.: hujusmodi corpus ab N, non ad T, sed ad centrum X repellitur: probo: solidum in puncto N in superficie, & peripheria circuli OBDE (Fig. 15. Tab. II.) eodem pacto reflectit, atque a plano tangente INR; ex eaque per rectam NB resiliret juxta reflexionis leges, ita ut essent anguli & arcus NO, NB æquales; cum autem fluidum in NB existens eadem vi resisteret,

ac mobile in ipsum ageret, sequitur, quod mobile juxta motuum compositionis leges mediam viam *N X* eligeret, per eamque ad vorticis centrum detruderetur: cumque eadem in aliis omnibus parallelis sit ratio; omnia corpora in vortice sphærico circumvoluta ad centrum diriguntur. Ita arguit dominus *Saurin* (a): multa in argumento gratis assumuntur: primo vorticem esse sphæricum: 2^o. superficiem habere reflexivam.

126. Respondeo deinde negando totum argumentum. Corpus namque *N* in plano circuli *ON* revelutum per idem planum reflecteretur juxta reflexionis leges: ergo non reflecteretur, aut perveniret ad *B*, aut *X*, sed ad punctum in eodem plano *ON* positum extra centrum vorticis *X* & plani *T* constitutum. Sed ut, quod res est, dicamus aperte: neque corpus reflectit, neque ad punctum *B* aut *X* contendit, sed ad punctum *T* circuli *ON* centrum, ut experimentis edocemur.

Ex alio etiam capite cartesianam sententiam adstruendam contendunt cartesiani: vortex terrestris, inquiunt, a solari vortice circumdatus, & circumlatus, ab eo undique premitur; extima igitur terrestris vorticis superficies, velut vas quoddam sphæricum haberi potest, in quo vorticis materia contineatur: sed liquidi partes vasis parietes undique perpendiculariter premunt, ut poslea probabimus: Fluida igitur vorticis materia ejus superficiem perpendiculariter premit, hoc est secundum radios a centro ductos (b): superficies igitur per easdem perpendiculares materiam, & innatantia in illa corpora ad centrum retundit, ac repellit: ita *Jacobus Bernouille* ad *Scherfer* (c).

Data prima consequentia, respondeo. In vortice circumactio non pressio ab extima superficie orta inclusam materiam efficit gravem, & ad vorticis centrum detrudit; sed pressio ac vis, qua materia vorticis

(a) *Journ. des lettr. ad an. 1703.*

(b) *Elem. Geom.*

(c) *Phyf. Tomo 1.*

ticis in gyrum acta, & ab hac recedere nitens, aliam ad suarum revolutionum centrum propellit, ut in expositis hactenus experimentis explicavi. Deinde aqua v. g. in poculo quiescente contenta perpendiculariter ejus superficiem gravitate sua premit; inde autem non obscure deducimus, gravitatem corporum a majori vi materiæ centrifuga non provenire: si enim idemmet vas antea quiescens, circa axem rotetur, fluida materia per vim centrifugam non a centro vasis, sed ab axe recedere conatur, & hujusmodi conatu vasis superficiem inequaliter premit; aliter igitur gravitas, aliter vis materiæ centrifuga vasis parietes premunt, & diversa ratione pressionibus suis corpora propellunt, & dirigunt.

127. *Franciscus Bayle* ita etiam argumentatur (a) vortex terrestris A a magno solari vortice BC (Fig. 16. Tab. II.) delatus, tardius quam materia ipsa solaris vorticis defertur; ad eum modum, quo cymba fluviali aquæ supernatans, ab eaque prono alveo delata tardius semper, quam circumambiens aqua, movetur: solaris igitur vorticis materia BC terrestrem vorticem circumquaque præterfluens, illum æqualiter comprimit; tam igitur ab æquatore, quam a polis versus centrum premitur: ergo ex utraque parte contenta in terrestri vortice corpora ad centrum detruduntur.

Respondeo. Plurima in hoc discursu involvuntur, quæ vel dubia sunt, vel hypothesim sapiunt. 1^o. a solari vortice terram circumduci; 2^o. terrestrem vorticem sphericum esse, ut in ejus centro tellus consistat, contra ac posuit Cartesius: horum autem secundum generali vorticum doctrinæ, aut hypotesi non quadrat: primum eam solum probabilitatem habet, quam vortices ipsi, qui in elegantem hypotesim aliquibus conjecturis innixam tandem resolvuntur. Deinde nego majorem; eadem enim celeritate terrestris vortex, ac materia solaris, cui innatat, convolvuntur: si enim tardius defer-

ferretur: ad solem propius detruderetur; si velocius, ad vorticis peripheriam confugeret, ut ex centralium virium theoria constat. Allatum cymbæ exemplum vel non est ad rem, vel est aperte falsum: cymba, vel aliud quodcumque corpus aquæ confluenti immersam, & æquilibratum eadem cum illa velocitate defertur: si aquis supernatet, non est ad rem; velocius interdum, tardius aliquando convolvitur pro majori, vel minori aeris, & venti resistētia, vel juvante impetu.

128. Opponitur 5^o. Materia vorticis terrestris eo velocius movetur, & majori etiam vi centrifuga donatur, quo est polis vicinior: ergo corpora versus æquatoris, seu telluris centrum projiciet: Hoc argumentum eo etiam tendit, ut Hugenianam demonstrationem subvertat, & modum tandem aliquem indicet, quo ope circularis vorticis, & vis materiæ centrifugæ corpora versus centrum directe protrudantur.

Respondeo: Ea major velocitas gratis omnino effugitur, nec verisimiliter supponi potest. Deinde prætermissa in minoribus, & ab æquatore remotioribus parallellis majori vi centrifuga, nil inde concluditur: parem enim vim centrifugam innatantia in iis parallellis, & circumducta solida habebunt: tandem vis ea, quantacumque sit, centrifuga, id solummodo efficere potest, ut corpora ad circuli, in cujus plano volvuntur, centrum detrudat, minime vero ad Telluris centrum, ut probatum superius manet. Solutum igitur adhuc non est *Hugenii* argumentum contra expositionem gravitatis per vorticis motum.

P R O P O S I T I O XIV.

129. *Per duplicem materiæ fluidæ circa terram vorticem, quorum primus circa mundanum axem, & supra polos; secundus autem ab uno ad alium polum supra æquatoris diametros, & primum vorticem perpendiculariter interfecans rotetur, gravitatis phenomena, & natura explicari non possunt.*

Hujusmodi vorticum dispositionem primus excogita-

gitavit *Bulffinger* (a) & complectitur *P. Noel*, *Regnauld* (b). Probatur autem propositio. Licet primi vorticis materia perpetuo a revolutionum centrīs, terrenoque axe recedendi nisu, & majori vi centrifuga corpora quæcumque versus terræ axem perpendiculariter impelleret, ut supra explicavimus; secunda tamen vorticis materia ab uno ad alium polum transiens corpus ipsum ad centrum non dirigeret: probo: vel secundi vorticis materia a polo B (Fig. 14. 15. Tab. II.) egrediens, & exinde circumquaque diffusa versus æquatorem per omnem terræ superficiem profluit, ut inde sese colligens per alium polum A ingrediatur; vel a terrestri polo non egreditur, sed circa tellurem a polo ad polum circumvolvitur: si primum (quod quidem ad magnetis virtutem explicandam, admittit *Cartesius*): ergo corpus, D sub æquatore ad centrum C non impellitur, licet ad centrum descenderet sola prima vorticis impulsione actum: sed alia alterius vorticis actio grave a plano æquatoris versus polum A deturbat. Deinde corpus X extra æquatorem RS versus eum polum, in quem vortex conflueret, existens, non ad centrum, sed ad axem EA urgeretur: per primum enim vorticem supra axem mundi revolutum ad punctum T sui circuli centrum detruderetur: secundus vero illud a centro C amplius adhuc removeret.

130. Quod si alium adhuc vorticem a polo A ad B progredientem in subsidium advoces, nodum adhuc non solves: 1°. Enim hi duo vortices e diametro oppositi sese destruent: 2°. utriusque vorticis vires in idem corpus X impactæ sese elident nullo effectu secuto, cum mobile per oppositas ex diametro directiones æquis viribus impellant.

131. Neque etiam alterum suprapositi dilemmatis membrum admitti potest, cum intelligi nequeat, qua ratione duo materiales vortices eundem telluris globum circumeuntes in eadem a terra distantia, eodemque spatio sese mutuo non perturbent, neque
motum

(a) *Mem. dell' Acad. ad an. 1741. pag. 134.*

(b) *Entret. sur la pesanteur.*

motum invicem retardent, ut tandem vel penitus uterque subsistat, vel in unicum media quadam inter utrumque directione conflentur. Præterea ea, quam impugnamus, hypothesis sphericum supponit vorticem: infra tamen vorticem sphericum impossibilem esse demonstrabimus. Obiter adnotasse sufficiat, fluidum quodcumque corpus vorticoso motu circa seipsum, aut aliud corpus tamquam axem abreptum, illico in cylindri formam sese disponere, ut factò sæpius periculo edoctus fuit *Nollet*, *Desa Guiliers*, & alii.

Tandem licet vitreus globus aquam v. g. continens duplici revolutione in prædicto sensu, nimirum ad angulos rectos, simul circum ageretur; effici numquam potuit, ut inclusus liquor duplicis vorticis motum imitaretur, aut immersa in fluido leviora corpora ad globi centrum detruderet. In illis solummodo motus irregulares observabantur.

132. Dices. *Ætherea*, & tenuissima vorticis materia licet a polo ad polum, & secundum æquatorem convolveretur, ob maximam tenuitatem sese non impediret, aut viam sibi mutuo occluderet: teste enim experientia, innumeri licet radii luminosi, quorum materia eandem atque æther tenuitatem habet, e diversis plane partibus, seu obiectis venientes per tenuissimum foramen ingradientur; sese tamen non impediunt, neque in directione quisque sua, perturbantur.

Respondéo: Per adductum in argumento foramen actiones quidem luminosi transferuntur, seu fluidissima ætherea materia in foramine existens plurimis actionibus, seu impressionibus diversis concussa, eadem simul ulterius versus plagam multiplicem transmittit; seu potius huiusmodi obiectorum impressiones a luminosis factæ, medio illo æthere transfunduntur: at qui duplicem sese normaliter interfecantem, aut ex diametro occurrentem vorticem admittit; non impressionibus rem tantum peragi statuit, sed verum alterius in alteram materiæ allapsum, & incursionem, & motum admittere cogitur: quod cum corporum impenetrabilitate stare nequit. Uno verbo argumentum vim solummodo habet contra eos
phi-

philosophos, qui Epicuri sententiam circa lucem amplectuntur; eamque in materia solari a sole ad nos emissa constituunt: hac enim admissa opinione, quæ est omnibus Neutonianis communis, reapse per angustissimum foramen innumeri radii, hoc est materię subtilissimæ torrentes ab integri Emispherii illuminati punctis reflexi, uno eodemque tempore per illud foramen admittuntur, & in diversas partes pertranseunt, ut fuscè explicamus, ubi luminis naturam exponimus.

133. Dices 2º. Duplicem vorticem supradictum existere non negabit, qui ad Lunæ & Magnetis motus animadvertet. Luna siquidem perpetuo ab orbe condito ab occidente ad orientem circumagitur: ab aliquo proinde fluido defertur; aliter Luna per medium fluidum immotum incedens brevi sisteret, motumque suum ob medii resistentiam amitteret. Notissima item est magnetis proprietas, ut ad mundi polos semper dirigatur, nec nisi modicam hinc inde a polis declinationem patiatur, ad alia scilicet in horizonte puncta declinans; hujusmodi autem phænomenon ex eo juxta communem philosophorum explicationem alibi exponendam provenit, quod ab uno ad alium terræ polum perennis fluidissimæ materię vortex effluat, quæ magnetis poros recta dispositos, & hujusmodi fluido conformatos offensens, per eosque ingrediens, lapidem secundum eam, qua tendit, directionem convertat, & a polo ad polum dirigat.

Respondeo: Et si demus hos duos vortices existere, nequaquam ex iis causis, & phænomena gravitatis deduci possunt, ut jam demonstravimus. Utrum vero hujusmodi vortices existant, & quo pacto sese non destruant, dicemus, cum motum lunæ & magnetis exponemus. Interim tamen animadvertenda sunt sequentia. Vortices materiales, qui ad gravitatem corporum efficiendam sunt necessarii, & de quibus hætenus sermo fuit, in eadem a Telluris superficie distantia existere oportet, ut scilicet in eadem corpora ex diversis partibus agant & ad centrum urgeant: si enim unus quidem vortex terram raderet, alius vero in distantia lunæ convolveretur;

Et

Ecquid hic secundus ad corporum gravitatem in atmosphæra terræ efficiendam inserviret?

2°. Si luna in vortice circa terram circumducitur, quod probabiliter dici potest, is vortex neque sphericus est, neque ad mundanos polos extenditur, neque supra equatoris, sed supra eclyptica polos & axem convolvitur.

3°. Vortex terram radens & ad vim magneticam efficiendam sufficiens, non eo ipso ad omnia gravitatis phænomena satis esse affirmabitur.

S C O L I O N.

134. *Ex dictis manifeste constat, aliquid adhuc in vorticum dispositione desiderari, ut eorum ope corporum gravitas, & gravitatis phænomena explicentur. Id fortasse major futuri temporis, & hominum diligentia assequetur; neque spem, aut animum despondeant philosophi, si difficillimum naturæ problema, aut nodum per vortices explicare hactenus non potuimus, sed simplicissimam potius hunc nodum solvendi rationem insistant.*

Christianus Huighens cum ex cartesiana vorticis dispositione corpora ad telluris centrum pervenire non posse animadverteret; ut prædictæ difficultati faceret satis, materiam per circulos spheræ maximos versus omnes partes dispositos circa tellurem circumduci supponit; ea enim vorticis dispositione gravia corpora ad centrum procul dubio impellerentur, eadem ratione, qua in simplicis Cartesiani dispositione corpora sub æquatore posita ad Telluris centrum detruduntur. Verum nihilo felicior hæc hugeniana vorticum correctio, & dispositio post illius Authorem semper jacuit nullis sectatores nata; qua enim ratione implicatissimos materiæ vortices sese ab omni parte intersecantes concipiemus? Ratio sane, & imaginatio nostra ad id concipiendum non sufficiunt. Adde insuper: prædicti multiplices vortices sunt pura hypotesis, eoque nomine ad affectus existentis explicationem non sufficiunt.

135. Leibnitii opinio non multum differre videtur ab illa Domini Villemot, aut etiam D. Varignon; quorum primus igneum vorticem centralem in terra

terra statuit, qui, inquit, perpetuo fervens sese dilatare adnitens, & a centro per lineas rectas p o j i c i , atque evibrari semper contendens, alia corpora perinde in centrum propellit; atque si ille igneus vortex vere e centro erumperet (a). Quantumvis hæc ingeniose sint excogitata, plurima tamen assumuntur, de quorum existentia minime constat, qualia sunt ignis centralis, licet aliunde probabilis, perpetuus ille nifus fluido communicatus, & alia similia.

Pari modo quid tandem rei est fluidum illud leibnitianum? Unde secum habet motum, & conatum recedendi a tellure? quo tandem pergit, aut pergere nititur? a quo tandem detinetur, & impeditur, ne a tellure penitus abeat? Estne etiam grave? A quo tamen suam gravitatem habebit? Quo pacto tandem in iis observantur gravitatis phænomena superius exposita?

S C H O L I O N.

136. Juvat explicata adhuc philosophorum tentamina legisse, ut rem ipsam, ejusque difficultatem agnoscere nostram hominum tenuitatem, & ignorantiam fateamur. Si modo, quid ego in difficili argumento sentiam, quæris, & a me ipso audire desideras, sequentia mentem meam aperient.

Primo Itaque candide fateor, me neque in aliis invenire, neque ex me aliquid producere posse, quod & phænomena physice atque mechanice explicet, & difficultates solvat.

Secundo: Cum Deus ab initio globum hunc nostrum terraqueum (idem de aliis corporibus totalibus Luna scilicet, sole, & reliquis planetis, sideribus, & Comætiis dictum habe) condere sibi præstitisset; gravitasque unum illud sit medium, & ratio, qua præstitutum illud divinæ providentiæ, atque omnipotentia opus, scopus ac effectus obtinetur, & perficitur; hujusmodi causa inter simplicissimas illas numeranda est, quas nemo nostrum attingere potest, & sibi uni reservavit Deus. Sciunt enim omnes, & alibi jam nos etiam sa-

tis

(a) Nouvelle explic. des Mouvement de planetes.

is exposuimus, omnes philosophorum labores, atque industriam, & universam totam humanæ mentis perspicaciam ad causas compositas sese solummodo extendere; primitivas vero simplicissimas, & universales rerum causas, atque rationes a nostra hominum mente nequaquam attingi.

Tertio: De hujusmodi simplicium, & universalium causarum investigatione intelligentum est illud sacræ pagine testimonium, omnibus philosophis ante oculos semper habendum: hanc occupationem pessimam dedit Deus filiis hominum, ut occuparentur in ea Mundum tradidit disputationi eorum, ut non inveniat homo opus, quod operatus est Deus ab initio usque ad finem. (a)

Quarto: Præ omnibus igitur aliis sententiis mihi placeat supponere & dicere, simplicem illam causam tantorum operum Supremi Numinis conservatricem, & effectricem, gravitatem scilicet corporum atque materiæ universæ ad sua relativa corpora, esse primitivam legem Dei, & supremum, ac omnipotens illud fiat, quo prolato integrum universum factum est. Hujus legis naturæ beneficio, & imperio fit, ut materia terrestris ad terram, Lunaris ad Lunam, solaris ad Solem feratur, gravitate cedat, globos componat, & omnia alia gravitatis phænomena consequantur. Similes alias naturæ, seu Supremi Creatoris leges superius stabilivimus, quarum beneficio innumera in rebus phænomena, & effectus producuntur, atque explicantur, quin ad alias causas confugere opus sit. Gravitatem igitur dico non proprietatem materiæ necessariam, non alicujus causæ mechanicæ, aut spiritus creati effectum, sed liberam Dei, seu naturæ legem.

Dicendum ne igitur, quod corpora omnia terrestria, ad quamcumque a terra distantiam deferrentur, in illam iterum beneficio hujus legis laberentur, & revernèrent, si sibi ipsis permitterentur? id vero est, quod nobis non constat: affirmant utique Newtoniani, negant alii

(a) Ecclesiast. 1. v. 13. & c. 3. VII. Hæc notent, qui magnopere de seipsis serviunt, aut sua systemata prædicant.

alii quam plurimi, imo major philosophorum pars. Ego id unum pronuncio id esse incertum. Singula corpora, parva, aut magna suam habent atmosphæram, ut suo loco demonstravimus (a) intra quam agunt: si igitur conformiter ad alia corporum phenomæna discurrendum nobis est, Telluri certam atmosphæram non solum vaporum, sed etiam actionum concedere possumus, intra quam corpora ad ipsam gravitent; extra eam vero a gravitatis lege immunia sint. Rem tamen incertam pro indubiatradere nolim. Gravitationem corporum terrestrium in terram, corporum, seu partium, lunæ in lunam, solarium in solem, & sic de omnibus aliis astris a lege Dei provenire probabiliter affirmo, aut saltem suppono; eo plane modo, quo inertiam, & alia corporum attributa in naturæ, seu Dei conditoris lege consistere docuimus: utrum vero lex illa, seu gravitas corpora in omnibus a suo globo distantis comprehendat, teneat, & urgeat, nescio: quæ interim DesCartes, quæ Newton circa cælestes motus systemata statuunt, non ignoro; & fuse in astronomia physica exponam; iis tamen omnibus, quæ eo loco adducam, attente inspectis, & animadversis, iterum dico incertissimum esse, corpora gravia in quibuscumque distantis posita ad suos proprios globos beneficio gravitatis, seu actionis eorumdemet globorum lapsura.

137. De hac ergo causâ longe clariorem ideam habeo, quam de attractione materiali, aut imateriali, de qualitate, de vorticibus, ac de cæteris causis superius recensitis. Deum non quasi agens naturale creatum singulos effectus novis semper actionibus producens & operi indefessim semper intentum mihi repræsentato; sed ut *Supremum rerum omnium Arbitrum, ac dominum*, quo dicente, omnia facta sunt, cujus voluntate semel posita ad illius motum sese elementa, & universum integrum accomodant. Ecquam aliam habent causam productio universi in hoc determinato loco, & tempore; Telluris, Astrorum, universæ magnitudo, figura, situs Terræ in hac determinata sede, aut orbita existentia, ejus quies, aut continuatus motus; motus corpo-
rum

(a) Tom. 1. & etiam in Areometria Physica.

rum rectilineus, eorum inertia, motuum communicatio, & alia quamplurima? Hujusmodi leges Dei existere, earumque vi plurima in Mundo fieri, manifestum est: existere vero attractiones, vortices, qualitates, & alia similia est saltem maxime dubium: clariorem nos de supremi numinis legibus, & imperio, quam de adductis modo causis ideam formamus. Quæ ex hisce inferatur consequentia, nemo non videt. Ego quidem in hac sum sententia, generalia corporum systemata, actiones, phaenomena, aut modos existendi, & agendi generales, quæ Deus mundum condens specialiter intenderat, pro causa unicam habere Dei voluntatem, esseque totidem naturæ leges. Id sane Sapientissimi, omniscii, & omnipotentis artificis, cui elementa illa, & materia, quam tractabat, exactissime, atque ad nutum obediunt, proprium est, & conforme.

L E C T I O I V.

*De Attractione, seu gravitate universali
non mechanica.*

138. Hactenus solam gravitatem corporum terrestrium consideravimus: ut argumentum tamen clarius exponamus, altius repetenda res est, & in generale quoddam gravitatis sistema inquirendum, ex quo gravitas terrestris, tamquam ex arbore ramus derivatur; exposuimus scilicet varia philosophorum tentamina ad corporum terrestrium gravitatem explicandam: atque inter ea, vim magneticam, seu attractionem materialem Gassendi, impulsionem centrifugam cartesii, & attractionem Kepleri, & Newtoni: modo peculiari terrestrium corporum consideratione facili discursu ad omnium corporum sistema gradum facientes inquiremus, utrum allatæ causæ gravitatis ad omnem materiam extendantur, eoque pacto universalis gravitas existat in natura: Integrum scilicet hoc universum parumper animo concipiamus. Qualiscumque tandem illius figura existat, indubium est, omnia, & singula corpora, ex quibus mirabilis hæc machina conflatur, totum quoddam componere, & mutuam inter se relationem habere,

cer-

certaque Dei Optimi Maximi lege detineri, ne per mundana spatia a se invicem recedant, & mundi compagem dissolvant: sponte igitur in hanc incidimus questionem, *Eadem ne erit, aut similis saltem lex, atque causa, quæ & globi telluris partes, & universi corpora retineat, & circa se conservet?* Si res ita habet, duplicem, similem tamen, agnoscemus gravitatem, primam scilicet peculiarem terræ & singulorum siderum, qua singularum partes in singula centra gravitant, aliam vero universalem, qua omnia machinæ mundanæ corpora, ad commune universi centrum urgeantur.

In presentiarum solam gravitatem universalem in sensu newtoniano, hoc est, attractionem examinamus, quod enim ad vim magneticam terræ attinet: ea ultra atmospharam non extenditur: gravitas vero universalis in sensu Cartesii tum solum explicabitur, cum vorticum sistema in astronomia physica exponemus. Attractionem alii jam in natura existere a pluribus jam sæculis philosophi agnoscebant, quin tamen de ea magnopere curarent; hodie tamen magna animorum contentione de illa disputant physici, cum ea sit newtonianæ philosophiæ basis, atque fundamentum, illamque ex alia parte cane pejus & angue odio habeant cartesiani, atomistæ, & plurimi alii.

Porro ego post plurimorum Newtonianorum lectionem non parvam in aliquibus idearum varietatem, & confusionem circa attractionem animadverto, ut aliqui etiam ex ipsis non diffidentur (a): ut igitur nosmetipsos & quo statu causa sit intelligamus, attractionum ideam primum definiamus, & rem totam evolvam.

D E F I N I T I O.

130. *Attractio, siqua existit, gravitas, pondus, & vis centripeta, aut idem in physica significant, aut ma-*

(a) *Chambers Diction. verb. attractio paullo ante 1. theor.*

magnam saltem inter se habent affinitatem; utraque pro phænomenis, seu effectû, & pro causâ eorum effectuum accipi possunt, & passim usurpantur. Causarum ideas, & relationem prius definiamus, postea vero effectuum; dum corpus aliquod ad terram v. g. tendit, & descendit, aut tendere & descendere nititur vi quadam naturali ipsius corporis in ipsoque residente, licet ab alio fuerit impressa, id corpus gravitatem & pondus habere dicitur: ea igitur vis insita, aut impressa, aut naturalis indoles vocatur *gravitas*, quam non in corpore, ad quod tendit consideramus, sed in corpore tendente: ejus actionis nîsum, quantitatem, & mensuram nuncupamus *pondus*: eandemmet gravitatem, pondus, seu vim naturalem corporis tendentis, si ad centrum alterius v. g. terræ dirigatur, *vim centripetam naturalem* appellamus. Quare cum omnia corpora terrestria ad terræ centrum gravitent, dirigantur; eorum *gravitas, pondus, & vis centripeta* idem omnino sunt. Vis etiam centripeta dicitur ea, qua aliquod corpus versus aliquod centrum quodcumque adducitur, aut circa illud detinetur, vel circumvolvitur, ut supra diximus.

DEFINITIO.

140. Quod si vis in corpore illo, v. g. tellure spectetur, & existat, versus quod aliud corpus dirigatur, & tendit, eam vim, *attractionem*, seu *vim attractivam* nuncupamus.

Hæc tamen ad veram ideam attractionis, ut apud philosophos usurpatur, adhuc non sufficiunt. Cum corpus ad aliud v. g., tellurem labitur, vel id sit medio contactu, & impulsionem materiali, atque mechanica, vel per vim, & potentiam non mechanica, & materialem, sed occultam, vel per legem aliquam Dei determinantis, ut in certis casibus unum ad aliud confluat, & accedat corpus. Tres hic sunt modi, quibus philosophi omnes corporum accessus mutuos, aut non mutuos explicant. Vis attractiva rigorese accepta ad secundum spectat, si qua existit in natura. Scolastici enim, quibus una cum

cum newtonianis communis est attractio, eam tamquam vim, potentiam, & qualitatem in corporibus attrahentibus inherrentem, & in corpora distantia modo non materiali agentem tradunt.

141. Alia non est apud *Keplerum*, & *Newtonianos*, si attente examinentur, attractionis idea; quantumvis ipsi sæpissime clament, nil se attractionis nomine, quam effectus & phenomena significare; causamque sibi esse ignotam. Porro nulla est dissensio circa effectus, & phænomena: ab omnibus enim admittuntur, quæ observationibus constant: aut igitur nulla est de re quæstio, aut si qua superest, ea tota est circa effectum, modum, & causam, hoc est vim attractivam: quid enim philosopho experimentaliter reponet *Newtonianus*, dum ille omnia corporum phænomena, attractioni vulgo referri solita, sese admittere affirmaverit! circa omnia phænomena convenimus, inquit; si ergo nihil aliud nomine attractionis intelligeres, dirempta esset quæstio: huc tamensuperaddo, pergeret idem philosophus, quod phænomena illa ab omnibus admissa a causa materiali mechanica impellente derivem, aut si mavis, a peculiari Dei lege deducam: si ergo non convenimus, tota dissidii ratio non ex phenomenis, sed ab eorum causa tantummodo nascitur. Præterea si attractiones nil nisi phænomena significant, dum dicunt lunam descendere ad terram ob attractionem, & innumera alia similia; is esset propositionis sensus: luna descendit, quia descendit, seu id phænomenon esse causam ejusdem & phænomeni: quem certe sensum hujusmodi propositionibus non tribuunt *Newtoniani*. Sed ipse *Newton* (a) asserit expresse attractionem non provenire ab impulsu aliquo materiali & corporeo nobis noto.

142. Attractio igitur in sensu newtoniano est vis quædam ignota non materialis ab impulsione materiali, & causis mechanicis distincta, quæ per naturæ leges nobis notas neque agit, neque explicari

(a) *Opticæ parte* 3. pag. 322.
Mont. Phil. T. III.

cari potest. (a) Est proinde attractio, seu vis attractiva qualita occulta secundum rigorosam occultarum qualitatum ideam ab antiquis usurpatam; idque jam newtoniani aliqui fatentur; & si in rebus existit huiusmodi attractio universalis, dicere possumus esse in natura universalem sympathiam, & antypathiam naturalem. Millies enim peripateticos per quam subtiles audiui attractionem, & sympathiam, repulsionem, & antypathiam præfato modo exponere, & occultis qualitatibus annumerare. Neque enim per id, quod certe existat in natura attractio, & ejus leges cognoscantur, ab occultarum qualitatum albo expungitur: certissimum enim est vim magneticam existere; illiusque effectus quotidie clarissime experimur: nihilominus tamen inter qualitates occultas a peripateticis recensetur, sicut & vis repellens & sympathica, eo solum de capite, quod mechanice, & per notas leges impulsuum non operatur, sed occulta solum ratione agat.

Quidquid igitur Newtoniani dicant, & repetant, ut ab odioso nomine attractionem vindicent, aut qualitates occultæ admittendæ sunt, aut attractio neganda: & cum per newtonum liceat, attractionem alio nomine vocare, eam nos dicemus universalem materię vim sympathicam, & antipathicam: effectus vero phænomena sympathica nuncupabimus.

ANNOTATIO HISTORICA.

143. Huc usque veram attractionis, seu virium attractentium ideam, quidque hoc nomine significaretur satis exposuimus, insimulque probavimus, ad hoc unum caput totam controversiam reduci, utrum scilicet existat vis aliqua attrahens ab omni impulsione corporea, causa mechanica & materiali distincta.

Vis attrahens hoc sensu accepta, immo & universale attractionum sistema inventorem habuit Keplerum, a quo illud postea accepit Newton. Si duo lapides, in-

(a) Remita proponit Chambers Newtonianus tom. 1. v. *Attractio* Col. 2.

inquit Keplerus, in aliquo loco mundi collocarentur propinqui invicem extra orbem virtutis tertii cognati corporis, illi lapides ad similitudinem duorum magnetum coirent loco intermedio, quilibet accedens ad alterum tanto intervallo, quanta est alterius moles in comparatione. Si terra, & luna non retinerentur vi animali, aut alia aliqua æquipollenti, qualibet vi suo circuitu terra ascenderet ad Lunam quinquagesima quarta parte intervalli: luna descenderet ad terram quinquaginta tribus circiter partibus intervalli: ibique jungerentur: posito tamen, quod substantia utriusque sit unius & ejusdem densitatis.

144. Post Kepherum hanc vim existere in natura, universalem esse, & mutuam, omnique materiæ, atque illius partibus, quasi proprietatem communem competere, Neutroniani statuunt. In multiplices tamen species inter se valde oppositas dividitur, quarum diversissimæ sunt leges ac proprietates.

1^o. Est universalis attractio, qua quidquid materiæ est in hoc mundo, in quibuscumque distantis existat, se mutuo attrahit: ejus beneficio terra, luna, sol, fixæ, cometa se se semper mutuo attrahunt, & ad se mutuo accedunt. De hac attractionis specie in astronomia physica differimus. Hujus beneficio corpora in terræ viciniis in terram cadunt: & expositi superius gravitatis effectus secundum neutronianos peraguntur: hæc attractio agit primo in ratione massæ corporum attrahentium: 2^o. in ratione inversa quadratorum distantie corporis attracti a corpore attrahente.

145. Aliæ attractionum species ad parvas solum distantias extenduntur, sunt tamen inter se diversissimæ. Prima est attractio magnetica, quæ neque agit, in ratione massæ corporum attrahentium, neque in ratione inversa duplicata distantiarum, sed forte in ratione inversa quadrato quadratica.

2^o. Est electrica, quæ leges habet a superioribus plane diversas, & in loco exponendas: quin immo hæc attractio in repulsionem sepe convertitur.

3^o. Est attractio cohesionis, qua corpora in contactu se fortissime attrahunt, aliqua tamen se repellunt: Hæc iterum in singulis fere corporibus est diversa; alia

enim aliis magis vel minus in contactu attrahunt, aut repellunt. In insensibilibus a contactu distantis ea vis est nulla.

146. Aliæ item sorte sunt attractionum species, quas observando det genus. Interim innumeros effectus, & phenomena naturæ attractionis nomine indicato expediunt; querenti enim philosopho, cur magnes ferrum ex uno latere repellat, ex alio attrahat; mercurius v. g. aliqua corpora fugiat; ad alia tendat; corpora uniantur, cohereant, dissolvantur, coagulentur; quare alia fluida, alia firma, & dura existant; alia tenacius, alia minus tenaciter aliis adhereant, unde animalium nutritio, secretiones, & plurima id genus alia proveniunt? Hæc omnia inquirunt, vim attractivam habent causam, a diversisque illius speciebus, atque legibus nascuntur: at eodem jure responderi a me posse videtur illa omnia a virtute sympathica, & antipathica corporum diversæ originem suam ducere, seu ab occultis corporum qualitatibus derivari. Hoc pacto ad præfatas quæstiones a Peripateticis sæpius responderi audiui: mutatoque nomine eandem phenomenon causam & explicationem addebant.

147. Illud obiter notari potest attractionem scilicet a duplici philosophorum ordine potissimum teneri, & avidiissime probari a Geometris nimirum, & ab illis scolasticis, qui occultas qualitates aut propugnarunt, aut etiamnum admittunt: utrique autem simili ratione ducuntur: attractio, seu attrahendi virtus non est aliquid sensibile, materiale, aut mechanicum; non solum ipsa, sed illæ etiam leges, quas eidem tribuimus, aut observamus, per lineas rectas, aut curvas, certasque quantitatum rationes aptissime exprimuntur: geometria igitur de vero, & physico rerum statu parum sollicitus animo gessit, dum quamplurima, & illustria quidem naturæ phenomena geometricis constructionibus eleganter exponit: nihil interim de hisce constructionibus dubitat physicus, ad principia tamen & data illa quæ supponit geometra, animum applicat, & provocat. Quod ad secundos spectat; amico inter se sedere, & arctissimo vinculo inter sese attractio & cætera occultæ qualitates vincuntur: quid igitur mirum, si communi utantur hospitio, eisdemque habeant patronos, aut amicos?

PRQ.

PROPOSITIO XV.

148. *Attractio, seu vis attractiva in exposto sensu accepta, ab omni scilicet materiali impulsione, mechanisque causis distincta, non existit in natura.*

Aliter sentire non possunt, qui occultas qualitates & vires non mechanicas e philosophia eliminare penitus voluerint. Stante hoc sistemate, duo corpora quæcunque v. g. terra, & Luna, aut Stella aliqua fixa, per immensum fere spatium vacuum a se invicem separata, quin ullum inter illa mediet corpus in se mutuo agerent, sese afficerent, & moverent: hoc autem est illa *actio in distans, quin per medium transcat*, quæ phylice explicati, & intelligi non potest, & invidiam antiquæ philosophiæ creavit: quæ enim alia erat illa veterum sympathia, nisi actio hæc corporum in alia corpora separata?

20. Terra profecto Lunam ita a se distitam attrahens, ageret, ubi non existit: existentia autem causæ, eo in loco, ubi effectus producitur, ratione ipsa distante, adeo videtur necessaria, ut vel eo de capite Dei immensitatem, & præsentiam in omni loco arguamus.

149. 30. Actio corporis in corpus est materialis: immaterialiter enim soli spiritus agunt: actio autem materialis terræ transmissa usque ad lunam per nihilum, seu spatium purum, videtur impossibilis: illa scilicet diffusio, & transmissio actionis est vis aliqua transmissa: vim autem materialem esse, ubi nulla est materia, ubi nihil est præter Deum, rationi contradicere videtur.

150. 40. Omnia corpora, quæ tractamus, & in quibus experimenta instituere licet, in alia solummodo mechanice, & impulsione agunt: quod enim est corpus a nobis tractatum, quod in aliud non impulsione materiali certo agat? Negari non poterit, vim Electricam esse impulsiones materiæ, cum impulsions phænomena illic manifesta sint. Vim etiam magneticam, tamquam materiale effluvium ipse quoque tradit *Desaguliers: dela vient, inquit, que les*

*écoulemens de la pierre d'aimant passent aussi aisément
à-travers del' or , qu' au travers del' air (a).* Si
igitur impulsio procul dubio existit; si in iis etiam
locum obtinet, quorum effectus, quomodo per im-
pulsionem fiant, vix intelligere possumus; si alia ex
parte, attractio non materialis, & occulta physice
accepta neque intelligi potest, neque existere con-
stat, explodi debere videtur: *Physice dixi: scio enim*
quod Geometrice motus circularis quicumque in
duos resolvi possit, quorum unus per tangentem,
alius per secantem ad centrum dirigatur: secundum-
que hunc dici libere posse attractionem sympathicam:
hæc tamen est idea pure geometrica, quam nullus
negat; de re physica agimus; de causa & vi mo-
tum illum ad centrum producente inquirimus, quam
attractionem, aut sympathiam physicam non esse
contendimus.

151. 5°. In sistemate attractionis duo corpora quæ-
cumque perfectissime quiescentia, & a se utcumque
per vacuum spatium separata, quin ab ullo prius ad
motum concitarentur, moveri inciperent, & unum
ab alio moveretur: qui quidem casus existit in si-
stemate newtoniano: at corpus quiescens se ipsum
procul dubio non potest determinare ad motum;
eumque in se ipso producere, ut quotidianæ obser-
vationes, & ratio dicat. Si igitur seipsum ad mo-
tum non potest determinare; neque etiam aliud de-
terminabit, præcipue cum ab illo per leucarum mil-
liones distet; mihi enim vero videretur res sympa-
thica, & magis similis, si terram v.g. quam solam
in mundo existere, & plane quiescere parumper
suppono, producta ad plures & plures leucarum mil-
liones, post immensum fere vacuum stella invisibi-
li, moveri incipere animadverterem: quænam est,
dicerem, hujusce motus causa? Neque enim est
effectus sine causa: dum corpora quiescunt, solum
resistunt ob propriam inertiam, & solum agunt, cum
moverentur.

152. 6°. Ita arguit D. Bernoville. Si est attractio;
in

(a) *Cours de Phys. T. 2. Leç. 1. note 2.*

in corpora ager non secundum superficies, sed secundum massas; non enim agit, ut impulsus, sed corpora ipsa intime penetrat: attractio igitur corporis cuiuscumque, v. g. terræ in lunam, in variis distantis augeretur, & diminueretur non in ratione inversa duplicata distantiarum a terra, sed in ratione triplicata, seu non in ratione quadratorum distantiarum, ut volunt Newtoniani, sed in ratione cuborum distantiarum inversæ. Si enim diffunderetur lolum per superficies, tamquam lux, sequeretur rationem duplicatam inversam: cum igitur agat secundum massas, sequitur rationem cubicam: hæc autem ultima consequentia systema astronomicum Newtonianum evertit.

153. 7^o. Tam variaz attractionum species adeo inter se & indole, seu natura, & legibus differentes a naturæ simplicitate plurimum abhorrent: quid enim id est aliud, quam plura principia diversa, & incognita statuere? Cur enim, inquam, corpora in contactu fortissime uniuntur? Quia, inquires, id habent ab attractione cohesionis: quid igitur rei est unio? Attractio subjungis: est vero hæc eadem attractio universalis, & principium, & vis? Minime repones: sunt igitur in natura varia principia occulta a se invicem valde differentia: porro cum phaenomenorum rationem querimus, si nihil aliud pro causa, & modo nobis datur, præter generalem hanc vocem & ideam *attractionis*; nihilo sapientiores evadimus, idemque est, ac si nobis occultam potentiam, vim, qualitatem, vel formam reponant. Nullus sane, qui occultas qualitates admittit, attractionem rejicit: qui vero mechanice, clare, sensibilibus phaenomena intelligere, & tradere velit, nisi Newtono additus sit, attractionem ferre potest.

154. Sunt jam Newtoniani, & candidi, & doctri-
na illustres, qui attractionem inter qualitates occultas aperte numerant: *cette vertu est sans doute une qualite occulte*, inquit D. Saverien (a) egregius Newtonianus: en igitur qualitates occultas, quas e physica

(a) Dictionair Mathematique v. Attraction.

sica eliminare tantopere student omnes recentiores, iterum in philosophiam introductas: quibus jocis hæc accipient scholastici? (*) Quid vero aliud est phænomena corporum generali nomine attractionum exponere, ut a Neutonianis fit, quam generali virtutum, formarum, qualitarum vocabulo explicare, ut peripateticis solemne erat? Quæ enim, vos Neutoniani, inquit, vires attractivas nuncupatis, ea nos qualitatis, aut formarum accidentia dicimus; plures attractiones, seu attractionum species a vobis ponuntur ad diversa rerum phænomena explicanda: plures etiam nos qualitates, formas, virtutes, potentias, (aut quodcumque aliud magis ardeat nomen) agnoscimus: diversa phænomena diversis attractionibus refertis, idem & nos qualitatibus tribuimus: neque attractiones, neque qualitates modo mechanico materiali, sensibili agunt, sed ratione quadam occulta & metaphysica suos effectus producant: omnes præterea lineis, & linearum proportionibus exponi possunt; & eleganter quidem explicantur; pares ergo sumus: in re convenimus: de nomine tantummodo dissidium est: quoniam tamen per Neutonium licet, attractionem quocumque alio nomine nuncupare, eam appellabimus potentiam, aut qualitatem, qua quidem ratione omnia componuntur: hæc tamen provincia Neutonianis demandatur, ut huiusmodi potentias toto Geometriz apparatu instruant.

155. Vim tandem attractivam in certis distantis converti in repulsivam, repulsivamque iterum in attractivam sine interventu materiæ alicujus, sed in ipso etiam vacuo, in se nescio quid videtur continere: quod mentibus a præiudicio liberis horrorem incutit. Si tandem hæc omnia in peculiarem Dei legem refunderentur; causam tum vero phænomenis ubi-

(*) On les croioit banies pour toujours de la physique, lorsque le grand Newton les retablit d'une façon nouvelle, & armez d'une Force, dont on ne les croioit pas Capables = inquit: de Fontenelle, de qualitatibus occultis agens *Eloge de mr Newton.*

ubique presentem, & spirituales animadvertentes ferre jam eam sententiam possemus, attractionis solum vocabulo in Dei legem mutato: id tamen incommodi adhuc superesset, quod scilicet tot peculiares Dei leges agnoscere opus esset, quot attractionum species agnoscuntur, id autem a simplicitate, qua Deus operatur, non parum recederet: deinde cum innumera singularia corporum phenomena per vires attrahentes newtoniani explicant, ea omnia immediate in Deum, Deique legem referre nescio quid habere videtur: optime tamen stare, si ex iis legibus univversalia solum mundi phenomena, puta aëthrum motus, deducerentur.

Argumenta & experimenta in contrarium.

156. Attractionem non nisi definitione, & experimentis probare nituntur Newtoniani. Attractionis nomine inquit, nil nisi effectus significamus: causam nescimus: eam tamen existere, qualiscunque sit, phenomena demonstrant: licet igitur vires attractivas supponere, & pro causis adhibere. Phenomena ex quibus attractio probatur, sunt plurima, præcipua tamen sequentia.

1^o. Corpora omnia in terræ vicinis ad terram cadunt: eorumque pondus sequitur rationem massarum.

157. 2^o. Luna circa terram, planetæ alii primarii circa solem voluntur: hujusmodi autem revolutiones fiunt, & resolvuntur in vires, quarum alia ad terram, alia ad solem tendit: trahiturque proinde luna versus terram: planetæ alii versus solem.

3^o. Magnes magnetem, & ferrum mutuo attrahunt, & repellunt, diversis tamen legibus, atque attractio universalis.

158. 4^o. Omnia fere corpora vim Electricam habent, aut acquirunt: hæc autem quid est nisi attractio in repulsionem identidem abiens?

159. 5^o. In tubis capillaribus vacuis & in vacuo recipiente existentibus liquores ascendunt ad diversas altitudines: omnia ista suis locis fusc explicanda, & hic solummodo indicata manifestam attractionem indicant.

160. 6°. Quod duz liquorum guttæ se mutuo tangentes illico in unicam guttam consensunt; quod gutta etiam ex una parte superficiem duri corporis tangens, supra illam se expandat & dilatetur, peculiarem vim attractivam in corporum contactu resistentem demonstrant; quæ quidem fortissima est, & fere infinita in contactu; pro magnitudine sese tangentium superficierum augetur, ad minimam tamen distantiam evanescit: quomodo enim hæc sine attractione explicabuntur? Ex adverso posita vi attractiva in materia, quæ secundum varias leges operatur, corporum cohesio, unio, firmitas, durities, separatio, secretio, fermentatio, dispositio, varietas istarum, pluriusque aliarum qualitarum gradus, & intensitas per particularum vim attractivam, ac repulsivam, variasque harum virium species, & leges exponuntur.

161. 7°. Liquores, v.g. aqua, in vase vitreo contenti horizontalem non habent superficiem, sed in circumferentia, ubi vitrum tangunt, attolluntur a vitro attracti, in mercurio tamen oppositum observatur; ad labia enim vasis & in circumferentia tangente vitrum deprimitur magis quam in medio, quasi vitrum refugiat. Mercurius etiam ipse per tubos capillares non ascendit, sed infra ipsos potius deprimitur, eosque refugit, generaliterque id de mercurio notatur, eum a corporibus quamplurimis saltem refugere, & illa repellere, quod scilicet fortius a sese, quam ab aliis corporibus attrahatur.

162. 8°. Tandem ut similia plura omittam, duo vitra quadrata aequalia *DACB* aqua prius perfusa ita conjunges, ut latera *AB* conjungantur, & congruant, ex alia parte *DC* ope subtilis laminæ a sese aliquantulum sint sejuncta: ex parte inferiori *CB* stagnanti aquæ aliquantulum immittantur, hanc inter vitra ascendere videbis, & ita sese accomodare, ut figura demonstrat, magis scilicet elevatur & sustinetur versus *BA*, ubi major est contactus, minus *AC*, ubi minor. Quæ autem hujusmodi phænomeni causa præter attractionem? Rursus quæ majoris elevationis in *BA* causa, nisi attractio cohesionis, quæ in contactu visitur & alias leges sequitur, atque gene-

generalis attractio? Hæc autem omnia per impulsionem materiales nobis notas explicari non possunt: exiſtit igitur vis quædam univerſalis immaterialiter agens in univerſa corpora ſecundum diverſas leges. Hæc ſunt, quæ pro attractione ſtabilienda communiter adducuntur, ea tamen majorem philoſophorum partem non perſuadent; & præter rationes ſuperius adductas.

163. Reſp. Ad primum: effectuum nomine duo in præſentiarum ſignificaria Neutronianis videntur, primum phænomena hætenus relata, & plura alia ſimilia: ſecundum, cauſam immediatam, & non materiale horum effectuum, quæ ſimplicioris cauſæ effectus exiſtit: hanc ſecundam poſſimum ſignificari nomine attractionis ex eo eſt manifeſtum, quia aliter cum effectuum, v. g. deſcenſus gravium cauſam aſſignant attractionem, nil aliud dicerent, quam cauſa deſcenſus eſt deſcenſus; quod quidem de præclaris illis philoſophis citra injuriam affirmari non poteſt. Phænomena recenſita nullus ignorat, aut inſiciatur; ea tamen a ſecundo illo effectû, ſeu cauſa immediata non materiali provenire, eamque exiſtere, phænomena ipſa, aut ratio non probat. Pro omnibus vero generaliter notandum, aliud longe diverſum eſſe, quo pacto phænomena ab impuſionibus materialibus ſiant, non intelligere, aliud, quod a cauſa non materiali proveniant, affirmare. Primum nos aperte de mille phænomenis fatemur, ſecundum ex phænomenis non deducitur.

164. Ad ſecundum: Si Angelus moveat aſtrum circa ſolem, neque ſol in aſtrum, neque aſtrum in ſolem agit: nihilominus tamen in eo motu circulari aut ellyptico locum habet virium reſolutio geometrica, quarum una tendat in ſolem, alia vero per orbitæ tangentem aſtrum ipſum urgeat: ex hac tamen geometrica virium reſolutione falſo inferretur, aſtrum, v. g. Saturnum, a vi aliqua in ſole reſidente, & materiali modo non agente ad ſolem ipſum attrahi, & perpetuo, ne per tangentem abeat impediri. In ſcenam enim producimus antiquum peripateticum, qui aſtra ab Angelis in orbitis ſuis moveri aſſerat: quidquid huic philoſopho dicas de

vi-

virium centralium resolutione, probabit, partem scilicet virium astrum agere per tangentem, aliam vero illud ad solem semper detrudere tibi sponte concedet: quod si inde illi deducas aliquam esse in sole vim, qua astrum ad solem trahitur, ridebit; cum totam ille vim in Angelo, nullam in sole seu centro agnoscat: aliter reponet, cum circa urbem aliquam, pratum, aut hortum animi gratia ambulas, aliqua semper esset in centro civitatis vis attrahens, & centralis, a qua ego circa muros detinerer. Quod quidem citra jocum dici non potest. Aliud igitur est, geometrice in re physica argumentari, aliud veram causam physicam agnoscere: sed susius ista prosequemur in astronomia physica.

Ad tertium, & quartum vim magneticam, & electricam non esse vim immaterialem, sed omnia illic fieri per materiz impulsiones, & effluvia: nullus, credo, insiciabitur; cum omnia corporum attributa in iis viribus, & actionibus experiamur. ut suis in locis dicemus. Et hinc argumentum desumo, quod mihi videtur efficacissimum: vires, & actiones magneticæ, & electricæ sunt impulsiones materiales, licet quo pacto ex fiant, ignoremus, earumque actionum leges multo difficilius per notas leges impulsionum explicare possimus, quam alia phaenomena superius adducta: quo igitur potiori jure hæc postrema per impulsionem materialem non fieri contendamus, licet modum ignoremus?

Ad quintum: Vide quæ de tubis capillaribus inferius dicemus. 7. & c. 8. difficultas in tubos capillares recidit, ut ex se patet, quæ igitur de iis exponam, aliis applicari possunt.

165. Ad sextum, phaenomenon etiam in recipiente evacuato locum habere, ac proinde crassioris nostri aeris pressioni tribui non posse indubium est: verum novimus nos omnia media fluida in rebus existentia, illorumque agendi rationem? Est ne aer unicus, aut subtilior, quam agnoscamus, fluida substantia? Materia lucis, ignis, aura etherea sunt procul dubio fluida aere multo subtiliora atque in recipiente evacuato remanent omnium confessione: novimus nos vero leges, quibus hæc fluida in cor-
pora

pora agunt, & mechanisum suum exercent? Singula corpora solida, fluida, guttaeque proinde ipsae de quibus loquimur, suas habent atmosphaeras, eas ubicumque in ipso etiam vacuo retinent, ut eam ibi habent magnetes: quidni igitur dicemus supradicta guttarum phaenomena, sicut & magnetum ab earum atmosphaeris materialibus originem ducere? Attamen non intelligimus, imo repugnare videtur, quod illa phaenomena ab impulsione materiali nascantur: intelligimus tamen forsitan nos, quo pacto vis immaterialis, quae neque spiritus est, neque corpus, corpora moveat, imo quod vis haec in terra solum existens, in firmamento, ubi non est, operetur? Si lucem nos, credo, non perciperemus, & illius proprietates, & phaenomena alius nobis exponeret; illam a nobis inter corpora recensendam minime dubito: nihilominus tamen est corpus, & per impulsione agit. Si aliis etiam nos sensibus donaret Deus, quae modo inter immaterialia & occulta principia referimus, & materialia, & clara, & evidentialia nobis apparerent. Haec physice dicta sunt, theorematum enim geometrica a Neutono, & aliis circa attractionem demonstrata, cum hypothetica sint, ut sunt omnia geometrica, & ab existentia, aut physica natura non dependant admissa a me non esse nemo suspicetur, ut in astronomia physica palam fiet. Quaecumque igitur de attractione seu vi centripeta (quidquid illa physice sit) geometricae asseritur, omnia & nos amplectimur hac tamen lege, ut idearum, hoc est geometricarum fines egressi & physicam agentes qualitates occultas, & larvatas entitaculas minime seramus in natura.

COROLLARIUM.

166. Paucis totam hanc lectionem complectemur:
 1°. Omnes illos effectus, & phaenomena physica admittimus, quae ab attrahentibus viribus deducunt earum assertores: nullum circa haec dissidium nobis cum hisce philosophis intercedit. 2°. De praedictorum igitur effectuum causa strictius loquendo, vel ea causa assumitur tamquam causa absolute & physice

in

in rebus existens, & ab omni cuiuscunque materiæ impulsione distincta, (ut a newtonianis accipitur) vel tantummodo consideratur tamquam hypothesis geometrica nihil in rebus ponens, aut statuens, quod sit a materialibus causis distinctum: in priori sensu attractionem omnino rejicimus: neque in materialium rerum sistemate atque actionibus aliquid admittimus, quod non sit & materiale, & mechanicum: in posteriori vero acceptione, vires attrahentes agnoscimus, neque ab ullo negari posse credimus: est dicere: attractionem negamus physici, probamus geometræ: dum enim physicum agimus, quid rei physice sit, inquirimus; cum igitur ita simus comparati, ut quidquid occultam qualitatem sapit, rejiciamus, hoc in sensu nulla nobis attractio probatur: dum tamen geometras agimus, quid res physice sint, existant necne, nihil immoramur: ideam virium centralium nobis statuimus & agnoscimus in quacunque potentia, quæ corpus ad centrum detrudat, aut detrudere nitatur. Quod hujusmodi vires ab impulsionibus distinguantur, ex præfixa nobis idea non deducimus, neque aliunde probare contendimus: hanc ideam prosequimur, cum alia projectionis idea comparamus. Quid ex duabus, dum simul concurrunt, consequatur, perpendimus: earum effectus omni ex facie consideramus: quænam ex hisce ideis seu viribus atque ex multiplici earum proportionem consequatur ratio inter tempora periodica, inter areas, & alias similes affectiones centralium virium proprias examinamus, examinas leges corporibus celestibus, eorumque revolutionibus applicamus: quod si ex virium seu idearum theoria calculo deducta cum observatis phenomenonis astronomicis congruant: recte enim vero, inquirimus, res se habent: idea virium attrahentium, qualem nobis finximus, in rebus existit, & secundum earum virium theoriam calculos deinde instituire poterimus: dum tamen a theoria, & idea ad verum rerum statum gradum facimus, statuere nullo modo possumus vires attrahentes, quarum theoriam, & ideam nobis comparavimus a veris impulsionibus, aut si mavis a peculiare Dei lege,

di-

distingui, atque in virtute nescio qua non materiali, aut mechanica consistere.

LECTIO V.

De gravitatis corporum effectibus, & primo quidem de iis, qui a sola gravitate derivantur.

DEFINITIO.

167. *Planum horizontale* est superficies AA (Fig. 5. Tab. IV.) plana telluris globum OM in unico tangens puncto; respectu cuius, & habitatoris in eo existentis dicitur, & est horizontale planum. Duplex distingui potest planum horizontale geometricum scilicet, & sensibile seu physicum: Primum est superficies geometricæ plana A, quæ telluris globum LM, si esset perfecte sphericus, aut unica superficie terminatus, in unico geometrico puncto M contingeret. Quoniam tamen neque tellus est perfecte, sed ad sensum tantummodo spherica, neque unica superficie comprehenditur, planum horizontale est superficies AA plana terram in sensibili puncto contingens, a quo versus omnes partes æqualiter a tellure recedit.

Porro cum tellus sit enormis adeo globus, ut sensibilis illius superficiæ pars, quam habitator terre insilens, oculis circumquaque comprehendit, non nisi insensibilem rotunditatem habeat; ea superficies pro horizontali plano physico, & sensibili circa sensibilem errorem: potest haberi, atque etiam terrestris horizon nuncupatur. Si accurate loquamur, horizontem in primo sensu usurpabimus. Distinctionis tamen gratia horizontem primo sensu usurpatum *Geometricum*; secundo *verum*; *sensibilem*, seu *physicum*; tertio *terrestrem* nuncupabimus. (*)

DE-

(*) Videnda hæc, sunt clarius exposta in *Elementis Sphære in nostra Astr. Physica.*

DEFINITIO.

168. *Linea horizontalis* est recta AA in plano horizontali per punctum M, in quo planum tellurem tangit, descripta; unde, ut planum, in triplici etiam est differentia; quod ulteriori explicatione non indiget. Linea igitur horizontalis terrestris est parvus quidam circuli terrestris BC (Fig. 97. Geom.) arcus CXB insensibiliter a recta differens, horizon autem terrestris est superficiei convexæ portio circa punctum X descripta.

DEFINITIO.

169. Triplex corporum distinguimus centrum, magnitudinis scilicet vel figuræ, centrum gravitatis in corporibus, *centrum corporum gravium*: primum est illud intra corpus punctum O (Fig. 9. Tab. IV.) v. g., per quod omnia transeuntia plana in duas partes magnitudine æquales corpus dividunt. Secundum est in quolibet corpore punctum, circa quod omnes corporis partes sunt in æquilibrio; seu per quod ducta utrumque plana corpus in duas partes æqualis magnitudinis dividunt. Tertium est punctum illud, in quod omnia tendunt gravia; hujusmodi est terræ centrum relate ad corpora omnia terrestria.

COROLLARIUM.

170. Si corpus quodcumque grave homogeneam, eandemque in suis partibus densitatem, seu gravitatem habeat, centrum gravitatis cum magnitudinis centro coincidit: planum enim RS (Fig. 5. Tab. IV.) per punctum O, magnitudinis, centrum, transiens, corpus, v. g. tellurem, in duas partes magnitudine, & pondere æquales dividit: quod si major versus M sit partium gravitas, majoris in dimidio corpore OMO, quam in reliqua medietate erit pondus: ergo in puncto O non est gravitatis centrum.

DE-

DEFINITIO.

171. Linea recta MN (Fig. 4. Tab. IV.) a centro gravitatis unius corporis M ad commune gravitatis centrum N ducta *gravitatis directio* appellatur: corpusque descendere dicitur, si ad gravium corporum centrum accedat; ascendere, si recedat, recte, vel oblique; utroque enim modo, ut statim videbimus, corpora recedunt, & accedunt.

Si igitur corpus aliquod gravitatis tantummodo actionibus morem gerat, & urgeatur recta ad gravitantium corporum centrum, per gravitatis directionem movetur; eumque motum dicimus *liberum gravium descensum*. (*)

HYPOTHESIS.

112. Tellus, quam incolimus, seu terræ corpus ex fluidis, & solidis confurgens, physice, seu quoad sensus, & notabiliter non differt a sphaera: liceat in præsentiarum id supponere, si illud in loco juxta rectum doctrinæ ordinem demonstravero: datam autem fidem in astronomia physica liberabo. Neque modo in difficultate a montibus, & vallibus petita, quæ telluris rotunditatem sus deque vertere videtur, expedienda immorabor: illud adnotasse sufficiat, altiores in terra montes, puta *Andes* in America, *Picum* in Teneriffa insula, *Alpes* & *Pyrenæos* in Europa, *Atlantem* in Africa, *Caucasum* in Asia, esse ad telluris Massam relatos, velut leves athomos, & penitus disparere. Neque me etiam latet celebre de hujusmodi argumento inter Gallos, & Anglos dissidium,

(*) Effectuum gravitatis nomine veniunt examinanda illius directio, intensitas, seu vires. Circa illius intensitatem queri potest primo, sit nec ne eadem in omni corpore, tempore, & loco gravitas: 2°. si pro vario corporum statu varia etiam est ejusdem corporis gravitas. 3°. Qua etiam ratione, & proportionem ejusdem corporis gravitas augeri, minuique possit.

Mont. Phil. T. III.

H

dium, quod plurimos tenuit annos, & feliciter tandem Gallorum ope, & observationibus secundum Anglorum vota, & prædictiones rem fuisse definitam: hæc tamen latius infra exponenda nostram hypothesein non evertunt.

OBSERVATIO.

173. Omnia corpora gravia, in quibus in telluris superficie experimenta capere licet, supra terræ superficiem posita, & sibi libere relicta, ubique terrarum & marium per lineas ad horizontale loci planum sensibilibiter perpendiculares, descendunt.

Id primum est gravitatis phenomenon, communi omnium gentium, locorum, temporum observationibus comprobatum: plurimarum artium primum, & præcipuum fundamentum, quæ eo labente corruerent: illi siquidem inititur libellandi, ædificiaque construendi regula, ut alia prætermittam. Hujus utique communis phenomenon, principii, vel axiomatis loco assumpti, & suppositi ratione horizontalia determinantur plana aræ, domorum tabulata, & sexcenta alia, quæ ab illo penitus dependent.

Dixi autem sensibilibiter seu physice, propter mox dicenda de duplici terræ centro, quod impedit, ne lapsum corporum geometricè ad horizontem perpendicularem pronunciemus. Ex hoc utique phenomèno (perperam in plurimis ex relatis supra de gravitatis origine sententiis explicato) eas opiniones rejicimus. Hinc autem plurima deducuntur tyronibus non ignoranda, cum ad corrigenda infantie præjudicia plurimum inserviant.

COROLLARIUM I.

174. Recta igitur NM ad horizontem AA (Fig. s. Tab. IV.) perpendicularis, est gravitatis directio, quam scilicet gravia quæcumque corpora gravitatis indoli, & viribus relicta semper insistant; neque umquam a prædicta deflectunt semita, nisi ab aliqua exteriori causa ad eam mutationem determinentur. Præterea cum perpendicularis linea omnium, quæ ex puncto aliquo ad planum ducuntur

tur linearum, sit brevissima, (a) perspicuum est liberum corporum descensum, seu gravitatis directionem esse lineam brevissimam.

COROLLARIUM II.

175. Omnia corpora gravia terrestria in telluris centrum diriguntur, & gravitatis actione tendunt. Est enim tellus physice sphaerica (n. 172.) eamque horizontalia plana AA in puncto sensibili contingunt; (n. 168.) per illud punctum gravia perpendiculariter ad horizontem descendunt; at rectæ NM ad plana AA (Fig. 3. Tab. IV.) globum contingentia per contactus puncta perpendiculariter ductæ in globi centro concurrunt (b): omnia igitur terrestria corpora gravitate sua libere descendunt ad telluris centrum diriguntur & concurrunt.

176. Oppones: Centrum magnitudinis a centro gravitatis terræ differt, & aliquantulum distat, ob imparem continentis, seu terræ, & aquarum, seu marium gravitatem specificam, ut supra jam inhuimus, & infra demonstrabitur. Modo sic: Gravita ad terrestre gravitatis centrum diriguntur: at rectæ NM, MR, (Fig. 4. 5. Tab. IV.) ad tangentia plana per contactus puncta perpendicularares, ad magnitudinis, non ad gravitatis centrum diriguntur, ut facile ex geometricis demonstratur: ergo gravia perpendiculariter ad horizontem vel non descendunt; vel ad centrum gravitatis non diriguntur, contra ac modo supposuimus.

Resp. Modicam & vix sensibilem inter duo præfata centra distantiam esse interjectam: licet enim maria minorem, quam solida telluris corpora gravitatem habeant, ut modo supposuimus; cum tamen aquæ, quantum ex terrestribus globi superficie, & geographica descriptione conjectari licet, versus omnes partes fere æqualiter sint superfusæ, sit ut æquilibrentur utrimque pondera, nec nisi modice centrum

gra-

(a) *Elem. Geom. Elem. 4. & 1. n. 48.*

(b) *Elem. Geom. Elem. 1. n. 80.*

gravitatis a magnitudinis centro sit distitum : ex quo insensibilis in gravitatis directione accidit mutatio , seu a perpendiculari deviatio . Majorem hæc ex dicendis infra , cum de *Centrobarica* sermo incidet , lucem accipient .

COROLLARIUM III.

177. Si igitur tellus est in medio universi , seu cæli stelliferi , aut firmamenti , omnia corpora gravia terrestria non tantum ad terræ , sed etiam ad universi centrum propendent , & nituntur ; idemque punctum erit commune & telluris , & firmamenti , & omnium gravium centrum , & omnium locorum in toto mundano systemate infimus , a quo si tellus ipsa expelleretur , in lunam v. g. , sponte sua , & propriæ gravitatis indole in eundem locum relaberetur . Hoc utique plurimum philosophorum est iudicium , & præjudicata opinio : si eos enim audias , mundanum centrum mortalibus incolendum destinavit Deus (a) , ubi quasi in mundanarum rerum *sentina* undique pressi vivimus .

Hæc tamen per hypothesin dicta accipe , a pluribus siquidem , quæ dubia sunt , dependent ; præterea etiam in Astronomia physica demonstrabimus terram longe a firmamenti centro esse distitam , licet ab ejus axe insensibiliter tantum distet : incertam proinde nobis esse propriam telluris in mundo aut solari vortice sedem . Plurima citato loco curiosa *videbis* .

COROLLARIUM IV.

178. Si tellus per centrum perforaretur , demissus per foramen MO lapis v. g. ad centrum usque O (Fig. 5. Tab. IV.) descenderet , illicque post aliquot hinc inde peractas oscillationes , in aere , vel in vacuo conquiesceret nulli sustentaculo innixus : impetu enim in descensu concepto centrum aliquantulum

(a) Vid. Cassel. sur la pesanteur universelle.

PHYSICA GENERALIS. 117

tilum transgrediretur, & ad centrum regrediens ; impetu iterum, minori tamen, acquisito ad M ascenderet aliquantulum, quoad reciproco oscillationum motu peracto, in infimo conquiesceret suæ tendentiz centro, licet nulli corpori inalteretur; quocumque enim pergeret, ascenderet contra gravitatis indolem.

COROLLARIUM V.

179. Eadem in hypothese homo ita in centro locatus, ut ejus pectus centrum teneret, pedibus statet erectus, licet & caput & pedes pectore haberet altiores; cum & pedes, & caput extra centrum, locum scilicet in tellure infimum, in quo hæreret pectus, essent disposita. Fac item per centrum O scalam hac illac esse discentam, duos per eam homines in oppositas ex diametro plagas simul ascenderent, si a scalæ medio in centro quiescente versus singulas extremitates pergerent. Hæc aliaque in tironum gratiam corrigendæ imaginationis causa adducta sint.

COROLLARIUM VI.

180. Si planum perfecte planum AA (Fig. 5. Tab. IV.) tertiam contingat, illique globus perfecte phæricus quicumque superimponatur, ad contactus punctum illico descendet, in quo tandem sistet; nec nisi violenter ab eo puncto separabitur: punctum enim contactus R locum infimum præ aliis plani punctis occupat, cum sit centro terræ N vicinior: est enim in terrestri superficie; extra quam, reliqua omnia plani puncta consistunt. Si igitur globus a puncto M ad A, vel ab R ad X recederet; ascenderet contra gravitatis indolem & actionem. Idem est, imo potiori jure; si planum per terræ centrum duceretur ad aliud planum, de quo hætenus, parallelum. Unicus etiam in hoc secundo stare posset homo, centrali scilicet puncto. Sit enim id planum OO, vel potius OA: est illud quasi paties X in superficie terrestri perpendiculariter erectus, cui erit parallelus; seu est murus per centrum

trum transiens; muro autem nullius nostrum perpendiculariter insistere potest, nisi in centro per quod omnes transirent, si producerentur. Si igitur sphaera terrestris *MO* in duo hemisphaeria interfecaretur, & reliqua, ut modo sunt, persisterent; unicuius in immenso maximi terræ circuli plano stare posset homo.

COROLLARIUM VII.

181. Hinc etiam sequitur nullos ædificiorum parietes, si ad horizontale planum perpendiculariter, ut solet, erigerentur, esse inter se Geometrico parallelos: si enim sunt perpendiculares in centro concurrerent (*a*), in eoque ea plana sese-intersecarent: parallela autem plana in infinitum licet producta numquam possunt concurrere. E contrario vero si producti parietes paralleli statuerentur, non erunt in rigore geometrico ad horizontale planum perpendiculares: ex hoc tamen, ne minimum quidem ruinæ vestigium pertimecas.

COROLLARIUM VIII.

182. Homo tellurem circumiens nullibi terrarum in pundis v. g. *OO* (Fig. 5. Tab. IV.) a terra caderet: ubique enim versus idem punctum, & terræ centrum urgeretur: licet enim, qui in *M* vivimus; hausto a teneris præjudicio, & imaginandi vitio, homines in *OL*, *XZO* existentes per integrum semicirculum, vel per circuli quadrantem a nobis distitos, non posse telluri insistere, sed præcipites illico in immensum cæli spatium ruituros cogitemus; facile dedocebimur, si attendamus, homines prædictos in idem, atque nos ipsi, punctum *O* propendere, & gravitate sua niti: adeo ut violenter tantummodo a terrestri superficie avelli, & in aera moveri possent: & quod modo diximus præcipitium, puerile esse imaginationis figmentum: cum

(a) *Elem. Geom. Elem. 1. n. 80.*

cum hujusmodi motus verus esset ascensus, seu in loca ab infimo centro sensim remotiora successivus accessus.

183. Æque igitur est a lapsu securus incola L ac nos ipsi in puncto M, quibus certe nullum in firmamentum labendi imminet periculum: licet habitatores M parem nobis gratiam *rependant*; & idem vicissim nobis solliciti in fixas cadendi periculum deprecantur: hujusmodi tamen beneficium, ut nos, ita & illi non mutuis orationibus, sed propriæ gravitati acceptum referunt. Tam bene igitur se habet in AL miser, & Semihomo Syberix Tartarus, ac in natali solo L, vel X barbarus terræ Magellanicæ Americanus incola, licet uterque averso capite cælum respiciat, & pedes sibi ex diametro oppositos ambo in telluris centrum convertant, *Antipodes* exinde nuncupati: uterque enim recto ordine & situ capite sursum erecto pedibus deorsum conversis incedit; licet nos talia demonstrantes, & antipodum mentionem *inferentes* cachinnis exciperet; ut antiquorum plurimi excipiebant, qui capere vix poterant, qua demum ratione duo in terra antipodes stare a lapsu immunes possent.

COROLLARIUM IX.

184. Siquis terram circumiret viator, plus capite, quam pedibus spatii conficeret: quod etiam in rigore geometrico de quolibet iter faciente verum est. Nam pedibus quidem terræ innixus, illius superficiem emetiretur, dum capite in Cælum elato, in majori a centro distantia circulum majorem describeret. Hæc in tironum gratiam: exposita excuset doctus Lector.

OBSERVATIO.

185. Fumus e candela accensa, & intra machine Pneumaticæ recipientem aere nondum exhaustum inclusa, ibique ardente emissus, aere extracto e recipientis summitate, in quam ascenderat, & consistebat, in machine planum, seu patinam prolabitur, & super il-

Ind. distenditur: (a) flamma etiam aere libero, vel intra recipientem nondum evacuatum ardens sursum in conicæ pyramidis formam acuminata erumpit; aere tamen extracto non amplius sursum ascendit; sed subiendo, atque per latera quasi labens in globum sese conformat, & statim extinguitur; ut plurimi quotidie observant, primum vero expertus est Dom. Boyle (b) Muschembroeck. (c)

OBSERVATIO.

186. *Lateres, quibus fornaces sternuntur, & confruuntur, postquam longo usu in fornace arserunt, maiorem, quam antea habebant, gravitatem habere deprehenduntur (d). D. DuClos, & Homberg periculo sapienter facto Antimonii regalum unius libræ pondere in pulverem prius redactum, deinde a solaribus radiis vitri caustici ope collectis, accensum, licet spissum ex se fumum emisisset, hora tamen integra exacta decima sui ponderis parte auctum deprehenderunt (e): vide Muschembroeck (f):*

OBSERVATIO.

187. *Intra machinæ Pneumaticæ recipientem aliquibus pedibus longum, & aere evacuatum disposita quæcumque corpora, aurum. lignum, plumæ, papyrus, & alia plurima gravitatis omnino diversæ, ex eadem altitudine simul demissa simul descendunt, & eodem sensibili temporis momento planum attingunt. Quod si in tromisso denuo aere experimentum iterum instituitur, sint autem corpora ejusdem ad sensum molis, graviora corpora celerius descendunt, & fundum prius attingunt. Id innumeris multorum observationibus constat Muschembroeck. Gravess.*

(a) Noller t. 2. p. m. 106.

(b) Nova Experim. Schottus Phys.

(c) Clem. Phys. cap. 7.

(d) Bibliot. univ. 1669. t. 4. apud Regn. t. 1. n. 190.

(e) Mem. Acad. 105. p. 94.

(f) Elem. phys. cap. 7.

PHYSICA GENERALIS. 127

Gravesc. Nollet, Nevvtoni. Id ego etiam pluries Græ-
nimbricæ curiositatis gratia observavi.

OBSERVATIO.

188. Plurima corpora magnitudine quidem paria,
pondere seu gravitate inæqualia in libero aere ex alti-
tudine insigni simul demissa magna celeritatum differ-
rentia pro gravitatum discrimine descendunt, & ter-
ram attingunt. Desaguliers in Londinensi D. Pauli
templo corpora ab altitudine 271. pedum demisit (a).
Duos nimirum globos, quorum diameter erat 5 pol-
licum eum dimidio: unus tamen 2610. grana, alter

137½ ponderabat; primus intra 6:30, secundum 19
descendit. Desaguillierio præverunt in Italia Joannes
B. Ricciolus, in Gallia Milliet Dechaies, qui hujus-
modi experimenta multo prius incredibili patientia, &
pari eventu instituerunt. (*)

PROPOSITIO XVI.

189. Omnia terrestria corpora, in quibus experimen-
ta capere licet, gravitatem habent, qua versus terræ
centrum descendunt; si libere sibi ipsis permittantur,
vel descendere nituntur, si ab aliqua externa causa
impediantur.

Antequam propositionem probemus, notandum
est, generale nos impræsentiarum gravitatis systema
non discutere, aliumque in locum rejicere, idcir-
co

(a) Cours de Physique.

(*) Ricciolus enim duos globulos æquales, quorum
prior erat unciarum 20., alter unciarum 10., ex Asi-
nellorum turri, quæ Bononiæ est, simul demittens,
observavit, priorem pavimentum attingisse, cum 15.
pedes adhuc alteri percurrendi superessent. Ex eadem
etiam turri alios ejusdem quidem materiæ, inæquales
tamen globos (quorum alius uncias 4., alter 8. conti-
nebat) pluries demisit; graviorem tamen solum semper
attingebat primus, levior adhuc 4. pedes alo:

2^o de corporibus tantum sublunaribus, seu terrestribus sermo est. 1^o. Neque etiam universa corporum genera ad trutinam hoc loco revocabimus, ut propositionis veritatem bona luce collocemus: id unum mihi assumam, ut ostendam rationes, quibus aliquorum corporum gravitas negabatur, nihil conficere: ipsaque corpora, de quibus potissimum dubitari poterat, esse gravitate prædita; id enim si evincamus, rem consecimus. 3^o. peculiarem de aeris gravitate disceptationem in alium locum reservavi, posseque recte a nobis interim supponi.

190. 4^o. Triplicem hæcenus fuisse philosophorum circa rem præsentem opinionem: primo enim *Aristoteles*, & scholastici, antiquiores potissimum, plurima quidem corpora gravia; aliqua etiam absolute levia statuebant. 2^o. Fuere etiam, qui omnia corpora levia absolute dicerent: Tertia tandem plurimorum veterum, & recentiorum fere omnium opinio omnia corpora gravitate donari statuit: prima Aristotelis sententia pene jam obliterata: secunda paucos nacta patronos statim jacuit. His positus.

Probatur propositio. Si qua sunt sensibilia corpora nobis nota, quibus positiva absoluta levitas vindicetur, in eorum potissimum loco computabitur flamma, fumus, vapores, radii solares, seu lux: ac experientia demonstrante (n. 185. 186.) hæc ipsa corpora non levitatem absolutam, sed gravitatem in se habent: Fumus si quidem ab aere, densiori medio fluido, cui innatabat, liberatus, sponte labitur, & ad liquorum instar diluentis horizontaliter subidet, & disponitur: flamma etiam ab aere libera non amplius ascendit, sed in parvum globum conformata, ad latera quasi dilabitur, & extinguitur. Ignæ etiam particulæ lateribus intromixtæ majorem gravitatem illis impertiuntur (n. 186.): ea igitur sunt prædita: si enim absolutam in se haberent levitatem, lateres, quibus immiscerentur, leviores redderent: fumus etiam absolute levis, a recipientis summitate non decideret. Quæ de flamma, seu Igne hic dicimus, juxta illa intelligas, velim, quæ inferius de Igne Elementari, & luce agentes adfruemus.

PHYSICA GENERALIS. 129

191. 2^o. Probatur ex communi, & vera philosophandi regula: *Causse rerum naturalium non plures admitti debent, quam quæ & vera sint, & phenomenis explicandis sufficiant*; at gravitas respectiva, seu minor gravitas, & vera est, & phenomenis explicandis sufficit: ergo ea tantum est admittenda: præcipue cum nullum aliunde momenti alicujus suppetat argumentum, quo absoluta levitas aditri probabiliter posse videatur. Porro veram existere respectivam levitatem nullus ibit incitias: ea stante, omnia gravitatis, & levitatis phenomena, aliorum scilicet supra alia corpora ascensus, explicari posse luculenter passim conficiemus.

Primo enim si corporum gravitas ex vorticoso materiz motu repetatur, nulla in corporibus absoluta levitas requiritur, ut sursum a centro protrudantur, & ascendant; cum ad hujusmodi effectum vis centrifuga major ex majori corporis densitate, aut velociori motu proveniens sufficiat, ut supra explicavimus a numero 75. &c. Secundo, in quocumque etiam corporum gravitas statuatur, extra dubitationis aleam positum est, eam esse gravitatis indolem, ut quæ graviora sunt corpora, vel densiora, leviora intra se posita, nisi aliunde impediuntur, sursum de- trudent, ut in eorum locum subingrediantur: corporum igitur ascensus absolutam eorum levitatem non probat nisi fortasse in vacuo, ubi nulla essent prementia corpora, sursum etiam ascenderent, quod experientiz contrarium est.

192. Probatur 3^o. Ligna & plurima id genus corpora aqua vel mercurio leviora, & hujusmodi liquoribus demersa, sibi que deinde relicta sursum in liquidi superficiem sponte ascendant: at hujusmodi phenomenon, unum adversæ opinionis fundamentum, non absolute levitati, sed minori gravitati debet tribui: Probo. 1^o. positum in vacuo lignum ad vacui tubi summitatem non ascendit, maxime vero, si aqua, aut mercurio impleatur recipiens: ascenderet autem in priori casu, si corporum ascensus absolute levitati, non vero graviorum corporum pressioni tribueretur: absoluta enim levitas a nullo corpore, aut obstaculo impedita facilius age-
ret

124 PHISICA GENERALIS:

ret in vacuo. Præterea corpus grave in vacui recipientis summitate positum, & sibi relictum ob gravitatis vim & indolem descendit: ergo & corpus absolute leve in vacui recipientis fundo sibi relictum, ex levitatis indole sursum deferretur: quod experientiz repugnat.

193. Uterius etiam patet: periculo enim sæpius a *P. de Lanis* (a), & Accademicis Florentinis factus, corpus solidum aqua vel mercurio levius intra vas aquæ, aut mercurio plenum, ea arte vasis fundo aptetur, & adhzreat, ut circumstans liquor inter corpus solidum, & vasis fundum interfluere, & subingredi, aut sese insinuare non possit, neque mutuum corporis, & fundi contactum impedire: Corpus solidum hoc modo dispositum ad summitatem vasis & contenti in eo liquoris superficiem non ascendit; quam primum vero inter contingentes superficies sese insinuet liquor: levius corpus sursum ascendit: modo sic: Si hujusmodi corpus ob levitatem absolutam ascenderet; eodem modo effuso in vas liquore attolleretur, sive inter superficie- rum contactum sese liquor insinuaret; sive penitus excluderetur; cum eadem semper adesset levitas, ascensus causa. Cum igitur posteriori tantum casu, corpus emergat; liquido constat, ob id unum Corpus ascendere, quia a circumstante, premente, & sese inter superficies insinuante fluido graviore, & deorsum urgente ad superficiem liquoris detruditur.

194. 5°. Corpus liquido levius v. g. lignum, aut cortex eo velocius e vasis fundo ad summitatem per medium fluidum ascendit, quo gravior est circumstans liquor: adeo ut velocius per mercurium, tardius per aquam, & multo etiam segnius per vini spiritum emergat: at si absoluta levitas prædictum corpus sursum traheret, longe facilius, ac proinde celerius per levio-rem, rariorem, ac minus resistentem liquorem, quam per corpus densius gravius, & magis resiliens ascenderet, ut ex se patet: ratum igitur, fixumque maneat ea, & omnia aliam ascen-

den-

dentia corpora non a levitate aliqua absoluta, sed a graviore premente fluido sursum protrudi: eoque facilius ascendere, quo a graviore fluidi majori pressione urgentur.

195. Opponitur, Ex constanti corporum ad terram perpendiculari accessu absolutam eorum gravitatem inferimus: ergo ex adverso ex constanti quorundam corporum a tellure recessu absolutam eorum levitatem deducemus: at flamma in omni loco & tempore a tellure recedit, idemque in aliis visitur corporibus. Resp. nego constantem flammæ, vel alterius corporis a tellure recedendi conatum, ut ex hæcenus stabilitis constat; in vacuo scilicet non a tellure, sed in tellurem secundum gravitatis indulem descendunt, aut descendere nituntur.

Aristoteles Supra aeris regionem ignis elementum, seu sphaeram, quæ aerem & tellurem undequaque circumcingeret, statuebat, in quam, velut in peculiare centrum, ignis, & cætera corpora levitenderent, & dirigerentur; duplicemque proinde corporibus directionis terminum assignabat, gravium scilicet in telluris centro, levium in illius circumferentia adstruebat. Sed cæcinnis jam ab omnibus anilis hæc fabula excipitur, cum ne ullum quidem prædictæ ignis sphaeræ appareat vestigium. Deinde levia corpora nullum haberent terminum, quo tenderent; cum versus omnem circumferentiam circumquaque dirigerentur.

196. Opponitur 2^o. Explicari & intelligi nequit, qua ratione alia aliis graviora sint corpora, nisi aliq̃ statuantur corporum species absolute leves, ex quorum cum gravibus compositione ea gravitatis specifica inæqualitas oriatur: præcipue si nulla in corporibus disseminata vacuola admittamus; in ea enim hypothese omnia corpora erunt æquo densa: ergo si volumina habeant æqualia, eandem, seu æqualem habebunt materiam: ergo si omnis materia est gravis, omnia corpora eandem, seu parem habent gravitatem. Hoc argumentum tangit difficultatem omnibus solvendam, quam alibi commodius examinabimus. Interim Resp. Specifica corporum gravitas originem ducit 1^o. Ex majori vel minoris vacuorum

poro-

pororum summa intra corpora ipsa delitescuntium .
 20. Ex majori massa corporum propria sub eodem
 aut æquali volumine : da enim duo corpora æqualis
 voluminis , inæqualis densitatis , quorum pori sint
 pleni circumambienti illa materia fluida , in qua
 corpora innatant : fluidum in poris existens est in
 æquilibrio cum externa circumambiente materia : ex
 eo igitur capite nullum est in corporibus discrimen
 gravitatis : oriretur igitur id discrimen ex diversa
 magnitudine massæ corporum propria . Hoc tamen
 pendet ab ea , quam de gravitate corporum tenueris ,
 sententia . Quod si neque vacua Newtoniana , ne-
 que vortices Cartesianos admittas , dicere poteris ,
 materiam illam fluidam , qua Tellus , astraque cir-
 cumdantur , & omnia spatia celestia replentur , cum
 nullius astri propria sit , ad nullum centrum gravi-
 tare ; atque proinde neque gravem , neque levem
 esse : hoc stabilito , totum argumentum evanescit .

COROLLARIUM.

197. Nulla igitur sunt corpora absolute levia cum
 nulla sit positiva , & absoluta levitas ; sed sua omni-
 bus & singulis inest absoluta gravitas , & positiva
 major vel minor explicanda inferiori ratione , relati-
 va tantummodo levitate , seu minori gravitate cor-
 pora differunt : & hac una posita , omnia gravitatis
 phænomena , & systema , ad quæ positiva levitas
 opus esse videbatur , recte explicari possunt .

PROPOSITIO XVII.

198. *Omnia corpora gravia eandem , sive ejusdem
 generis , & nature habent gravitatem ; eodemque tem-
 pore & eadem altitudine libere demissa eadem celeri-
 tate æquale spatium consciunt , & terram simul at-
 tingunt .*

Hæc propositio ex ipsius observationibus a num.
 185. relatis immediate deducitur : ex iis enim con-
 stat , gravitatem in omnibus corporibus æqualem ,
 imo eundem effectum producere ; eaque ab eodem
 puncto libere demissa æqualiter urgere , & ad ter-
 ram

ram intra idem tempus trahere : æqualem igitur , eandem , eodemque modo agentem corpora omnia habent gravitatem : vires enim eundem , æqualemve effectum , eodem modo producentes sunt æquales , eandem ; ex autem vires in gravitate consistunt , quæ quidem gravitas , tamquam potentia premens spectari debet , corporis massam deorsum semper urgens .

Æqualem cum dixi , non id perinde accipias , velim , quasi idem omnibus corporibus pondus adstruere intendam ; gravitatem præterea a pondere distingui debere non ignoro , & inferius probabo : id igitur unum assero gravitatem eundem , seu æqualem in corporibus descensum , celeritatem , & vires exercere : licet alio ex capite majora corpora majus habeant pondus , non quia majori gravitate , sed quia pluribus æqualiter gravitantibus partibus sunt prædita , quæ quidem sub æquali gravitate majus pondus efficiunt . Quod si gravitatem aliquando , ut fuit usus , pro pondere accipiamus , per me non stabit , quo minus alia aliis graviora dicantur corpora .

COROLLARIUM I.

199. Cum solidum quodcumque corpus ad terram descendit , omnes ejus particulæ , & primigenia , ex quibus componitur , elementa , communem inter se , seu eandem habent vel citatem , hoc est , eadem celeritate donantur , seu eadem in omnibus est celeritatis mutatio . Si igitur corpus A in centrum æqualia elementa divisum supponatur , perinde divisa elementa a gravitate afficientur , atque inter se unita : gravitas igitur , ut potentia quædam intima corporum elementa penetrans , & æqualiter premens concipi recte potest . Primigenia igitur , & æqualia corporum elementa æqualiter versus terram premuntur . Concipiantur scilicet duo quædam inæqualia corpora in elementares , ex quibus constantur , æquales particulas divisa : hujusmodi particulæ æqualiter a gravitate premuntur ; cum ab eadem altitudine demissa , eadem celeritate descendant , & eodem temporis momento terram attingant .

COROLLARIUM II.

200. Omnia igitur & singula corporum elementa, & particulae aequales in eadem altitudine aequalem inter se habent gravitatem, & idem pondus; seu sunt aequae graves: aequaliter enim versus terram premuntur; nam & eandem massam, seu aequalem habent, & eandem celeritatem, quae in singulis tripliculis insensibilibus haberi potest, ut aequalis; quoniam autem in motu aequali vires corporum aequalium sunt, ut celeritates (a): perspicuum est, eas, de quibus loquimur, elementis eisdem, seu aequis viribus ad terram deferri: huiusmodi autem vires sunt ipsorum elementorum pondera, & gravitatum actiones: quae aequalem igitur habent gravitatem, idemque pondus.

Aequalia recte supponuntur primigenia haec corporum elementa: stat tamen demonstratio, si elementorum loco sensibiles corporum particulae aequales adducantur in exemplum.

COROLLARIUM III.

201. Pondera igitur quorumcumque corporum in eadem altitudine pendentium sunt inter se directe, ut ipsorum massae, seu quantitates. Sint v. g. duo corpora, A duplum, B subduplum: sint in B 30. particulae, seu elementa aequaliter gravia (n. 199.): in A igitur erunt 100. huiusmodi elementorum inter se, & elementis corporis B aequalium: A igitur centum gravitatis actionibus, seu pressionibus, B (Fig. 11. Fig. IV.) autem 30. deorsum urgentur, & premuntur: ergo gravitas, seu pondus A est ad pondus B, ut 100. ad 30: praedicta autem elementa sunt corporum massae. Haec omnia in vacuo, seu in medio non resistentem spectamus, ut scilicet propriam corporum gravitatem recte dignoscamus, cum a nullo externo impedimento pondera, seu gravitatis

(a) *Tom. 1. Lect. 15.*

PHYSICA GENERALIS. 119

tatis actiones perturbentur; contra ac in medio resistente accidit, ut statim explicabitur.

Corpora in eadem semper altitudine, seu a tellure distantia supponimus, ut eorum ponderum comparatio recte ineatur: si enim in diversis distantibus idem corpus successive collocetur, non eandem ubique gravitatem, aut pondus habebit; ut inferius explicabitur.

COROLLARIUM IV.

Et si corporis varietur status, puta si modo calidum, frigidum modo sit corpus; liquidum interdum, postea solidum, & firmum efficiatur; quamcumque etiam figuræ mutationem habeat, eandem nihilominus, in eadem altitudine, gravitatem absolutam, seu pondus retinet: cum eandem semper, ut suppono, massam habeat, paribusque viribus ad terram urgeatur.

Illud etiam notandum, gravitatem, de qua loquimur, pro illo tantum nisu, vi, & conatu accipi, quo corpora, cum primo demittuntur, moveri deorsum incipiunt, vel, si impediuntur, obstaculum premunt: eæ enim vires, quas mobile descendendo acquirit, non gravitas, sed gravitatis effectus habendæ sunt.

PROPOSITIO XVIIII.

203. *Gravium corporum pondus, seu absoluta gravitas, temporis successu non augetur, vel minuitur, sed in eadem a tellure distantia eadem semper perseverat.*

Propositionem constans rerum ordo, & continuata experientia demonstrat: eadem enim corporis massa haud mutata, idem semper in eo pondus experimur; eandem etiam ad corporum gravitatem agnoscendam perpetuo adhibemus communes mensuras; quod stare non posset, si invariata corporis massa, aliquid ei pro temporum varietate ponderis accederet, aut detraheretur. Quod si aliqua interdum corpora sensibili mole non mutata ponderis

mutationem patiuntur, id particularum evaporationi, vel externæ materiæ accessui, & in corporis poros intromissioni referendum: quo posito, mirum non est, si pro quantitatis mutatione mutatur etiam pondus.

PROPOSITIO XIX.

204. *Corpora gravia inæqualis molis, quæ in vacuo aut medio non resistente æqualem habent gravitationem absolutam, seu pondus, ad fluidum ponderosum, v. g. aerem, translata, ponderis æqualitatem amittunt; & quod majori mole donatur, minorem habet gravitatem.*

Hæc propositio cum pluribus aliis ad idem spectantibus alibi esset explicanda: eam tamen hoc loci inserere liceat, cum & sequentibus lucem afferat, & citra vitiosum circulum, aut methodi periculum eam sequentibus præfigere fas sit: ut eam tamen evincam, suppono, quod infra demonstrabitur independentem ab his, solida in leviori fluido demersa tantumdem de suo pondere amittere; quantum est fluidi, paræ solidi magnitudinis, pondus.

Probatur. Corpora in vacuo omnes gravitatis vires exerunt, cum a nemine sustententur; suntque proinde eorum pondera, ut massæ, hoc est, in præfato casu æqualia: ad aerem translata aliquid ab aere sustentantur, & ad motum impediuntur secundum magnitudinum proportionem (a): adeo ut majus corpus magis sustentetur, plusque sui ponderis amittat: sit v. g. A duplum corporis B, pondere tamen in vacuo par: singulorum pondera 10. massæ aeris, B æqualis, sit pondus 1: erit massæ aeris, A (Fig. 11. Tab. IV.) æqualis, pondus 2., cum sit alterius duplum: A igitur duos, B unum amittit ponderis gradum: ergo in A remanent 8. ponderis gradus; 9. in B: cum in vacuo, aut in medio non resistente utrumque corpus haberet pondus 10. Plurima, quæ ex hac propositione deducuntur

(a) Vide inferius discenda in Hydrost. lectionibus.

tur phænomena, & corollaria inferius explicabimus; cum de solidorum in fluidis immersione, & æquilibrio sermo sit.

PROPOSITIO XX.

205. Corpora magnitudine æqualia, specificæ tamen gravitatis diversæ in medio resistente, in aere v. g., & ex eodem puncto, seu altitudine demissa, inæquali tempore descendunt; citius, quod gravius.

Sint v. g. duo pares globi AB, ligneus alter A, alius vero aureus; prioris gravitas sit 2, posterioris 200. volumen aeris singulis globis æquale habeat pondus, unum: dico graviorem aureum globum velocius, quam ligneum descendere, & citius terram attingere (Fig. 11. 13. Tab. IV.).

Præbatur. Cum eorum corporum pondera sint inter se; ut massæ (n. 201.); erit massa A ad B, ut 2. ad 200.: gravitas insuper, ut potentia quædam externa materiem, velut obstaculum, premens, & deorsum trahens spectari debet: est ergo gravitas A 2. ad massam A 2. ut gravitas B 200. ad massam B 200.; æqualiter proinde utraque hæc gravitas per medium non resistens suam trahit massam, cum sit 2. ad 2., ut 200. ad 200.: at in aere uterque globus pondus 2. amittit (hypothesis) remanetque gravitas A 1., ejus massa 2.; gravitas B 199., ejus massa 200.; difficilius autem potentia 1. resistentiam, seu massam 2. trahet, quam potentia 199. resistentiam 200.: minorem enim rationem habet potentia 1. ad resistentiam 2., quam potentia 199. ad resistentiam 200., essent enim æquales rationes, si ita disponerentur potentia 1. ad resistentiam 2. ut potentia 100. ad resistentiam 200., in eaque hypothesi singulæ potentiz eadem facilitate singulas traherent massas; facilius igitur, hoc est celerius, pondus B massam B, quam pondus A massam A in resistente medio ex eadem altitudine ad terram perducit.

206. Oppones. Dñus Frenicle, referente du Hemel (a) plumbeum, ligneumque globos magnitudine pares

(a) Hist. Acad. Lib. 1. p. 3. c. 5.

131 *PHYSICA GENERALIS.*

pares ex eadem 147. pedum altitudine demissos solum simul attingisse observavit : ergo corpora gravia æqualis magnitudinis, sed pondere inæqualia æqualiter cadunt . Resp. hujusmodi observationi experimenta alia majori cum cura exacta, & majori altitudine adhibita fidem derogare.

COROLLARIUM I.

207. Quo majus fuerit in iis corporibus gravitatum discrimen, eo majorem in descensus celeritatibus differentiam habebunt, quod si non admodum sensibile in gravitatibus specificis habeant discrimen motu etiam haud notabiliter celeriori gravius corpus descendet; ut ex ipsa propositionis demonstratione liquido deducitur: cum enim detracto ex utroque corpore ob æqualem medii sustentationem, æquali pondere, parum adhuc in gravitate residua discriminentur, parum etiam in descensus celeritate, gravitatis effecta inter se different: unde ferreus v. g. & plumbeus æquales globi eadem fere velocitate ad terram deferuntur; longe aliter se res habet, si aurum & suber demittantur.

COROLLARIUM II.

208. In eodem propositionis casu, quo gravius & ponderosius erit, per quod corpora descendunt, medium, eo majori celeritatum discrimine descendunt. Cum enim fluidum ab utroque corpore æquali eo majus pondus detrahat, quo gravius fuerit, eo detracto majori gravitatum discrimine discrepant, seu majorem in graviore corpore rationem habet gravitas ad massam, quam in leviori: sit v. g. pondus A 20., B 10., (Fig. 11. 15. Tab. IV.) aquæ, in eadem mole, 8.; spiritus vini 4. v. g. per aquam descendet A viribus ut 12., B ut 3.: per vini spiritum A viribus ut 16., B ut 6.: at 12. ad 2. majorem habet rationem, quam 16. ad 6.: per aquam igitur majori celeritatum discrimine, quam per vini spiritum, licet minori utrumque velocitate, descendet.

PHYSICA GENERALIS. 131

209. Ut in hujusmodi corporum descensu notabilis celeritatum differentia deprehendi possit, ex insigni altitudine ea demitti necesse est: si enim ex modica paucorum pedum, seu cubitorum altitudine demittantur, exiguum, quod descendendo impendunt tempus, sensibile non patitur discrimen. Illud etiam diligenter monitum velim: adhibita ad experimentum corpora, eandem habere figuram, necesse esse; cum ex figurarum diversitate varia mediorum resistentia, & ex resistentia retardatio proveniat, ut fufius in Hydrostatica prosequemur.

COROLLARIUM III.

210. Prædicta corpora diversæ gravitatis specificæ, si fuerint absoluto pondere æqualia, tardius in medio quocumque resistente ex eadem altitudine descendet, quod est specificè levius: id enim corpus erit magnitudine majus, plus igitur sui ponderis in medio resistente deperdet, quam quod est gravius: minores igitur habebit ad descendendum vires.

At si corpora fuerint & magnitudine, & pondere æqualia, figuris inæqualibus, ex quacumque demum consent materia, ex eadem altitudine demissa motum suum æque accelerant.

PROPOSITIO XXI.

211. Duo vel plura corpora ejusdem gravitatis specificæ, mole inæqualia, ex eadem altitudine in terram demissa, inæqualiter cadunt; quod majus est, & proinde gravius, citius descendit.

Probat. Et 1^o. Quidem manifestè experimento, quod num. 188. attulimus. 2^o. Sint duo prædicta inæqualia corpora AB, ut 1. ad 2. quoad diametros, eorum massæ sunt, ut 1. ad 8. Superficies autem, ut 1. ad 4. (a): modo sic: licet pondera AB sint inter se, ut massæ (n. 201.), si tamen inæqualem in aere aut medio quocumque resistentiam patiantur

in

(a) Elem. Geom. 4. n. 167.

in descensu, inæqualiter descendunt, ea enim duo, ad descensus æqualitatem requiruntur: at maiorem ab aere resistentiam patitur A, minus quam B: & probo.

Ut duo corpora spherica AB ex eadem altitudine BX (Fig. 1. Tab. IV.) descendant, subiectas aeris columnas OV removere, & loco pellere necesse est: ex autem medii resistentiam recte exprimunt, & efficiunt: est igitur resistentia, quam patitur A ad eam, quam patitur B, ut columna, seu cylindrus V ad cylindrum O ejusdem altitudinis (per hypoth.) : si vero cylindri sunt inter se ut bases, X, Z. (a): bases autem ZX sunt maximi globorum AB circuli, quolibet sui: resistentia igitur in A est ad resistentiam B, ut circulus Z ad circumulum X, hoc est; ut superficies A ad superficiem B. (b): resistentiæ igitur sunt inter se, ut corporum superficies, cum pondera sint, ut illorum massæ (n. 201.): at superficies A ad illius massam major est, quam superficies B ad massam B. (c): maiorem igitur respectu ponderis resistentiam offendit A, quam B: at si ponderibus proportionatis offenderent resistentias, æqualiter omnino ab aere retardarentur, & descenderent: igitur conditione deficiente inæqualiter descendunt.

212. Alio etiam modo, qui physicam magis sapiat, id demonstratur: corpora AB per aerem descendendo, aerem separant, expellunt, radunt, & superficiebus attriunt: hic autem partium attritus, & ratio sit secundum corporum superficies, non vero secundum massas, ut ex se patet: reliquum argumentum in priorem discursum recidit.

Calculo igitur & experimentis ratum, fixumque maneat, inæqualiter gravia per medium ponderosum ex eadem altitudine inæqualiter cadere, contra ac *Aristoteles* pronunciarat.

OB-

(a) *Elem. Geom. n. 157.*(b) *Elem. Geom. Introduct. n. 34.*(c) *Elem. Geom. n. 167.*

OBSERVATIO.

113. Idem pendulum sub circulo polari arctico intra cubiculum, in quo inclusus aer ad eam, quam in Gallia habuit, temperiem redactus erat, ad motum conciliatus intra 24. horas 59. oscillationes plusquam in Gallia ad experimentum adhibitum confecit (a). Pendulum item celerius Parisiis, quam in locis prope æquatorem sitis, oscillationes peregit: adeo ut iis in locis minuenda sit ejus longitudo, ut singulæ oscillationes secunda temporis minuta exacta, ut Parisiis. emergantur, ut in Cajena insula 5. gradibus ab æquatore distita observavit anno 1672. Dñus Ricler, anno 1644.

Dñus Des Hayes pendulum illic esse $2\frac{1}{4}$ lineis minuendum: Varinus item & Des-Hayes in Gorez insula sub latitudine gr. 34. 40. 2. lineis minuendum deprehenderunt. Tardiores etiam prope æquatorem, quam in Gallia, & Anglia eorundem pendulorum oscillationes plurimi deinceps deprehenderunt, Halleives, Fevillée, Bouguer &c. breviores autem propius ad polum arcticum Maupertuis (b) le Monier &c. Alia ejusdem farinae mitto legenda apud Muschembroek. (c) Plurima etiam, quæ hic possent congeri de varia Mercurii in Barometris. pro locorum diversitate altitudine prudens omitto, suo loco referenda: nondum enim ea principia posuimus, ex quibus eorum explicatio, & intelligentia pendunt.

PROPOSITIO XXII.

114. Ejusdem corporis gravitas non cadens in omnibus locis perseverat; sed ab æquatore versus polum crescere videtur.

Ut propositionem evincam, duo mihi supponenda sunt, & admitti ab omnibus vellem, ea enim inferius

(a) Fig. de la terre pag. 172.

(b) Sur la fig. de la terre.

(c) Elem. Phys. c. 7.

terius independenter ab his demonstrabimus : Primum grave, seu pendulum *AB* eodem tempore per arcum *CB*, ac per integram ejus arcus, seu circuli diametrum ad horizontem *BO* perpendicularem descendere : Secundum. longius pendulum diuturniores, cæteris paribus, oscillationes peragere, v. g. *FH* tardius, quam *AB* oscillatur. (Fig. 12. Tab. IV.)

Probatur propositio. Penduli oscillationes unicam habent causam, corporis gravitatem ! ex ea enim fit, ut pendulum in *N* adductum, sibi que relictum, ad *L* prolabatur, conceptoque impetu ad *G* usque transgrediens, proprio iterum pondere relabatur &c. modo sic : si eadem ubique esset corporis *N* gravitas, idem ubique insumeret tempus, ut per duplum *FL*, seu diametrum ejusdem circuli perpendiculariter ad horizontem descenderet ; & consequenter arcum *NL* circuli ejusdem describeret (hipothesis), eadem enim causa in paribus circumstantiis eundem parit effectum : at prope polos velocius, quam prope æquatorem, ab eodem mobili percurritur arcus *NL*, hoc est eadem circuli *NLG* diameter : major igitur, aut intensior causa, seu gravitas, mobile *N* per diametrum, aut arcum *NL* urget, & trahit : intensior igitur est ad polos, quam ad æquatorem corporum gravitas. Hinc in regionibus sub minore latitudine jacentibus aliquibus lineis minuendum fuit pendulum, ut æquidiurnas illic, atque Parisiis v. g. oscillationes conficeret.

COROLLARIUM.

315. Cum post ultimas observationes ab Academicis Parisiis ad æquatorem, & circulum polarem arcticum factas, omnes jam conveniant, tellurem in Sphæroidis formam versus polos plus, quam in æquatore depressam, esse conformatam, ut inferius etiam nos late prosequemur ; longiorque sit æquatoris diameter, quam mundi axis ; imo & ab æquatore versus polum sensim decrescant diametri, illud sponte sequitur, corporum gravitatem decrescere, crescente eorum a centro distantia : augeri vero si illa imminuatur. Unde gravitas, seu pondus cor-
po-

porum a polis ad æquatorem minuitur, ab æquatore versus polos progredienti augetur; in eadem a polis, seu æquatore hinc inde distantia eadem semper perseverat, licet corpus motu æquatori parallelo terram circumeat.

Hinc gravitatem velut virtutem quamdam a centro circumquaque diffusam, perinde ac luminosum quoddam circa se ipsum radios dispergens, concipiunt plurimi, Newtoniani potissimum. Cum ex radiosa hac gravitatis dispersione illius vires, & intensio a centro recedendo sensim decrescant, ut in luminosi radiis item accidit, consequens est, ut gravitatis vires, & intensio in eodem corpore sint inversæ, ut quadrata distantiarum a centro; quod etiam in luce, & qualitatibus cæteris a centro aliquo circumquaque diffusis obtinet. Hanc de gravitate ideam non levibus conjecturis nixam inficiari non aulam, neque etiam in præsentiarum quasi pro aris, & focis propugnare: duo tamen adnotanda duco: *Primum*, prædictas num. 113. observationes ad huiusmodi theoriam & gravitatis proportionem stabilendam interservire, sed minime sufficere: cum & gravitatis, & distantiarum a telluris centro discrimen non adeo sit sensibile, ut oriri inde facile non possit error, & in calculum irrepere: *Secundum*, si vera est Lunæ in terram gravitas, non leviter inde assignata in gravitatis intentione proportio confirmatur, ut apud Philosophos, & Mathematicos Mechanicæ Scriptores passim offendes (a). Hæc nos commodius examinabimus, cum generale gravitatis systema & causam physicam motuum Astrorum in Astronomia expendemus.

221. Opponitur. Ex diversa aeris temperie provenire potest observatum in diversis regionibus discrimen gravitatis in corporibus: aer siquidem alio in climate rarior, alia item regione multiplici de capite potest esse densior; quo autem major fuerit
aeris

(a) Vide Castel sur la pesanteur, & dans le vrai système, Muschemb. Elem. c. 7. Nollé F. 20. De la grav. T. 20. Sgraveland. Institut. T. V. c. 2.

138 **PHYSICA GENERALIS.**

aeris densitas, eo minor erit in eodem corpore, gravitas: cum a densiori fluido magis sustentetur: a minori autem gravitate celeritas minor nascitur: quamdiu igitur plane non consistitis, adductam superius in corporum descensu differentiam ex diversa aeris temperie, & statu non provenire, inferre inde non possumus, diversam esse in corporibus pro locorum diversitate gravitatem. Resp. Qui hujusmodi observationibus operam navarunt, scrupulose ad has, atque similes alias locorum, temporum, & aeris circumstantias, ac statum attenderunt, eandemque aeris temperiem in circulo polari, ac Parisiis erat, eodemmet tempore, ore Barometri observata sunt. Deinde attento naturali rerum ordine, intentor ad aequatorem, quam versus polos est aeris calor, & raritas major; majorem igitur in majori, quam in minori latitudine densitatem ac gravitatem habet: minorem vero immersa in aere corpora: argumentumque propositionem ex hoc capite confirmat.

L E C T I O VI.

*De naturali Corporum gravium perpendiculariter,
& libere descendentium acceleratione, &
ascendentium, retardatione.*

D E F F I N I T I O.

222. *Motus acceleratus*, est, qui celeritatis incrementa successive recipit: *Motus retardatus*, qui celeritatis decrementsa successive patitur. *Uniformiter acceleratus*, est, qui per singula aequalia, & minima temporis momenta, aequalia etiam celeritatis acquirit incrementa: Si vero per ea ipsa temppuscula, aequalia celeritatis decrementsa patiat, erit motus *Uniformiter retardatus*.

O B S E R V A T I O.

223. *Corpus in modica paucorum pedum v. g. altitudine locatum, & per chordam circuli demissum, seu per*

PHYSICA GENERALIS. 139

per planum inclinatum, quo liberime moveri possit, in
æquales partes divisum, ita descendit, ut si primo a
lapsu tempusculo unam partem, v. g. pedem conficit;
secundo æquali tempore 3. pedes; tertio quinque pedes
peragrat. (a) Porro Corpus grave prope Telluris su-
perficiem perpendiculariter, & libere descendens primo
minuto secundo 15. pedes 1. dig. circiter conficit: se-
quenti minuto secundo 45. pedes, 3. digitos, ut aliquot
lineas mittamus, percurrit: Tertio minuto 75. pedes,
5. digitos conficit. (b) Hoc etiam phenomenon est no-
tissimum, & plurimis observatum.

OBSERVATIO.

124. Grave Corpus ex insigni altitudine libere de-
missum subiecta spatia hoc ordine percurrisse deprehen-
dit P. de Chales (c) primo semiminuto secundo $4\frac{1}{4}$:

integro eodem secundo $16\frac{1}{2}$: primo $\frac{11}{2}$ cum dimidio Pe-
des 36. integris, $\frac{11}{2}$ 60.: integris $\frac{11}{2}$ cum dimidio tertii

90. pedes: minutis $\frac{11}{2}$ integris pedes 123.; spatiaque
æqualibus temporibus, hoc est, semiminutis secundis,
& a quiete numeratis percursa sunt hæc, $4\frac{1}{4}$ pedes:

$12\frac{1}{4}$: $19\frac{1}{4}$: 24: 30: 33. experimentum plusquam millies
summa exactione ab auctore repetitum.

Observante autem Ricciolo. (d) globus cretaceus un-
ciarum 8. ex insigni altitudine demissus notata in sub-
jecto Schemate spatia appositis ad latus temporibus con-
fisciebat.

Tem-

(a) Nolleto tomò 2^o. a pag. 156.

(b) Muschemb. Elem. Physf. cap. 7.

(c) Staticæ Lib. 1. prop. 1.

(d) Almag. novi L. c. 21.

PHYSICA GENERALIS. 147

ra spatia percurrere. Quod si corpora per medium ponderosum sui divisioni, expulsiōni, & aliorum corporum motui resistens labentia, suum nihilominus motum accelerant, id ipsum potiori jure, si per spatium vacuum, aut medium non resistens descendant, efficiunt.

COROLLARIUM I.

226. Cum igitur Gravitas sit vis ea, & peculiaris causa, quæ in decidentibus Corporibus accelerationem efficit, spectari illa debet ut premens potentia mobili a tergo semper instans, illud versus terram semper urgens, & impellens; in eoque per singula altitudinis puncta minima novos semper impetus velocitatis, & virium gradus imprimens. Nisi enim gravitas novos semper impetus, & celeritates imprimeret, sed impressum semel a quiete motum, & impetum conservaret, non accelerato, sed æquabili motu descenderet grave: perinde ac in corpore aliquo duro in aliud item durum, & quietum incurrens, diviso per utrumque impetu, eadem cum illo celeritate æqualiter deinceps fertur; quia prima incursione peracta novum impetum mobili non communicat. Gravitas vero est potentia quedam mobili semper conjuncta, & semper urgens.

SCHOLIUM.

224. Ex hoc capite non leviter Peripateticorum gravitatem in interna qualitate adstruentium infringitur opinio: Vix enim intelligi potest, quæ tandem ratione qualitas illa, seu principium intrinsecum pressionem suam, vim, & energiam in suspensio corpore, quod ipsa versus Terram semper urget, nequaquam augeat, sed eodem semper modo comprimat; quamprimum autem corpus descendere incipiat, vim, & energiam successive, & continue augeat, novum semper impetum, & quasi repetitos ictus corpori insigendo: quare enim in suspensio corpore hujusmodi vires non producit, si est principium, & causa semper adstans, rite applicata, imo & semper urgens? Si corpus illa instantanee, & sem-

143 PYHSICA GENERALIS.

semper deorsum premis estque ad hujusmodi pressionem expedita, quæ pressionem hanc perinde, ac si corpus descendat, non multiplicat, communi cæteris causarum generibus agendi modo? Hoc utique phenomenon pro stabiliendo gravitatis principio attendi maxime debet: Vide quæ supra a numero 167. disputavimus.

COROLLARIUM II.

228. Igitur Graviorum libere descendendum motus est unif rmiter acceleratus. Per singula enim temporis momenta, quæ descendendo corpus insumit, novus semper celeritatis gradus a gravitate efficitur, & novus semper impetus mobili imprimitur (n. 226.) ergo hujusmodi descensus est uniformiter acceleratus. Porro gravitas, dum corpus est suspensum, est vis, seu potentia mortua, & similiter in puncto lapsus initio, ut vis mortua consideratur, a quo deinceps usque ad terram tamquam potentia viva vires suas auget, vel potius vis innotua semper existens per repetitas & continuatas actiones vim vivam producit.

HYPOTHESIS.

229. Grave quam semel descendendo acquisivit velocitatem, eam servat deinceps, quoad Terram attingat, licet novos subinde illi gradus adjiciat: neque enim ut novam adquirat velocitatem, antiquam deperdere necesse est; neque id per vim inertiz fieri posset.

PROPOSITIO XXIV.

230. Velocitates a Gravi descendente successive acquire sunt inter se, ut tempora quibus acquiruntur a quiete, seu lapsus puncto numerata: est dicere; velocitas in fine temporis dupli est ad velocitatem in fine temporis subdupli, ut 2. ad 1.

Ut clariora hæc, & quæ sequuntur, evadant, ob oculos sunt statuenda. Recta A B C ad Horizontem perpendicularis tempus descensionis representet, quod
in

PHYSICA GENERALIS. 143

in partes minimas, seu tempuscula insensibilia dividatur in punctis 1, 2, 3, B &c. Ex puncto autem B ducetur BE ad AB perpendicularis, quæ velocitatem mobilis usque ad punctum B acquisitam exhibeat; ducta etiam EA fiat triangulum ABE: Ex singulis item temporis, seu rectæ AB punctis 1, 2, 3, ducantur rectæ 1F, 2G &c. basi BE, aut CD parallelæ. Sunt igitur A 1. ad 1F, ut A 2 ad 2G: (a) quoniam velocitates sunt, ut tempora, quæ per ABC representantur, erunt 1F, 2G &c. velocitates in fine prædictorum temporum acquisite, & deinceps conservatæ: velocitasque 2G est velocitatis 1F dupla, quia tempus A 2 est etiam temporis A 1 duplum. (Fig. 6. Tab. IV.)

231. Unde ab A, lapsus puncto, usque ad 1, velocitatem 1F acquisivit mobile, eamque deinceps retinet: ab 1, usque ad 2, retenta priori velocitate 1F, aliam OG acquisivit, estque integra in fine secundi temporis acquisita velocitas 2G. Suppono autem, a singulis rectæ, seu temporis AB punctis ductas rectas parallelas 1F, 2G &c. trianguli planum ABE efformare, quod elementares insensibiles velocitates secundum tempora acquisite, & deinceps per omnia tempora descensus conservatas representat. Porro singulæ velocitates seorsim, v. p. 3H in tempusculo minimo acquisite spectari possunt, ut velocitas in omnibus prædicti tempusculi particulis eadem perseverans, ac proinde æquabilis; idemque de cæteris esto iudicium: sunt vero spatia velocitatibus æquabilibus percurra, ut insæ velocitates (b) = infinitæ. Igitur rectæ 1F, 2G, seu velocitates, hoc est triangulorum A 1 T, A 2 G, plana, spatia a mobili A descendente percurra representant.

Sunt igitur A 1, 2, 3 tempora separata: A 1, A, A 3 tempora conjuncta, seu tempora a principio motus numerata: 1 T, 2 G, 3 H velocitates usque ad finem singulorum temporum acquisite; omnia

(a) Elem. Geometr. Elem. 3.

(b) Tomo 1. Physic. Lect. 15.

144 *PHYSICA GENERALIS.*
omnia triangulorum plana sunt spatia percurſa (*).
His rite intellectis, ſit.

PROPOSITIO XXV.

232. *Spatia compoſita, ſeu a principio motus numerata a gravibus decidentibus percurſa ſunt inter ſe, ut quadrata temporum, quibus illa percurruntur.*

Sit A_1 , minutum ſecundum, A_2 (Fig. 6. Tab. IV.) duo minata ſecunda: dico ſpatium unico tempore A_1 peragratum ad ſpatium duobus temporibus A_2 conſectum, eſſe ut eorum temporum quadrata; tempora ſunt 1, 2; eorum quadrata 1, 4: eſt igitur ſpatium, ut 1 ad 4. Demonſt. $A_1 T$, $A_2 G$ ſimilia (a) per conſtructionem, ſunt inter ſe ut quadrata laterum A_1 , A_2 homologorum (b) hoc eſt, temporum (n. 230.) Sed ea trianguſa ſunt ſpatia a mobili prædictis temporibus conſecta (n. 230.) Ergo &c. Hac tamen propoſitio ab obſervationibus immediate deducitur.

COROLLARIUM.

233. Sunt Igitur ſpatia compoſita, ut quadrata celeritatum in fine temporum acquiſitarum, hoc eſt ut quadrata velocitatum 1 F, 2 S; ſunt enim huiusmodi velocitates, ut tempora A_1 , A_2 : (n. 280.) Sunt etiam ſpatia in ratione duplicata temporum, aut celeritatum: Tempora vero, aut celeritates erunt inter ſe in ratione ſubduplicata ſpatiorum.

Fa-

(*) Cave tamen credas, in ſingulis punctis temporis AB novas, & integras produci velocitates 1 C, 2 G, 3 H: hoc enim pacto velocitates efficerent ſpatii, ſeu trianguſi aream ABE: ſed una velocitas BE a puncto A incipiens produci, & augeri per totum tempus AB perfeverat, & ſucceſſive augetur: in ſingulis tamen punctis temporis velocitas non niſi per lineam reſpreſentatur.

(a) Elem. Geom. Elem. 3. n. 125.

(b) Elem Geom. 3. n. 131.

Facile ista capient philosophi, modo sint in Geometria Elementis initiati.

PROPOSITIO XXVI.

PROBLEMA.

234. Dato Spatio, quod mobile aliquod A certo tempore a lapsus initio computato conficit, spatium alio quocumque tempore ab eodem mobilis conficiendum invenire.

Resol. Mobile A primo minuto secundo 15. pedes conficit, quot pedes transactis tribus secundis minutis peragravit? Fiat ut 1. ad 9. temporum quadrata, ita 15. ad quartum: quod regulæ autem beneficio reperitur esse 135.

PROPOSITIO XXVII.

235. Spatia separata, quæ Gravæ descendens singulis temporibus percurrit, sunt inter se, ut numeri impares in Serie Arithmetica crescentes 1. 3. 5. 7. 9. 11.

Sint A 1, 1, 2 tempora æqualia: 1 F, G 2 continet tres A 1 F; 2 G-H 3 est quintuplo major quam A 1 F; Sed hæc sunt spatia separata, quæ Mobile in singulis temporibus percurrit, ut supra exposuimus numero 140. Ergo &c. (Fig. 6. Tab. IV.)

PROPOSITIO XXVIII.

236. Quodcumque Corpus grave A si celeritate BE in fine cuiusdam Temporis AB acquisita, & permanente a quiete in A moveretur, spatium conficeret duplum ejus, quod celeritate uniformiter accelerata eodem tempore conficit.

Demonstr. Sint AB, BC (Fig. 6. Tab. IV.) tempora æqualia; Cum in motu æquabili factum ex tempore in velocitatem ducto sit spatium peragratum (a), rectangulum BCDE spatium referet: cum

tum sit factum ex tempore BC in CD velocitatem ducto: hujusmodi rectangulum duplum est trianguli ABE, sub eadem, aut æquali altitudine AB, & eadem Basī (a): Spatium igitur, a gravi decedente, cum celeritate a principio motus, & in fine temporis acquisita, & semper permanente confectum est duplum ejus, quod velocitate ab initio motus accelerata mobile peragrat.

Unde velocitas 1 F in fine temporis acquisita, & sequenti tempore 1, 2. &c. conservata, spatium emittitur duplum ejus, quod grave Corpus ejus celeritatis ope conficit, dum eam de novo acquirit. Supradicta omnia gravibus per spatium vacuum aut media non resistentia descendantibus exacte obtinent: cum gravitatis effectum, seu motus accelerationem nulla impediatur resistentia. Quid autem in aere, & cæteris resistentibus mediis fiat, ex sequentibus edoceberis.

PROPOSITIO XXIX.

237. *Aer, & cætera omnia media, per quæ grave Corpus in Terræ vicinitate descendit, gravium descensum ex parte retardant; & eo amplius impediunt, quo majori celeritate gravia descendunt.*

Aer enim, ut de eo potissimum loquamur, est medium seu corpus fluidum, crassum, & in terram etiam gravitans, quod a decedente gravi dividitur, expellitur, separatur, & attollitur: gravis igitur descensui resistit, eumque ex parte impedit ob vim inertie. 2^o. Quo majori celeritate Corpus descendit, eo majorem aeris Massam intra idem tempus loco pellit, & attollit: Plus autem virium opus est, & infumitur, ut in æqualibus temporibus majorem, quam ut minorem corporis Massam expellat, & ad motum concitet: Majorem scilicet resistentiam mobili opponit major mediæ massa, seu quantitas.

CO-

(a) *Elem. Geometr.* 3. n. 117.

COROLLARIUM I.

238. Sunt igitur mediorum, per quæ grave Corpus descendit, resistentiæ, ut spatia ab eodem mobili percurfa: ac proinde sunt inter fe, ut temporum quadrata (n. 232.) aut in ratione duplicata celeritatum in fine temporum acquifitarum (n. 233.) primo tempore v. g. grave pedem conficiens resistentiam, ut unum superet: duobus temporibus 4. pedes peragrat, & resistentiam, ut 4. offendit. In temporibus autem æqualibus feorfim acceptis erunt resistentiæ a principio descensus numeratæ, ut numeri impares 1. 3. 5. 7. &c.

COROLLARIUM II.

239. In mediis igitur resistentibus stabilita fuperius descendendum gravium theoria, & celeritatum proportio non fervatur adamuffim. Servaretur enim, fi nullam mobile resistentiam offenderet (n. 236.) ea autem resistentia grave impedit, ne celeritatem ea ratione crefcentem in fele efficiat. Hoc intelligi debet in gravium ex magnis altitudinibus per aerem descensu, in quibus emetiendis fenfibile tempus impendere, & plurimum aeris impellere necesse est: In exigua enim altitudine fuperanda, cum & exiguum tempus impendatur, & modicus aer deturbetur, exigua medii resistentia ftabilitam gravitatis accelerationem, & agendi modum fenfibiliter non turbat.

COROLLARIUM III.

240. Cum igitur celeritates augeantur, ut tempora (n. 230.) resistentiæ autem, ut temporum; feu celeritatum quadrata (n. 238.) in ratione multo majori crefcunt resistentiæ; quam celeritates acquirantur. Hinc celeritates, quæ in ratione fuperius expofita numero 230. augeri deberent, ab ea ratione magis, & magis deficiunt: Cum magis, & magis impediatur gravitas ad eam celeritatem efficiendam,

K 2 dam,

148 *PHYSICA GENERALIS.*

dam, unde etiam consequitur, celeritatum, seu spatiorum in æqualibus temporibus percursorum differentias sensum minui, ut in allatis supra Patris *de Chales* experimentis observare est: Quæ quidem discriminatione auctæ semper aeris resistentiæ tribuenda sunt.

COROLLARIUM IV.

241. Hinc etiam consequitur, Graviū descensum fieri tandem æquabilem; cum, scilicet Grave illam in aere. offendit resistentiam, quæ impedit ne majorem in sese producat celeritatem, & acquisitam solummodo conservari patitur. Hoc autem fit, cum Grave ad illam aeris resistentiam pervenit, in qua superanda vim omnem, quæ ulterius celeritas produceretur, infumenda est; deinceps enim acquisita ad eum terminum velocitate progredietur, & æquali motu deferretur. Hoc ipsum experimenta etiam confirmant.

COROLLARIUM V.

242. Quo densiora, seu graviora fuerint Media; vel leviora, cæteris paribus, decidentia Corpora, eo citius motus acceleratus ad æquabilem reducet: Motus enim accelerati ad æquabilem reductio est mediorum resistentiæ effectus: quo major igitur hæc fuerit causa, citius etiam effectum producet. Hinc in aqua multo citius, quam in aere, ceteris paribus, ad æquabilem motum reducitur grave Corpus descendens. Pendet hoc etiam ex varia Corporum figura, superficie, & externa textura; cum per hujusmodi accidentia steterit plerumque difficilior aeris separatio, attritio, ratio, & sexcenta alia Physici hominis consideratione digna, quæ in alium locum referimus.

PROPOSITIO XXX.

243. Corpus sursum perpendiculariter projectum; vel per medium resistens, vel per spatium vacuum impellatur,

latur, motu defertur eadem ratione retardato, qua descendens Corporis motus acceleratur.

Demonstr. Quoniam gravitas deorsum semper nititur, & descendens corporis motum accelerat, corporum ascensui semper resistit, & vi, nisi que semper contrario impedire, & retardare conatur: Eodem igitur modo, quo gravium decedentium motum accelerat, ascendentium retardat; eodemque pacto acceleratur descensus, ac corporum ascensus retardatur. Hoc etiam experimenta confirmant.

COROLLARIUM I.

244. Ea igitur omnia, quæ de gravium descensu hæcenus demonstravimus, in eorum ascensu obtinent, si recte, ut par est, applicentur: Hoc est, quæ illic de spatiorum, & velocitatum incremento diximus, de eorum decremento hic intelligantur. Igitur in spatio vacuo, in medio non resistente, aut in modica tantummodo ascensione per aerem spatia percurfa sunt inter se in ratione numerorum imparium arithmetice decrefcentium. 9. 7. 5. 3. 1.; ex enim ratione inverfa augentur decedentium gravium spatia (n. 235.)

COROLLARIUM II.

245. Celeritates ascendentium perpendiculariter gravium per medium non resistens in eadem minuuntur ratione, qua augentur tempora; eadem enim ratione retardatur, seu minuitur ascensus celeritas, qua descensus augetur (n. 243.) Spatia item composita a principio ad finem usque motus numerata, sunt inter se, ut temporum, vel: celeritatum quadrata: Si nulla præcipue fit, aut exigua medii resistèntia.

COROLLARIUM III.

246. Grave sursum projectum motum suum tandem amittit, & in terram motu accelerato relabitur. Cum enim Gravitas singulis Temporis mo-

mentis deorsum Corpus urgeat, & celeritatem successive, ac semper minuat, impressus tandem mobili impetus destruitur penitus: tumque gravitas nullis jam contrariis viribus impedita deorsum Corpus trahit, motumque secundum expositam superius rationem accelerat. Quod si mobile per integrum ascensionis tempus impressam semel ab initio velocitatem servaret, duplum percurreret spatium, atque motu retardato peragraret. Si enim velocitate BE (Fig. 6. Tab. IV.) moveri inciperet, spatium tempore BA motu æquabili confectum esset rectangulum trianguli EBA ejusdem Basis, & altitudinis duplum (n. 236.).

COROLLARIUM IV.

247. Porro: gravia sursum per aerem ad magnam altitudinem projecta motum suum citius atque si in medio non resistente ascenderent, amittunt: superanda enim illis est aeris resistentia, seu inertia mobilis, quæ vires, & impetum aliquantum infringit: Ex eodem capite spatiorum, & velocitatum proportio a stabilita superius numero 246. ratione non nihil deficit: ad eum modum, quo ex eadem causa accelerati per aerem motus proportio ab ea, quam numeris 233. & sequentibus posuimus, aliquantulum aberrat.

COROLLARIUM V.

248. Corpus grave B sursum perpendiculariter projectum ad eam altitudinem A ascendit, ex qua si libere descendat, eam in fine motus velocitatem habebit, quæ cum ad eandem altitudinem regrederetur: per eisdem enim celeritatis gradus descendendo transiret, quos ascendendo amitteret (n. 244.) ac proinde quodcumque corpus ex data altitudine decidens eam in fine motus accelerati velocitatem, & impetum habet, quæ ad eandem altitudinem ascendere iterum potuisset.

COROLLARIUM VI.

249. Spatia, seu Altitudines, ad quas idem, vel diversa corpora sursum perpendiculariter projiciuntur (in medio non resistente) sunt inter se, ut earum, quæ illis primitus imprimuntur, velocitatum quadrata: Sint v. g. duo corpora ex punctis ZB sursum perpendiculariter projecta velocitatibus ZX, BE, quas sensim deperdant usque dum Z ad B (Fig. 7.) B ad A (Fig. 6.) perveniant: cum ZB, BA (Fig. 6. 7. Tab. IV.) sint temporæ, triangula autem XZB, BEA similia representent spatia; erunt hæc in ratione duplicata; seu, ut quadrata laterum seu velocitatum ZX, BE. Et hinc hujusmodi Problema nullo negotio resolvitur = Datis duorum corporum sursum projectorum velocitatibus, una cum altitudine ad quam eorum primum ascendit, altitudinem secundi invenire = Sint v. g. duo globi a tormentis muralibus explosi, primus velocitate 12. passus 600. ascendat, secundus velocitate 15. projiciatur: fiat igitur ut quadratum 12. ad quadratum 15. ita 600. ad quartum seu 144. 225. :: 600. 937 $\frac{76}{111}$.

COROLLARIUM VII.

250. Corpus grave sursum projectum. idem tempus in ascendendo, atque in descendendo impendit. Cum eadem celeritate, diverso tamen ordine, eadem remetiatur spatia (n. 248.) æqualiter in ascensu, & in descensu immoratur. Hinc dato tempore 10. m. v. g. quod grave, manu, tormento bellico, aut alia potentia sursum projectum, & in eadem partem relabens inter projectionem, & lapsum impendit, facili calculo altitudo, ad quam Corpus ascendit, cognoscitur. Primo enim constat tempora dimidium hoc est 5. m. in descensu posuisse: Quoniam autem spatia descendendo percurfa, sunt inter se ut quadrata temporum (n. 321.); deinde cum Corpus v. g. Globus ferreus primo minus secundo

15. pedes conficiat (n. 224.) erit ut 1. ad 25. (tem-
porum quadrata) ita 75. ad 375. Igitur Globus fer-
reus 5. m. 375. conficit: Ad totidem igitur pedum
altitudinem ascendit.

L E C T I O VII.

*De Motu Corporibus gravibus a projectore quie-
scente, vel translato, impresso, seu externe
Communicato.*

251. Si probe teneas, quæ supra de motuum com-
positione demonstravimus, sequentia inoffenso pede
percurres: Neque enim aliud continent, quam ge-
neralis compositionis motuum doctrinæ ad peculia-
res corporum translationes, applicationem, seu ad
motum ex duplici potentia provenientem. Hujus-
modi potentiarum, alia est gravitas, cujus natu-
ram, & proprietates hæcenus exposuimus, alia
vero impetus ab externo Motore impressus secun-
dum multiplicem directionem; quoniam autem po-
tentia projiciens quiescit aliquando, interdum ta-
men movetur, novamque motu suo corpori directio-
nem, & vim consideratione dignam imprimit,
omnia hæc in presentiarum simul exponenda duxi.

D E F I N I T I O.

252. Ea Corpora projici dicuntur, quæ ab exter-
na aliqua potentia impresso impetu ad motum con-
citantur, contra, aut præter gravitatis indolem,
aut vires. Corpora eo modo concitata dicuntur *pro-*
jecta, externus motor *projiciens* nuncupatur. Pro-
jectio secundum multiplicem directionem fieri po-
test: vel enim horizontaliter corpus A per rectam
AB projicitur; vel sursum per rectam AG ad Ho-
rizontem AB (Fig. 24. Tab. II.) perpendicularem:
vel per aliam quamcunque rectam AR ad horizon-
tem AR obliquam projici corpus potest; unde tri-
plex projectio, *horizontalis, perpendicularis, & obli-*
qua distinguitur.

Deici

Dejici etiam, & projici posset corpus deorsum perpendiculariter ad horizontem per lineam scilicet GAS, ita ut majori velocitate deorsum tenderet impresso impetu, quam si sola gravitate urgeretur; sed hujusmodi projectio parum attenditur.

DEFINITIO.

253. Cum Corpus grave horizontaliter per AB, vel oblique projicitur, curvam lineam inferius exponendam motu composito describit, quam *semitam projectionis* nuncupamus, v. g. curvam AMXNB (Fig. 24. Tab. II.) a corpore A versus R descriptam. Rectam vero AB a projectionis puncto A ad eum locum B, in quem corpus projicere intendimus, ducta *Semite amplitudo* appellatur.

In Corporum projectione duplex attenditur terminus, projectionis, seu directionis R, in quem projiciens collimat, & versus quem corpus ex puncto A recta dirigit; & jactus B, in quem etiam projiciens collimat, eumque corpore A ferire intendit, dum mobile versus R recta dirigit: Punctum B scopum dicimus. Angulus denique RAB, quem linea directionis AR cum linea horizontali AB efficit, *angulus directionis* nuncupatur.

PROPOSITIO XXXI.

254. Corpus quodcumque grave in vacuo, vel in alio medio quolibet resistente, & homogeneo sursum, vel deorsum perpendiculariter ad horizontem a motore quiescente projectum, rectam lineam describit, a qua nunquam deflectit.

Demonstratur. Primo nulla est causa, quæ corpus A secundum directionem AG, (Fig. 24. Tab. II.) vel ex G per GA projectum ab arrepta semel directione deturbet. Si enim corpus deorsum tendit; & impetus impressus, & gravitas in eandem directionem conspirant., mobileque cum velocitate ex duplici hac virtute producta descendet. Si autem corpus sursum per AG projiciatur, gravitas quidem deorsum renitetur, sed mobile solummodo retardat, a
semi-

174 *PHYSICA GENERALIS.*
femita autem A G non expellit : In utroque igitur
casu mobile projectum lineam rectam describit.

C O R O L L A R I U M .

255. Corpus A deorsum projectum multo majori
fertur velocitate, quam si per quamcumque aliam
directionem projiciatur (Fig. 24. Tab. II.) Nam
præter velocitatem ab impresso impetu acceptam,
motum suum ex gravitatis indole successive accele-
rat : & si ponamus grave ex projicientis viribus
singulis minutis 15. pedes v. g. conficere, spatia ab
ipso sequentibus minutis peragata hanc seriem ef-
formabunt 30. 60. 90. 120. &c. Grave autem e con-
tra sursum perpendiculariter projectum, si cætera
sint paria, tardiori, quam per directiones cæteræ
desertur motu. Gravitas enim vires suas successive
augens per singula minuta subsequencia, motum ma-
gis, & magis retardat, impressumque impetum de-
bilitat, impedit, destruit, quoad eo penitus extin-
cto, grave iterum eandem viam remetiri cogit.
Corpus v. g. A ita a projiciente sursum per A G
impellatur, ut singulis minutis secundis, seclusa
gravitate, 105. pedes conficeret. Primo igitur mi-

nuto 90. solum conficiet, cum gravitas 15. destruat,

& impediat: Secundo minuto 65. peragabit, alios
enim 45. vis acceleratrix impedit (n. 245.) tertio
per triginta pedes solum ascendet; eo enim minuto
secundo accelerata, seu aucta gravitatis virtus 75.
pedes conficere impedit, & retardat : quarto deni-
que ulterius ascendere non pergit, cum tantundem
superius ascendere ab impresso impetu nitatur, quan-
tum deorsum a gravitate urgetur.

S C O L I O N .

256. Motum a projiciente impressum æquabilem sem-
per supponimus, neque enim virtutem aliquam accele-
ratricem habet causam, ut motus deorsum: nullam
præterea in medio resistentiam supponimus, aut atten-
di-

dimus, ex qua impressus semel motus retardari possit. Hac fante Hypothesi sequentem projectorum Gravitum Theoriam, & regulas demonstrabimus; eam tamen a veritate aliquantulum aberrare, dum corporibus per aerem projectis applicatur, non dissimulandum: quæ enim ab aere incedenti corpori opponitur resistèntia, æquabilem in projectis motum non patitur; eam tamen theoriam noscere juvat, & opus est, ut nota aliunde aeris resistèntia, quantum illi tribuendum sit, vel partim communi projecti corporis virium calculo detrahendum, ut projectorum Theoria cum praxeos communis observatione consentiat, dignoscatur: Neque etiam omittendum; projecta, si magna, ut plerumque sit, celeritate progrediantur, non multum ab aeris resistèntia perturbari.

157. Projecta, ad quæ potissimum attendimus, sunt tormentarii globi & Machinis muralibus ope pulveris pyrii inflammati explosi: in quorum directione & explosione, plurima occurrunt, & attendi debent Philosopho digna, & necessaria; quæ partim nos hoc loco explicabimus, tum vero secundum experimentalis Physicæ leges exponemus, cum de pulveris pyrii natura sermonem instituimus. Illud obiter non ignorandum, eam, quam modo attingimus theoriam, Balisticam, seu Jaculatricem artem vulgo dictam, esse scientiæ militaris partem, militaribus hominibus apprime dignam. Ad eam rite capiendam non theoreticæ tantum veritates, sed plurima potissimum, quæ in loco indicabimus, ex praxi dignoscenda, & ex militaribus exercitiis, arcium obsidionibus, digna militaribus Tyronibus Schola, cognoscenda sunt. Balisticæ fundamenta primus omnium jecit Galileus, (a) quem postea sequuti sunt Keill, Wolffius, & alii.

HYPOTHESIS.

158. Corpus quodcumque A grave secundum quancumque directionem AR verticali AG (Fig.

24.

(a) Dialogo 4. delle nuove scienze.

24. Tab. II.) obliquam projectum duplicis potentia viribus movetur, earumque directionibus sese accommodat. Movetur liquidem corpus ab impressio impetu, cujus naturam jam explicavimus, ejusque impetus causa rectam *AR* secundum quam dirigitur, describeret: deinde corporis ipsius gravitas in ipsius massam semper agens, & per lineam horizonti perpendicularem urgens corpus ad motum, per aliam tamen directionem, concitat. Omnia hæc demonstrata sunt suis locis.

COROLLARIUM.

259. Grave igitur corpus secundum directionem obliquam verticali projectum, neque verticalem gravitatis, neque rectam obliquam projectionis directionem sequitur exacte, sed media quadam via utriusque directioni sese accommodat per diagonalem scilicet parallelogrammo, quod prædictæ gravitatis, & impetus directiones efformant, modo superius explicato.

Corpus enim ad motum per directiones *AR*, *AS* sollicitatum velocitatibus, quæ sint in ratione *AO* ad *AP*, quarum directiones angulum *PAO* (Fig. 24. Tab. II.) efficiant, hujusce parallelogrammi *PAOM*, diagonalem *AM* describit.

PROPOSITIO. XXXII.

260. Corpus grave quodcumque horizontaliter, aut per directionem horizonti obliquam projectum curvam lineam describit.

Corpus scilicet *A* per horizontalem *AH* projectum, quod dato tempore, v. g. minuto secundo percurrat *AX* (Fig. 22. Tab. II.) eodem tempore, urgente gravitate, deorsum per spatium *AT*, seu *XM* descendet: motu igitur composito diagonalem *AM* describet: æquali tempusculo insensibili sequenti, primo inotu *MI*, secundo accelerato *MG* percurreret: diagonalem igitur *MN* conficiet: cum autem rectæ *AX*, *AT* parallelogrammorum latera, ponantur insensibilia: tales etiam sunt diagonales; quæ cum diversis semper directionibus deorsum ubique

que vergant, curvam componunt, per quam mobile A, v. g. lapis funda emissus movebitur.

COROLLARIUM.

261. Si igitur expuncto A collimes in scopum B, (Fig. 24. Tab. II.) & lapidem manu, aut glandem plumbeam sclopo horizontaliter in scopum emittas; eum numquam attinges: Nam corporis gravitas illud deorsum continuo deprimit, atque a recta AB magis semper, & magis removet: punctum igitur infra scopum B attingetur: si tamen maxima fuerit mobilis gravis ab impresso impetu velocitas, exiguumque inter corpus A, & scopum B spatium intercipiatur, insensibilis tantum committetur error, unde altius semper collimandum est, & corpus dirigendum, si a scopo deflectere nolis.

262. Oppones. Qui glandem plumbeam, ex sclopo in scopum, v. g. in stantem avem explodit, recta in avem collimat, & glandem emittit: ad scopum nihilominus attingit: ergo ex. Resp. Si intra sclopeti iactum in notabili distantia scopus existit, a linea directionis aliquantulum glans plumbea deflectit: qualis autem sit glandis directio, quave ratione fiat ut licet in collimando Error plerumque committatur, scopum tamen attingant venatores, inferius explicabitur. Deinde si scopus modice a venatore distat, magna quæ a pulvere pyrio glandi velocitas imprimitur, errorem plurimum minuit.

Si autem notum sit tempus, quod corpus projectum, quoad scopum attingat, impendere debet, quantum ab eo deflectat, facile dignoscitur, si probe quæ superius diximus de gravium acceleratione, mente teneantur: da enim duo min. sec. eo transitu impendi: Si igitur recta corpus immittetur 60. pedes infra, quam par erat, grave impinget; Cum 15. pedes primo, 45. altero m. ope gravitatis descendat: (n. 224.) 60. igitur pedes altius dirigendum est corpus, ut scopum serias.

PROPOSITIO XXXIII.

263. *Corpus grave A horizontaliter per AR projectum motu composito AMNO describit, quæ physice quidem est parabola; non tamen geometricæ, & rigore e.*

Demonstratur. Corpus A per AR projectum ob nullam in aere resistantiam (n. 256.) æqualibus temporibus æqualia spatia AX, XZ, ZR (Fig. 22. Tab. II.) conficeret: essent proinde spatia æqualiter peragrata in ratione temporum directæ: dicta igitur spatia AX, XZ &c. tempora ita referunt, ut primo tempore peracto corpus attingeret X, secundo Z &c. Quoniam autem iisdem temporibus deorsum perpendiculariter a gravitate motu accelerato corpus trahitur, sit, ut primo tempore exacto, corpus, spatio AT, seu XM confecto, in M reperitur: Secundo vero tempore elapso, spatio XS, seu ZN emenso, punctum N attingat. Sunt igitur AT, AV, AC spatia ab accelerato motu percurfa: ergo sunt, ut temporum, hoc est, ut probavimus, ut rectarum AX, AZ quadrata (n. 232.) Est autem AX, TM æqualis, ut etiam AZ, VN, &c. (a) Ergo spatia AT, AV sunt inter se, ut rectarum TM, VN quadrata: at AT, AV sunt curvæ AMN abscissæ; TM, VN applicatæ: sunt igitur abscissæ, ut applicatarum quadrata: Ergo curva AMN est curva parabolica. (b)

264. Duo in demonstratione supponuntur physice vera, geometricæ falsa: unde deducitur cursum AMN, projectorum semitam, physice quidem, & sensibilibiter esse parabolam, non tamen geometricæ: primum AX, XZ, ZR esse inter se æquales, ac proinde spatia, & tempora æqualia repræsentare: Secundum; rectas AB, XM, ZN, RO esse inter se parallelas; ut eo pacto parallelogramorum latera esserent æqualia: essentque proinde $AX = TM$; $AZ = VN$; $AR = XM + AV = ZN$: hæc enim

(a) Elem. Geom. 2. n. 105.

(b) Elem. Geom. Appendix L.

enim omnia requiruntur, ut spatia, seu abscissas AT, AV esse in ratione duplicata applicatarum OM, VN inferri possit.

Duo autem hæc sunt physice, hoc est, sensibilibiter vera; geometricæ, & rigorose falsa: Nam rectæ ABD, XM, ZN, RO sunt ad sensum parallelæ; Sed cum in centro telluris productæ concurrant; sunt enim ad horizontem perpendiculares (n. 99.) non sunt geometricæ parallelæ. Rectæ item, seu spatia AX, XZ, ZR ponuntur, suntque physice, seu ad sensum æquales, quia nulla supponitur in aere resistentia: resistit tamen aer, & projecti velocitatem, motumque debilitat, ac minuit; neque æquabilem motum patitur. Patet igitur utraque propositionis pars. Demonstratio æque in solidis, atque in fluidis corporibus obtinet: eandemque de omnibus veritatem demonstrat experientia, fluida tamen corpora, ad incudem iterum suo in loco revocabuntur.

PROPOSITIO XXXIV.

265. Corpus grave secundum directionem quæcumque ad horizontem obliquam AR projectum curvam AMNB sensibilibiter, licet non geometricè parabolicam describit.

Demonstr. Recta directionis AR in æquales partes AO, OQ &c. dividatur, quæ temporibus æqualibus (n. 236.) percurrantur; ex hujusmodi divisionis punctis rectæ OM, QX &c. ad horizontem perpendiculares, rectæque AS parallelæ ita ducantur, ut sit OM. QX :: AO quadratum. AQ quadratum. Ex punctis autem MXN &c. rectæ ducantur MP, XZ, NV lineæ RA parallelæ: erunt proinde parallelogramma AOMP, A, QXZ &c. Modo sic. (Fig. 24. Tab. II.)

Dans grave projectum impresso impetu punctum O attingeret, gravitate deorsum attractum in M perveniret, quod dari necesse est, cum punctum M arbitrarie designetur: Secundi igitur tempore per totam QX descenderet, seu potius a recta directionis deflecteret (n. 232.) Tertio tempore elapso, ad N pertingeret &c. et omnia hæc seriatim disposita puncta

Haec parabola efficiunt : probo : quoniam $OM = AP$; $QX = AZ$ (a) &c. & praeterea OM est, ad QX , ut quadratum AO ad quadratum rectae AQ (per constructionem ;) erunt AP , $AZ :: AQ^2$, AO^2 . hoc est, ut quadratum rectae PM ad quadratum rectae ZX ; sunt igitur abscissae, ut applicatarum quadrata: ergo curva $AMXNB$ est parabola (b). Quae in propositione praecedenti adnotavimus, eodem de capite in hac propositione verum habent.

COROLLARIUM I.

366. Quo major fuerit projecti corporis impetus, seu velocitas, eo ampliore ceteris paribus semitam, seu parabolam describet. Fac enim AX quinque passus extendi, cum igitur sint aequales AX , ZX , ZR , (Fig. 22. Tab. II.) integraque AR toti CO semitae amplitudini aequetur, erit CO 15. passus longa: Si igitur RX 10. passus extenderetur, esset integra AR , seu CO 30. passus longa; ergo esset longior ab maiore impetum, ac velocitatem projecti.

COROLLARIUM II.

367. Motus compositus ex motu projectionis aequali, & gravitatis accelerato uniformiter deorsum, vel sursum retardato, parabolam describit; corpus enim grave donec ad altius semitae punctum X , seu parabolae summitatem perveniat, motum sursum successively retardat: AS eo deinceps puncto per semitae arcum XB (Fig. 24. Tab. II.) deorsum tendens, motum accelerat: accelerato igitur, & retardato motu parabolam describit.

PROPOSITIO XXXV.

368. Corpus grave horizontaliter projectum per AR semiparabolam $AMNO$ motu composito sensibilibus describit.

De-

(a) *Elem. Geom.* 2. n. 105.(b) *Elem. Geom. Appendix.* 2.

Demonstr. Punctum A, curvæ semitæ initium, altius, seu supremum est parabolæ punctum: ab eo enim digressum corpus deorsum ab horizontali AB semper recedit. Deinde recta AC ex eo puncto versus Terræ centrum ducta, omnes applicatas TM, VN, CO (Fig. 22. Tab. II.) perpendiculariter fecit, ut supra numero 263. in propositionis demonstratione exposuimus: ergo ex Parabolæ notione (a) recta AC est ejusdem curvæ axis, punctum A illius apex, & curva AMNO semiparabola: physice quidem, & sensibilibiter non diversa ab ea, quam supra numero 263. retulimus. Hæc utique semiparabola motu projectionis æquabili, & descensu uniformiter accelerato progignitur.

PROPOSITIO XXXVI.

269. Corpus grave A sursum oblique projectum per AR integram parabolam AXNB describit.

Demonstratur. Corpus A oblique sursum projectum eatenus per AMX (Fig. 24. Tab. II.) ascendit, quoad vis gravitatis, ea tandem impetus impressi parte superata, qua sursum corpus defferebatur, deorsum indole sua mobile trahit: Punctum igitur X, ex quo tandem prævalens gravitas corpus deorsum trahere incipit, altius, quam reliqua curvæ puncta, supra horizontalem AB extat. Deinde idem a mobili projecto in arcu AX, atque in arcu XB describendo tempus impenditur; cum æqualia spatia, ordine licet retrogrado, iisdem temporibus grave ascendens, & descendens describat (n. 267.) æquales proinde sunt arcus AX, XB: imò & curva ipsa ab eo puncto utrinque æqualiter recedit, seu ampliatur, ut ex ipsa ascensus, & descensus uniformi retardatione, & acceleratione, una cum æquabili projectionis motu facile constat: hæc autem omnia stare non possunt. quin prædictum curvæ punctum X sit parabolæ summitas, seu apex: ergo supra horizontalem AB integra inest curva parabolica

(a) Elem. Geometr. Appendix. 1.
Mont. Phil. T. III. L

tica a gravi oblique projecto descripta. Aliam prædictæ propositionis demonstrationem in medium afferri solitam, magis geometricam, & prolixam prætermitto, ne lectori, cui allata satis est, molestiam creemus.

COROLLARIUM I.

270. Idem tempus impenderet corpus grave A libere ex A demissum in perpendiculari AD solius gravitatis ope percurrenda, atque in curva AMN OE (Fig. 22. Tab. 2.) motu composito describenda: est dicere: Mobile quodcumque grave A ex data altitudine AD idem ad terram ulque impendit tempus, seu ad horizontalem DE libere sibi relictum, sola gravitatis actione perpendiculariter descendat, vel impetu projectum curvam quamcumque describebat. Hujusce Corollarii veritas præter quam quod multiplici experimento demonstratur, ut videre est apud *Muschbroeck* (a) & alios, calculo etiam evincitur: Idem enim tempus a gravi projecto impenditur in diagonalibus insensibilibus AM, AN &c. motu composito percurrendis, atque infumeretur ad rectam AT, vel AX peragranda, si ab una tantum causa, v. g. gravitate motum simplicem acciperet, ut jam demonstravi: ergo æquali tempore sola gravitate omnes rectæ AT, TV &c. seu AD, atque omnes diagonales AM, MN &c. seu integram curvam AE motu composito percurrendam infumeret.

COROLLARIUM II.

271. Si igitur ex eodem puncto A plura simul propiciantur corpora gravia, ita ut parabolas longe inter se diversas describant, aliaque ad 10. ad 50. ad 100. pedes, alia in terram labantur, omnia hæc corpora simul terram attingent: Universa enim eodem tempore ad terram descenderent atque corpus aliud

(a) *Commentar. in Experim. Florentina.*

aliud, quod una cum ipsis ex eodem puncto A libere demitteretur, ut modo demonstravimus. Hæc in mediis non resistentibus verissima sunt: si in aere fiat periculum, ulterius requiritur, eandem in omnibus corporibus esse figuram, massam, & volumen.

COROLLARIUM III.

272. Si igitur eques æquabiliter currente equo delatus, aut rector Navi uniformi celeritate progrediente lapidem, vel quodcumque aliud corpus manu dimittat, idem est, si lapis a summitate mali libere cadat, huiusmodi corpus ad terram per curvam parabolicam descendet. Idem quippe est, a motore horizontaliter translato libere demitti, aut sursum perpendiculariter projici corpus, atque a quiescente horizontaliter impelli; cum lapis ab equite delatus communem cum eo habeat velocitatem horizontalem; da igitur equitem eo tempore ab A ad R pertransire, quo lapis ex A demissus ad C perveniret: lapis ab equite per A ad R. (Fig. 22. Tab. II.) translato in A demissus per curvam parabolicam A M N O in terram descenderet. Similem curvam conficiet corpus a mali summitate descendens, licet rectoribus in eadem navi translatis rectam lineam describere videatur, ut superius explicavimus.

COROLLARIUM IV.

273. Corpus etiam ab equite motu æquabili progrediente sursum perpendiculariter projectum, lineam parabolicam ascendendo, & descendendo ita describit, ut supra equitis manum regrediatur. Etenim huiusmodi corpus motu quidem æquabili horizontaliter cum equite moveretur (a) Dum interea sursum perpendiculariter motum uniformiter primo retardatum acciperet (n. 245.) postea vero uniformiter a gravitate acceleratum (n. 224.) At corpus grave motu horizontali æquabili, & perpendiculari
infi-

(a) *Town. 10. Phys. Lect. 12.*

insimul deorsum accelerato delatum, curvam parabolicam describit: (n. 263.) Lapis igitur per parabolam descenderet, per eandem vero curvam motu sursum retardato ascendit, qua accelerato deorsum motu descendit (n. 269.) Ergo &c. Pari ratione demonstrabitur corpus, motore horizontaliter translato oblique sursum projectum, curvam parabolicam describere.

§. §.

Summa Theoriæ, & praxis Artis Balisticæ.

274. Cum sibi Balisticæ studiosi finem ejusdem artis regulis assequendum proponunt, ut scilicet e dato loco corpus grave in longinquum scopum dirigant, eumque seriant: ad id enim maxime prædicta artis inserviunt theorematà, & prædictæ regulæ, ut in civitatibus, & munitarum arcium obsidionibus mortaria, cæteræque murales machinæ ita in acie, loco scilicet fixo; vel e navibus, si maritimæ expugnentur arces, disponantur ut tormentarios globos magnam civitati ruinam illaturos intra obfessæ arcis mœnia inducant; quæ ut exequantur, ad sequentia attendere necesse est.

275. Ex superius dictis circa naturam curvæ a projecto corpore descriptæ sequentia inferuntur in praxi maxime necessaria.

Primum. Si Corpus v. g. Lapis a funda, glans e scopeto emissâ A horizontaliter projicitur per AH, (Fig. 22. Tab. II.) recta AD directio gravitatis ex puncto projectionis A perpendiculariter ad horizontem ducta deorsum, erit axis parabolæ AE; a projecto corpore describendæ; Punctum enim A est vertex illius; horizontalis AH eam in vertice tangit.

Secundum. Corpus horizontaliter projectum semiparabolam AOE describit: a vertice enim A incipit, & ab una axis AD parte AOE tota jacet; ex alia vero parte axis alia medieta describeretur, ut in fig. 17.

Tertium. Linea directionis AH Parabolam tangit: totaque proinde parabola & semita a corpore de-

describenda infra corporis directionem AH jaceret. Corpus igitur A horizontaliter projectum in sua directione nunquam existit, aut per illam movetur: sed immediate post projectionem ex A infra directionem AH invenitur.

Quartum. Si corpora plurima ex puncto A simul demittantur, unum quidem sola gravitate per AD , (Fig. 22. Tab. II.) alia ita projiciantur ut unum parabolam AE , aliud parabolam AK , describat, & sic de aliis quamplurimis: omnia, inquam, hæc corpora simul horizontem attingent. Si periculum fiat in vacuo, quæcumque adhibeantur corpora, res eveniet: si in aere, vel quocumque alio medio resistente, debent corpora esse similia, & æqualia, ac proinde corpora ex eadem altitudine A horizontaliter projecta, quantalibet velocitate, & impetu projiciantur, quæcumque etiam parabolas describant eodem tempore ad terram descenderent. Id *Galileus* deduxit primus, theoria demonstrat, & experientia confirmavit *Muschentrock* (a) Aliqualis diversitas quam observasse testantur Academici Florentini; in id refunditur communiter, quod directio projecti non exacte congrueret cum linea horizontali, quod quidem in dirigenda, & explodenda murali machina facillimum est; emendandi, aut dignosci difficultimum.

276. Porro hoc ultimum corollarium præter experientia, evincitur, quia acceleratio motus deorsum perinde fit in perpendiculari AD motu simplici secundum rectæ divisionem in punctis $TVCBD$, atque motu composito in curva AE : Primo enim tempore finito primum mobile in T , secundum in M , in altero primum in V , secundum in N , & ita deinceps, inveniretur.

PROPOSITIO XXXVII.

277. Si tamen corpus A oblique ad horizontem projiciatur per AE , integram parabolam describet ARI ,

(a) Comentar. in Exper. Acad. Florentina.

RI, tantumdemque temporis in ascendendo usque ad verticem R, quantum in descendendo ab R usque ad I infumet.

Dom. Corpus A e Bombarda emissus per A E intra datum tempus v. g. semiminutum secundum, spatium AB (Fig. 18. Tab. II.) percurrat : Gravitas in dato tempore semper agens illudque a linea directionis jam inde ab A avertens, interim per spatium Aa, seu Bb trahat; corpus igitur A post prædictum tempus erit in b: ex B secundo tempore corpus perveniret in C motu æquabili, tertio tempore in D, quarto in E; interim tamen spatia a gravitate percursa, essent ut quadrata temporum; ac proinde post secundum tempus corpus non in C, sed in c inveniretur, ita ut Cc ad Bb essent, ut quatuor ad 1, post tertium non in D, sed in d: post quartum in e, percursis a gravitate spatiis Bb, Cc, Dd, Ee, quæ sunt ut temporum quadrata. Cum gravitas semper magis, & magis impediatur motum sursum in ratione duplicata temporum, eum tandem superat, & corpus ab e descendere cogit.

278. Rursus motus AC projecti A in duo resolvitur AB, AD, quorum secundus cum gravitati non opponatur, neque resistentiam in medio offendat, æquabilis perseverat per AD, DE &c. seu illis correspondentibus CY, MN &c. Primus gravitati diametraliter oppositus ab illa perpetuo minuitur in ratione duplicata temporum: dum igitur interim AD, DE, EF, seu AD, CY, MN, (Fig. 17. Tab. II.) percurrunt æquales, rectæ AB, CS, MO decreverunt ut 5, 3, 1. In L nullus est jam motus sursum; incipit igitur motus deorsum a gravitate accelerandus in eadem ratione; qua fuerat hactenus retardatus motus sursum: dum igitur mobile percurreret æquabiliter rectas æquales LT, TV, VS, seu quæ illis inferius respondent, ope gravitatis motu accelerato in ratione 1. 3. 5. percurreret LN, NK, KF; post primum igitur tempus erit in Q, post secundum in R, post tertium in I: eodemque modo, sed ordine inverso diagonales similes, & æquales descendendo, & ascendendo describet.

COROLLARIUM.

179. Hinc patet 1^o. parabolam describi integram, quæcumque sit directio obliqua AE ; eadem enim demonstratio in omnibus tenet; erunt tamen diversæ parabolæ pro directionum, & velocitatum diversitate, ut jam dicemus. 2^o. Linea directionis AE (Fig. 18. Tab. II.) quæcumque illa sit, parabolam ARI tangit: Ob gravitatem enim sit; ut semita projecti, seu curva in unico puncto A rectam AE tangat, extra vero A corpus perpetuo a recta AE (Fig. 17. Tab. II.) retrahatur. 3^o. Punctum L vertex Parabolæ, ubi motus sursum tandem a vi gravitatis superatur, & extinguitur, est maxima altitudo, ad quam projectum corpus ascendit. 4^o. Hæc maxima altitudo per Axim LF designatur, eamque amplitudinem jactus A per medium secat in F .

COROLLARIUM.

280. In projectione corporis, vel recta, vel obliqua, celeritas, seu motus æquabilis projecti repræsentat semiordinatas ad axim, vel addiametrum applicatas, motus vero gravitatis abscissas refert. Sunt enim æquales LT , NQ , LV , KR &c. descensus vero sunt LN , LK &c. (Fig. 17. Tab. II.): similiter in directione obliqua AR , & parabola AXB , OM , QX , hoc est AP , AZ (Fig. 24. Tab. II.) illis æquales, sunt descensus gravitatis, AO , AQ , hoc est, PM , ZX motus æquabiles projecti.

281. 2^o. Et hinc quo major fuerit celeritas projecti per eandem directionem, eo major erit amplitudo parabolæ, seu jactus. Fac enim, ex puncto A duo æqualia corpora horizontaliter per LS (Fig. 17. Tab. II.) projici, primum tamen duplo velocius secundo: Si igitur secundum tempore uno percurrat LT , & gravitate descendit TQ , ac proinde describit parabolam LQI ; primum eodem illo primo tempore percurrat LV duplam lineæ LT , & descendet per VX æqualem lineæ TQ : ampliorem igitur parabolam describet, & ad majorem distan-

L 4 tiam

tiam projicietur. Idem pari modo demonstratur de projectione obliqua *AG*.

282. 3°. Tantrumdem temporis impendit projectum corpus in descensu ab *L* in *I* quantum in ascensu ab *A* in *L*. Id ex demonstratis liquet. Præterea tempus ex *L* usque ad *I* est idem, atque tempus ex *L* usque *F*; hoc ultimum est æquale tempori, quod impendit corpus ex *F* usque ad *L* projectum viribus, quas cadendo ex *L* acquireret (n. 248.) Idem vero corpus projectum ex *F* perpendiculariter oblique ex *A* in *L* eadem vi, quam cadendo in *L* acquireret, eodem tempore ad *L* in utroque casu ascenderet.

283. 4°. Si igitur, projecta Bombardæ ex *A*, noscatur tempus, quod impendit usque in *I*; inveniri facile poterit altitudo *FL* Parabolæ, tempore in duas æquales partes diviso. Vide ex theoria motus accelerati quantum spatii in nota mediate dati temporis percurratur a corpore libere cadente: sit tempus integrum 8. min. secundo: dimidium 4.: quatuor igitur min. ex *L* ad *I*, vel ad *F* pervenit. Jam cum in

minuto secundo 15. pedes in cadendo conficiat, 4. peragrabit 240. pedes; totidemque erunt in axe *F* *L*, dempta solummodo parva illa differentia, quæ ab aeris resistentia oritur. Porro bombardæ ad eam altitudinem ordinarie non ascendunt, ex qua descendendo ad motum æquabilem deveniant; & hinc facilius erit calculus.

S C H O L I O N.

284. Id est præcipuum, & quasi unicum in balistica, ut ex dato loco *A* via corpus, v. g. Bombardam emittamus, ut datum scopum *I* v. g. turrim in nota distantia possit feriari. Quatuor in presenti attendi debent, 1°. vis acceleratrix seu retardatrix gravitatis; 2°. amplitudo jaçtus *AI* (Fig. 18. Tab. II.) 3°. directio corporis *AE*, 4°. vis directio corpori impressa, seu velocitas. Primum jam est notum: reliqua tria ex observationibus, & calculis noscenda sunt, ut amplitudinem jaçtus agnoscamus, & velocitatem projecti, & directionem. Ex amplitudine, & directione prius notis eruitur

tur etiam velocitas; tandem directio ex amplitudine ipsa, & velocitate datis inferitur. Quomodo autem hæc omnia experimento & calculo agnoscantur, sequentia docebunt.

PROPOSITIO XXXVIII.

285. Projecto corpore per directionem quamcumque obliquam AB descriptaque parabola AFC , (Fig. 19. Tab. II.) si maxima altitudo GF Parabolæ usque ad directionem AB , producat, erit tota recta GE dupla maxime altitudinis parabolæ GF .

Demonst. Corpus projectum A motu æquabili ascenderet in E , seu in H eo ipso tempore, quo a motu uniformiter retardato a gravitate ascendit in F : spatium igitur FE est effectus, seu retardatio gravitatis: at corpus sursum projectum intra datum tempus motu æquabili ad altitudinem ascenderet duplam illius, ad quam eo ipso tempore ascendit, cum est a gravitate retardatum, ut supra demonstravimus num. 236.: spatium igitur AH hoc est, GE est duplum altitudinis maximæ GF : sunt igitur æquales GF , FE .

COROLLARIUM.

286. Si igitur ex puncto C , in quo parabola horizontali AC secatur, estque ex ea parte parabolæ AFC a mobili descriptæ extremum, erigatur recta CB perpendicularis ad horizontalem AC usque ad directionem AB , erit ea recta CB interposita inter horizontalem, & directionem projecti, quadrupla rectæ GF , maximæ altitudinis Parabolæ.

Rectæ enim GE , CB sunt parallelæ, sensu superius a nobis indicato (n. 261.) cum igitur secetur latera trianguli ABC , erunt GE ad CB , ut AG , ad AC (a) quoniam igitur AG est dimidium AC ; erit etiam GE dimidium CB ; ergo CB est quadrupla altitudinis GF , quæ est dimidia rectæ GE .

PRO-

(a) Elem. Geom. 3. n. 125.

PROPOSITIO XXXIX.

287. Sit recta DA perpendicularis ad horizontem, ex qua si cadat libere corpus projectum, eam velocitatem acquirat, qua emittitur per directionem AB obliquam, eaque recta, tamquam diametro, assumpta, describatur per D & A semicirculus lineam directionis secans in I; ex punto I ad diametrum AD ducatur IL horizontali parallela: erit LI quarta pars amplitudinis AC Parabola AFC; altitudo autem AL erit maxima altitudo parabolæ GF. (Fig. 19. Tab. II.)

Ducta enim LF, supponatur parabola AFC, cuius vertex sit in F, & a recta LF tangatur, in qua sit AG dupla, & AC quadrupla lineæ LI, GF vero maxima altitudo sit æqualis AL; ea erit parabola, quam mobile cum data velocitate oblique projectum per AB describet, neque aliam posset describere. In Parabola enim ab eo corpore describenda, erit GE dupla, CB quadrupla altitudinis GF (n. 286.) sunt autem parallelae tres rectæ AL, GFE, CB, sicut etiam rectæ LIF, AG: est igitur ALGF parallelogramum, latiusque LF lateri AG, latus AL lateri GF æqualia (a) jam sunt CB. GE :: AC. AG (b); ergo est CB ad dimidiam GE; hoc est, ad GF (n. 285.) ut AC ad dimidiam AG, seu dimidiam LF: CB vero est quadrupla GF (n. 286.) igitur erit AC quadrupla dimidiæ LF, seu AG: hæc autem medietas est LI: sunt enim duo triangula LAI, IEF, æquiangula ab angulis in I oppositis æquales, & F, & L rectos (c), atque æqualia latera AI, IE. Sunt igitur etiam æqualia LI, IF, LA, FE; ergo LI est dimidium LF, hoc est, AG: hoc est, quarta pars amplitudinis AC: AL vero est qualis GF.

CO-

(a) Elem. Geom. 2.

(b) Elem. Geom. 3.

(c) Elem. Geom. 1.

COROLLARIUM I.

288. Cum igitur in semicirculo DIA ad horizontem perpendiculari, & cujus diameter DA ea sit altitudo, ex qua descendens corpus eam velocitatem acquireret, quacum projicitur; cum in eo, inquam, semicirculo infinitæ rectæ RS, LI, MN &c. sibi, & horizonti parallelæ, sint quarta pars amplitudinis projectorum, quorum directiones ex puncto A infimo per S, I, N, O, &c. ducuntur: manifestum est projectum, v.g. Bombardam, eadem semper vi projectam pro varietate Anguli directionis, ad majorem, & minorem amplitudinem projici: corpus v. g. ex A per S projectum ad minorem distantiam projicietur, quam per I, aut N: erantque amplitudines AC parabolæ, ut sunt rectæ RS, LI, MN, quartæ earum partes, eadem semper velocitate manente.

289. Quare cum recta MN per centrum transiens, utpote radius, seu sinus totus sit major, quam cæteræ omnes RS, LI, HO, &c. sibi parallelæ, & minorum arcuum sinus; consequens est, quod si Bombarda dirigatur per AN, hoc est, per extremitatem radii MN, amplitudo factus erit omnium maxima, si eadem pro omnibus sit velocitas.

290. Et hinc plane sequitur, quod si directio efficiat cum horizontali AC angulum semirectum, seu 45. graduum BAC, (Fig. 19. Tab. II.) amplitudo AC erit maxima omnium, ad quas Bombarda, eadem velocitate manente, projici potest; directio enim AV per N transiens, angulum semirectum efficit; in triangulo siquidem AMN rectangulo in M sunt æquales anguli N & A, ob æqualitatem laterum, seu radiorum AM, MN, &c. (a) sunt proinde semirecti (b) quoniam igitur MAC est rectus, erit etiam VAC semirectus, seu 45. graduum.

CO-

(a) Elem. Geom. 1.

(b) Elem. Geom. 2.

COROLLARIUM II.

191. Iisdem igitur manentibus viribus, seu velocitate, si Bombarda projiciatur per punctum *I* aut *O*, æqualiter hinc inde ab *N* (Fig. 19. Tab. II.) diffusa, hoc est, anguli directionis æqualiter hinc inde a semirecto differant per excessum, vel per defectum, erunt amplitudines jactuum, seu parabolarum æquales: cum sint æquales rectæ *HO*, *LI*, æqualiter ab *MN* diffusæ, sintque quarta pars amplitudinis. Altitudines tamen maximæ parabolarum erunt, ut *AL*, ad *AH*. Quare stante eadem velocitate, quo major est Angulus, major est elevatio, non tamen amplitudo. Corpus *A* horizontaliter projectum per *AC* ad nullam amplitudinem horizontalem projicitur rigorose loquendo neque ad ullam altitudinem: incipiente, & crescente elevatione per puncta *S*, *I*, *N*, &c. usque ad *N* augetur amplitudo, & altitudo: Prima quidem in ratione *RS*, *LI* &c., Secunda in ratione *AR*, *AL* &c. crescente ulterius elevatione ab *N* usque ad *D*, diminuitur per eisdem gradus amplitudo, quoad in *D* sit nulla: augetur tamen semper in priori ratione altitudo, quoad in *D* sit maxima, cum percurrat totam diametrum, seu altitudinem *AD*, ex qua descendendo eam vim acquisivit in *A*, cum qua projicitur. Et hinc ulterius patet eo majorem esse amplitudinem, quo major fuerit velocitas cæteris paribus.

COROLLARIUM III.

192. Sit igitur regula generalis: amplitudines projectionum eadem velocitate manente, sunt inter se ut sinus anguli dupli elevationis. Cum data, velocitate *AB* projiciatur corpus modo per *BF* describatque parabolam *BA*, postea vero per *BE* aliam Parabolam describat: erit amplitudo *BA* ad amplitudinem *BG*, ut *DF* ad *CE*: at *DF* (Fig. 20. Tab. II.) est sinus anguli dupli *FBH*, & similiter *CE* est sinus anguli dupli *EBG*: Nam *DF* est sinus angu-

PHYSICA GENERALIS. 173

anguli BIF (a), hic angulus est duplex anguli BAF (b), ac proinde etiam anguli FBH, æqualis Angulo BAF (c) eodem modo demonstrabitur CE esse sinum anguli dupli anguli elevationis ERG.

SCHOLIUM.

293. Nota igitur nobis est theoria balisticæ, & principia, ac proportionēs, quibus in projiciendis corporibus, præcipue Bombardis militaribus, manuducimur; velocitas, quæ Bombarda projicitur ex A, talis semper est, quam corpus grave ex aliqua altitudine majori, vel minori cadens in fine motus acquiritam habeat: (Fig. 17. Tab. II.) supra enim demonstravimus, corpus cadens motum suum, & velocitatem accelerare, eoque majorem in fine motus habere, quo ex majori altitudine cadit; eamque velocitatem esse talem, ut corpus tempore descensus equali per duplo majus spatium deferat: Ponamus, Bombardam ea velocitate emitti, ut infra minutum secundum 600. pedes motu æquabili conficiat: si Bombarda ab altitudine DF (Fig. 19. Tab. II.) pedum 300. fere motu accelerato descenderet, eam

velocitatem in fine motus post minuta secunda $4\frac{1}{2}$ haberet (n. 224.) DA igitur in hoc casu representat altitudinem, seu diametrum semicirculi DNA. Dari igitur celeritatem idem est, atque dari diametrum DA: Angulus elevationis CAB aut observatione invenitur, aut calculo. Hinc omnia Problemata balisticæ solvuntur. v. g.

PROPOSITIO XL.

294. Problema 1^o. Data velocitate Bombardæ seu rectæ AD, invenire amplitudines, & altitudines quascumque, quæ sub diversis elevationis angulis illa vi fieri possunt. Resol.

Assumatur in charta linea AD tot partes schalze geo.

-
- (a) Elem. Geom. 2. (b) Elem. Geom. 2.
(c) Elem. Geom. 2.

geometricæ continens, quot pedes habeat, aut representet DA : ductaque ex A perpendiculari AC horizontalem referente, & facto semicirculo DNA : ducatur ex A recta quæcumque obliqua ad AC directionem referens ex puncto quocumque I , in quo directio peripheriam secat, ducatur IL ad DA perpendicularis: assumptaque in AC recta AC , quæ LI quater contineat, erit ea amplitudo maxima sub illa velocitate, & angulo; punctumque C a Bombarda ferietur: inventa amplitudine AC bifariam divisa in G (a), erectaque GF æquali rectæ AL , erit F vertex Parabolæ.

295. 2^o. Fit sepiissime, ut directæ ex Bultra turrim H , Ædificium G ferire opus sit, cujus major distantia HG (Fig. 20. Tab. II.) nescitur: eadem igitur manente velocitate, seu pulveris pyrii efficacia, quaeritur angulus elevationis: fiat igitur, ut BH ad BG , ita DF , sinus anguli dupli F BH , ad quartum, erit quartum sinus anguli BIE cujus medietas est angulus G BE quaesitus: regula igitur aurea problema solves; eo pacto omnia alia problema per Geometriam, aut Trigonometriam citra difficultatem resolvuntur.

296. Ex superius dictis facile etiam intelligitur qua ratione venator sclopo utens recta in scopum v. g. avem V per lineam rectam OX collimet, & tamen avem feriat; licet glans, aut grana plumbea, dum interim ab X ad V perveniunt, infra rectam XV gravitate sua descendere debent, & curvam describere. Duplex est hujusce rei causa: Primo magna glandis velocitas a pulvere pyrio impressa, & exigua distantia inter X & V , in qua percurrenda quartam partem secundi minuti impendit, quo fieret, ut per unum vix pedem a scopo aberrare possimus: 2^o. ut tamen is etiam error tollatur, alia est causa: sclopus a posteriori parte A (Fig. 21.) ad aliam usque extremitatem X sensim in crassitie diminuitur, dum interim cavitas, qua verò globus dirigitur, sit uniformis cylindrus, exinde fit, ut li-

nea

PHYSICA GENERALIS. 175

nea veræ emissionis AE, & linea collimationis A XV non sint parallelæ, sed sese intersecant: licet igitur horizontaliter, seu recta collimes in scopum V, glans tamen per curvam ad V porvenit, & aliquantulum supra lineam collimationis assurgit. Major, vel minor error oriri potest a diversitate pulveris nitrati, & a majori vel minori longitudine scopi. Cum grana plumbea minuta explodimus ad sensibilem distantiam, fit nonnunquam, ut ob resistantiam aeris, grana a se invicem separentur, & quasi circularem coronam efficiant, in cujus medio existens avis post auditum sonum aufugiens non aberrantem venatorem relinquat confusione plenum.

L E C T I O VIII.

*De descensu Corporum gravium per plana inclinata,
ubi de pendulis.*

D E F I N I T I O.

297. *Linea*, seu *planum inclinatum* CA (Fig. 10. Tab. 4.) est illud quod horizontalem CS oblique secat, angulum, scilicet cum ea obliquum ACR efficiens. Punctum in plano sublimius A est *summitas*, seu *vertex* plani. Recta AR a plani vertice ad horizontalem perpendiculariter ducta plani *altitudo* nuncupatur. Recta vero CA est *longitudo plani*. *Angulus elevationis* plani est ACR ab horizontali CR, & plani longitudine AC formatus. Angulus autem, quem longitudo plani CA, & verticalis AR ex infimo plani puncto efficiunt, *declinatio plani* nuncupatur.

D E F I N I T I O.

298. *Gravitatem corporis absolutam*, seu momentum absolutum illud dico, quod corpus ipsam habet, dum libere demittitur, a nulloque retinetur, sed libere, & perpendiculariter per AR descendit. *Momentum* vero, & *gravitatem relativam* dico vim, quam corpus, per planum inclinatum AC aliquo modo

modo impeditum, descendens exercet. Suppono interim corpus per planum inclinatum posse descendere, & reapse in terram vel labendo, vel circumvolutione, pervenire juxta eas, quas inferius dabimus, regulas. In primo casu scilicet descendit corpus viribus, quibus potest: in secundo viribus, quæ a plano non eliduntur.

299. Quæ circa corporum motus supra planum inclinatum scitu digna occurrunt, ad quatuor revocantur capita. 1^o. motus ipsius acceleratio; ejusque leges: 2^o. velocitas, ejusdemque ad eam, quam corpus libere cadendo, celeritatem habet proportio: 3^o. gravitatis in plano inclinato, & in perpendiculari vires, & impetus: 4^o. tempora, quæ a gravibus corporibus impenduntur, cum ab eadem altitudine per inclinata diversa plana descendant: quæ quidem omnia breviter expediam; neque enim consentaneum duco, omnia, quæ in *Statica* de planis inclinatibus demonstrant, ad *Physicam* transferre. Brevitatis gratia, ne eandem cramben recoquere necesse sit, quæ de gravitatum absolutæ, & relativæ proportionem dicam, de momentorum ratione dicta habe.

OBSERVATIO.

300. Corpus grave per planum quodcumque inclinatum libere descendens, motum suum uniformiter accelerat; ascendens vero, motu uniformiter retardato ascendit. Hujusmodi veritatem prius observaviis, & deprehendit Galilæus, occasionem inde nactus, ut eandem in libero gravium descensu accelerationem, & in ascensu retardationem recte postea observaveris: eandem, si opus esset, calculo demonstrarem.

COROLLARIUM.

301. Corpus igitur grave per planum inclinatum AC descendens perinde motum suum accelerat, atque si perpendiculariter caderet: erunt igitur velocitates, ut tempora: spatia æqualibus temporibus a lapsus initio numeratis percursa, ut numeri impares 1. 3. 5. 7. &c. (Fig. 10. Tab. IV.) spatia composi-

posita, ut temporum, seu velocitatum quadrata, hoc est, si mobile primo tempore AB 4. pedes confecit; secundo BC 12. peragrabit, & ita de reliquis; suntque spatia composita AB, AC, ut 4. ad 16.; quæ sunt temporum 1. 2. quadrata. Uno verbo: in corporum per plana inclinata accelerato descensu, & ascensu retardato, ea omnia obtinentur, quæ supra de ascensu, & descensu perpendiculari vera esse demonstravimus; cum eadem utrobique causæ, & demonstrationes locum habeant: ne igitur eadem repetamus, vide citata loca. Id unum intercedit discrimen, quod in planis inclinatis multo lentius descendit corpus, quam perpendiculariter, ob rationem, seu asperitatem plani, & ob minorem gravitatem, quam ibi habet, ut jam explicò; & hinc multo facilius observari potest proportio descensus supra plana inclinata, quam per liberum aerem. Neque illud omittendum, in gravium per inclinata plana descensu, & ascensu, nullam, aut exiguam saltem, cum in aere sit, resistantiam supponi, cum omne corpus grave ex gravitatis indole perpendiculariter (n. 98.) ad horizontem descendat, aut descendere nitatur; planum vero inclinatum hujusmodi descensum, & gravitatis directionem impediat, & destruat (neque enim corporis C per CR (Fig. 7. Tab. 4.) descensum permittit,) manifestum est, planum inclinatum aliquam gravitatis absolutæ partem sustinere, ejusque vim, & conatum ex parte destruere, dum grave per obliquam CS tendere cogit deorsum. Negari enim non potest, planum inclinatum BX, a decedente gravi C comprimi, & atteri; compressio autem compressi obstaculi resistantiam, & comprimentis actionem includit; agit igitur in planum descendens grave; descendenti resistit, ejusque actionem ex parte destruit planum.

PROPOSITIO XLI.

302. *Vis, seu gravitas relativa corporis cujuscunque gravis supra planum inclinatum BX est ad absolutam ejusdem corporis gravitatem, ut plani altitudo.*
 Mont. Phil. T. III. M do

do BZ ad illius Longitudinem BX. (Fig. 7. Tab. IV.)

Demonstratur. Supponatur corpus C a ligamine liberum: si a nullo sustentaretur plano, sed libere descendere permetteretur per CR ad horizontem XZ perpendicularem; absoluta gravitate descenderet, per eamque descendere nititur eadem absoluta gravitate; at a plano impeditum per CS supra planum gravitate relativa descendit: quoniam autem gravitas absoluta relativam superat (n. 301.) Recta CR vim absolutam referat; recta autem CS gravitatem relativam, seu vim, qua corpus grave C plani resistentiam superat, exhibeat: perficiatur parallelogramum I S, ejusque diagonalis CR, latus CI: vis igitur absoluta CR spectari potest, tamquam vis composita ex duobus CI, CS parallelogramiliteribus. Corpus igitur in C duplici urgetur vi, quarum altera CI a plano penitus impeditur, & destruitur, cum ipsi directe opponatur: secunda CS corpus deorsum trahit, illiusque gravitatem relativam repræsentat: sunt igitur CR absolutæ, CS respectivæ corporis gravitates: at est CR ad CS, ut BX ad BZ: & probro:

Quonia n BZ, CR sunt horizontali XZ perpendiculares (n. 98.) erunt sibi invicem parallelæ (a) ergo sunt æquales anguli XBZ, SCR (b): sunt autem anguli Z, & RSC recti, ac proinde æquales (c): ergo triangula ZXB, & RSC sunt similia (d): ergo sunt CR ad CS, ut BX, ad BZ, hoc est, gravitas absoluta ad relativam, ut longitudo ad altitudinem plani: prædictæ rectæ proportionem potius pressionum, seu momentorum, quam magnitudinem expriment.

303. Ut hæc melius intelligantur, concipiatur corpus grave A supra planum AC dato quodam tempore spatium A a eo ipso tempore peragrarè, quo libere demissum rectam AP conficeret: ex P ad a ducatur Pa, & torum parallelogramum perficiatur: corporis per A a descensus spectari, & recte expri-

(a) *Elem. Geom. 1.*

(b) *Elem. Geom. 1.*

(c) *Elem. Geom. 1.*

(d) *Elem. Geom. 3.*

PHYSICA GENERALIS. 179

exprimi potest, ut motus compositus duarum potentiarum AP , & AF , sese dato angulo FAP intersectantium (a), quarum prima AP (Fig. 25. Tab. III.) est gravitatis actio, secunda autem AF plani resistentia plano ipsi perpendiculariter insitens, tum planum mobili resistat, illudque a se quasi rejiciat secundum perpendiculararem.

Corpus A ad a appulsum, non per rectam AP , sed AK longe minorem descendit, sunt enim AK in eadem horizontali, seu altitudine; sectio igitur, seu descensus KP a plano destruitur. Ex puncto a ea vi urgebitur corpus, qua percurreret spatium ap prioris AK triplum (n. 301.): eam igitur representat ap , ad horizontem semper perpendicularis, ex ejus extremo p ducta ad punctum B , quo corpus secundo tempore perveniret, recta pB , perfectoque parallelogramo ps , rectæ ap , as duplicem potentiam referent, quarum viribus spatium aB corpus percurrit. Ex hac expositione nullo negotio intelliguntur sequentia.

COROLLARIUM I.

304. Corpus quodcumque grave C minus habet ponderis in plano inclinato, quam in verticali, hoc est, si corpus C supra planum inclinaturn, & deinceps liberum in aere manu sustineas; minorem in plano, quam in libero aere pressionem experire; pressio enim gravitatis rationem sequitur: decrefcente igitur in plano gravitate, decrefcit pondus, seu pressio. Unde multo facilius pondus datum per planum inclinaturn XB , (Fig. 7. Tab. IV.) quam perpendiculariter attollimus, & nosmetipsos elevamus; in plano liquidum ponderis pars ab illo sustinetur: extra planum ab integro gravamur corpore.

COROLLARIUM II.

305. Duo corpora AC , quorum primum A libere pendeat, secundum vero C plano inclinato inni-

ratur, æqualem gravitationem exercent, si gravitas *A* sit ad *C*, ut altitudo *ZB* ad longitudinem plani *BX*; si proinde sibi mutuo alligentur, ducto per plani apicem ligamine, invicem sese sustentabunt, neque aliud ab alio elevabitur. Nam *C* gravitate solummodo relativa supra planum descendit, & corpus *A* elevaret: est autem gravitas relativa *C* ad suam gravitatem absolutam, ut *BZ*, ad *BX* (n. 302.) sed eandem habent rationem gravitas absoluta *A* ad absolutam *C*, (hypothesis): æquantur igitur gravitates absoluta *A*, & relativa *C*.

COROLLARIUM III.

306. Si plurima ex eodem puncto *A*, seu communi apice, & altitudine nascantur diversæ longitudinis plana *AC*, *AX*, *AS*, (Fig. 10. Tab. IV.) idemque corpus per ea successive demittatur, aut supra ipsa detineatur; eo minor erit hujusce corporis gravitas, quo major fuerit longitudo plani: aliis verbis. Corpus *A* (Fig. 11.) facilius per planum *CA*, quam per *XA* ejusdem altitudinis, sed minoris longitudinis sursum traheretur, aut supra plana detineretur. Nam eadem manente altitudine *RA*, quo major fuerit plani longitudo, minor etiam erit ratio altitudinis ad longitudinem: ergo minor erit gravitatis relative ad absolutam ratio: ergo supra majoris longitudinis planum *AC*, minor erit gravitas relativa, quam supra planum *AX*; quo enim brevius fuerit sub eadem altitudine *RA* planum *AX*, eo propius ad perpendicularem accedit, in qua maxima est gravitas.

COROLLARIUM IV.

307. E contra vero corpus quodcumque *A* per ejusdem altitudinis *RA*, sed diversæ longitudinis *SA*, *CA*, (Fig. 10.) plana descendens, aut supra ipsa detentum, eo fortius planum comprimet, quo majorem habuerit longitudinem: nam relativa gravitate decrescente, pressio corporis supra planum magis augetur, tantumdem enim de corporis gravitate

PHYSICA GENERALIS. 131

tate decedit, quantum ejus in plano pressioni adjicitur, ut per se patet; cum igitur minor sit in longiori plano gravitas relativa, magis planum comprimitur. Ut clariora hæc fiant, concipe planum horizontale RXC sensim supra punctum immotum R attolli, quoad cum perpendiculari RA congruat: aliquod insuper grave corpus ipsi desuper impositum insitat: dum planum fuerit horizontaliter dispositum in RXC , totam corporis gravitatem, & pondus sustinebit, & ab eo comprimitur: minus comprimitur elevatum in RN ; longe minus, cum ad RB accesserit; tandem per RA dispositum, nullam a gravi pressionem patietur: unde quo major fuerit inclinationis angulus, minus premitur planum.

308. Ex adverso corpus grave plano impositum, vel ab ejus extremitate A pendens omnem suam gravitatem exercet, & deorsum tendit: plano autem per BN circa punctum R circumvolutione descendente magis sensim, & magis corporis gravitas, qua per planum descendere nititur, defecit; quoad horizontaliter tandem disposito plano, nulla est gravitas, seu tota a plano sustentatur.

COROLLARIUM. V.

309. Si duo corpora AB supra duo diversæ longitudinis, & elevationis, ejusdem tamen altitudinis DM plana NM , OM (Fig. 8. Tab. IV.) se mutuo sustentent, eorum gravitates sunt inter se, ut eorundem planorum longitudines: gravitas scilicet A ad gravitatem B , ut OM , ad NM . Quoniam enim corporum AB gravitates relativæ sunt æquales, & se mutuo sustentant; eadem potentia, seu vis, quam voco Z per verticalem MD deorsum agens, utrumque corpus seorsim sustentare poterit: sunt autem gravitates AB ad Z , ut plana, quibus insistant, ad altitudinem MD ; hoc est, gravitas A est ad Z , ut MO ad MD ; gravitas B est ad Z , ut MN , ad MD (n. 302.) ergo gravitas absoluta A est ad gravitatem B , ut MO , ad MN .

310. Supradicta omnia in nobismetipsis experimur,

mur, cum per diverforum montium declivitates ascendimus, descendimus, pondera portamus, cum scalam conscendimus &c. Flumina omnia per alveos, tanquam per plana inclinata, descendunt, & hinc tam varia fluminum velocitas pendet. Scala, declivitas montium, fluminum alvei, & infinita alia huiusmodi, sunt totidem plana inclinata, in quibus exacte observantur, quæ hæcenus demonstravimus. (Fig. 10.) Hinc 1^o. ut ad montis culmen ascendamus, non recta per montis declivitatem, sed per tortuosum iter progredimur, ut scilicet suaviori plano minus defatigemur, & qui recta ascendere non possumus, per longius planum inclinatum valeamus. 2^o. Boves, &c. plastra, & sarcinas difficiliter multo per XA , quam per CA conducunt, aut trahunt. 3^o. e contrario. aqua, & corpora, quæcumque alia brevius, & impetuosius per AX , quam per AC ad horizontem proleburur, absoluta gravitate minus impedita. Vide, quæ diximus de Cuneo inferius.

PROPOSITIO XLII.

311. *Velocitas cujuscunque corporis gravis per planum inclinatum CA (Fig. 10. Tab. IV.) pondere suo decidentis, dato quocunque tempore ab initio motus numerato acquisita, est ad velocitatem, quam eodem tempore idem grave A lapsam per verticalem acquireret, ut altitudo est ad longitudinem plani, seu, ut AR ad AC .*

Demonstratur. Causa corporum descensus, & accelerationis est gravitas, relativa quidem in plano inclinato, absoluta vero, si grave libere descendat (n. 96.) sunt autem effectus causis suis adæquatis proportionales, earumque virium rationem sequuntur: effectus igitur, seu velocitas in plano est ad effectum, seu velocitatem motus verticalis, ut gravitas relativa ad gravitatem absolutam ejusdem corporis, hoc est, ut altitudo ad longitudinem plani, seu ut AR ad AC : Hanc enim rationem inter gravitates absolutam, & relativam supra demonstravimus. Debent tamen tempora in comparisonem assumpta, a lapsu, sive principio motus, vel pari a lapsu in-

PHYSICA GENERALIS. 183

intervallo computari; neque enim contendimus grave prope plani inclinati finem *C* parem, ac in perpendicularis descensus initio velocitatem acquirere:

COROLLARIUM I.

312. Si ex puncto *C*, tamquam centro, intervallo Longitudinis plani *CA* deferatur arcus, erit *G* *A*, longitudo plani, radius, seu sinus totus, *A* *R* plani altitudo, sinus anguli elevationis *ACR* (*a*): est igitur celeritas absoluta ad celeritatem relativam supra planum eodem tempore a principio motus numerato, ut sinus totus ad sinum anguli elevationis plani: eandem autem sequuntur rationem gravitas absoluta, & relativa ejusdem corporis gravius, ut supra adduximus.

Non melius fortasse pressiones, velocitates, vires corporum supra plana inclinata comprehendentes, quam si planum *CAE* (Fig. 13. Tab. II.) horizontale, fixo manente puncto *C*, sensim ex *A*, ubi pondere premitur, elevatur: in *A* enim totam pressionem sustinet planum, in *G* nullam: ab *A* ad *G* ascendendo sensim diminuitur pressio supra planum, & augetur vis, & velocitas relativa in ratione sinuum *HB*, *ID* &c.

COROLLARIUM II.

313. Corpus igitur quodcumque grave *A* ex puncto *A* libere primum postea vero per planum inclinatum descendens, inaequalibus velocitatibus, & temporibus ad terram usque perveniet: essent enim hujusmodi velocitates reciproce, ut viz constet, seu ut perpendicularis *AR*, & obliqua *AC*, perpendiculari longior: eo minorem etiam celeritatem habebit in plano, quo major fuerit ejusdem plani longitudo, eadem manente altitudine; cum minorem habeat rationem *AR* ad *AC*, quam ad *AX* (*b*).

Lo-

(a) *Elem. Geom.* 2.

(b) *Elem. Geom. Introductio.*

Loquimur de velocitatibus eodem tempore acquisitis: aliter propositio esset falsa. Vide num. 320.

COROLLARIUM III.

314. Spatia AB, AR ab eodem corpore gravi A ex puncto A successive per verticalem, & per obliquam postea AC (Fig. 10. Tab. IV.) demisso, in eodem tempore a lapsu numerato percursa, sunt inter se, ut velocitas relativa ad absolutam, seu, ut gravitas relativa ad absolutam.

Demonstratur. Si corpus velocitate in B acquisita æqualiter a principio descensus eodem tempore, quo ex A ad B descendit, moveretur, spatium ipsius AB duplum conficeret (n. 302.); idem est, si moveatur per AR æqualiter celeritate in R acquisita: sunt autem spata æqualiter eodem tempore confecta, ut corporum celeritates (a): essent igitur duplum AB, & duplum AR, ut celeritas relativa in plano AB ad celeritatem absolutam: ergo etiam est AB ad AR ut celeritas in AB ad celeritatem in AR, seu, ut gravitas relativa ad gravitatem absolutam, idem enim est tempus ab A usque ad R, atque ab A ad B.

COROLLARIUM IV.

315. Spatia ab eodem, vel equalibus mobilibus in plano inclinato, & in verticali iisdem, seu æqualibus temporibus a lapsu numeratis percursa, sunt inter se inverse, ut altitudo AR ad AC longitudinem plani: sunt enim inter se directe, ut velocitates, hoc est, ut gravitas relativa ad absolutam (n. 311.): est autem gravitas relativa ad absolutam, ut altitudo ad longitudinem plani (n. 202.); unde erunt etiam prædicta spatia AB ad AR, ut sinus anguli elevationis ad sinum totum, ut supra numero 312. explicavimus.

CO-

(a) *Tom. 1. Phys. Lcā. 15.*

COROLLARIUM V.

316. Corpore gravi A ex puncto A libere demisso, & noto insuper spatio AR, (Fig. 10. Tab. IV.)

quod intra datum tempus i conficit, facillime dignosces quantum spatii: in quocumque plano inclinato AC eodem tempore peragrabit. Ducta enim ex dato puncto R recta RB ad planum inclinatum perpendiculari, erit AB spatium, a puncto lapsus A usque ad sectionem B a mobili intra datum tempus, quo AR conficit, peragratum. Sunt enim hæc spatia RA, AB directe inter se, ut AR altitudo ad AC longitudinem plani, cum AR sit inter AB, AC media proportionalis (a): quoniam igitur spatium in plano confectum ad spatium in verticali eodem tempore peragratum, prædictam habet rationem altitudinis ad longitudinem plani (n. 315.), erit AB spatium quæsitum.

COROLLARIUM VI.

317. Similiter dato quocumque spatio AB, (Fig. 10.) quod grave descendens intra datum tempus, puta, minutum secundum a lapsu conficit, spatium, quod intra idem tempus in plano verticali conficeret, dignosces, si ex puncto B rectam BR ad planum AB perpendicularem ducas; erit enim AR spatium quæsitum, ut facile eadem demonstratione evincitur. Utrumque problema his Corollariis indicatum, duplici hac analogia solves: *primus*: sit AR 15. pedum; AR sinus totus ad AB sinum elevationis, ita AR 15. pedum ad quartum *Secundum* sit AB 3. pedum; AB sinus elevationis A ad AR sinum totum, ita AB trium pedum ad 4.

COROLLARIUM VII.

318. Si ex eodem puncto A plurima disponantur mul-

(a) Geomet. Elem. tertium.

multiplicis longitudinis plana AC, AX , ad quæ ex dato puncto R in verticali plano AR ducantur perpendiculares RN, RB, RZ , (Fig. 10.) hujusmodi perpendiculares spatia in singulis planis secabunt, quæ grave corpus ex A per singula successive demissum pari tempore peragrabit, atque spatium AR in verticali plano designatum: unde si corpora similia ex eodem puncto A per singula plana simul demittantur, ad data puncta R, N, B, Z simul pervenient. Unde etiam patet, inæqualem prorsus corporis in diversis planis celeritatem esse.

COROLLARIUM VIII.

319. Statuatur planum circulare ASN ad horizontem perpendiculare & ex supremo illius puncto A ad infimum N ducatur diameter NA : insuper vero rectæ AB, AC, AS, AR ex eodem puncto A , ad diversa peripheriæ puncta ducantur, quæ totidem plana inclinata referant. Si corpus ex supremo puncto A successive per planum verticale AN , & inclinata AB, AR &c. (Fig. 9. Tab. IV.) demittitur, idem tempus in percurrentis chordis, seu planis AB, AC, AS, AR , atque in tota perpendiculari diametro, seu plano verticali AN impendet: adeo, ut si plura corpora gravia ex puncto A simul per ea omnia plana demitterentur, puncta B, C, S, R simul attingerent. Rectæ enim NS, NC, NB, NR ex infimo verticalis plani puncto N ad chordas, seu plana inclinata ductæ, sunt iisdem planis perpendiculares. (a): igitur ut numero 318. demonstravimus, eodem tempore corpora ex A demissa ad N , atque ad $SCBR$ pervenient.

PROPOSITIO XLIII.

320. Corpus grave A per planum inclinatum AC descendens, eam, cum ad plani extremitatem C in plano horizontali sitam pervenerit, velocitatem habet, quam

(a) *Elem. Geom. 2.*

quam ad punctum usque R in eadem horizontali existens acquireret, si ex puncto A per planum verticale descenderet; seu in fine planorum inclinati, & verticalis eandem habet velocitatem. (Fig. 10.)

Hac propositio. Lectori Physico hoc ratiocinio est probanda. Corpus grave ex A ad R, & C descendens, & eandem altitudinem perpendicularem emittitur, & ad eandem a centro distantiam pervenit; ergo ex stabilita superius generali gravitatis proprietate, & phenomenon in singulis horizontalis plani punctis CRXS eandem habet celeritatem. Quod si geometricam potius concinnitatem amemus, ita rem conficiet.

Velocitas gravis in R est ad velocitatem in B, ut AC ad AR, hoc est, ut AR ad AB: at velocitas corporis, per AC descendens, in C est ad velocitatem in B, ut radix quadrata spatii AC ad radicem quadratam spatii AB (n. 01.), hoc est, ut AC ad AR; cum sint continue proportionales AC, AR, AB (a), sitque proinde AR, ad AB in ratione subduplicata primæ AC ad tertiam AB, seu, ut radix quadrata primæ ad tertiam; parem igitur celeritatem habet corpus ex A descendens cum ad C, vel cum ad R perveniat.

COROLLARIUM I.

321. Corpus igitur grave, per quæcumque plana ex eodem puncto A, seu altitudine ad eandem horizontalem descendat, parem semper, in hac horizontali habet celeritatem; licet alia aliis majora sint plana, plusque temporis in majoribus percurrentia mobile impendat, ut statim dicemus. (Fig. 9.)

COROLLARIUM II.

322. Corpus grave per planum inclinatum descendens, eam in fine motus, cum horizontem C attingit, vim, & celeritatem habet, qua corpus ipsum
ad

ad eandem altitudinem per idem, aut simile planum ascendere potest. Demonstravimus siquidem supra, corpus motu accelerato perpendiculariter descendens eam acquirere velocitatem, & impetum, quo ad eandem altitudinem motu retardato ascendere possit: cum igitur eandem, vel verticaliter, vel oblique descendat corpus, in fine motus habeat velocitatem, & proinde impetum (n. 320.) consequens est, ut ad eandem altitudinem etiam possit acquisito impetu regredi. (Fig. 10.)

PROPOSITIO XLIV.

323. *Tempora, quibus Corpus grave planum verticale AR, & inclinatum AC percurrit, sunt inter se directe, ut spatia, seu ut planorum longitudines: hoc est, tempus descensionis per AR est ad tempus descensionis per AC, ut AR, ad AC. (Fig. 10.)*

Demonstr. Si corpus dimidiis velocitatibus in C, & R acquisitis per planum AC motu æquabili descenderet; eadem impenderet tempora, quæ moto in iisdem planis motu accelerato peragrandis infumit (n. 301.): Velocitates autem in C, & R acquisitæ sunt æquales (n. 320.); & consequenter earum etiam dimidia; cum autem mobilium eadem celeritate translatorum motu æquabili tempora sint directe, ut spatia (a); in facta Hypotesi motus æqualis esset tempus descensionis per AC, ad tempus descensionis per AR, ut spatia AC, ad AR, hoc est, ut longitudo ad altitudinem plani: tempus igitur in plano AC motu accelerato percurrente insumptum est ad tempus in AR, ut AC, ad AR.

COROLLARIUM I.

324. Inæqualibus temporibus per inæqualia plana ejusdem tamen altitudinis, corpus descendit, & quo longiora erunt plana, diuturnior erit motus: sunt enim

-
- (a) Vide Lect. 6. & num. 314. in hac lect.
 (b) Tomo primo Phys. lect. 15.

enim tempora in hisce planis percurrentis insumpta in directa planorum ratione.

COROLLARIUM II.

325. Si circulare planum SAR perpendiculariter ad horizontem statuatur, & ex pluribus peripheriæ punctis R, S, C, (Fig. 9.) plures chordæ, seu plana inclinata RN, SN, CN ad infimum perpendicularis diametri punctum N ducantur; corpora gravia simul ex quolibet puncto R, & ex diametri vertice A demissa, eodem tempore infimum punctum N attingent, ac proinde idem tempus in diametro, atque in chorda percurrentia impendunt.

Demonst. Ex puncto R, plani, seu chordæ NR extremo, ducatur recta RV ad diametrum NA perpendicularis: si corpus grave successive ex V, & R demittatur; erit tempus descensionis per VN ad tempus per RN, ut VN ad RN (n. 323.), hoc est, in subduplicata ratione VN ad AN, cum sint VN, NR, AN continue geometricæ proportionales (a), Tempus autem descensionis per VN ad tempus per AN est etiam in subduplicata ratione VN ad RN (n. 301.): ergo tempus per VN eamdem habet rationem ad tempus RN, & ad tempus AN; ergo descensionis tempora per RN, & per AN sunt æqualia. (b)

PROPOSITIO XLV.

326. Si corpus ex data quacunque altitudine A ad horizontem DX per plura plana inclinata, & contigua AB, BC, CD, que quidem plana sensibili angulo ABE sint ad invicem inclinata, demittatur; minorem, cum horizontale punctum D attingit, velocitatem habebit, atque si ex A per verticalem lineam descenderet. (Fig. 26. Tab. III.)

Plures mathematici, & Philosophi contrarium com-

(a) Elem. Geom.

(b) Elem. Geom. introductio.

communiter in mechanicis tradunt, & probant, hoc modo: corpus ex A per planum inclinatum AB demissum, eam in B velocitatem habet, quam, si perpendiculariter per OB, vel oblique per EB descenderet, acquisivisset (n. 320.): rursus, grave ex B per EBC descendens, eandem in C habet velocitatem, atque si per ME descenderet (n. 320.). Idem enim est, si per EBC, si per ABC percutatur; ergo vel per duo A B, BC descendat, eandem in C habet velocitatem. Tandem ob eandem rationem, cum corpus grave eadem celeritate in planum CD ingreditur, per quascunque vias MC, ABC, EBC, OBC, YC descendat; continuato deinceps per CD motu, eandem in D habebit velocitatem, vel per verticale planum ND, aut obliquam YCD aut plura obliqua, & contigua AB, BC, CD descenderit.

327. Dandum est huic argumento aliquid, quod nostram propositionem everteret, si nulla ex parte claudicaret: duplex igitur distinguendus est casus: vel plana inclinata AB, BC &c. sensibilem efficiunt angulum ABE, productio nimirum CB, usque ad E, vel penitus insensibilem, ita ut ABC, cum DBE ad sensum congruat; angulumque propterea ABE minimum, & insensibilem efficiant: si primum, fallit demonstratio, ut statim evincam, & tenet propositio: si secundum, stat demonstratio, sed propositioni non opponitur, ut ex se patet.

Primo autem in casu fallit demonstratio, quia falsè sonitur hypotesi, grave scilicet per AB descendens nullam vim, & velocitatem in transitu ad planum BC ammittere, sed acquisitam velocitatem perinde retinere, ac si per EB descendisset. (*) Cum corpus grave per AB descendens ingreditur BC, novam in B directionem assumere, & priorem deferere cogitur, quia scilicet in novum planum impingit, quod priori directioni opponitur, & priori motui

(*) Eam hypotesin primus posuit Galileus, quem mathematici deinceps sunt secuti: errorem detexit Varignonius. Quae sequitur in contextu demonstratio, hypotesis falsitatem, & veritatem propositionis ostendit.

tui resistit: omnis autem impactio, & resistentia, aliquid semper virium, seu velocitatis elidit, ut est ex se notum: minori igitur velocitate in BC ingreditur, si per AB , quam si per EB descenderit; descendens siquidem per EB , nullam in B resistentiam offendit: quod ut geometricè ostendatur, demittatur ex puncto A plani summitate, in planum secundum CB productum ad L v. g. perpendicularis AD ; planum insuper AB celeritatem referat, quam grave per AB descendens acquireret, dico rectam BD , minorem, quam AB , celeritatem representare, qua cum grave in planum BC ingreditur: modo sic. (Fig. 27. Tab. III.)

328. Velocitas AB a descendente gravi in B acquisita, in duas AD , DB resolvitur (a): sed prior AD plano BC perpendicularis, penitus contraria, a plano eliditur, & destruitur: neque enim ejus potentia, seu velocitatis ope movetur grave in plano BC ; una igitur superest velocitas DB , quam cum mobile planum BC ingreditur, exacto per AB descensu: velocitas igitur in B acquisita, ad velocitatem, quam BC planum ingreditur, se habet, ut AB ad BD : at mobile majori velocitate in BC ingrediens, majori velocitate perveniet in C : ergo majorem in C habet velocitatem, si per unicum, quam si per duo plana inclinata descendat. Q.E.Dem.

COROLLARIUM I.

329. Si igitur planum AB , ut radius, vel sinus totus accipiat, erit velocitas per planum AB acquisita, ad velocitatem, quatum in aliud planum BC ingreditur, ut sinus totus ad sinum complementi anguli ABC ; recta enim DB est hujusmodi anguli DAB sinus.

330. Quod si ex puncto D ad planum AB ducatur perpendicularis DF , (Figur. 27. Tab. III.) corpus grave ex A descendens, in planum BC ingrederetur cum velocitate, quam acquireret, si ex F , per FB descenderet. Velocitas enim per AB ad
velo-

(a) Lcſſ. 10. hujus vol. & lcſſ. 16. primi phys.

velocitatem per FB est in subduplicata ratione AB, ad FB (*): at AB, ad BD eandem habet subduplicatam rationem (α). Hinc iterum patet, æquales fore AB, DB, FB, si angulus ABD sit penitus insensibilis, ac proinde AB, & DB vel eadem sint lineæ, vel parallele; in eoque casu non minui velocitatem per diversa plana. Phænomena utramque partem probant: priorem casum, hoc est, velocitatem cadendo per diversa plana imminutam habes in homine, in solido corpore, in aqua per scales gradus velocitate, & tardius, & suavius descendunt. Habes 2. in corpore quocumque solido, aut fluido per concavam declivitatem montis labentibus; si enim alicubi declivitas inæqualiter incurretur, ut ad montium radices plerumque fit, velocitatem sensim decrescere animadvertes. Secundum vero habes in ponderibus, in corporibus per declivitates uniformiter incurvatas &c.

COROLLARIUM II.

331. Hinc patet, eo majorem fieri virium, & velocitatis corporis decedentis, & in aliud planum transeuntis amissionem, quo major fuerit angulus ABD; minorem quo magis decreverit. Nam quo major fuerit angulus, minor erit recta, seu sinus DB, eadem manente AB; quo vero magis ad invicem accedant AB, & DB, major erit BD, puncto D in A semper accedente. Concipiatur enim AB perpendiculariter ad LC insistere, omnis motus corporis per AB decedentis periret in B: at quo magis AB a situ recto desceat, minus recta BC morui, & directioni AB resistit: quoad AB cum LB congruente, nullam jam erit resistentia.

CO-

(*) Sunt enim spatia, ut velocitatum quadrata (n. 30., & ibi cit.)

(a) Elem. Geomet.

COROLLARIUM III.

332. Linea curva v. g. circuli peripheria ex minimis Poligoni lateribus constat, & componitur, unde concipi recte potest, ut quædam congeries ex infinitis planis, inclinatis insensibilibus ordine contiguis, & sese sub angulis infinite parvis secantibus; ac proinde grave corpus per circuli, aut alterius curvæ arcum descendens nullam velocitatis iacturam facit, dum ab aliis in alia puncta seu Plana infinite parva pertransit, eandemque proinde per arcum ML descendens in infimo arcus puncto L celeritatem habet, atque si recta per subtenfam, seu Planum unicum inclinatum ML (Fig. 12. Tab. IV.) descenderet.

PROPOSITIO XLVI.

333. Si duo gravia super duobus aut pluribus planis similiter inclatis, & proportionalibus PA , TB descendant, tempora iis percurrentis impensa erunt inter se in subduplicata ratione longitudinum planorum.

Demonstr. Si duo tantum sint Plana AP , BT , (Fig. 34. Tab. III.) res est evidens; sint enim PS , TX horizontalia Plana: quoniam PA , TB sunt similiter inclinata, congruent anguli APS , BTX sibi mutuo oppositi: ergo duo plana AP , BT unicum efficiunt planum. In eo igitur aliud corpus ex puncto B , alterum ex A demittatur: Plana BT , AP sunt spatia connecta: hæc autem sunt, ut quadrata temporum, seu in ratione duplicata temporum (n. 302.): Ergo tempora descensus sunt in planorum, seu spatiorum ratione subduplicata.

Si autem plura sint plana, per quæ singula descendant corpora, rem simili argumento consuecimus: sint duo plana DA , AP duobus CB , BT similia, & proportionalia; dico tempus descensionis per DAP esse ad tempus descensionis per CBT , in subduplicata ratione DA , ad CB . Probatur: Tempus per DA , est ad tempus per CB in subduplicata ratione DA , ad CB per primam partem;

Mont. Phil. T. III.

N

cum

134. *PHYSICA GENERALIS.*
 cum igitur ob planorum, & angulorum B, A similitudinem, gravium decedentium celeritates, & tempora in transitu ex aliis ad alia plana non perturbentur, eadem proportio temporis in secundis planis percurrendis observabitur: ergo integrum tempus per DAP ad integrum tempus per CBT erit in subduplicata ratione planorum.

COROLLARIUM I.

334. Datis igitur duabus curvis similibus LN, BD, & ad Horizontem similiter inclinatis, erunt tempora, quibus idem, vel diversa corpora gravia eas descendendo percurrunt, in ratione subduplicata ipsarum curvarum LN, BD; (Fig. 12. Tab. IV.) huiusmodi enim curvæ similes sunt Poligona similia, ex infinitis planis minimis (α) & similiter inclinatis ad horizontem composita (hypothesis) tempora igitur iis percurrendis impensa, subduplicatam ipsorum planorum, seu curvarum habent rationem.

Sunt autem curvæ similes, ut eorum radii, vel diametri: erunt igitur tempora, de quibus loquimur, in ratione subduplicata radiorum, vel diameterum curvarum.

COROLLARIUM II.

335. Inæqualium igitur circulorum GFN, CAD (Fig. 12. Tab. IV.) ad Horizontem perpendicularium arcus similes DB, LN eodem modo ad horizontem dispositi sunt inter se directe, ut quadrata temporum, quibus a decedente gravi percurruntur. Eorundem etiam circulorum radii, vel diametri sunt inter se, ut quadrata temporum, quæ in similibus arcibus percurrendis impenduntur: cum diametri eandem ac peripheriæ, & illius arcus similes rationem habeant.

PRO-

(2) *Elem. Geom.* 3.

PROPOSITIO XLVII.

336. Si Grave quodcumque M per exiens, licet inæquales circuli ad horizontem recti GFN, arcus LM, NL, parum a rectis subtenfis LM, LN dissepantes ad unum usque diametri, & peripheriæ punctum L, descendat, erunt descensionis tempora physice & sensibilibiter equalia.

Demonstr. Quoniam prædicti arcus cum rectis subtenfis sere congruunt; idem erit tempus descensionis per arcum, atque per rectam ML: per arcum, atque per subtenfam LN: at tempora per subtenfas LM, LN sunt inter se æqualia (n. 325.) ergo & tempora per exiguos arcus LN, LM, quantumvis inæquales. Dixi physice, & sensibilibiter; Mathematicæ enim, & Germetricæ non est perfecte æquale tempus descensionis per arcus, atque per eorum subtenfas, cum non sint perfecte equalia, & similia. Hinc vero, quo minores fuerint arcus; aut majoris circuli segmenta, eo magis ad æqualitatem accedent tempora descensionis per arcum, & per illius subtenfam; nam quo minor fuerit arcus. aut majoris peripheriæ segmentum, eo minus a recta linea distet; ut videre est in arcu LM relate ad arcum BP sibi æqualem, sed minoris peripheriæ segmentum.

Ex demonstratis manifeste sequitur, gravia corpora MN, HG, per ejusdem circuli ad horizontem recti peripheriæ arcus exiguos ML, GL. ac hinc inde a puncto infimo L dispositos decidentia, æquale tempus in descensu ad L usque impendere. (Fig. 12. Tab. IV.)

SCHOLION.

337. Plura alia scitu quidem digna, sed quæ altiorum Geometriam sapiunt, sciens, prætermitto, ne Tyronum mentes ad Physicam geometricis calculis plus æquo obnuam, & studiosos deterream: tunc tantum impræsentiarum a Geometris demonstrata indicasse sufficiat: Primum, corpora gravia ex puncto quocumque

N 2 M, aut

M, aut N decidit, citius ad horizontem, seu infimum punctum L pervenire, si per circulearem arcum NL, quam si per illius subtenfam, rectam scilicet N L, descendat, brevius proinde per longiorem viam accedere: hoc autem non solius circuli, sed cuiuscunque etiam curvæ proprium est.

Huius rei causa est: arcus quicumque NML, ab initio N magis ad rectam horizonti perpendicularem accedit, quam subtenfa NL: ab initio igitur majus momentum, & velocitas per arcum, quam per chordam: quæ quidem cum semper in descensu accelleretur, majorem viam, breviori tempore conficit. Id tamen solum sensibile est in arcubus majoribus LN, LG, quia subtenfis sensibilibus differunt: aliud ob oppositam rationem in exiguis arcubus observatur.

Secundum. Corpora gravia ex data quacunque altitudine citissime ad horizontem B oblique pervenire, si per cycloidem a puncto C incipientem, & versus B deorsum jacentem descendat: Cycloidem proinde esse brevissimi descensus obliqui viam non solum inter curvas, sed etiam relate ad plana inclinata. Tertium & integra Cyclois ABC, vertice B deorsum spectante perpendiculariter ad Horizontem statuatur, & corpus grave ex quibuslibet illius peripheriæ punctis N, aut M (Fig. 28. Tab. III.) demissum, per eam curvam descendat ad inum usque punctum B, erunt descensionis tempora perfectissime equalia: unde corpus grave hinc inde a puncto infimo B ad illud per Cycloidem demissum, puta ex NI, æqualiter, aut inæqualiter AB remotis emissum, idem ad B usque impendit tempus. Qui tria hæc Geometricè demonstrata desiderat, Volubium consulat. Hinc cyclois commodissime, & utiliter ad pendula adhibetur, ut tempora exacte dimensiantur.

Porro Cycloidem, illiusque genefim, & præcipuas proprietates in Geometriæ elementis exposuimus, quantum Philosopho opus esse judicavimus.

§ §

De Pendulis.

DEFINITIO.

38. *Pendulum*. Vocatur corpus quodcumque grave B tenui filo BA circa punctum aliquod immobile A religato suspensum, circa quod tamquam centrum exiguos hinc inde a puncto infimo B describit arcus CB, BD, (Fig. 12. Tab. IV.) & liberrime movetur. Punctum A, ex quo pendet corpus, *punctum suspensionis nuncupatur*. Longitudo autem penduli est fili AB a suspensionis puncto A, ad gravis usque centrum B extensio. Nulla in filo sensibilis saltem, esse, aut supponi debet gravitas, & totum penduli pondus impendentis gravis centro constatum supponitur.

DEFINITIO.

339. Cum pendulum ex situ AB ad horizontem BO perpendiculari, ad punctum D v. g. adducitur sibi que libere permittitur, descendit ad B, infimum arcus punctum, illudque transgrediens usque ad C, eandem relegit viam, & per B ad D regreditur, hujusmodi itus, & reditus, penduli vibrationes, & oscillationes dicuntur. Est tamen *oscillatio* totius arcus CBD descriptio, ac descensum, & ascensum comprehendit: *semivibratio* autem est dimidii arcus CBD descriptio; unde vel solum ascensum vel solum descensum comprehendit. Pendulum aliud est simplex, compositum vero aliud; primum hactenus definivimus. Secundam est cum eidem filo AB plura gravia corpora in diversis a puncto suspensionis A distantis adnectuntur.

PROPOSITIO XLVIII.

340. *Pendulum* BA circa puncta B suspensum, & a puncto infimo A in C adductum, sibi que permittum
N 3 perin-

perinde movetur, ac si rupto filo per planum inclinatum, seu potius per arcum solidum, & infinite levigatum descenderet; eandemque in suspensionis puncto B perensionem efficit, quam soluto filo in s. h. dictum planum vel arcum efficeret.

Sit etiam grave adductum in punctum C; ex quo ducatur recta CO (Fig. 29. Tab. III.) tangens arcum, & cum illo ob utriusque pervitatem concidentis sensibilibiter. Filo insuper BC usque in E producto, ducatur CI, ad horizontem perpendicularis; perficiaturque parallelogramum CEO: recta CI perpendicularis ad horizontem, absolutam corporis gravitatem exprimat: ex autem in vires CE, CO resolvitur: quantum quidem CO, vim, seu gravitatem relativam in arcu seu plano CO exprimet, quæ a plano, cui non op. onitur, non destruitur: CE autem, tensionem gravis surra planum, seu vim, & gravitatem a plano destructam, & instantaneam representat; cum autem grave per vim CE filum distendere nitatur, & puncto suspensionis directo apponatur; huiusmodi vis CE a filo ad suspensionis punctum religato, destruitur, seu sustentatur, unaque superest vis CO, qua corpus oscillationes conficiat, quasi per immobilem arcum descenderet: cum autem huiusmodi virium dispositio tendentia, & directio in singulis exigui arcus punctis obtineat, perinde in arcu movetur corpus filo circa punctum B religato suspensum, ac si rupto filo, superplanum, seu arcum firmum immobilem, & non resistentem descenderet.

Si corpus A per integrum circuli quadrantem ab H ad A descenderet, diversa ratione in diversis quadrantis arcibus punctum suspensionis B premeret. Ex hac descensionis penultimi explicatione, omnes illius proprietates, & phenomena nullo negotio ex jam dictis deducuntur: sit igitur.

COROLLARIUM I.

341. Penultim. B circa A suspensum, in C (Fig. 22. Tab. IV.) v. g. ad usum, sibi commissum, ad locum infimum B pondere suo descendit, illudque

que transgrediens, ad D usque ascendit, æquales hinc inde a puncto B arcus CB, BD describendo: a puncto autem D deorsum in B relabens, ad æqualem ex alia parte altitudinem ascendit: eoque pacto oscillationes suas semper continuat. Corpus enim grave per planum inclinatum descendens, eam descendendo vim, & celeritatem acquirit, qua nisi impediatur, ad eandem, unde descenderat, altitudinem regredi possit, & actu ascendat, si vel motum suum ad idem planum invertat, vel aliud ex alia parte planum inclinatum, & simile, nactum sit (n. 312.) cum igitur pendulum perinde moveatur, ac si ex utraque parte CD super similia plana non resisterentia progrediretur (n. 339.) per æquales arcus, oscillationes semper continuaret. Considerari igitur potest pendulum N, tanquam corpus levigatissimum N per duo plana, aut arcus levigatissimos, similes, æquales, continuatos, & ex adverso appolitos NL, LG perpetuo ascendens, & descendens sublato filo FN, & resistentiis a medio, & ratione ortis. (Fig. 12. Tab. IV.)

Hic tamen casus in rebus non extat; supponit enim in medio non resistente fieri vibrationes; cum autem aer, in quo potissimum pendula disponuntur, motum impediat; inde est, quod pendulum B, ex C v. g. cadens ad altitudinem D, priori C exactissime æqualem non ascendat, eaque altitudinum differentia semper aucta, iis scilicet perpetuo decrefcentibus, pendulum tandem in infimo puncto B subsistit: hoc autem aliam insimul habet causa, fili nempe AB in puncto suspensionis A attritum, unde non leviter penduli minuitur motus.

COROLLARIUM II.

342. Pendulum BA circa punctum suspensionis A libere oscillans, arcus circulares describit ea ratione, ut ex C, vel D, ad infinitum usque punctum B, ubi perpendiculariter ad horizontem insistit, motum suum acceleret, ab eo puncto recedens motum uniformiter retardet; per eisdemque gradus acceleratio, & retardatio, ordine tamen te-

trogrado periclituntur. Hoc enim pacto corporis gravis per planum inclinatum ascensio, & descensio peragitur.

COROLLARIUM III.

343. Idem igitur tempus a Pendulo AB in descensu per DB, atque in ascensu per BC impenditur: similiter æquali tempore ascendendo, & descendendo percurrit arcum HLM, atque arcum GLN. Sunt igitur omnes penduli vibrationes *Isochronæ*, seu inter se æquales, quantumvis inæquales circuli arcus singulis vibrationibus percurrantur. D. monstravimus enim supra, (n. 336.) Grave M per inæquales utrumque circuli arcus LM, LN eodem tempore descendere ad infimum usque punctum: eodem etiam tempore sunt ascensus, & descensus, ut (n. 301.) & aliis demonstravimus: Ergo & integræ vibrationes, & earum dimidia sunt inter se æqualia.

344. Ex dictis autem numero 336. constat, descensiones per inæquales ejusdem circuli arcus esse physice, & sensibilibiter, non Geometrice inter se æquales, seu tempore physice æquali peragi; corpus vero per Cycloidis ABC (Fig. 28. Tab. III.) æquales, aut inæquales arcus, tempore exactissime æquali descendere: unde deducitur, penduli AB vibrationes per circulares arcus, licet inæquales, esse sensibilibiter æquiditurnas: vibrationes autem penduli SP motu suo Cycloidis arcus describentis, esse exactissime æquales. (Fig. 20. Tab. IV.)

Et hoc quidem ex capite pendulum cycloidalæ circulari præferri debet: in praxi tamen secundus primo est utilior: propterea quod exigui circularis penduli arcus parum a Cycloidalibus differunt: laminæ deinde Chalibæ cycloidales, inter quas solum penduli cycloidales oscillari necesse est, ratione sua vibrationum æqualitatem perturbant.

COROLLARIUM IV.

345. Pendulum AB eo tempore arcum DB, vel BC percurrit quo idem, vel aliud grave totam diamet-

metrum circuli, cujus radius est AB, longitudo penduli percurreret: tempore enim physice æquali, arcum LM, (Fig. 12. Tab. IV.) aut ejus subtenfam percurrit (n. 336.) At eodem tempore subtenfam, & diametrum lapsu perpendiculari percurreret, n. 325.) (*) Penduli igitur integra vibratio per GLN peragitur, quo idem, vel aliud corpus grave 4. circuli integras diametros lapsu perpendiculari percurreret. Da enim $\frac{1}{2}$, arcum, seu semiofcillationem NL, hoc est, circuli diametrum, confici: ergo $\frac{1}{2}$ totus arcus; seu integra ofcillatio NLG peragitur: si autem $\frac{1}{2}$ diameter percurritur, $\frac{1}{2}$, 47 percurrunt diametri: sunt enim spatia motu accelerato confecta, 1. 4., ut quadrata temporum $\frac{1}{4}$ $\frac{1}{2}$ $\frac{3}{4}$ 1 .

COROLLARIUM V.

346. Si igitur eadem ubique fit corporis gravitas, idem pendulum, eundem ofcillationum numerum æquali tempore ubique locorum conficiet.

Demonstr. Si eadem sit ubique corporis G, quoad molem, & superficiem haud mutati gravitas, æquali tempore, puta $\frac{1}{2}$, 4 circuli GFN (Fig. 12. Tab. IV.) diametros ubique percurrat, dum enim eadem manet invariata causa, illiusque virtus, idem consequitur effectus, neque nisi aucta gravitate plusquam 4. diametros dato tempore percurrat: cum igitur & ofcillatio, & 4. diametri eodem tempore absolvantur, unica tantum ofcillatio eo tempore $\frac{1}{2}$ perficietur: si igitur plusquam una ofcillatio aliquo in loco, eo fiat tempore, eodem etiam in loco, & tempore eodem, plusquam 4 diametros confici necesse est. Majorem igitur haberet gravitatem, cum

(*) Semper tamen loquimur de exiguis circulatorum arcibus.

major cæteris paribus sit gravitatis effectus. Constat igitur, quod superius tanquam verum assumptum; Idem scilicet corpus non eandem ubique locorum habere gravitatem, cum eundem oscillationum numerum non in omnibus terræ locis absolvat. Loquimur de pendulo quoad longitudinem invariato.

PROPOSITIO XLIX.

347. *Pendulorum AB, FL in equalium, & per similes arcus excurrentium longitudines sunt in eise ut quadrata temporum, quibus oscillationes conficiuntur.*

Demonstr. Semivibrationes; hoc est ascensus, aut descensus per similes arcus DB, NL sunt inter se, ut radii, seu longitudines AB, FL; (Fig. 12. Tab. III.) ergo semivibrationum, & consequenter vibrationum tempora sunt in ratione subduplicata longitudinum: hoc est longitudines sunt inter se, ut quadrata temporum, quibus vibrationes absolventur. Si igitur eadem ubique sit gravitatis actio, eo diuturniores erunt vibrationes, quo major fuerit penduli longitudo; breviores, quo brevior ipsa fuerit longitudo. Ut Penduli FL breviores fiant oscillationes, minuatur longitudo FL; augeatur, ut tardius oscilletur. Unde si duo pendula inæqualia FL, AB, oscillationes suas eodem tempore absolvant, inæquali gravitate urgentur. Nullam semper, vel æquam, & æqualem in medio resistentiam supponimus. Pendulum autem tanquam punctum gravitans semper consideramus.

Et hinc si ejusdem longitudinis pendulum in variis terrarum locis oscillationes suas in æquali tempore absolvat, non eadem ubique est gravitatis actio, & vires: eadem enim penduli longitudine, & gravitatis actione inante, æquidistanturæ sunt oscillationes, ut modo probavimus.

SCHOLION.

348. *Numeri oscillationum, quas intra idem, aut æquale tempus, duo inæqualia pendula absolvent, sunt in ratione inversa temporum, quibus singule perfici.*

sciuntur. Exemplo res demonstrabitur: Pendulum FL duplum in singulis oscillationibus tempus impendat. Pendulum B subduplum: Ergo eodem tempore, pertransit quadrantem, numerus oscillationum Penduli B erit duplus oscillationum penduli FL, ut est manifestum.

S C H O L I O N.

349. Quae hactenus de pendulis circularibus arcus recta f. d. tribuentibus a monstravimus, de his potiori jure intelligenda sunt, quæ ob peculiarem, & exponentiam max. structuram, cycloidalis arcus cillatode tribuit, quale est pendulum SP, (Fig. 20. Tab. IV.) quæ cum non nisi p. v. & sensibilibiter in gravium per circulares arcus descensione demonstrativam, exactissime in cycloide obtinent, unde fit, ut pendulum cycloidale utilius multo ad temporis mensuram adhibeatur. & automatis horologiis applicetur: sunt enim penduli per Cycloidem oscillantis vibrationes perfectissime isochrone, seu æquidistantes, inæquales sicut in arcus aliquando exterrat pendulum, quod in circuitu sensibilibiter tantum obtinet. In geometricis vero elementis præcipuas Cycloidis proprietates, hæc maxime spectantes, attingimus, & quantum physico Tironi opus est exposuimus, his igitur probe animadversis, modum Cycloidalis penduli auctari, quo automata horologia instrui possit, paucis accipio ex Christ. Hugenio, qui cunctis primus, & optime hujusmodi argumentamtrahavit.

Due laminæ semicycloidales partes, & similes MS, NS ita inter se disponantur, ut convexitate pli mutuo converia, earum planis perpendiculariter ad horizontem dispositis in extremitatibus a superiori parte jungantur, alitis duorum extremitatibus NM lateraliter divergentibus: In communi junctionis puncto S penduli si un semicycloidi SM aequale circumligetur. Hujusmodi pendulum ex positione perpendiculari SO verticale, & commune Cycloidum planum, ita ad extremitatem M adductum, ut pars fili Cycloidis dorsum attingens ei circumsplicetur, reliqua vero pars, adhuc libera, recta semper descendat, semicycloidem OPM, præ-

priori MS. æqualem, & similem, demonstrante Hugenio, describit: eademque ratione semicycloidem PN ex alia parte æqualem, & similem explicato motu conficit: Pendulum igitur hac ratione constructum in Cycloide movetur, vibrationesque suos perfectissime æquales efficit, æque proinde aptissima temporis mensura.

350. In praxi autem, opus non est, ut lamina MS, SN integra longitudine consistat; satis erit, si eam utrinque partem adhibeas, cum quam penduli filum oscillando circumplicatur, & advolvitur; neque enim pendulum ex O ad M. & N (Fig. 12. Tab. IV.) usque ascendit. Quoniam autem in Praxim descendimus aliquas intervenientes regulas non incongrue dabimus. Prima: Licet Cycloidale pendulum sit omnium perfectissimum, circulare tamen pendulum filo aliquot pedes longo constans, citra sensibilis erroris periculum, automatis horologiis adhiberi potest; cum enim oscillando parum a puncto L hinc inde discedat; exigui tantum magni circuli arcus describit, qui non nisi modice a Cycloidis arcubus differunt; vibrationes proinde ad sensum semper æquidistantas efficiunt, hinc quo longius est pendulum, æquabilius fuit tempus.

2º. Si autem pendulum breviori constat filo, illius oscillationis arcus, quantumvis exigui, a Cycloidalibus arcubus sensibilibiter differunt: sensibile igitur in vibrationum duratione discrimen admittunt. 3º. In praxi pendulum circulare 3. aut 4. pedes longum, qualia illa sunt, quorum oscillationes minuto secundo absolvuntur, ob expositam modo, & superius causam, cycloidalibus præferuntur.

351. Plerumque fit (quod maxime in horologiis notandum) ut ob pluviosum tempus, vel aliam aeris temperiem, majori lubricitate donentur rotæ, liberiusque, ac facilius pendulum moveri permittant: unde in majores arcus excurrunt, longiora vibrationum tempora efficiat, & tardius, quam par est, temporis suam mensura. Quod si rubiginem etiam aliquam contrahant, vel alio de capite difficilius moventur rotæ, & moveri pendulum permittant; in breviores arcus excurrente pendulo, citius, quam par est vibrationes ingeminantur.

Communi huic malo remedium est, penduli nimis cito oscil-

effillantis longitudinem augere, tarde incidentis minuire. 4^o. in pendulis aliquid etiam aeris. seu medii resistentiæ, dandum est: idcirco corpus filo appenditur parva sub mole magna habens gravitatem, quo facilius aerem dividat, ac superet, ut v. g. chalybeum, aut aerem corpus in globum conformatum, vel ita complanatum, ut aciem semper dividendo acri exponat.

LECTIO IX.

De Corporum solidorum gravium sustentatione & lapsu, seu Centrobatica Physica, ubi etiam de modo inveniendi Centrum gravitatis Corporum physice agitur.

332. Hactenus gravium corporum lapsum, illiusque leges perscrutati sumus tam in planis verticalibus, quam inclinatis; hypothesis proinde loco habuimus, corpora gravia per planum inclinatum descendere, neque ab illo omnino sustentari. Id modo discutiendum superest, quibus tandem in planis corpora sustententur; quæ eorum lapsum permittant; quibus etiam de caulis gravia ipsa a lapsu servantur immunia, & sustententur, vel deorsum recte, aut oblique proprio pondere prolabantur. Ut autem hæc melius intelligantur recolenda sunt, quæ superius de gravitatis, & magnitudinis centro, & linea directionis diximus; & superaddendum præterea, ea corpora esse perfecte gravitatis homogeneæ, quorum partes omnes & singulæ in æquali volumine acceptæ idem habent pondus, aut gravitatem; qualis esset globus, aut virga aurea; illius proinde centrum gravitatis cum magnitudinis centro congruit. Si autem globus sit partim ligneus, partim aureus; gravitatem habet heterogeneam, cum æqualia ligni, & auri volumina inæqualem habeant gravitatem; illius proinde magnitudinis centrum cum gravitatis centro non congruit. Virgæ cylindricæ, cujus dimidia longitudine esset aurea, alia vero lignea, centrum magnitudinis in media longitudine situm est; centrum gravitatis intra partem auream invenitur.

HY-

HYPOTHESIS.

Omnium cujuscumque corporis partium gravitas perinde agit, ac si ejusdem in corporis centro gravitatis existeret; adeo ut omnis corporis gravitas, in illius centro velut adunata, & conjuncta concipi debeat, neque centrum moveri aut sustineri possit, quin totam massam moveas & non lus sustineas, & si corporis centrum gravitatis attollas, totum corpus eleves. E contra vero, si centrum loco non moveas, aut sustineas, licet quamplurimas corporis partes dimoveas, attollas, aut circumferas, totam corporis gravitatem non sustines, attollis, aut circumfers, ut videtur in circumnagente immobilem rotam, & corpus ex una tantum parte elevante. Facile vero esset, hanc hypothesein demonstrare; sed cum de ejus veritate omnes conveniant, eam postulati loco habeamus.

354. Sit corporis NMKL centrum gravitatis O, per quod ducta intelligatur recta NM? linea KL (Fig. 14. Tab. IV.) spectari potest tamquam virga inflexibilis, quæ ex utraque parte duo pondera æqualia contineat: ea igitur pondera æqualia æquilibrium in O, ibique velut in communi fulcro totum suum corpus refundunt.

Corpus igitur eatenus ascendit; eatenus illius gravitatis centrum ascendit; tum solummodo descendit, cum ejus centrum gravitatis deorsum tendit; dumque immobile perstat, centrum; neque ascendit, neque descendit, quantumvis circa centrum ipsum partes agitentur, aut circumvolvuntur.

PROPOSITIO L.

355. Cujuscumque corporis gravis centrum gravitatis per lineam rectam ab eo ad centrum terre ductam descendere semper nititur; neque ascendere unquam potest, nisi a virtute externâ impellatur, & sursum trahatur.

Demonstratur 1. Pars. Cum universa corporis gravitas illiusque actio in centrum referatur (n.

353.)

353.) per gravium corporum ascensionem ex gravitatis indole moveri semper nititur: gravium autem directio est recta ab illorum ad terræ centrum ducta (n. 371.) 2. *Partes*: si gravitatis centrum ex propria ipsius corporis vi, & energia ascendere posset, corpus grave contra gravitatis indolem ascendere; & sursum elevari fronte posset; ascendit enim corpus, illius gravitatis centro ascendente (n. 352.) at nullum grave ex propria indole ascendit, quia imo deorsum gravitate sua semper urgetur.

Sit enim corpus BS, centrum gravitatis A, per quod transiens planum RS, corpus in æquipondantes partes BRMS, RSO (Fig. 25. Tab. IV.) dividatur; ex A infimo arcus AO puncto ascendat arcus AO: cum partes XX sint æqualis ponderis, neutra aliam potest elevare; elevarer autem pars BS partem oppositam X, si centrum A per AO v. g. propelleret quod utrique fieri nequit, cum utraque æqualiter resistat.

PROPOSITIO II.

350. Corpus, illiusque centrum gravitatis non tantum perpendiculariter, verum etiam oblique descendere nititur: ruitque corpus, quotiescumque ita moveri potest, ut illius centrum gravitatis recte aut oblique semper descendat.

Sit corpus AD, cujus centrum gravitatis O; per punctum O ducatur SM perpendicularis ad horizontem, quæ extra basim XL (Fig. 15. Tab. IV.) transeat: corpus ita insitit solo, ut illius centrum perpendiculariter moveri nequeat per SM: neque aliter moveri poterit, quam si circa punctum L quasi centrum; circumvolvatur centrum O per arcum OOT ex L descriptum: per eum autem arcum movebitur: pars scilicet corporis LRD non sustentata supra basim, alii RLX prævaleat; eam igitur post se trahet, centrum ergo per O Toblique descendit.

COROLLARIUM I.

357. Quodcumque igitur corpus grave, nisi ab extimo obstaculo impediatur recte aut oblique ad horizontem, seu terræ centrum descendet: da v.g. corpus *XX* (*Fig. 25. Tab. IV.*) ex *G* suspensum, in *O* adduci, sibi que deinde committi; pondere suo deorsum versus *A* per arcum *AO* descendit, oblique scilicet ad horizontem; quoad ejus centrum *A* in linea directionis *AM* subsistat; cum a filo ne aliter descendat, impediatur. E contra vero corpus quodcumque *B* (*Fig. 12.*) aut *XX* (*Fig. 13.*) filo suspensum, & perpendiculariter pendens sistet; neque ab eo situ, nisi violenter, dimoveri potest; ejus enim gravitatis centrum *A* in inferiori arcus puncto subsistet.

COROLLARIUM II.

358. Si corpus quodcumque grave *XX* ita supposito in *M* fulcro, in acutissimum licet cuspidem definienti, innitatur, ut linea *AM*, (*Fig. 25. Tab. IV.*) ex centro gravitatis *A* per fulcri cuspidem *M* ducta ad centrum terræ dirigatur; stabit corpus & a fulcro penitus sustentabitur. Cum enim æqualiter utrumque deorsum premat, & nitatur, partes sese mutuo a lapsu impediunt, & vicissim ne cadant, retinent: fulcrum interea omni pondere, & gravitatis actione premendo. Id in *Fig. II.* manifestius visitur; ut enim caderet *A* supra cuspidem *L* sustentatum; vel pars dextra sinistram, vel sinistra dextram ad se trahere: cum tamen vires habeant pares, alia aliam non vincit ac proinde sustentantur. Hinc etiam deducitur, quod jam supra probavimus, totum corpus sustinere, qui ejus gravitatis centrum sustinet.

Secundo deducitur, corpus pendulum, & libere ex puncto suspensionis pendens, tum solum quiescere, cum illius centrum in linea directionis, quæ per punctum suspensionis, at terræ centrum transit existat. Perinde enim est, siue corpus *A* libere pendens

dens superius ex puncto G. in linea directionis M AB posito, sustentes, five inferius in puncto M sustineas. (Fig. 25. Tab. IV.)

PROPOSITIO LII.

359. Corpus quodcumque grave alteri corpori, seu plano impositum, & innixum tum penitus quiescet, si linea directionis gravitatis intra corporis basim cadat, illamque pertranseat: ruet autem, si linea directionis extra basim cadat.

Sit corpus Z, cujus basis A, horizontali plano v. g. innixum; centrum gravitatis L, linea directionis CZX intra basim A cadens; dico huiusmodi corpus, quantumvis ad horizontem inclinatum, stare a lapsu immune. (Fig. 15. Tab. IV.)

Demonstratur. Omnis corporis NL gravitas in ejus gravitatis centrum refunditur, & perinde agit, ac si in illo existeret (n. 353.) Ea autem gravitas per gravium directionem ZX movere corpus nequit: cum a plano horizontali, cui innititur, impediatur, illudque penetrare non possit: deinde per nullam aliam directionem horizonti obliquam descendere corpus potest: sunt enim partes CNX, CXL æquiponderantes (n. 169.) tantundem igitur pars CNX versus Q centrum Z trahere nititur, quantum ex adverso a parte CXL ei resistitur: æquiparatis ergo viribus stat immobile centrum, & corpus; ex eodem enim partium æquilibrio a lapsu perquamcumque aliam directionem impeditur.

Sit secundo corpus DA cylindricum v. g. centrum gravitatis O, linea directionis SOM; ex basis autem puncto L ad punctum M proximiori, erigatur recta LR horizonti perpendicularis, ac per consequens linea directionis SOM parallela: ex punctis insuper LM per gravitatis centrum O ducantur arcus OT ex L, OP ex M: dico corpus DA deorsum labi, ejus centro O per arcum OP circumvoluto.

Demonstratur. Cum sint æqualis ponderis SOM, O SAM

Mont. Phil. T. III.

O

SAM

SAM (n. 169.) majus erit in LAD, quam in RAL pondus; fortius igitur pars LPR agit, & centrum, totumque corpus deorsum versus P trahere nititur, quam illi ab opposita parte RLA resistatur: cum igitur pars RLD sit ad descensum libera, a nulloque sustineatur; & eam solummodo pars alia RAL impedire conetur; pater ab ejus pondere centrum deorsum detrudi, aliamque proinde partem RAL una secum trahi. Centrum autem O per arcum OT oblique convolvitur: cum punctum L viam aliam breviorē impediatur: descendit vero centrum per brevissimam, quam potest viam, seu minus a directione OM distitam.

PHÆNOMENON I.

360. Ut igitur dignoscamus sit nec ne corpus a lapsu immune, ex illius gravitatis centro ducatur recta ad horizontem perpendicularis: si hujusmodi recta per corporis basim, supra quam insidet, pertranseat; stabit corpus; alioquin deorsum ruet. Hinc globus in horizontalis plani AA (Fig. 5. Tab. IV.) puncto contactus M exiens penitus quiescet: linea enim directionis ab illius centro in telluris centrum ducta per contactus, cui innititur, punctum transit.

PHÆNOMENON II.

361. Corpus quodcumque immensi licet ponderis A exili tenuissimæ acus L ad horizontem perpendiculariter insidentis cuspidi ita innixum, ut illius linea directionis per acus longitudinem pertranseat, versus nullam partem precipitabitur. Exiguum enim, quod supra acum innititur punctum, basis vicem gerit: cum igitur hujusmodi basim corporis directio pertranseat: ac proinde gravitatis contrum supra acus cuspidem sustentetur deorsum cadere non potest: neque enim ulla est ratio versus unam potius, quam versus aliam partem prolabendi; cum omnes illius partes hinc inde a centro aequaliter gravitent. (Fig. 11. Tab. IV.) Minimus tamen quicumque impulsus, momentum, aut pondus

PHYSICA GENERALIS. 211

*dus ex una parte adiunctum , corpus deorsum precipi-
 tabit: idemque est cum linea directionis per extremita-
 tem basis X transit, impulsuque adhibeatur ex parte
 O, vel pondus ex parte NX. (Fig. 15. Tab. IV.)*

PHÆNOMENON III.

*362. Norunt hoc ipsum , experientia magistra , in-
 sistentes , quibus ludendi gratia solemne est longum , &
 iteret baculum una sui extremitate supra digiti sum-
 mitatem inixum perpendiculariter ad horizontem erige-
 re, erectum servare, erectum enim ea ratione sustinent,
 ut linea directionis per baculi longitudinem , & digiti
 extremitatem pertranseat; & baculus proinde horizon-
 ti semper perpendicularis existat: quamprimum itaque
 baculum a situ perpendiculari deviat , & versus dex-
 tram v. g. convergit, ludens illico puer sustinentem
 manum illuc porrigit , ut digiti extremitatem centro
 gravitatis , & lineæ directionis supponat .*

PHÆNOMENON IV.

*363. Parietes, turres, ædificia ea arte construi pos-
 sunt, ut oblique licet ad horizontem statuuntur, a rui-
 na tamen, quam minari videntur, sint prorsus immu-
 nes, Dum enim turris NL linea directionis CZX per
 gravitatis centrum Z transiens intra illius basim ca-
 dat, quantumvis inclinata existat turris, cadere ipsa
 non potest (n. 359.) Lapidum enim lignorum , &
 cæterarum partium contigione & commissura probi-
 bente, ne alii ab aliis divellantur, omnis cæ partes
 unum corpus component, quod deorsum ruere nequit,
 quamdiu commune earum partium gravitatis centrum
 Z supra basim innitatur. Ea arte constructas scimus
 Bononiæ, & Pisi celebres in Italia turres, primæ al-
 titudo 130. pedes habet, 138. secundæ: in priori per-
 pendicularis a summitate prominente & demissa per
 novem pedes in terra a basi distat, per 35. in se-
 cunda.*

PHÆNOMENUM V.

Peculiari naturæ insinû parvæ etiam avicula corpus suum supra teretes arborum ramos, ut noctem citra lapsus, & somni periculum exigant, ita componunt, ut alterius quidem pedis, puta sinistri, ungulis ramum prebendant; dextrum pedem sub alas subducant; caput vero sub sinistra ala submittant, & componant; ut scilicet æquilibratis hinc inde gravitantiæ partium viribus linea directionis per insistentem ramo pedem transiat.

PHÆNOMENUM VI.

Bajulus impositum humeris pondus sustinens prono capite, & corpore antèrùs curvato incedit; dum enim est ab omni sarcina liber, pedibus stare rectus potest; cum linea directionis ab illius gravitatis centro, seu corporis medio ducta per pedem alterum, vel per spatium inter utrumque pedem existens transeat: at novum illius dorso additum, & appensum, seu impositum pondus, centrum gravitatis immutat, & dorsum versus retrahit; ex eo proinde si rectus staret bajulus, ducta directionis linea extra pedes retrorsum caderet; necesse igitur est ut prono in terram capite ita curvetur, ut directionis linea intra pedes, qui homini bases sunt, cadat.

PHÆNOMENON VII.

Eodem de capite, qui dextra manu deorsum pendente pondus supinet, inclinato in sinistram partem corpore progreditur; vel sinistram manum æquilibrii causa in partem dextræ oppositam aliquantulum extendat necesse est. Hinc etiam ventrosi homines humeros versus deorsum, & posteriorem partem flectunt & inclinant, ut oppositum ventris pondus compensetur, & recte stare atque ambulare possint. Repetitis scilicet experimentis constat, centrum gravitatis humanorum corporum esse in pelvi, inter os pubis, & extremitatem spi-

spinæ dorſi, ſeu os ſacrum: illuſque proinde directionis linea per illud punctum, & inter pedes tranſit.

PHÆNOMENON VIII.

367. Homo ſtans utroque pede, rectus inſiſtit, dum ejus linea directionis inter utrumque pedem XS (Fig. 18. Tab. IV.) pertranſit; cum neque ad dextram neque ad ſiniſtram inclinatur. Quod ſi pedem alium A tanſuper elevet, corpus illico ita adducit & diſponit, ut per alium pedem B linea directionis OB pertranſcat; eo enim in caſu pes unus B integræ baſeos vicem gerit: per quam directionis lineam pertranſire necesse eſt. Hinc etiam eſt, quod homo progrediens, & pedes alternatim elevans, corpus modo ad dextram, cum ſiniſtrum attollit pedem: modo ad ſiniſtram dextro pede elato, inclinet. Idem in quocumque animali bipede obſervare eſt.

PHÆNOMENON IX.

368. Quo major, ſeu capacior fuerit corporis baſis, eo difficilius a ſitu recto detruditur, & deorſum præcipitatur. Corpus X (Fig. 16. Tab. IV.) unico inſiſtens puncto R quacumque vi externa ex aliqua parte impulſum cadit; minima enim vi adhibita, linea directionis a ſitu XR (Fig. 15. Tab. IV.) deviarct, & proinde extra baſim caderet; corpusque deorſum rueret. Sitantem corpus aliud Z capaciiori baſi A ſupra horizontale planum inſiſtens: ut buſuſmodi corpus verſus P v. gr. devolvatur; eam ex parte Q vim adhibere necesse eſt, qua centrum gravitatis Z, hoc eſt, totum corporis pondus ex Z ad O propellatur, ut linea directionis ZX, percuſſa baſeos parte XA, extra baſim tandem cadat: eo autem majoribus viribus opus eſt, cæteris paribus; quo per ampliorem baſim, ſeu ſpatium movendum eſt corpus, ut illius gravitatis centrum ſuſtinere ulterius non poſſit.

PHÆNOMENON X.

369. *Facilius igitur homo dejicietur stans pede in uno B, (Fig. 18. Tab. IV.) quam si duobus inniteretur: duobus etiam pedibus inspens facilius ad terram protrahitur; si a tergo vel a fronte, quam si a latere altero impellatur. Stans quippe uno in pede basim habet minorem, quam duobus inisus: longius etiam a X versus S, quam ab R versus N extenditur basis, nisi junctis omnino pedibus homo insistas: eo enim casu facilius in terram dejicitur, si lateraliter, quam si a fronte vel a tergo impulsus sit.*

PHÆNOMENON XI.

370. *Mirabiles quas in funambulis levandi animi causa observamus, motus, & singularis dexteritas, qua supra chordas horizonti parallellas, & etiam inclinatæ ambulant, stant, currunt, saltant, miroque ad pecuniam comparandam motus exercent, traditis hætenus centrobaricæ regulis inniuntur; in id enim a tenoris incumbunt, & periculo identidem factio, milleque experimentorum, & casuum continuata repetitione assuescunt ut corporis sui centrum gravitatis, & lineam directionis per chordam semper trajicere discant; quod brachiorum extensione, & ad pedes, manusve appensis ponderibus consequuntur.*

PHÆNOMENON XII.

371. *Corpus plano inclinato, innixum, supra ipsum circumvolvitur, cum linea directionis ab illius centro ducta extra punctum vel basim, quæ plano insidet, aut inniuntur, pertranseat. Sit corpus B plano NM (Fig. 8. Tab. IV.) in puncto E innixum; cum hujusmodi corporis liber sit descensus per lineam directionis, sustineri a plano non potest, & proprio ruit pondere. Circa punctum E, & omnia alia puncta contactus successivæ revolvitur corpus: cumque eadem maneat semper recta EB perpendicularis ad planum inclinatum,*

tum, centrum sphaerae motu parallelo ad planum descendit.

PHÆNOMENON XIII.

372. Forte nullum est animal bipes, cujus centrum gravitatis per lineam rectam MNOP (Fig. 36. Tab. III.) tendat: ad id enim opus esset primo, ut uterque pes, illorumque centrum, cum in solo sunt, in eadem semper existerent recta: secundo, ut quamvis pes unus est in aere, converso in oppositam partem corpore, centrum gravitatis aut non mutaretur, aut per eandem rectam, promotum ulterius corpore, procederet; utrumque autem est difficile; Quare forsitan neque ulus est homo, aut aliud bipes animal, cujus corpus hinc & inde non inclinetur. Cum duo pedes AB per eandem lineam rectam MNOP non moventur, sed unus per BD, alius per AC promovetur; centrum gravitatis angulosam semitam ABCD describit, per eamque movetur semper. Animal igitur bipes, cum movetur, pro basi, cui centrum gravitatis insistat, solummodo habet vel amplitudinem pedis A aut B, vel semitam rectam modice amplam AB, BC, CD: facillimeque proinde dejici potest.

PHÆNOMENON IV.

373. Aliud tamen accidit in quadrupedibus: equus v. g. quamdiu non movetur, basim habet parallelogrammam MXZA, lineaque directionis in centro seu communi sectione diagonalium, aut prope illam existit. (Fig. 17. Tab. IV.) Cum vero movetur equus, tres pedes habet in solo, eodemque tempore nonnisi unum per aerem conducit: elevat X, ut illum ad Z promovet, interim tribus pedibus MNZ ininitur: postea elevando Z, dum illum ad R promovet, tribus pedibus MN & X in Z existente insistit: eadem ratione duos alios pedes alterius partis MN elevat, & promovet. Semper igitur habet basim, aut parallelogrammam, aut triangularem: dum movetur triangularem in parallelogrammam, & istam in triangularem mutat;

O 4 tat;

tat ; parallelograma tamen nonnisi instantanee durat , a positione scilicet pedis Z in R ad elevationem posterrioris , & oppositi pedis M . Hæc in praxi sunt satis observatu difficilia .

L E C T I O X .

De solidorum corporum æquilibrio , sustentatione , præponderantia , & elevatione ; seu statica physica : ubi primum , & universale mechanice traditur principium .

374. Hactenus corporum gravitatem absolutam , descensum , lapsum , eorumque leges expendimus ; rectus modo doctrinæ ordo postulat , ut corporum eorundem pondera relativa explicemus ; seu corporum gravitates , ac vires , & momenta inter se conferamus ; ut facile exinde dignoscamus , quam inter se corpora ipsa quoad massas , & pondera rationem habeant , quod in singulare hominum , humanæ que societatis commodum redundare nemo est , qui ignoret : naturalibus enim , civilibusque legibus ratum est , ipso etiam rationis lumine dictante , ut in aliorum pro aliis corporum permutatione , ac substitutione , omnia secundum pondus , & mensuram homines exequantur . In eum igitur finem , aliorumque humanorum usum gratiam , artem invenerunt homines , quam græco nomine *Staticam* appellarunt , cujus regulæ , & leges in id unum collimant , ut corporum pondera , momenta , vires dignoscantur , & ad æquilibrium perducì possint : in duplicem potissimam partem pro duplici corporum genere staticam dividimus *Geostaticam* , & *Hidrostaticam* : prior solidorum , secunda fluidorum corporum gravitates , & momentorum rationem considerat , expendit , & ad æquilibrium reducere docet . Priorem modo , quantum physica per Geometriz leges atque methodum patitur delibamus ; posteriorem inferius tradituri : quoniam vero machinarum potissimum ope corpora ipsa explorantur , conseruuntur , ad æquilibrium reducuntur , machinatrix etiam , seu *Mechanica*

nica ars inventa est, quæ in eum tendit scopum, ut notum corporis pondus, & resistentiam quamcumque machinarum ope, imbelli etiam potentia superet, corporaque ipsa facillime moveat, & in quam voluerimus partem abducat Mechanicæ igitur subservit statica.

Id diligenter notandum, in statica vires solummodo corporum, quæ ex gravitate oriuntur spectari, seu corporis in alia corpora actionem gravitatis expendi. In mechanica vero non sola corporum gravitas; sed hominum, animaliumque cæterorum actiones, & vires ad resistentiam superandam adhibentur, quarum directiones a gravitatis directione sæpissime differunt. Duo potissimum sunt instrumenta statica, quibus corporum pondera inter se conferimus; eorumque momenta, vires, æquilibrium, exploramus, *libra*, & *statæra*, pro quarum expositione sit.

DEFINITIO LIBRÆ.

375. *Libra*, seu *bilanx*, præcipuum staticæ instrumētum, est rigida quædam inflexibilis, homogenea virga ex ferro v. gr. aut ære constructa AB, ex cuius extremitatibus AB, (Fig. 31. Tab. III.) mediis ligaminibus lances DC dependent: huiusmodi virga alio nomine jugum nuncupatur. "Ansa est EF. duabus lamellis constans, cui ope axiculi utramque lamellam pervadentis virga ipsa committitur, & in illa sustentatur: intra ansæ lamellas ab axiculo confugit lingula quædam ad libram perpendicularis, atque æquilibrii index, cum enim intra ansulæ lamellas, horizonti semper perpendiculares dirigitur, quin ad aliquam inclinet partem, libram horizonti parallellam indicat, & appensa virgæ extremitatibus corpora idem habere pondus, seu libram æqualiter deorsum premere demonstrat. Unde ejus muneris causa *tristina*, *examen*, *libræ argumentum* nuncupatur: ad eam siquidem communiter in examinandis corporum ponderibus attendimus. Ipse etiam axiculus EZ est centrum motus, circa enim illum

illum libra convolvitur, brachia autem dicuntur *XA*, *XB*: sunt proinde æqualia.

DEFINITIO.

376. *Statera* est fortior inæqualium brachiorum libra *BA*, (Fig. 6. Tab. V.) ad magna pondera examinanda adhiberi solita: easdem fere, ac libra habet partes, *virgam*, *ansulam*, *lingulam*, *axem*, *brachia*: a puncto *B*, brevioris brachii extremitate lanx *X* dependet, qua examinanda corpora superponuntur: longius brachium *AO* in æquales partes pro libito dividitur, ex quibus successive parvum quoddam dependet corpus, seu æquipondium *M*, modo ad extremum *A*, modo ad *L* adductum, unde & *cursor* appellatur. Duplicis hujusce instrumenti usum inferius explicabimus.

DEFINITIO.

177. Corporum æquilibrium est eorum ex virgæ brachiis pendentium horizonti parallela dispartitio: corpora proinde æquilibrata esse dicuntur, cum ex utroque instrumenti brachio pendet; quin brachium aliud præ alio deorsum vergat. Corpora æquiponderantia ea sunt, quæ a bilancis extremitatibus suspensa, aut pendentia, æquilibrium servant, neque aliud alteri prævalet; illudque descendendo attollit quod si eorum alterum brachium, ex quo pendet infra horizontalem situm deprimat, oppositumque proinde brachium; & annexum illi pondus elevet, dicuntur pondera *non æquiponderantia*.

Cum corpora omnia gravia ex gravitatis indole deorsum ad terræ centrum dirigantur, propendeant, aut tendere conentur; hujusmodi corporum nifus, tendentia, seu conatus, quem & ex gravitatis indole, & ex machinæ, libræ, aut stateræ dispositione obtinent, dicitur eorum momentum. Non eandem, aut æqualem corporibus omnibus gravitatem inesse, manifestum est; unde inæqualibus viribus deorsum nituntur descendere: eam porro virium, & momentum

PHYSICA GENERALIS. 219

torum inæqualitatem, vel æqualitatem non melius, quam per libram, & stateram dignoscimus; cum enim utrumque bilancis AB (Fig. 31. Tab. II.) extremum deorsum premant; descendere autem eorum extremorum alterum nequeat, quin oppositum ascendat; sit ut & sibi mutuo resistent, & in se mutuo agant: utriusque igitur vires secum invicem conferuntur recte. Ea ut demonstremus fit.

PRINCIPIUM ET LEX I.

378. Mobilis cujuscumque vires sunt, & exprimuntur recte per factum ex corporis ipsius massa in ejus velocitatem ducta.

Hujusmodi legem superius jam stabilitam habes. Notandum præterea celebre philosophorum circa virium vivarum, aut mortuarum æstimacionem dissidium, ad rem presentem non spectare; & quancumque opinionem amplectaris, aut supponas, principj veritatem admittere necesse est: cum in præsentiarum de viribus gravitatis potentiz mortuæ aut de motu æquabili sermo tantum sit.

PRINCIPIUM, ET LEX II.

379. Duo quæcumque corpora AC (Fig. 4. Tab. 5.) libræ horizontaliter jacentis extremitatibus impolita, aut ab illis pendentia, & si moveantur, celeritatum habent rationem, quam inter se habent ipsius libræ, aut stateræ brachia.

Sint libræ CA Brachiorum, æqualium, aut inæqualium extremitatibus impolita duo pondera: si moveatur libra, utrumque punctum, & corpus CA circa punctum B. circumvolvitur, & arcus CD, AO æquales, aut inæquales describit, qui sunt similes, & directe inter se, ut radii seu brachia BA BC ob æqualitatem angularum CBD; ABO: spatium igitur CD a corpore EC confectum, est ad spatium AO ab alio pondere petagratum, ut brachium ad brachium: sunt vero hujusmodi brachia, prædictorum ponderum distantiz a puncto suspensionis: hujus-

hujusmodi igitur brachia, radii, seu distantie ponderum, seu velocitatis recte expriment rationem in principio motus: quod ultimum addo propter inferius dicenda.

PROPOSITIO LIII.

380. *Ea corpora univervim CA libeæ, aut statere appensa, & horizontaliter disposita, sunt in æquilibrio, & se mutuo sustinent, si pondus unius A sit ad pondus alterius C, ut velocitas ejusdem C, ad velocitatem primi A, hoc est, ut distantia GB ad distantiam BA. (Fig. 4. Tab. V.)*

Demonstratur, vis impetus, seu pressio corporum est productum ex massa in celeritatem ducta C vis igitur, nifus, & momentum, quo duo gravia CA libram B premunt, & deorsum tendere nituntur, sunt factum ex massa in celeritatem: cum igitur datis 4. terminis reciproce proportionalibus sit factum ab extremis factum ex mediis æquale (a) erit momentum corporis A, factum ex ejus celeritate, in massam ducta extremis proportionis terminis, momento corporis (b) factum ex mediis in se invicem ductis æquale.

381. Oppones: duo corpora CA libeæ extremitatibus imposita, aut ab iis pendentia, dum libra ipsa horizontaliter disposita manet, nullum habent motum, aut celeritatem, imo se vicissim ad motum impediunt; dum igitur eo in statu permanent, eorum vires non sunt factum ex massis in celeritatibus ductis: neque dici potest, illorum velocitates habere reciprocam massarum, seu ponderum rationem. Sint enim duo pondera RA ex libra B, vel statere horizontaliter dispositæ punctis RA æqualiter ab axe distitis pendentia: postea autem immoto manente pondere A, longius in C pondus R removeatur: cum nullum in punctis CA præfata corpora habeant motum, nullamque celeritatem, vi tantum mortua, seu gravitatis actione libram premunt, & sese mutuo attollere nituntur: hujusmodi igitur actiones erunt æquales, æqualium enim massarum nullo motu esse.

affectarum rationem sequenitur : erit igitur perpetuum æquilibrium, quantumvis ea æqualia corpora inæqualiter ab axe rotationis removeantur : cum tandem ubique habeant massam seu pondus, nullum vero motum : suppono enim pondus R sensim per RC immota libra removeri : si vero hanc hypotesim inficiaris, contendasque brachium BC statim a pondere C deprimi, & oppositum elevari, quamprimum pondus ipsum apuncto R versus C removeatur ; difficultatem non solvis ; unde enim hujusce inæqualis, & prævalentis pressiois in pondere R initium ?

382. Resp. communiter, pondera CA ita disposita in bilance aut statera, ut sint in ratione distantiarum, seu velocitatum reciproca, ob id potissimum manere in æquilibrio, & immota, quia motum nullum in se vicissim possunt producere : motum vero producere nequeunt, quia ob eorum dispositionem si moveantur, habebunt velocitates ponderibus proportionales ; ac proinde æquales vires, quibus se mutuo impediunt : moveri igitur non possunt, cum vel immota, vel ad motum concitata, virium, pressio-num, seu resistentiarum æqualitatem servant, dum in reciproca ponderis distantia existunt. Dici potest corpora AC in reciproca suorum ponderum distantia suspensa nullum quidem habere motum, aut celeritatem sensibilem, & observabilem, aliqualem tamen celeritatem, & motum initialem habere : dum enim hinc inde statere brachia mutuo premunt, & deorsum trahere nituntur, moveri semper affectant, & incipiunt, licet continuo sese mutuo impediunt, ne sensibilem motus effectum producant, cum initialis ponderis C motus ab opposito pondere continuo destruat, & vicissim : initiales autem parvæ celeritates corporum AC sunt inter se, ut brachia BC , BA , hoc est in ratione ponderum reciproca : prædicta igitur corpora vires, quibus se mutuo sustineant, habebunt æquales. In id sere recidit explicatio a P Castet adhibita : corpora enim, inquit in quocumque statu existant ob gravitatis indolem, & naturam in perenni vibrationum exercitio, & recipro-

223 PHYSICA GENERALIS.

ciprocatione existere, quibus velut pendulum, ad tellurem attrahuntur, & retrahuntur: in hac enim vibrationum a periphæria ad centrum perennitate, gravitatis natura secundum prædicti authoris mentem consistit: hujusmodi autem vibrationes, etsi insensibiles sine motu perfici non possunt: prædicta igitur corpora etiam dum suspensa existunt, suam habent celeritatem; ea proinde in reciproca ponderum ratione existente, æquales erunt in utroque corpore vires, eritque perfectum inter illa æquilibrium: dum utrumque pondus ex brachiis libræ suspensum, ea deorsum perpendiculariter ad horizontem urgent, iis quidem celeritatibus, quæ in massam seu pondus ductæ, duo facta inter se paria efficiunt: ex prædicto principio sequentia facile deducuntur.

COROLLARIUM I.

383. Si duo corpora CD ejusdem ponderis in æqualibus ab axe distantis, statuuntur, erunt in æquilibrio, & momenta habebunt æqualia. (Fig. 31. Tab. III.)

Nam cum, & pondera, & distantie sint æquales, erunt distantie, seu celeritates in ratione ponderum reciproca: (b) paria igitur erunt eorum corporum momenta, acque servabitur æquilibrium; cum neutrum alteri prævalere possit.

COROLLARIUM II.

384. Si duo corpora in æqualibus ab axe distantis statuta, sint in æquilibrio, æqualia habebunt pondera: nam si pondera sint inæqualia, æquales autem distantie, non erunt celeritates in ratione reciproca ponderum; ergo facta ex celeritatibus in pondera non sunt paria: sint celeritates, seu distantie 4. pondus A 3 B 6 erit $bx_4 = 24$. corporis B momentum majus, quam $3x_4 = 12$. corporis A momentum: ergo nullum erit æquilibrium contra hypothesein.

PRO-

PROPOSITIO LIV.

385. Si corpora quaecumque statæ, aut libræ impositæ aut ex earum brachiis pendentia sint in æquilibrio, erunt eorum celeritates, aut distantia in ratione ponderum reciproca, hoc est, erit pondus A ad C, ut CB ad BA. (Fig. 4. 1. Tab. V.)

Nam si distantia reciprocam ponderum rationem non habeant, non erunt corporum momenta æqualia, ac proinde non servabitur æquilibrium, contra hypothesim: da enim pondus A ad pondus C majorem habere rationem, quam distantia BC ad distantiam BA: sit v. gr. pondus A, 6, pondus C 3, distantia vero CB, 4, distantia BA, 3, momentum seu vires corporis A sunt, 18, momentum C, 12. Majus igitur erit momentum corporis A, quam momentum corporis C, nullumque proinde erit æquilibrium contra hypothesim.

COROLLARIUM III.

386. Æqualis igitur pondera BA in inæqualibus ab axe distantis suspensa, aut imposita æquilibrium non habent, sed remotius proximiori prævalet. (Fig. 6. Tab. V.)

Primo enim pondera æqualia non sunt in reciproca ratione distantiarum inæqualium, deinde ponderis æqualis A majori celeritate moti majores sunt vires, aut momentum: cum factum ex pondere A in majorem celeritatem sit majus, quam factum ex eodem, aut æquali pondere in minorem celeritatem: pondus igitur A, ab axe remotius, majus habet momentum, & alteri prævalet.

COROLLARIUM IV.

387. Si duo pondera æqualia statæ appensa non habeant æquilibrium, in imparibus ab axe distantis sunt appensa: si enim pares essent distantia BO, OL essent etiam pondera in reciproca distantiarum ratio-

ratione: ergo æquale haberent momentum (n. 180.)
& æquilibrium fervarent contra hypothefim.

COROLLARIUM V.

388. Si duo inæqualia pondera flateræ brachiis appendantur in paribus, ab axe distantis, nullum erit æquilibrium, fed majus minori prævalebit, illudque elevabit. Nam fi pondus N minus, & ab axe remotius, quam A, fiat in puncto N, ita ut fit N ad A, ut AB, ad BN, (Fig. 4. Tab. V.) erit æquilibrium. Majus autem est momentum ponderis in majori, quam in minori ab axe distantia: adducto igitur pondere N in punctum R æqualiter, atque A ab axe distans, non erit amplius æquilibrium.

COROLLARIUM VI.

389. Si duo pondera BA (Fig. 31. Tab. III.) flateræ brachiis appensa in paribus ab axe distantis non maneant in æquilibrio, inæqualia erunt: nam si pondera sunt æqualia erunt inter se in ratione distantiarum reciproca: ergo æquale habebunt momentum, ac proinde æquilibrium servabunt contra hypothefim. Universaliter igitur verum est, corporis in flateræ, aut libræ brachiis impositi momentum ea ratione augeri, qua illius ab axe rotationis distantia crescit: ea item ratione minui, qua prædicta distantia decrescit; in distantiarum enim proportionem minuantur, & augmentur prædicti ponderis celeritates.

SCHOLIUM.

390. Illud libræ flateræ, seu rigidæ cujuscunque virgæ corpora sustinentis punctum B, aut P, (Fig. 4. Tab. V.) a quo suspensa libra, æquilibrium habeant appensa pondera, commune eorum gravitatis centrum nuncupatur; in eoque prædictorum corporum actiones, & momenta velut conflata coalescunt, adeo ut, qui hujusmodi virgæ, centra ponderum connectentis, punctum

Hum B (Fig. 32. Tab. III.) *sustinet*, omnem eorum corporum actionem. & seu gravitatem sustentat. Ex dictis autem facile constat, qua ratione duorum corporum, quæ inflexibili virgæ conneſcuntur, aut ſuſtinentur, commune gravitatis centrum inveniri poſſit: virgam enim ita divide in B, ut brachia seu diſtantia BA, BC rationem habeant ponderum reciprocam, nam corpora ſtatæ, ex dato diſiſionis puncto pendentiſ extremis, ac in data ratione appenſa, ſunt in æquilibrio.

Quod ſi plura corpora gravia in ſe invicem agant, commune eorumque gravitatis centrum inveniri oporteat; nullo id negotio aſſequemur. Sint enim tria, vel plura corpora B, C, G (Fig. 30. Tab. III.) in ſe mutuo gravitantia, & agentia: connexis inter ſe corporibus BC, commune eorum gravitatis centrum expoſita modo ratione invenitur; & ſtatuitur in A: eo autem in centro univerſa prædictorum corporum gravitas reſunditur: ex eo igitur puncto ad tertium corpus datum E ducta concipiatur recta inflexibilis AE: eam ita divide in D, ut ſit diſtantia AD ad diſtantiam DE in ratione reciproca tertii ponderis E ad duorum ponderum BC ſummam in centro A conſtitam: erit prædictum punctum D commune trium corporum gravitatis, & actionum centrum, circa quodlibet ſuſpenſa in æquilibrio manebunt.

Eodem pacto 4. aut plurium quorumque corporum ſyſtematis centrum gravitatis invenietur: nam ſi ex puncto D, trium corporum BCE centro, recta ad datum corpus G ducas, eamque divides in F, ita, ut ſint DF, ad FG in ratione inverſa ponderis G ad tria pondera BCE, erit F novum, & commune gravitatis centrum. Huiusmodi doctrina ad explicandum Neutronium ſyſtema in aſtronomia opus erit.

§. 6.

Staticæ instrumentorum uſus; examen, fallaciæ.

391. Libræ uſus in eo conſiſtit, ut corporum, quæ illius brachiis appenduntur, pondera explorentur, Mont. Phil. T. III.

P

ſe-

secum invicem, & cum dato corpore, tamquam cummuni mensurâ conferantur. Cum enim æqualium ponderum corpora ad æquales a centro distantias *AE*, *EB* (Fig. 31. Tab. III.) apposita sint in æquilibrio, & vicissim, si sint in æquilibrio in paribus distantis, sint æqualis ponderis, facile constat ignoti ponderis corpus *D* v. gr. brachio appensum, si cum dato pondere *C*, puta unius libræ æquilibratur, unius etiam libræ pondus habere, & hoc ræsto cum dato pondere *C* collatum innotescere. Virga *AB* esse debet maxime dura, homogenea, & quam fieri potest inflexibilis, ac minimi ponderis: si enim non sit homogenea, detegendæ mox fallaciæ locum dabit. Si facile flectatur, & adhibitis ponderibus incurvetur, illius brachia *EM*, *EN* a gravitantibus ponderibus perpendiculariter non premuntur & urgentur, sed oblique tantum deorsum trahuntur, quod & pressionem minuit; cum distantia decrescant; & fallacia etiam subest, cum fieri interdum possit, ut inæqualiter ex utraque parte curvantur. Quo minus etiam fuerit virgæ pondus, minus a *em* *X*, circum quem revolvitur, premet, minor illic erit partium tritura, major movendi facultas; unde pondere vel minimo, ex aliqua parte adjuncto, & descendente illico brachio æquilibrio destruitur.

391. Hinc etiam est, quod magna adhibita pondera facilius quidem ad æquilibrio adducuntur, licet aliquod inter ipsa discrimen intercedat: magna scilicet supra axem *X* pressio, & gravamen, orta que exinde in convolutione tritura virgam impedit, ne facile moveatur: si enim nulla esset tritura ad minimum in ponderibus discrimen deorsum a majoris ponderis parte descenderet.

Magnopere igitur curandum est, ut virga *AB* circa centrum *E* sit maxime mobilis, ut vel minutissimum in appensis ponderibus discrimen, rupto æquilibrio demonstret: ejus rei causa axis superficiei scabrities atterenda est: eamque accuratissime levigari oportet.

Quo longiora erunt brachia, cæteris quidem paribus, magis exacte ponderum differentia indicantur,

tur, & perfectiori modo in libra expenduntur: quo enim appensa pondera erunt a centro remotiora, majori momento prædita facilius moventur, & æquilibrium turbare possunt, admissa qualibet in pondere differentia: observandum tamen, ne iusta longior brachiorum extensio, eorum curvaturæ sit obnoxia.

393. Pondera in æquilibrium esse dicimus, & ita communis fert praxis, cum brachia AX, XB ponderibus hinc inde appensis ad horizontalem lineam reducuntur, in eaque permanent immobilia, quod post aliquas hinc inde oscillationes, seu mutuas depressiones, ut plurimum fit. Ut huiusmodi parallelismum, & æquilibrium dignoscamus, ad lingulam attendimus, quæ ob id muneris *examen* appellatur: si enim intra anfulam seu lamellas XF (quæ libere ex puncto F suspensæ esse debent ad horizontem perpendiculares) quiescat, iisque congruat, erunt brachia C quibus ad angulos rectos insiluit S horizonti parallella, & pondera in æquilibrium: secus si aliquam in partem examen inclinet; ea enim ex parte majus est appensum pondus.

Quo longior erit lingula, eo perfectius pendentium ponderum discrimen & examen exploratur, & æquilibrium quæritur; cum pro majori lingulæ Z longitudine facilius vel minima ejus a perpendiculari situ deviatio dignoscatur: me tamen non latet, aliquod esse librarum genus, in quibus appensa pondera æqualia æquilibrium servant, etsi brachia ME, EN horizontalem situm non habeant, quod ut probe noscas nota. (Fig. 31. n. 1. Tab. III.)

394. Triplicem libraræ speciem construi posse animadvertendum est: vel enim centrum motus libraræ cum centro gravitatis ponderum appensorum in eadem linea, & puncto inveniuntur, vel centrum motus est supra centrum gravitatis, vel infra: primum visitur in figura ABF, (Fig. 31. n. 1. Tab. III.) in qua punctum X est utrumque centrum: secundum obtinet, & visitur in GPH, (Fig. 31. n. 2. Tab. III.) in qua centrum motus est E, centrum vero gravitatis ponderum est Q: Punctum ni-

intrum rectæ GH utrumque corpus eorumque centrum conjungent: tertium visitur in VYX: (Fig. 31. n. 3. Tab. III.) centrum enim motus est Y, centrum gravitatis est punctum K. In prima ABF & brachia & appensa brachiis pondera æqualia CDerunt in æquilibrio, qualemcumque virga ipsa AB situm obtineat, hoc est vel horizontalis exillat, vel ad horizontem ut cumque inclinata: semper enim pondera æqualem habebunt distantiam a centro motus, & gravitatis, ut in mechanica demonstramus, cum vectis inclinati proportionem & calculum inimus.

395. Prima hæc libra est satis incommoda, & ad communem usum non adhibetur saltem ordinarie ob frequente, oscillationes, quibus pondera etsi aliunde æqualia, atque æquilibrata: hinc inde agitantur, priusquam horizontaliter quiescant: quod quidem ex data modo ratione provenit, quod ponderum centrum imobile semper maneat, quancumque ad horizontem inclinationem habeat virga. Huic vero incommodo remedium affert secunda GEHP, quam in praxi communiter adhibemus. In hac librz specie si æqualia pondera agitatione vel casu alio a situ horizontali deturbentur, sibi ipsis relicta post aliquas oscillationes horizontaliter disponuntur; virga enim LO inclinata centrum gravitatis I ascendit, & supra horizontalem GHexistit; hinc igitur motu accelerato descendens ad I usque ad R confcendit, brevique oscillationum confecto numero, quiescit in Q. Opus tamen est, ut centrum gravitatis parum sensibilibiter distet a centro motus: aliter magnum ponderum discrimen opus foret, ut unum alteri prævaleret, virgam a situ horizontali disturbarer, atque gravitatis centrum per arcum RGI moveret: quo enim major esset distantia EQ centrorum, major erit arcus, a centro E descriptus sub data virgæ ad horizontem GH inclinatione.

396. Tertia librz species VYX vix est in usu; in eaque si pondus alterum X vel tantillum ob causam quancumque in S inclinavit, non amplius ad hori-

horizontalem situm VX restituitur; quin imo ad infimum usque punctum descendit: centrum enim gravitatis *F* semel ex puncto *K* disturbatum in quo versus partem nullam inclinabat, supremumque locum occupabat, per arcum *KF* descendere semper perget.

397. Non uno de capite fallaces esse possunt statæ: primum & præcipuum ab inæquali brachiorum extensione petitur: si enim ita sint constructæ, ut & inæqualia sint, & idem habeant pondus, cum nulla iis appenduntur corpora, erunt in æquilibrio: iis tamen appensis, æquilibrium tum maxime indicabunt, cum corpora ipsa inæquali pondere prædita fuerint: quod ex inæquali ponderum ab axe distantia provenit, cum ex supra demonstratis luculenter constet, remotioris ponderis majus esse momentum: si igitur ea duo corpora sunt in æquilibrio, inæqualem habebunt massam, atque pondus, & longius distitum corpus minori, quam par erat, pondere præditum, ut majorem compenset distantiam.

Aliud fallatæ caput, ex nimia axis scabritie, vel orta aliunde mobilitatis difficultate nascitur, ut supra exposuimus, v. gr. si axis sit superius complanatum: lata enim superficies partium affictum auget, motum impedit: præterea virga *BA* latæ superficiei insidens, difficilior ex una parte attolli, & deprimi ex alia potest: debet igitur axis in aciem quasi superius definire, ut exiguum virgæ superficiem tangat.

Primum, & alias libræ fallacias dignoscas, æquilibrata pondera permutando: si enim permutata pondera æquilibrium adhuc servant, æqualem brachia ipsa habent longitudinem; secus, si æquilibrium non amplius subsistat.

Porro in minutissimis & pretiosis rebus expendis, in quibus vel minimus error notabile insert damnum, scrupulose omnia exequenda sunt, magna scilicet in virga, seu brachii mobilitas, in axe levigatio, non modica in brachiis longitudo; modicum tamen pondus: perfecta æqualitas; parva deinde lancibus pondera imponi oportet.

PHYSICA GENERALIS.

3. Idem fere flateræ atque libræ usus : in eo tamen intercedit discrimen, quod ad parva solummodo pondera adhibeatur libra, ad majora, & enormia inseruit flatera, cujus rei gratia solidissima, & durissima esse oportet brachia, ut maximis ponderibus sustinendis paria habeantur : unicum deinde æquipondium M per longius brachium excurrans, opus est, ut quæcumque explorentur pondera, ea ad æquilibrium reducantur : cum enim eo majus habeat momentum, quo in majori a centro distantia collocatur, inde est, quod ad corpora longe inæqualia æquilibranda sufficiat. (Fig. 6. Tab. V.)

Longius brachium O A in æquales partes dividitur, sumpto ab axe initio : in puncto L v. gr. quod pendendo inveniatur, 6 libras ab extremitate B pendentes sustineat, 7, 8, 9, 10, in punctis immediatis : deinde alia quarantur puncta pro 20, 30, 50, 100, 200 &c. cum flateræ axis a notabili brachiorum, & appensorum corporum pondere multum prematur, & hinc non nisi difficulter circum axem versetur, ad parva pondera exploranda non satis comoda censetur.

LECTIO II.

Mechanica, seu de Machinis simplicibus.

DEFINITIONES.

399. *Machina* est instrumentum materiale ita dispositum, ut illius ope homines, animantia cætera, aut vires quæcumque aliæ ad ingentia pondera elevanda, & resistentiam superandam commode applicari possint. Est igitur materiale artificium ad facilem reddendam actionem potentia. Dicitur *potentia* vis illa, quæcumque sit, quæ per machinam agit; illud vero, quod movere, & superare nitimur, *pondus*, seu *resistentiam* appellamus.

Potentia igitur sunt homines, animantia, vis elasticitatis, ipsamet etiam gravitas, aer, ventus, fumus, &c. quæ diversis machinis applicantur. Earum

PHYSICA GENERALIS. 231

tum vim nuncupamus *momentum*. Hinc vero fit, ut multoties ipsæmet potentiz resistentiarum, & ponderum munus agant.

400. Machinz aut sunt simplices, aut compositæ: primæ sunt, quæ ex uno tantum corpore, vel ex paucorum combinatione constant; qualia sunt *Vectis, axis in peritrochio*: Compositæ sunt, quæ ex artificiosa plurium corporum, seu machinarum simplicium complexione constantur, v. g. *horologium automaton*.

Machinz vel Geometricæ, hoc est, theoreticæ, vel physice atque in usu considerantur: primo modo ad essentialem tantummodo machinz rationem, hoc est, ad augmentum, ut dici solet, potentiz per machinam attenditur, qua scilicet proportionem vis illa augeatur; eoque pacto, inito virium calculo dignoscitur, quæ utilior, quæve inutilior sit machina; quæ potentia per machinam datum pondus superare & movere possit, quæ id efficiendo sit impar.

401. Machinz, si proprie loquamur, non augent potentiam, sed illam recte applicant, in iisque circumstantiis collocant, in quibus stante suo naturali momento, & motu, pondus vincit. Machinis igitur hoc modo acceptis, nihil attenditur ad materiam, ex qua sunt constructæ, neque ad earum pondus, frictionem resistentiam; sed ab iis omnibus immunes supponuntur: unde gravissimi in praxi errores comitentur, si calculo Geometrico tantum innixi Machinam construimus.

Cum physice spectantur machinz, accidentia materiæ, ex qua construuntur, maxime attendi debent, durities nimirum, flexibilitas, lævigatio, pondus, frictio, & alia similia, iis enim omnino omis-
sis, rarissimo fiet, ut calculus sit a gravi errore im-
munis in praxi.

DEFINITIO.

402. Machinz simplices communiter numerantur
1, *Vectis*, scilicet, *Trochlea, Axis in peritrochio, Co-*

chica, *Cuneus*, quibus addunt aliqui *planum inclinatum*, *sinus* & *libram*. Primum reducit ad Cuneum, & fufe jam de illo sermonem fecimus: *libra* vero cum non augeat potentiam, inter machinas ad id muneris destinatas, & inventas non numeratur; potiusque ab illius officio instrumentum *Staticæ* nuncupatur, fatisque hæcenus exposuimus, illius usum, constructionem, & leges. *Statera Romana* ad *vestem* reducit, de quo jam dicemus. Machinæ compositæ sunt quamplurimæ, & quotidie earum numerus augetur; semperque ex simplicium combinatione constanter.

Plurima ad ejusmodi compositarum machinarum inventionem, & rectam constructionem, earum potissimum, quæ sunt nimium compositæ, requiruntur. 1º. Calculum virium recte inire; 2º. actiones obliquas potentia, & ponderis ad rectas, seu perpendiculares reducere, ut statim exponemus. 3º. vires absolutas, potentiarum, & ponderum agnoscere: 4º. varios resistentiarum gradus ex diversis causis, ratione, frictione, pressione detegere, quæ quidem pro diversitate superficialium, & machinarum diversæ existunt. 5º. longe plus valet genius quidam a natura datus ad inveniendum proprius, licet alioquin parum, aut nihil in mathematicis cultus, quam magna in mechanicis eruditio citra naturæ genium, ut multiplici exemplo demonstrare possumus.

§.

Principium universale Mechanicæ.

403. Machinarum ope exigua potentia pondera enormia sustentat, attollit circumducit: aqua leniter fluens, ventus, hoc est, aer spirans, grave corpus descendens, animalia, homines, pueri, fumus ipse, imo & radii solares machinas movent, earumque ope resistentias non modicas vincunt: unde tantum debilibus causis virtutis augmentum? Puer v. g. qui citra machinam nonnisi 10. libras attolleret, ope vestis CBA, (Fig. 4.) aut stateræ BLA
pon-

pondus A (Fig. 6. Tab. V.) 40. librarum attollit ; quodnam est hujusce augmenti virium principium , & causa ? Diximus jam , nullum hic , si proprie loquamur , virium augmentum intervenire ; sed tantum per machinas effici , ut eademmet potentia vis commodè superandæ resistentiæ applicetur : ejus tamen rei causa , & principium quaeritur .

Id principium , & causam jam indicavimus Lectione 10. Vis & energia potentia , seu corporis moti est velocitas ducta in massam : si ergo stante eadem velocitate , & massa , seu energia in potentia , diminui possit , semper magis & magis in dato pondere velocitas , diminuetur semper magis & magis in eo pondere resistentia , & facilius semper magis & magis data illa potentia datum pondus superabit . Da e. g. puerum posse movere 10. libras ea velocitate , qua ipse naturaliter graditur , quam voco velocitatem , ut 4 ; puer igitur in R movebit 10. libras A per arcum AO similem , & æqualem arcui R : (Fig. 4. Tab. V. Mech.) sed idem est movere 10. libras velocitate ut 4 , atque movere 40. , velocitate , ut 1 : cum ambo hæc facta 4. in 10 ; 1 in 40. sint æqualia , seu idem factum , resistentia , & vis : si ergo stante vi pueri eadem tantundem ponderis addatur ponderi A , quantum velocitatis illi subtrahitur ; semper manebit eadem resistentia in A , quantumvis massa corporis augeatur : pone massam A augeri , ut 4 , velocitatem minui , ut 4 , erit massa A 40 librarum , velocitas 1 ; adhuc igitur puer corpus A elevari ; si autem puer ab R removeatur usque ad C , ita ut CB sit quadrupla distantia BA , ac proinde arcus CD quadruplus etiam arcus AO. rem obtinebimus , puero enim sese movente per CD velocitate , ut 4 , movebitur A per AO velocitate ut 1 .

Id igitur est , quod machinarum ope obtinemus , ut scilicet stante eademmet velocitate potentia , ponderis velocitas magis semper , & magis diminuat , ac proinde decrescat semper resistentia ; eademque vis majus semper & majus pondus , sed motu semper minori & minori possit elevare .

Quoniam igitur velocitas magis semper & magis decrefcere potest, data quolibet potentia datum pondus finitum fuffentare poterit, si fit tandem massa. seu energia potentiz ad massam ponderis, ut velocitas ponderis ad velocitatem potentiz. Quod si energia, seu massa potentiz ad massam ponderis majorem habuerit rationem, quam velocitas ponderis ad velocitatem potentiz, hæc pondus superabit. Hæc jam superiori Lectione exposuimus & clarius intelligentur, cum ad peculiare machinas calculum applicabimus. Et hinc manifestum est, 1^o. eo majorem fieri vim potentiz, seu minorem ponderis resistentiam, eoque facilius pondus moveri, quo major est motus potentiz relate ad motum ponderis; eaque ratione per machinam augetur potentia, qua illius motus motui ponderis fit major. 2^o. eo præstantiorem esse machinam, cæteris paribus, quo per eam major evadat ratio motus potentiz ad motum ponderis.

DE VECTE.

Vectis ABC est virga quædam recta inflexibilis, & oblonga, qua ad corpus movendum utimur. Ex terro potissimum. aut materia alia dura construi solet. Tria in vecte puncta distinguimus: duo mobilia AC, (Fig. 4. Tab. V.) in quorum uno A applicatur, & agit potentia, in secundo pondus C: tertium immobile B, (Fig. 1. Tab. V.) cui innititur, & supra quod, tamquam centrum convolvitur vectis: vocatur proinde *suffentaculum*, seu *hipomochium*, vel centrum motus.

Triplex est genus vectis: in primo ABC (Fig. 1. Tab. V.) potentia, & pondus in extremis punctis AC applicantur, inter illa vero existit centrum motus B.

In secundo MST pondus, & hipomochium sunt in duobus extremis MT, (Fig. 2. Tab. V.) potentia S inter illa duo applicatur.

Tertium habet pondus inter extrema, potentiam centrum motus in ipsis extremis ON, ut demonstrat figura.

Aug-

Augmentum potentiae in veste & Phænomena.

405. Ex principio igitur universali mechanicæ facile est, virium calculum inire in triplici hoc genere vestis, qui quidem est omnium machinarum simplicissima. In primo Vestis genere ABC (Fig. 4. Tab. V.) augetur potentia in ratione radii BC ad BA: moto enim veste circa punctum B, sunt anguli OBA, CBD æquales, (a) eruntque arcus CD, OA, ut radii BC, BA; quoniam igitur arcus CD, OA sunt motus potentia, & ponderis; etiam radii BC, BA expriment motum & virium proportionem. Quo igitur potentia magis recedat a B per SRNC, pondere existente in A, eo magis augebitur illius virium momentum. Pondus, seu potentiam, quæ in R elevare poterit solummodo corpus A, posita in puncto T duplo remotiori a B, quam R, elevabit duplum pondus A.

Uno verbo, data vi potentiz absoluta A v. g. 4; multiplica per radium AB, (Fig. 1. Tab. V.) qui habeat 40. pollices; factum 160. exprimit potentiam relativam, seu auctam. Similiter dato pondere absoluto C 40. librarum v. g. & distantia CB trium pollicum, ducto C 40. in 3, habest 120: in ea igitur machinæ dispositione erit potentia ad pondus; ut 160 ad 120, hoc est, ut 4. ad 3; illud proinde elevabit.

COROLLARIUM.

406. Et hinc potentia A quæcumque datum pondus quodcumque C sustentabit, si sit potentia A ad pondus C, ut reciproce CB ad BA: elevabit vero, si sit A ad C in majori ratione, quam CB ad BA.

29. Ponderis distantia CB a centro motus decrescente, decrescit etiam illius resistentia, faciliusque velo-

(a) *Geom. Elem. 1. n. 83.*

velocius, & fortius moveri ab eadem potentia potest.

3^o. Data vi, quam habet potentia in dato puncto R, facile agnosces vim quam habebit illamet potentia in alio quocumque puncto N T C &c. (Fig. 4. Tab. V.) crescit enim aut diminuitur vis in ratione, qua crescunt, aut decrescunt arcus SR, NI, TN, RS; seu radii SB, RB &c. illis arcibus correspondentes. Idem similiter de resistentiis dicendum. Generatimque vera hic sunt, quæ superiori lectione de Libra, & statera demonstravimus.

In recte 2^o. generis potius minuitur, quam augeatur potentia supra pondus. Ex principio generali erit æquilibrium, si potentia sit ad pondus M, ut distantia MT, ad ST. (Fig. 2. Tab. V.) Quod si ea proportio varietur, omnia illa in hac vestis specie vera erunt, quæ modo, & precedenti Lectione de primo veste, de libra, & statera Romana demonstravimus.

Et hinc intelligis, quare difficilius hoc veste genere pondus M eleves, manu S ad T magis accedente, quam si eam ad M admoveas, eaque facilitas, aut difficultas crescat, aut decrescat in ratione arcuum S, quos manus motus describet.

In veste 3. generis ONM, erit æquilibrium, si sit potentia O ad pondus N, ut distantia MN ad MO: (Fig. 3. Tab. V.) hæc vestis species ad augendam etiam potentiam inservit, cum maior semper sit motus potentia quam ponderis. Quanto magis N ad M accedat immota potentia O, vel quo magis recedat O, immoto pondere N, eo facilius fortius, ac celerius potentia movebit pondus.

COROLLARIUM.

407. In casu igitur æquilibrii in primo veste erunt pondus, & potentia modo æqualia, modo potentia major, modo minor absolute: in 2^o. semper potentia erit major absolute, quam pondus: in 3^o. semper absolute minor. Similiter ex his tribus vestibus primum, & tertium sunt utilissima, & ad innume-

ras

125 fere machinas in praxi adhibentur, imo major machinarum compositarum pars ad ejusmodi veſtes reducuntur, ut uno aut alio exemplo inferius demonſtrabo. Secundum, cum potentiam ſemper imminuat, inutile fere cenſetur.

Fieri etiam poteſt veſtis compositus ex pluribus ſimplicibus ABC, (Fig. 33. Tab. III.) in quo eadem fere eſt vires ſupputandi ratio: Sint brachia ut 1. ad 5. v. g. facta ex tribus brachiis 5x5x5 ductum in potentiam 1, exprimunt illius vim, & momentum relativum: pondus 125. multiplicatum per tria brachia 1x1x1, exprimunt reſiſtentiam compositam; & in caſu figuræ eſt æquilibrium, cum 5x5x5x1 ſint 125, idemque ſit momentum 1x1x1x125, hoc eſt, 5. 5. 5 in ſe invicem, & per 1. multiplicata efficiunt 125.

PHÆNOMENUM I.

408. Innumera ſunt in natura pulcherima phænomena paſſim obvia, & amena, quæ ex modo diſtiſ ſponte derivantur, & unice dependent. Unum, aut alterum dabimus: 1.

Si duæ quæcumque potentie T, M v. g. duo homines, boves, equi & medio veſte TM pondus S ab illo dependens ſuſtentent aut deſerant erunt ſuſtentationes, ſeu preſſiones in ratione inverſa diſtantiarum a pondere; hoc eſt, tanto plus ſuſtentabit potentia M, quarto minus diſtabit a pondere S: quare ſi MS ſit dimidium veſtæ ST, (Fig. 11. Tab. V.) potentia M ſuſtentabit duas tertias partes ponderis S, T vero unam: & ſic in alia quacumque proportionem; ea ratione onera diſtribuant frequenter agricolæ, dum imbellis puer, & vir robuſtus pondera veſte conducunt; dum pluſtris boves virum valde inæqualium apponunt; quo in caſu jugum veſtis vicem agit, punctum, ex quo trahitur pluſtrum, tamquam centrum reſiſtentie, aut punctum S habetur. Ratio, & deductio phænomeni eſt evidens: v. g. TM reſpectu utriuſque potentie eſt veſtis 3. generis; potentie ſibi mutuo ſuſtentaculi vicem gerunt: ſac enim, ut immota M, mo-

uca-

veator T: postea vero immoto T, movetur M: in primo casu motus potentie multo magis excedet motum ponderis quam in secundo.

Quod si duæ potentie AB, ut sæpe fit, media chorda ADB (Fig. 10. Tab. III.) in arcum curvata pondus quodcumque D trahant, eadem leges modo traditæ observabuntur; atque ut dignoscas proportionem resistantiarum in potentia, duc rectam AB, ad quam ex pondere D duces perpendicularem DC: ita vectis curvus ad rectam reducetur; idemque erit, ac si pondus D in C positum duæ traherent potentie.

PHÆNOMENUM II.

409. Ex didicis manifestum est, quare clavum A ligno defixum facillime evellas ope mallei AO, (Fig. 7. Tab. V.) si illius caput intra mallei ansulam apprehendas, manu vero ad manubrii extremum O applicata, illam trabas per arcum O: cum enim B sit centrum motuum, multo major est arcus O, quam A eodem tempore percursum: ex adverso clavum vel sola manu, vel malleum parallele ad clavum movere adnitens non evelles: idem enim esset & in manu, & in clavo motus.

Forfex AO, (Fig. 7. Tab. V.) digitis in A stringentibus multo facilius corpus in B, quam in O incidit; quælibet enim forficis lamella est vectis primi generis circa centrum commune B volubilis, a quo quanto minus distat resistantia, magis stringitur: & hinc debilior erit vis, digitis prementibus in N, quam in A.

PHÆNOMENUM III.

410. Eidem causæ referendum est, quod 1^o. clavem non nunquam convolvere non possumus, dum solam manum illius ansulis applicamus, eam tamen facile circumducimus, cum introducto inter ansulas aliquo bacillo, aut ferrea virga, illa quasi vecte clavem volvere adnitimur: 2^o. facilius nos, & fortius cibos scindimus, conterimus, masticamus molaribus, quam anterie-

terioribus dentibus; maxillæ enim sunt vellei tertii generis, quorum centrum motus est versus Laryngem, ubi quasi comittuntur non longe a molaribus dentibus, potentia vero versus labia consideranda est:

3^o. Si gladium, aut quodcumque aliud corpus oblongum ab extremitate una manu prebentem elevare adnitaris, illud circa manum, velut centrum, attollendo, longe majorem experiere difficultatem, quam si illudmet corpus per medium arreptum una cum manu sursum eleves, aut circa manum circumvolvās: in primo enim casu vellei agis secundi generis, in quo potentia est in ipsomet hypomochlio. & centro motus, pondus autem longe ab illa movetur; ac proinde nullus, aut fere nullus motus in potentia, magnus in pondere: non ita vero in alio casu. Mille alia passim obvia eodem modo explicabis.

PROPOSITIO LV.

411. In vellei cujuscunque generis potentia agens perpendiculariter ad ipsum vellei longe efficacior est, quam si agat oblique; sub angulo scilicet acuto, aut obtuso, & eo minor, erit actio, quo acutior, aut obtusior fueris angulus. Idem similiter in omni alia quacunque machina verum est.

Pondus R libræ AR appensum elevare conetur potentia A successive per directiones AB, AC, AM, (Fig. 5. Tab. V.) qua um prima cum vellei AO efficit angulum obtusum, secunda rectum, tertia acutum:

Si potentia agit per AB, non solum pondus elevare, sed vellei ipsum trahere nititur; pars igitur virium in vellei insumitur, & ad pondus elevandum omnino inutilis reddetur. Similiter si potentia agat per obliquum AM, pars virium in retrahendo vellei & pondere ab A versus R insumitur. Hæc igitur in elevando pondere non debet computari. Si vires, seu directiones AB, AM circa A revolutæ cum vellei tandem congruant, vires AB, AM essent nullæ sed in primo casu tota impenderetur in trahendo vellei per QA, in secundo per AQ: si mo-

si modo vires AB, AM congruentes cum velle ab ea directione circa A sensim revolvantur, tanto majores erunt vires ad elevandum pondus, quanto magis AB, AM ad perpendicularem AC accesserint, & anguli hinc acutus, illinc obtusus, ad rectum magis accedant.

Ut dignoscamus diminutionem virium ejusdem potentiz agentis per obliquam AB, aut AM, atque agentis per perpendicularem; ex centro motus O duvantur ad singulas directiones AB, AM (productas, si opus fuerit) perpendiculares ON, OM. Hæ perpendiculares expriment actionem potentiz agentis AB, AM. Actio igitur per AC erit ad actionem ejusdem potentiz agentis per AM, ut AO, ad MO, seu ut AO, ad PO, æqualem MO: & sic in aliis quibuscumque directionibus. Hæc sunt observatu, & scitu maxime digna; cum ad omnes machinas extendantur, & infiniti in praxi nascantur errores ob male supputatum virium calculum ex non satis nota virium directione.

Vectis infinitum pene habet usum in humanarum, & naturalium rerum, atque causarum actionibus, ad sublevanda, augenda, minuenda, removenda pondera maxime inservit; ad illa tamen ad insignes altitudines attollenda est inutilis.

§.

Axis in Peritrochio.

412. *Axis in Peritrochio* est machina in fig. 8 expressa, tympanum scilicet, seu cylindrus FB, cujus axem AD cylindro longiorem secant plurimi radii BH, BP &c. (Fig. 8. 9. 10. Tab. V.) ad cylindrum perpendiculares, dum ex alta parte chorda cylindro alligata, & circa ipsum circumvoluta pondus extremo G alligatum revoluta cylindro elevat. Axis AD, aut horizontaliter disponitur supra sustentacula innixus, ut in fig. 8, aut verticaliter, ut in fig. 10.

Hæc machina omnibus notissima infinitum habet etiam

etiam ufum: ad magnas refiftentias fuperandas, & pondera elevanda tam in folidis, quam in fluidis adhibetur. Hæc etiam machina fimplex plurimarum compofitionem ingreditur, quibus pendera ad infignes altitudines elevantur.

Potentia fradiorum BP, BH extremitatibus applicatur: majori ex parte eft potentia vivens, v. g. homo, aut animal, ut vifitur in molendinis, torcularibus, fimilibus aliis machinis; eoque pacto facile confequimur, ut potentia actio fit ad radios fupradictos perpendicularis, adeoque efficacior: cum aqua, aut vis gravitatis machinam movet, in id femper animum intendimus, ut actionis directio fit perpendicularis ad radios BP, BH.

413. Axis in peritrochio reducitur ad vectem, imo eft vectis perpetuus. Ponderum enim G pendens ope cordæ ex puncto X, quod eft in linea FXO, idem efficit, atque fi efferet, aut penderet ex puncto O radii OBE, (Fig. 9. Tab. V.). Jam hic radius mobilis circa punctum B, in axe cylindri, cujus extremo E agit potentia, eft vectis primi generis, ut ex fe patet. Id melius in figura 9. exprimitur: fit circulus B, fectio cylindri AD (fig. 8.) in punctis BO. potentia igitur applicata in E, movebitur per arcum ER circa centrum B, dum interim pondus pendens ex puncto I vectis EO ex parte oppofita potentia movebitur per parvum circulum OB perinde ac fieret in figura 4.

Et hinc quo major fuerit radius BE, & minor BO, femidiameter tympani, major erit potentia relative ad pondus. Dum igitur chordæ ductus fupra alios ductus convolvuntur, minuitur potentia, cum augeatur craffitudo tympani, non aucto potentia radio. Omnes alia proportionem vectis applicata locum hic etiam habent. Attendi tamen præterea debet duplex frictio in A & D.

414. Fig. 17. exhibet machinam ex pluribus rotis compofitam, quæ funt totidem axes modo defcripti earumque ope enormia pondera nonnunquam leviffima potentia elevat. Potentia A 100. libras fuffentare, aut attollere poffit; manubrium quæ AB (Fig. 17. Tab. V.)

PROPOSITIO LXI.

416. *Per trochleam immobilem HE, aut G, neque augetur, neque minuitur potentia.*

Per ejusmodi enim trochleas non augetur motus potentiz, neque minuitur ponderis; sit potentia in E, pondus D; ut pondus usque ad H ascendat, debet potentia E usque ad G v. g. pervenire; seu tota chorda DE aut illi æqualis transire per trochleam: ex principio igitur generali Mechanices neque augetur, neque minuitur potentia.

Vera est propositio, quamvis plures trochleæ immobiles adhibeantur, semper enim idem tenet principium.

Suam tamen trochlea immobilis utilitatem non contemnendam habet; 1º. quia necessaria ad mobiles applicandas, ut jam dicemus. 2º. quia earum ope elevando ponderi commode applicatur. 3º. quia ratio & affricus ex parte saltem in circumferentia trochleæ evitatur, non tamen in axe, in quo eo major est quo majus est pondus.

Trochlea immobilis C, reducitur ad vestem primi generis habentem brachia æqualia. Ducta enim EH (Fig. 11. Tab. V.) per centrum immobile C parallela ad horizontem facile concipitur duo pondera DN ab extremis EH, & quasi in bilance æquilibrari, si sunt æqualia.

PROPOSITIO LVII.

417. *Per trochleas mobiles multipliciter augetur, aut minuitur pondus.*

Id manifeste deducitur ex principio generali Mechanices, & plurimos casus, aut regulas admittit.

Prima: sit trochlea mobilis A, cujus ope potentia C elevet pondus B: fiet potentia duplo major, aut pondus duplo minus, per unam scilicet trochleam. Dum enim pondus ascendet ab A usque ad E, spatio scilicet unius chordæ EO, debet potentia moveri spatiis EO, CO (Fig. 12. Tab. V.)

Q 2 æqua-

æqualibus, seu per manum C transibit utraque chorda: est igitur in potentia motus duplus motus ponderis.

Ope igitur trochleæ mobilis potentia, quæ sustentat, aut elevat 4, sustentabit, aut elevabit 8.

418. Regula 2. Si chorda uno suo extremo trochleæ mobili alligetur, deinde per immobilem B, & per mobilem eandem I circumducatur, potentiaque C alio chordæ extremo pondus O elevet, triplicabitur potentia C, aut pondus erit triplo minus: motus enim ponderis erit unius ductus I E, motus potentiz erunt tres ductus I E, F G. H C, & inter se, & motui ponderis singillatim æquales.

Erit igitur æquilibrium, si potentia sit ad pondus, ut unum ad 3, hoc est, ut motus ponderis ad motum potentiz.

419. Regula 3. Generaliter tamen in aliis casibus potentia duplicatur pro numero ductuum chordæ circa trochleas mobiles. Ita potentia C in fig. 14, in qua sunt duæ trochleæ mobiles H G, (Fig. 14. Tab. V.) & circa eas quatuor ductus chordæ, quatuor potentis sibi æqualibus æquivalent: & si se sola quatuor pondera sustentat, aut elevat, beneficio duarum trochlearum elevabit, aut sustentabit sexdecim. In fig. 16, cum sint tres mobiles trochleæ, & 6 chordæ ductus, fiet potentia sextuplo major. Hæc tamen regula probatur solum, cum trochleæ mobiles aliz alias immediate non trahunt, sed omnes una simul ope ejusdem chordæ moventur, & pondus una secum elevant, aut sustentant. (Fig. 16. Tab. V.)

420. Regula 4. Si tamen trochleæ mobiles ita disponuntur, ut una aliam immediate trahat, chordis singulis uno suo extremo ad singulos uncinos alligatis: potentia crescit non in ratione ductuum chordæ, sed per singulas trochleas seriatim semper duplicatur. Trochleas hoc modo dispositas videt apud *De Chales* & alios passim. Notandum etiam est trochleas mobiles, quando nimirum plures in eadem machina simul adhibentur, compendii, & commoditatis gratia, ita disponi, ut omnes habeant eundem

dem communem axem, circa quem convolvantur: hac enim ratione distantia illa AG (Fig. 14.) inter trochleas intercedens, e medio tollitur, & elevanda pondera eo immediate adducuntur, quo adduci oportet.

§ § §

Cochlea.

421. *Cochlea* est cylindrus AE solidus continuata spira ab uno ad aliud extremum excavatus, qui quidem per alium cylindrum cavum in GF excavatum intrinmittitur, ita ut spiræ unius, spiras alterius recipiant, alixque aliis congruant, per easque moveri possint. (Fig. 15. Tab. V.)

Cochleæ ex inferiori parte affigitur ligneus cylindrus solidus B, per cujus axem transeunt radii lignei LB: potentia eorum radiorum extremitatibus applicata per circumferentiam circularem AC. K movetur, cochleam una cum cylindro circumferendo, corpus GF (cujus ascensus ex una saltem parte GF debet esse liber) per spiras elevat. Cum illud corpus per spiras sursum urgeatur & ascendat, movetur & ascendit oblique; singulæque spiræ ad planum inclinarum reducuntur, ut ex se patet.

Cum igitur elevatio & ascensio corporum per plana inclinata a perpendicularibus desumatur, & dimetiatur (Lect. 8.) eoque minus sit pondus corporis relativum, quo minus elevatur planum (n.) potentia per hanc machinam augetur in ratione circumferentiarum AC, KL ad altitudinem perpendiculararem singularum spirarum. Sit v. g. lineola NO altitudo singularum spirarum, per quam scilicet, in singulis revolutionibus elevatur corpus: si circumferentia CL sit ad NO ut 100. ad 1, erit potentia centies efficacior per machinam, quam sine machina.

Si ergo potentia posset elevare, aut sustentare 50. pondera, adhibita potentia elevabit, aut sustentabit 5000. Erit æquilibrium, si potentia sit ad pon-

Q 3 dus

dus elevandum, ut NO ad circumferentiam CL, si prima ratio fuerit major, quam secunda, prævalebit potentia.

Quo igitur densiores fuerint spiræ, magis diminuetur ponderis momentum: minus vero, quo rariores: minor enim erit in primo, major in secundo casu motus ponderis in singulis revolutionibus.

Iisdem etiam manentibus spiris, si circulus CL auceatur, augebitur etiam momentum potentie. Si vero & altitudo spirarum decrescat, & circumferentia CL augeatur, duplici titulo augebitur potentia; ut ex se patet.

Hæc machina præter alia id habet singularis comodi, quod potentia quiescente, aut remota, licet pondus non sit penitus elevatum, sustentatur, & per machinam non descendit. Quod frictioni (quæ in hac machina est maxima) præcipue tribuendum est.

Fig. 19. Machinam exhibet ex cochlea, & axe in peritrochio compositam, quæ *Cochlea infinita*, eo nomine appellatur, propterea quod illius actio semper continuetur. Per huiusmodi machinam insigniter augetur potentia. Cylindro CB (Fig. 19. Tab. V.) affigitur manubrium NB, circumvolvitur spiralis elliptica, quæ spiram continuatam OOO componit. Huiusmodi spiræ omnes rotæ SR dentes successivè, & semper una post aliamprehendunt; ac proinde rotam una cum axe AR semper movent: chorda cylindro AR alligata, & moto cylindro, circaillum convoluta pondus T sursum elevat.

Sit BN octuplo major, quam radius cylindri AR rotæ vero SR sint dentes 50. exempli gratia: 8. ductus in 50. dat augmentum potentie: cum enim integra revolutione manubrii unus dens præmoveatur, revolvetur quinquages potentia N, dum rota, hoc est cylindrus AR semel gyrat, absolvit igitur potentia 50. revolutiones octuplo majores revolutione, & motu ponderis, dum pondus unican efficit: erit igitur motus potentie 8, 50, hoc est 400: homo igitur ope huius machinæ æqualeat 400. hominibus virium æqualium.

§ § §

§ § § §

Cuneus.

423. *Cuneus* est prisma triangulare MOO, cujus duo latera OO in eandem rectam, quæ est cunei acies, terminantur. (Fig. 18. Tab. III.)

Motus potentiz exhibetur, & dimetitur per rectam CO ductam ab apice C perpendiculariter ad planum basi AB, recta vero KI perpendicularis ad rectam CO motum ponderis determinat, & exhibet. Prima autem recta CO est altitudo cunei, secunda KI ejus latitudo.

Manifestum id erit, si animadvertamus Cuneo separari corpora GD, IH dum inter illa Cuneus introducitur: ingressus igitur Cunei est motus potentiz, separatio corporum est motus ponderum. Hujusmodi autem separatio est recta KI, Cunei inter illa corpora immissi.

Hinc quo major fuerit ratio altitudinis ad latitudinem Cunei, eo facilius findentur, & separabuntur ligna, lapides &c. Cæteris tamen paribus maxima pars instrumentorum fabrilium &c. cultelli, Forbices; Secures, Falces, & id genus alia, ad cuneum reducuntur. Et hæc pro machinis simplicibus dicta sufficiant.

424. Machinæ compositæ in infinitum multiplicari possunt pro subtili humani ingenii indole, & multiplici usu, ad quem inservire possunt. In tyronum gratiam horologium automaton exponam.

Inter machinas compositas primum locum habet horologium automaton, notissima scilicet illa machina ad temporis mensuram ubique adhibita.

Illius formam, & constructionem ex Hugenhio paucis accipe.

Dux laminæ aurichalceæ AA; BB (Fig. 18. Tab. III.) statuantur, quarum longitudo semipedem, latitudo tres pollices habeat: inter ipsas, sibi parallellas, & ad horizontem perpendiculares, omnes fere horologii rotæ aptantur, axesque per ipsasmet

laminas inferuntur, ita dispositis foraminibus, ut axiculorum revolutiones non impédiant.

Omnes rotæ ex aurichalco construuntur, axes, & orbiculi ex chalibe.

Prima rota CC stellata est, atque 80. habet dentes; ejusdem axi EE versus laminam AA affigitur tympanum DD, circum quod circumvolvitur chorda, seu funis, quam deorsum trahit appensum pondus F, unaque tympanum, rotam CC, & omnes alias circumvolvitur.

Rota CC orbiculum G 8 dentium, una cum rota H 48 dentium in eodem axe girantium impellit, & circumvolvitur.

Eadem ratione rota H circumducit orbiculum I & rotam L, (Fig. 4.) quorum primus constat 8, secunda autem 48. dentibus: attamen rota non stellata, sed in coronæ modum construitur, dentibus ad rotæ planum perpendicularibus.

Rota L orbiculum, seu tympanum M 24. dentium, & rotam N, 15. dentes habentem circumagitur in eodem axe MN.

Postrema hæc rota ferrata N dentibus suis impellitur, & huc illuc oscillare facit axem OO beneficio duarum pinnularum OO; hujusce axis extremo virga oblonga PQ affigitur, quæ una cum appenso pondere Qeundo, & redeundo oscillationes conficit, & verum horologii pendulum existit. Hujus penduli, & oscillationum ideam jam supra exposuimus, ubi istarum proprietates, illiusque constructionem indicavimus.

Tertia alia sit lamina RR, prioribus parallela, & major, atque a lamina AA tertiam, aut quartam digiti partem distans: in eaque ex puncto S, per quod prioris rotæ CC axis transiit, tamquam centro duo circuli describantur concentrici, quorum interior in duodecim, exterior in 60. partes æquales dividatur, ut indicibus per eos æqualiter circumlatis, in priori quidem circulo horæ, in posteriori minuta prima notentur.

Intra laminas AARR tres etiam rotæ girant: prima TI, 30 dentium, tubulo cohareat, qui
axem

axem EE complectatur, & usque ad S producat, ut
Prima hæc, aliam totidem etiam dentium TX.
una cum orbiculo Z, 6. dentibus constantem supra
rotæ axem circumagat.

Postremus hicce orbiculus Z majorem aliam ro-
tam VV circumducit, quæ 72. habet dentes. Ro-
ta VV tubuli amplioris ope, cui adhæret, axem
EE, & tubulum rotæ TT comprehendit, ejus-
modique axis, seu tubulus usque ad S continuatus
indicem horarum in S circumducit.

Tubulus rotæ TT ita axem EES complectatur,
ut cum illo circumagatur, versus tamen utramque
partem converti possit, quin prædictum axem, ac
interiores rotas CCH secum moveat: hujusce
etiam tubuli extremo S index aptetur, qui in ex-
teriori circulo concentrico minuta prima horaria
indicabit: tubulus igitur capaxior rotæ VV indicem
horarum, tubulus rotæ TT indicem minorum cir-
cumducit.

Tandem in extremitate axis rotæ L, usque ad
laminam RR producti aptetur index, qui in orbi-
culo in 60. partes æquales divisio; atque in majori
lamina RR incisio circumvolutus, minuta secunda
indicabit.

Circulus seu orbiculus Y in majori lamina inci-
ditur, ut supra illum, & minorum secundorum
indicem, duo alii indices pertransire, & libere con-
verti possint.

Hinc jam manifestum est totum horologii artifi-
cium, & quo pacto horæ minuta prima, & secun-
da indicentur, quoniam rotæ EH, MN sese seria-
tim circumagunt, atque impellunt, pondus T,
tympānum DD, ac proinde etiam rotam CC cir-
cumvolvens, omnes alias cumducit, & pendu-
lum PQ ope dentium rotæ N, & pinnularum OO,
ad oscillandum agit.

Omnibus jam rotis, axibus, orbiculis, & pendu-
lo ad motum concitatis, en motuum, & revolutio-
num proportionem, atque mensuram: dum rota
CC, seu index minorum primorum in S semel
circumvolvitur, orbiculus G 8 habens dentes decies
cir-

circumducitur, una cum rota *H* 148. dentium: dum igitur decies volvitur *H*, 60. giros absolvit *L*; *M* vero 24. dentium, bis volvitur ab *L* semel girante: dum igitur *L* 60, *M*, ac per consequens etiam *N* giros 320. absolvit: dum *N* semel circumagitur, pendulum *PQ* trigecies arcum oscillationis describit; ratione enim duarum pinnularum *OO*; dum unicus promovetur dens; duplex oscillatio absolvitur: a primo igitur ad ultimum, dum *CC* semel volvitur; giros absolvunt *H* 10., *L* 60, *MN* 120, pendulum *PQ* oscillationes 120x30, hos est, 3600: si igitur singulæ oscillationes penduli tot minuta secunda efficiant revolutio rotæ *CC* in 60. minutis primis absolvetur, in iis enim 3600. minuta secunda continentur.

Rursus quoniam *CC* in eodem axe cum *TT* gyrat, postremamque hanc una secum trahit, eodemque tempore circumvolvitur: rota vero *T* Taliam *X*, æquali dentium numero constantem, ac per consequens etiam orbiculum *Z*, eodem tempore volvitur; orbiculus vero *Z* 6. dentium, ut rotam *VV* 72. dentium semel circumducatur, duodecies convolvatur opus sit; manifestum est, rotam *VV*, atque indicem illius axi in *S* affixum, semel circumvolvi, & duodecim partes circuli, seu duodecim horas describere, dum *CC*, seu *TT*, atque index illius axi in *S* affixus duodecies circumvolvitur: dum ergo *VV* seu illius index duodecimam partem circuli percurrit, atque horam designat; *CC*, seu *TT* & illius index circum suum describit, in 60. etiam partes divisum, & totidem minuta secunda ostendit; 60. enim minuta, seu partes, ac proinde circum integrum absolvit, dum *CC* unicum primum, seu sexagesimam partem circuli sui percurrit.

Ut oscillationes minutorum secundum æquent, debet longitudo penduli habere tres pedes, parisienfes cum 8. lineis & $\frac{1}{2}$. Ponderus *F* tentando invenitur: non enim una eademque est rotarum resistentia superanda.

HY-

PHYSICA GENERALIS. 251
HYDROSTATICA PHYSICA

SEU

DE FLUIDORUM CORPORUM

Statu, natura, pondere, æquilibrio, pressione.

LECTIO XII. PROLEGOMENA.

De Fluidi, & Humidi corporis natura; ubi etiam corporum firmitas, & levitas doctrinæ gratia physice explicantur.

425. Pulcherrimam Physicæ partem aggredimur, dicendarum rerum copia nobilem, & phænomenorum varietate jucundam, in qua natura ipsa arte pulchrior effecta artem ipsam juvat, & magnopere commendat: natura siquidem una & arte conspirantibus jucundos adeo, & mirabiles effectus fluidorum corporum ope (quæ hujusce partis physicæ argumentum efficiunt) in rerum natura quotidie offendimus, ut in eorum contemplatione dignam philosopho operam merito impendamus. Abditissimæ quædam etiam naturæ, & recondita physicæ arcana deteguntur & explicantur.

426. Circa corporum fluiditatem, & physicam illius explicationem varia, ut sere semper accidit, est philosophorum opinio. *Aristoteles*, & antiquiores potissimum ejus discipuli hunc, & alios corporum status per metaphysicas qualitates nulla mechanisimi facta mentione exponebant. Recentiores philosophi, dissidentes & ipsi inter se, rejecto qualitatum vocabulo, corporum fluiditatem mechanice explicant: alii tamen, ut *Cartesius* (a), rigido Cartesiani omnes; & plures etiam alii, ut *Boerhaave* (b),

Mai-

(a) *Princip. p. 2, n. 36.*

(b) *In Chemicæ.*

252 *PHYSICA GENERALIS.*

Mairan (a); *Scherffer* (b), *Regnault* &c. in perenni tenuissimarum corporis particularum motu constituunt: *Muschembroek* ex opposito (c) cum aliis, rejecto intestino partium motu, corporum fluiditatem in insensibilium corpusculorum divisione, & apta ad motum figura, & lubricitate statuunt. Sic

DEFINITIO I.

427. *Hydrostatica* generatim sumpta, est liquidorum scientia. *Hydrostatica physica* est quæ physicam fluidorum corporum naturam, affectiones, causas & effectus expendit, & secundum physicas leges explicat. Illius igitur objectum est corpus fluidum, liquidum, & humidum, quæ tria licet aliqui inter se confundant, & pro eodem usurpent, distinguui tamen debent.

DEFINITIO II.

428. *Fluidum* nominali definitione vocamus corpus, cujus insensibiles, sensibilesque partes pressioni cuiuscumque cedunt, & facillime inter se moventur: paulo aliter a *Mairan* definitur (d), corpus, cujus partes unitæ non sint; tactui, & pressioni facillime cedens, partium divisioni parum resistens. In idem recidit reali definitione *Muschembroek* (e) fluidum dicens congeriem corpusculorum minimorum, quæ singula seorsim sumpta tam parva sunt, ut sensibus nostris nequeant comprehendì, & pressioni cuiuscumque aliquam versus partem directæ, insensibiliter parvæ, aut non majori, quam est pondus guttæ maximæ a quolibet fluido formandæ cedunt, & cedendo facillime inter se moventur absque totius massæ motu.

429. *Liquidum* dicimus corpus; quod fluidum est, cujus

(a) *Dissert. de glacie.*

(b) *T. 1. Physicæ exere de Fluidis.*

(c) *Elem. cap. 20.* (d) *Dissert. de glacie c. 1.*

(e) *Elem. Physic. c. 20.*

PHYSICA GENERALIS. 311

cujus præterea partes vel pondero, vel intellino motu suo, dum intra aerem sensibili quantitate capiuntur, horizontaliter, seu ad libellam disponuntur, quod fluido generatim corpori non accidit. Nam fumus, flamma, nubes, minutissimæ farinæ cumulus, fluida quidem sunt, non liquida: iis enim fluidi, non liquidi competit definitio: aqua vero, Mercurius &c. & fluida, & liquida sunt. Sed fluida sæpe usurpamus pro liquidis.

Humidum dicimus illud fluidum, liquidumque corpus, quod præterea aliis facile adhæret, humorisque sensationem excitat: qualia sunt aqua, vinum, oleum &c. cum ex adverso metalla fluentia, Mercurius, & plura alia fluida & liquida quidem sint; sed humida haberi nequeant.

COROLLARIUM.

430. Ex dictis patet, quod sit inter *fluidum*, *liquidum*, & *humidum* corpus discrimen: fluidum præterea commune esse ad liquidum, & humidum: humidum denique contrafteriorem quidem liquidi gradum; seu, quidquid est humidum, liquidum etiam est: & omne liquidum est fluidum: at e contra aliqua fluida liquiditatis sunt expertia, ut fumus, flamma, nubes: non omnia etiam liquida humiditatem habent, ut sunt mercurius, metalla &c.

Ut aliquod fluidum corpus humidum censeatur, opus non est, ut quibuscumque corporibus applicetur, iis adhærescat, & ea humectet: hoc enim pacto nullus fortasse liquor humiditatem haberet; cum nullus fortasse sit, qui singulis adhæreat corporibus, aqua v. g. viscosa, & oleosa corpora fugit, ligna item mercurius; sufficit igitur, ut humoris sensationem efficere possint.

Aerem inter humida corpora aliqui veteres potissimum, recensabant: sed cum nullam ab ipso humiditatis sensationem accipiamus, etsi ille aliquibus corporibus fortassis adhæreat, nostro judicio ab humidorum numero ablegandus est; nisi illius humiditatem ab externis, quibus imprægnatur, vaporibus

ribus repetamus, quod ad rem non est. Id inpre-
sentiarum Philosophi contemplatione dignum, quid
rei sit fluiditas, liquiditas, & humiditas, quæ illa-
rum causa, & principium.

HYPOTHESIS.

437. Composita physica, ut alibi jam attigimus,
ex diversis particularum ordinibus, magnitudine, &
figura variis consurgunt. Elementares enim mate-
rie particule communia corporum semina, nulla
humana, aut naturalium causarum virtute divisibi-
lia, licet ab Auctore naturæ secari ulterius possint,
corporum omnium constitutionem ingrediuntur. Ex
autem & ex aliis consurgunt, & alias vario secum
ipsis ordine, numero, & magnitudine dispositæ con-
stant; hæc insuper varie inter se permixtæ tertium
insensibilium ordinem elementorum efficiunt, ter-
tius quantum &c. ex quibus tandem sensibilia cor-
pora componuntur. Plurimi autem hujusmodi par-
ticularum ordines, primis elementarium exceptis,
corporum ipsorum viribus, & mutuis actionibus di-
vidi, & secari, & in minutiores dissolvi possunt:
at ob insensibilem magnitudinem facile a se invi-
cem separari, & in minutiore adhuc pulverem
partiri nequeunt, aucta nimirum resistentia pro ma-
gnitudinis decremento, ut in loco explicavimus.
Eas, ex quibus ultimo consurgit corpus, *partes in-*
tegrantes dicimus.

COROLLARIUM.

432. Corpora fluida & liquida ex partibus appri-
me duris consurgunt: seu fluidorum corporum com-
ponentes particule, & insensibilia elementa sunt,
corpora dura. Nam licet partes integrantes separari
a se invicem facile possint, & externæ pressioni
cuiusque cedere, & per id ipsum fluidum cor-
pus efficere: ipsæ tamen partes integrantes sunt
appriime dura corpuscula, cum ulteriori in minu-
tiores particulas divisioni maxime resistant, neque
ele-

PHYSICA GENERALIS. 295

elementum aliquod integrantis particulæ exteriori pressioni cedat, nisi integra particula, seu corpusculum cedat; quod corporis duri & firmi characterem efficit.

Si enim fluidorum corporum integrantes particulæ facile solverentur, in primigenia & subtilissima materię elementa abirent: omniaque fluida pari elementorum subtilitate constarent: sunt tamen alia aliis subtiliora, ut spiritus vini relate ad aquam v. g. plurimorum etiam particulæ componentes mycroscopio discernuntur, ut in animalium sanguine videre est, & observarunt *Levvenhookius*, & *Mairan* (a).

PROPOSITIO LVIII.

433. *Physica corporum fluidorum natura in eo fiat, quod illorum integrantes, & insensibiles particulæ figuram habentes ad motum aptam, & exiguu sese contactu attingentes, sint a se invicere divisa, vel asualem versus omnes partes habeant motum.*

Probatur. Iis enim positis habetur quidquid requiritur ad ideam, naturam, & proprietates fluidorum corporum, quas in definitione attigimus, & inferius fufe explicabimus; iis vero sublati, intelligi nequit fluidi corporis natura & proprietates: Primo enim fluidum quaque versus diffuit, cuilibet figuræ sese accomodat; quantulæ cumque pressioni etiam illius partes cedunt; fieri non potest hoc, quin partes fluidi tenuissimæ in minimis punctis sese contingant, & sint a se mutuo divisa, aut versus omnes partes motu perturbato moveantur. Si enim sese in magnis superficiebus contingerent, aut essent inter se unitæ, & catenatæ; neque a se invicem facillime dislaberentur, neque minimæ pressioni cederent, ut introrsum protruderentur; cum aliæ alias catenatione secum traherent, aut secundum magnam superficiem adhærentes impellerent.

434.

(a) *Dissert. de Glacis.*

434. 2^o. In eo posita est corporum firmitas, quod insensibiles eorum partes mutuo ad se invicem quiescentes majoribus superficieculis se tangant, & mutuis se ipsas plexibus, & catenatione prehendant; ut eo pacto neque a se diffuere, neque extrinsecus pressioni facile cedere possint: opposita igitur firmitati fluiditas in opposita etiam particularum dispositione consistere debet.

3^o. Fluidum corpus, aqua v. g. tum demum in glaciem, amissa fluiditate, concrevit, cum insensibiles aquæ partes, omni amisso motu, & sibi mutuo subsidentes mutuis plexibus committuntur, ut neque una immotis aliis moveri, neque introrsum cedere, aut ab aliis dilabi possit: eatenus igitur fluidum est aquæ corpus, idem de cæteris intelligendum, dum illius particulæ, ab omni vinculo solutæ, ab aliis dilabendi habent libertatem.

Equidem sicut in sola particularum juxta se invicem quiete, corporum firmitatem non statuimus: (a) *Cartesiumque*, cui ea arripit opinio, rejecimus: ita ex adverso ad præcisam fluidorum corporum rationem, seu fluiditatem intelligendam, jugem & perturbatum particularum motum non requirimus: cum posita solummodo particularum divisione, figura, & situ ad motum apto, fluidi corporis ideam habeamus: si tamen particularum divisioni motus accedat, corpus potiori jure fluidum erit: cum motus divisionem potius firmet aut efficiat, quam illam destruat. In genere igitur ad corporum fluiditatem, illius particularum motus non requiritur: an autem fluidorum actu extantium insensibiles particulæ præter mutuam divisionem jugiter moveantur, inferius exponetur.

434. Multiplicibus, variisque figuris prædita esse integritia hæc fluidorum corporum semina & elementa facile credimus: cum tamen sphærica, sphæroidica, cylindricaque figuræ maxime sint ad motum aptæ, inde est, quod fluidorum corpuscula sphæ-

(a) *Tom. primo Phys. Lcct. 19.*

sphærica, sphæroidica, cylindrica probabiliter censentur: vel sane ea erunt lubricitate, & superficiali levigatione præditæ, ut aliæ super alias facillime dilabentes sibi invicem minime implicentur, sed motus suos libere exequi possint.

Deinde majusculæ fluidorum partes, quas microscopiis discernimus, sphæroidicam habent figuram, ut in sanguine, lacte, sero, oleis, mercurio deprehendunt, qui experimentis vacant: aer etiam in globulos sese componit: idemque in aliis observatur fluidis: si igitur ab iis ad minutiores eorum particulas, & ad cætera etiam, quarum partes perspicui minime possunt, arguere licet; eam in omnibus, aut fere omnibus obtinere concludemus. Per hoc tamen non inficiamur, aliis etiam figuris præditas esse posse fluidorum corporum partes, dummodo ea lubricitate consent, ex qua earum motus non impediatur, sed facilis evadat.

435. Varia etiam corpusculorum magnitudine fluida ipsa constant, quod & experientia & rationi consonat: aliqua enim facillime per durorum corporum poros penetrant, & sese insinuant, a quibus alia perpetuo excluduntur: aqua v. g. per omnium lignorum poros ingreditur, plurimasque animalium partes pervadit: mercurius in aurum sese insinuat, aquæ, & cæteris liquoribus impervium. Deinde ad corporum fluiditatem opus non est, ut componentibus, aut integrantes particule ad elementares sint redactæ, imo satis est, ut insensibili magnitudine, quæ multiplicem graduum ordinem complectitur, donentur, ut scilicet sensus nostros fugiant.

Omnia tamen fluida, dum eo fluiditatis in statu permanent, exiguis & subtilissimis constare particulis, ex eo constat, quod in minutissimos corporum durorum poros liberrime ingrediantur.

436. Neque omittendum, eodem in fluido, puta in aqua, vino &c. multiplicem esse particularum ordinem, magnitudine, figura, motu, & dispositione varium; plurimas etiam iis solidorum corporum partes inhære, & propriis fluidi corpusculis immisceri. Unde impura fortasse sunt omnia, quæ

agnoscimus fluida, & valde heterogenea, cum nullam in particularum integritantum figuris, magnitudine, specie uniformitatem habeant. Ex quo tandem consequntur, innumeras pene esse fluidorum corporum species, infinitam pene diversitatem, & infinitos pene ex iis oriri posse effectus qui ex varia corpusculorum figura, magnitudine, &c. pendent.

PROPOSITIO LIX.

437. *Licet ad physicam fluidorum naturam constituendam satis sit insensibiles corporis particulas figura ad motum habili præditas a se invicem esse divisas, nullo licet motu sint affectæ; plurima tamen sunt (si non omnia) in quibus præter supra dicta, insensibilia ipsa elementa intestinum habent motum versus omnes partes, majorem, aut minorem, pro vario fluiditatis gradu.*

Probatur. 1^o. Corpora solida, quæ caloris, aut cujuslibet menstrui ope liquefiunt, & solvuntur, neque fluiditatem acquirunt, neque acqulitam servant, nisi intestino insensibilibus eorum particulis impresso motu, & conservato: eatenus siquidem (ut inferius explicabitur) funduntur metalla v. g., quatenus subtilissimæ ignis particule intestino motu, & vehementi imperu concitatæ metallorum porosulos ingressæ, parietes diversis modis concutiunt, & abradunt, concutiendo partibus motum communicant, earum catenationem solvunt, alias ab aliis liberant, alias in alias impellunt, circa se ipsas convolvunt, & angulosos etiam plurium ramos, aut cuspides truncant, ut nullus hodie physicus inficiatur. Quamdiu autem hujusmodi in particulis intestinus motus, & effervescencia perseverat, fusionem, seu fluiditatem retinent metalla; ea autem cessante, minutissima ipsa corpuscula subsidunt, majusculis sese superficiebus contingunt, ramulis, & variis partium cuspidibus implicantur, committuntur, durefcunt: id igitur corporum genus, quod fusione liquefcit, dum in fluiditatis flatu existit, intestinum habet suarum particularum motum.

438. 2^o. Plurima etiam sunt fluida, quorum integrantes particulæ omnium confessione, immo & sensuum ac rationis testimonio, perturbato, perpetuoque aguntur motu, hujus generis sunt flamma, lux, materia subtilis, si quæ existit: hominis, & cæterorum animantium sanguis, qui tamdiu liquescit, seu potius fluiditatem servat, quamdiu, non per venas tantum, & per arterias integra ipsa sanguinea massa circularur, sed ipsæ etiam sanguineæ particulæ hinc inde moventur. Acquæ etiam calidæ particulas perpetuo agitari, liquidum est.

3^o. Omnia, aut fere omnia liquida, velut menstrua quædam, certa durorum corporum genera solvunt, ut aqua v. g. salem, aut saccharum; quod quidem vasis fundo immissum per affusam aquam solvitur, & in aqueam massam permiscetur: hoc autem fieri, & explicari non posse intestino aquearum partium motu sublato, bene autem eo stante facillime intelligitur: qua enim ratione Sacchari, aut salis particulæ aqueis graviores, fundum vasis deferunt, ad superiora ascendunt, si nullæ aqueæ particulæ eas, veluti bajulæ, secum trahant? Quæ etiam lege, & virtute in latera sese diffundit, & integræ liquidi massæ intime commiscetur Saccharum? Non me later, in hujusce phænomeni explicationem, partium attractionem Neutonianos advocare (a): sed præterquamquod plurimas in corporum solutione difficultates attractio non solvit, probandum imprimis est, eam in rebus existere (b) non ut Geometricam hypothesein, sed ut physicam causam.

439. Admisso autem in aqueis particulis intestino motu, hujusmodi corpuscula per salem, aut saccharum pertranseunt, ea abradunt, pereorum poros sese insinuant: radendo, & pervadendo particulas salinas avellunt, iis implicantur, easque proinde quæque versum trahunt, quoad tota salis massa prædicto motu per totam aquæ massam dispergatur.

Hoc

(a) Vid. Muschenbroeck elem. c. 20.

(b) Vid. Superius lect. 4.

Hoc autem ex eo ulterius confirmatur, quod cefcente aqua, facilius, & major fit falium, & afufi facchari folutio: quatenus fcilicet aquæ particulæ majori motu agitatæ, & minutiores fortaffis attritu redditz, copiofius intra idem tempus, & majori etiam velocitate, & viribus faccharo applicantur, illudque abradunt, & celerius folvunt.

Tandem ea liquorum proprietas, qua fcilicet fluendi libertatem nafta fponfe effluant, fele diffundant, & horizontaliter difponantur: aliz infuper iforum proprietates, explicatum particularum motum vel fupponunt; vel eo faltem fupposito melius explicantur. Si in eo igitur particularum motu, liquidorum a fluidis difcrimen ftatuamus, non multum a veritate deflicere videbimur.

COROLLARIUM I.

440. Efti ad corpus fluidum conftituendum intentus particularum motus non requiratur, ut fupra in propofitione diximus, eo tamen ad partium difvifionem accedente, maiorem fluiditatem habet corpus, quam fi omni motu illius corpuscula privarentur facilius enim difflueret, & minimæ preffioni partes cederent. Ex hoc capite eo fluidior erit aqua, & liquores cæteri, quo intenfius calefiant: nam pro majori caloris intenfone (ut probabitur in loco) major in aqueis particulis motus imprimitur.

COROLLARIUM II.

441. Eo etiam erit fluidius corpus, quo minutiores fuerint illius particulæ (fi cætera fint paria:) corpora enim fluida maioribus partibus donata propius ad duriciem accedunt: quod ex eo etiam dignofcitur, quod liquida, quæ accedente frigore gelaſcunt, fluiditatem per gradus amittunt, & duriciem acquirunt; dum fcilicet illorum particulæ, motu fenſim aramiſto, & aliz aliis ſubſidendo adherent, & mafculas componunt mafſas, quæ fenſim

Sim fluiditate semper decreſcente, creſcunt, quoad in unam maſſam conſtare, & implicatæ durum corpus efficiunt. Inter liquida corpora fluidiſſima ſunt *lux, æther, & ignis*, quos ſequitur *aer*: aerem *ſpiritus vini*, hunc *Alcohol*; eum *ſpiritus vini vulgaris*: huiusmodi ſpiritum *aqua &c.*

COROLLARIUM III.

442. Fluidum perfecte fluidum, ſi quod exiſtat, particulis magnitudine minimis, maxime mobilibus, pernicioſiſſimo, & perturbatiſſimo motu concitatis conſtare neceſſe eſt: iis enim nominibus corporis fluiditas augeſcit. Illius etiam particulæ ſi aliq̃æ ſint, diviſibili magnitudine prædictæ, ſphæricam, aut ſphæricæ prope accedentem habebunt figuram; cum ex ea particularum mobilitas pendeat, & conſequatur: e contra autem figura partium irregularis, & varia, craſſior illarum maſſa, duræ & ramoſæ culpidēs motum maxime impediunt, immo & diviſioni obſtant, & fluiditatem proinde minuunt.

PROPOSITIO LX.

443. Corporum humiditas in eo conſiſtit, quod tenuiſſimarum particularum figura, & magnitudines eorum corporum, quorum reſpectu humida ſunt, poris & corpusculis conformentur: ita ut per ea inſinuentur; eorum particulis intermiſceantur, implicentur, & modica tenacitate adhaerant; atque certam præterea lubricitatem habeant.

Probatur. Eo enim poſito, recte intelliguntur, & explicantur humiditatis phænomena. 1°. Corpus humidum reſpectu unius corporis, nullam aliquando reſate ad alia corpora humiditatem habet, eorum poros non ingreditur, partibus non implicatur, neque adhaeret: immo ab eorum contactu velut refugit, ut viſitur in mercurio, ſi argento applicetur, & in mille aliis. 3°. Eo pacto humidorum corporum tenacitas, ſeu viſcoſitas intelligitur;

R 3 quæ

quæ varios intensitatis gradus in corporibus obtinet, pro vario partium plexu, figura &c. 4°. Particulæ eo modo humanis corporibus e. g. tenaciter adhærentes humiditatis in eo sensum, & perceptionem efficiunt.

Opposita argumenta solvuntur.

444. Opponitur 1°. Si corporum fluidorum particulæ in perenni, intestino, & perturbato consistunt motu, omnia fluida erunt calida: eademque erit humiditatis atque caloris natura; calor enim ab intestino particularum motu non distinguitur. At falsum est, fluiditatem in calore consistere, aut omnia fluida corpora esse calida: aquam enim frigidissimam fluiditate præditam deprehendimus.

Resp. Non ego fluiditatem in perturbato & intestino motu particularum necessario consistere dico; sed hæc duo in plurimis fluidis semper conjungi: in iis vero eadem plane est particularum motus species, quæ calorem, & quæ fluiditatem constituit (supponimus modo in eo motu calorem consistere,) eo tamen discrimine, quod vehementem solummodo, & sensibilem, & intensum corpusculorum motum, qui sensuum organa sensibilibus afficiat, & immutat, majorem in organorum partibus motum, & calorem efficiens, quam sit ipse innatus, & proprius animalis calor, & motus, calorem nuncupamus: intestinum vero particularum motum non adeo sensibilem, sed tenuem, levem, & minus sensibilem, quam nostri sanguinis, & humorum calor, aut motus, non calorem, sed fluiditatem appellamus.

Uno verbo: calor, & fluiditas sunt quid relativum: corpus homini rigescenti calidum, alii calore æfluanti, frigidum reputatur, quia majorem habet calorem, quam primus; minorem, quam secundus; aqua fluida hyberno tempore relate ad hominem Hispanum, vel Zonz torridæ incolam frigidissima, relate ad Lappones est temperata, vel etiam calida: respectu nostri fluiditatem habet, non calorem:

lorem : respective ad Lappones & fluiditatem , & calorem . Inde omnis motus intestinus insensibilium alicujus corporis particularum ad caloris genus spectat , calor tamen non est , nisi relate ad corpus , seu animans , quod minorem in corpore suo particularum habeat motum , aut calorem . Vere igitur dici potest , omnia , quæ de facto agnoscimus , fluida calorem habere .

445. At nulla , perges , assignari potest hujusce in omnibus fluidis universalis caloris , seu intestini motus causa : qui minutissimas fluidorum particulas ad motum ubique , & semper impellit , quiescere numquam , aut raro permittit . Resp. Facile concedam a me causam mechanicam primariam intestini illius motus , sicut & plurima alia ignorari : Si *Cartesium* audiamus , insensibilia fluidorum corpuscula ad motum semper concitantur ab intercurrente materia subtili , quæ pernicissimo semper , & ubique cietur motu . Probabilius ille motus originem habet ab universalimateria ignea , quæ ubique est diffusa , irrequieto semper motu agitur , corpora semper concutit , & gelscere non permittit ; ejus enim materię , & universalis ignis beneficium suam temperiem servat tellus , & terrestria corpora ; perpetua generationum vicissitudo obtinet &c. alias in horridum gelu indurescerent omnia .

446. 2^o. Opponitur . Prædictus universalis ignis ubique diffusus , & summa etiam hyeme existens , integrantes fluidorum partes movere non potest : nam in summa hyeme in regionibus potissimum ad polos proximioribus , ubi frigore omnia fere rigeant , & congelantur , valde debile fere opus est ejusmodi ignem corporibus diffusum , illiusque actionem ; ac proinde liquorum partibus movendis imparem . Resp. Cum fluidorum partes sint tenuissimæ , & maxime ob figuram & lubricitatem mobiles , cuicumque etiam impulsui cedunt : extra dubium autem est , summa hyeme prædictis in regionibus plurimum igneæ materię superesse ; cum homines illic , & animantia plurima degant ; sub ipsis etiam in frigidissimis aquis pisces vivunt ; eaque pro-

inde calorem conservandæ vitæ necessarium habere necesse est: iis igitur etiam tempestatibus, atque locis conveniens est sub aquis, & in aere calor, & ignis materia; quantumvis nos mitioribus regionibus assueti nullum illic calorem deprehendi posse arbitremur, & intolerabile frigus iis in regionibus experiamur.

Sed in id hoc iterum argumentum recidit, calorem scilicet, & frigus esse quid relativum, ut supra diximus, & in loco susius explicabimus. Id etiam adnotandum, liquores eo ordine, quo calorem, ac proinde motum amittunt, sensim gelaſcere: iterum vero sensim diffinere, prout intensior caloris gradus accedat. Si etiam liquores, cæteris paribus, quorum partes vel crassiores, vel alio de capite ad motum sunt ineptiores, prius quam alii, & facilius gelaſcunt, quod scilicet eorum particulae difficilius ab eodem igne, a quo subtiliora fluida concitantur, adhuc moveri possunt.

447. Opponitur 3^o. Eadem est Lucis, & caloris seu ignis materia: atqui illa licet in gradu intensiore sumatur, seu adunetur, liquorum partes movere nequit: ergo neque universalis ignis, seu lucis materia ubique diffusa, & in gradu longe remissiori sparsa, fluidorum partes movebit. Probo: minorem: Radii lunares, pleno orbe fulgente Luna, in speculi caustici foco adunati, & in charta alba excepti intensam adeo claritatem efficiunt, ut eam oculi ferre vix possint: at in Thermometro mobilissimo ad speculi focum applicato ne minimum quidem calorem producant, ac proinde ii motum nullum efficiunt: ergo a fortiori materia ignea, seu lucis in gradu multo remissiori, quam ea est in speculi foco, fluidi particulas movere non potest: cum igitur alia non sit causa ejusmodi motum efficiens, nullus in fluidis particularum motus invenitur.

Et si totum concedamus argumentum, id unum inferretur, quod jam admisimus, nos scilicet causam effectus existentis ignorare; verum Resp. Admissa impræsentiarum hypotesi argumenti, & confesso experimento, iterum dico, calorem & frigus esse

esse quid relativum, nostraque sensuum organa diversissimum habere sensibilitatis gradum; & longe majus requiri, ut caloris sensum in corpore, quam ut lucis actionem in oculo percipiamus. Lucis lunaris, & solaris intensitas hanc proportionem præter propter servat, lux lunaris dispersa 1; eadem collecta in foco, 306; lux solaris dispersa, 300000; eadem congregata in foco 91800000 (a). Ipsi tamen radii lunares dispersi, aut congregati, qui ad lucis intensitatem (seu ut oculos vehementer pun- gant) vehementemque in anima lucis sensationem efficiendam sufficiunt, impares semper ad calorem sensibilem, & robustiora corporis organa concutien- da reperiuntur: liquido enim vero constat, nos in clarissima etiam Solis luce sæpe ob frigus rigescere: quod in id iterum recidit, calorem scilicet esse quid relativum: Unde & radii lunares in foco congre- gati, & dispersi Thermometri particulas movent, aut ad motum adjuvant; hujusmodi tamen motus, ad fluiditatem & lucis sensationem sufficientes ca- lori nobis sensibili efficiendo impares sunt: alia fortasse delicatioris organi animantia & lucem, & calorem prædicto in foco auctum experirentur.

448. Opponitur 4^o. Solutio Sachari, aut salis in aqua, & cæterorum corporum, in suis cujusque men- struis, non ab intestino particularum motu, sed a mutua partium attractione provenit: eo igitur de capite prædictum motum fluiditatem componere non conficitur. Resp. Mutuam corporum attractionem immaterialem superius non levibus argumentis re- jecimus. Deinde, quod sal v. g. æquabiliter per aquam distribuatur, non attractioni, sed motui tri- buendum est: cum enim plures sint aquæ, quam salis particule ab aliquibus tantum salinæ attrahun- tur, seu potius earum paucis adhærent: Eas igitur ob adjunctum salem graviore fundum petere neces- se est: aqua igitur falsa deorsum; quæ sursum ex- tat,

(a) Calculum subduxit De la Hire. vide *Tesoro*.
Tomo 2. *delas Cartas*.

tat, a Sale penitus libera esset, quod experientiz consonum non est.

449. Opponitur 5^o. Si fluidorum particule sunt in continuo motu, nihil est, cur non dispergantur, & dissipentur, præcipue si vas fluido plenum, & superius apertum in machinæ pneumaticæ recipiente evacuato sit locatum: partes enim ab intercurrente igne succussæ, & agitatæ protruderentur. Resp. Negando totum argumentum: Ne deorsum, vel ad latera partes dissipentur, vasis fundo, & lateribus; ne sursum dispergantur, earundem gravitati tribuendum est.

450. Opponitur 6^o. Cujusvis fluidi guttæ a se invicem separatæ in sphericam figuram componuntur: at si earum insensibiles particule motu intestino cierentur, figuram sphericam non affectaret; immo perpetuus & perturbatus hic motus, ejusmodi figuræ semper opponeretur. Resp. In adversariorum etiam opinione calidissima, & suse metallorum partes perpetuo, & intestino motu crientur. eorum tamen guttæ in sphaerulas conformantur. Quam igitur illi hujus phenomeni causam materiam assignaverint, eandem & nos tam pro guttis calidis, quam pro frigidis, hoc est, minus calidis amplectemur. Si attractionem mihi obtrudant: ea neque est causa materialis, neque aliquid menti, & sensibus exhibet, nisi ideam, atque generale vocabulum ad res omnes explicandas adhibitum. Attractio enim perinde est, atque virtus corporum: at si dicas, fluida conformantur in guttas a virtute corporum, cedunt a virtute corporum, uniuntur, solvuntur, separantur, moventur a virtute corporum; & quodcumque phenomenon in medium asferas, id factum a virtute corporum contendas; mutato vocabulo, antiquam, & profligatam responsionem adhibes. Phenomeni igitur causa, Newtonianis est mutua attractio, hoc est, causa ignota, nobis est ambientis fluidi aere subtilioris (quod etiam admittit D. *Newton*) pressio materialis; quæ cum ex omni parte sit æqualis, æque particulas ex omni parte comprimit, & in sphericam figuram componit,

nit, cui motus intestinus non opponitur, nam in cedentium particularum locum aliz succedunt æque ab aere pressæ.

451. Opponitur 7^o. Fluentium partes vel fluidæ, vel duræ statui debent. Resp. earum singulas esse duras: conjunctas fluidum conflare ob adductas supra num. 433. rationes. Attamen, perges, ejusmodi partes duræ ob perpetuum & intestinum motum in se ipsas incurrerent, mutuo sese attererent, sibi-que resisterent: earum igitur motus sensim languesceret, & tandem sisterent. Resp. earum attritum, & resistentiam inde ortam, ob lubricam partium superficiem, & figuram, modicam quidem esse, & ab intercurrente materia ignis perpetuo superari, ne partes ipsæ ad quietem tandem reducantur.

452. Opponitur 8^o. Si partes aquæ stagnantis perpetuo sunt in motu: ergo quo minus fuerint externo pondere pressæ, celerius & liberius movebuntur, ab externa enim pressione motus impeditur; cum totum atmosphæræ aquæ incumbens, pondus eam premat. Sit aqua intra evacuatam recipientem inclusa; cum sit ab hujusmodi pressione immunis, celerius multo in vacuo Boyliano, quam in aperto aere, eadem aeris temperie, insensibiles illius partes moveri necesse est: calorem igitur sensibilibiter majorem acquirunt: hoc tamen experientiæ repugnat.

Resp. Etti liberior, & major particularum in vacuo, quam in aperto aere, ob minorem pressionem, sit motus, minor ex eadem ratione erit partium affricus, aliud caloris principium: major igitur intra aerem affricus liberiores in vacuo motum compensare videtur, & parem utrobique calorem singula efficiunt. 2^o. Esto, liberior, & major aliquantulum sit inclusæ in vacuo aquæ particularum motus; erit illico ejusmodi motuum discrimen ad notabilem, & sensibilem caloris relate ad nos inæqualitatem efficiendam sufficiens? Id adversariis probare incumbit, quod difficillime assequuntur. Alia fortasse delicatioris sensus, quam homines sumus, animalia, quæ sensibilem in aqua nobis frigidissi-

ma

ma calorem experiuntur, illius in vacuo intensiorem percipient. Id tamen sit obiter solummodo dictum; modo enim non de calore, aut igne agimus: suo loco, quid rei, & veritatis argumentum contineat, exponemus: illud modo, ut hypothesim damus.

453. Opponitur 9°. In experimento Jam superius (a) relato, ex quo aquam comprimi non posse inferius deducemus, maxime in se invicem illius particulæ urgentur, & arctantur: Si igitur moventur, magnopere se abradunt, atterunt, & fricantur; qui igitur fieri potest, ut eadem, ac antea libertate moveantur, & non potius ob prædictam movendi difficultatem penitus quiescant? Resp. 1. retorquendo argumentum: Si hujusmodi aqua fortissime compressa sit vehementer calida, adversariorum etiam sententia intestinum partium motum habet, quantumvis maxima sit ob adductas in argumento causas movendi difficultas; omnibus igitur solvendum est argumentum. Resp. 2°. & directe, particularum aquæ lubricitatem, & figuram motum semper juvare, resistentiam, & attritum minuere. Deinde hoc argumentum nos proprie non tangit, qui fluiditatem sine motu intestino particularum agnoscimus. Etsi igitur compressione retardatur motus; nihil ad nos attinet: Solumque erit motus, cum causa movens sit major resistentia.

Intelligi tamen nequit, perges, qualiter aqueæ particulæ maxime inter se compressæ, seu sibi invicem ob maximam pressionem restrictæ, moveri tamen pergant. motum vero omnem amittant, si imminuat calor, ut fit, cum gelascit aqua, cujus quidem vires ad movendum multo debiliores, quantumvis compressionis ad motum retardandum esse videntur. Resp. Hoc iterum argumentum non corporum fluiditatem, sed ignis, & caloris naturam, vires, motum impugnat; ex inferius igitur dictis, facile solvetur. Interim notare sufficiat, maximam

mam aquearum partium duritiem, & lævigationem, earundem pressionem minuere, & quæ inde oritur, resistentiam: quod additur de intercurrentis materiæ virium debilitate, libere additur: deinde pressio in omnem simul massam exercetur, neque proinde singularum particularum motum impedire satis est; interfluens autem ignis singulas particulas impellit, & movet, quo ex capite majorem habet easdem movendi facilitatem.

454. Alia etiam solves, si animadvertas, 1^o. Quod licet in quiescentibus liquoribus nullum intestinum motum deprehendamus, nihil inde contra nos concluditur; cum ea sit in liquoribus partium tenuitas, ut oculorum aciem, licet mycroscopiis armetur, penitus fugiant; moventur profecto flammæ particulæ, quin earum motum, aut magnitudinem discernamus.

Quod si mycroscopii beneficio sanguinis globos per piscium arterias circulare conspiciamus; neque si sunt globuli, quorum divisione fluiditas enascatur; neque eo in motu fluiditatem constituimus; stagnans enim sanguis multoties fluiditatem suam servat, licet nullam in ipso circulationem, nullosque globulos deprehendamus. Circulatio igitur fluxio quædam est ab intestino motu longe diversa.

2^o. Etsi etherogenei liquores in eodem vase contenti aliquando non permisceantur; immo & multoties effusi, & aliquantum coramixti postea sensim separentur; nequaquam ex eo conficitur, nullum in iis intestinum esse partium motum: eadem enim eveniunt phænomena, licet liquores ipsi incallescant, eorumque partes omnium sententia perpetuo moveantur. Phænomeni igitur ratio est diversa eorum specifica gravitas, alia particularum textura, & figura &c.

455. Dices: Sordes, limus, arenæ, pulveres aquæ permixtæ, dum vas fortiter concutitur, & aqua hinc inde subsultat, & irrequieto motu agitur, secum ipsis, & media in aqua permixta manent, & una cum aquis fluctuant, & agitantur: aquæ autem, quiescente vase, immobili, & stagnante, subsidunt
in

in vasis fundo, nec amplius vel ab aqua attolluntur, vel ad latera moventur: signum igitur est, nullum in aquæ particulis superesse motum: dum enim movebatur aqua, pulvisculos, & limos subidere non patiebatur. Resp. Nego consequentiam: nil mirum est, ingentes aquæ massas innatantes in ea pulvisculos una secum deferre: at intestinus particulæ motus ingentes, aut sensibiles fluidi massas non devolvit; sed minutissimæ tantum particulæ nullo inter se ordine habito, versus omnem partem, & directionem moventur; limum igitur mole sensibilem secum ferre non possunt: accedit quod cum particulæ æque in omnes moveantur partes, Limus ipse, aut pulvisculi in æquilibrio remanent; nullique directioni morem gerunt; cum æqualibus, & oppositis directionibus urgeantur: vi igitur intestini hujusce motus permixta illa, & crassiora corpora moveri nequeunt; neque aliud superest nisi ut proprio pondere deorsum urgeantur, & lente dilabantur. Semper tamen observandus est nostræ prop. sensus: cujuscumque fluidi partes moveri, minime contendimus.

456. Tandem opponitur experimentum *Beccarii*, (a) qui salis aliquantulum in tubi vitrei fundo leniter collocavit, desuperque communem aquam solvendo salis sufficientissimam lenissime affudit: aliquid salis primo solutum fuit; reliquum tamen per menses integros concretum permansit: itis elapsis, exiguum foramen in vasis fundo ex composito factum, ut per medium salem diffunderet aqua: prima, quæ effluxit, anteaque medio in sale stagnabat, erat summe salsa, quæ deinde sequebatur, & tubi capacitatem ad 6 fere altitudinis digitos occupabat, erat etiam sale repleta; reliqua nullum salem referebat: particulæ igitur aquæ motu intestino non moventur, aliter enim partes salinas ubique, & circumquaque adducerent, ac diffunderent.

Peri-

(a) *Opusc. Acad. Bonon. pag. 485. de motu intestino fluidorum.*

PHYSICA GENERALIS. 371

Periculo etiam facta a P Lana (a), vinum rubrum dextrime, & perquam leniter aquæ limpidæ affusum, eidem per plures dies supernatavit, quin permisceretur; aliquibus transactis diebus, aqua aliqualem ruborem contraxit. Qui tamen fieri posset ut extremæ vini particulæ aquam contingentes, quacum alioqui facillime permiscerentur, si petrenni irrequieto, & perturbato motu essent agitatæ, cum aqueis particulis non illico permiscerentur? Deinde inferiores fluidi particulæ æqualiter, & per partem a superioribus premuntur versus omnes partes, solum æquilibrium servant versus omnes partes, ac directiones: quamdiu igitur sunt in æquilibrio, moveri non poterunt secundum eam directionem, secundum quam in æquilibrio existunt. Resp. Prima duo experimenta nobis non opponuntur: fieri potest, ut aliqui liquores intestinum motum interdum non habeant: fieri etiam potest, ut stante eodem motu, non sequatur solutio, aut mixtio particularum etherogenearum, ob peculiarem earum naturam, figuram, & statum. Ad ultimum ea ratio nihil concludit adversus liquores calore agitados, aut ebullientes: nil igitur etiam contra reliquos: ubique enim causa est externa, neque differt, nisi secundum magis, & minus.

§. 6.

DISCUSSIO INCIDENTS.

De Corpore viscoso, fragili, ductili.

457. Quæres primo quid, & qualiter sit corpus viscosum. Resp. 1º. viscosum corpus illud esse, quod & molle, & tenax est, & cujus particulæ & sibi invicem, & aliis, quæ contingunt, corporibus adherent: qualia sunt oleum, sebum, mel, & plura hærent. Unde viscosa corpora sunt etiam mollia; quid vero

(a) *Magisterium natura, & Artis L. 3. cap. 1.*

vero sit corpus molle superius explicavimus. Viscosa igitur non sunt dicenda ea corpora, quæ tenacia quidem sunt, sed dura, ut chordæ, vestes ex lana, aut filo serico contextæ, & plura hujus generis alia, quæ tenacia, non tamen viscosa, ob allatam modo rationem, dici debent.

Resp. 2^o. Corporum viscositas per id habetur, quod fluidi corporis insensibiles particulæ ob peculiarem figuram, magnitudinem, superficiem, aliorum corporum partibus sese insinuent, implicant, adhæreant: vel igitur viscosi, vel duri corporis, cui viscosum adhæret, particulæ sunt ramosæ, variis angulis, cuspidibus, & plexibus terminatæ: quæ quidem partium textura, & ordo ad durum potius, quam ad fluidum corpus spectat, ut ex superius dictis inferri potest; neque enim viscosum corpus, v. g. oleum omnibus corporibus adhæret, aut respectu omnium viscositatem habet.

458. Quæres 2^o. Quid, & qualiter corpus sit fragile. Resp. 1^o. corpus fragile est illud, quod in sensibiles partes facile rumpitur, v. g. vitrum, crystallum. Resp. 2^o. Fragilitas ex eo provenit, quod sensibiles corporis partes rigidæ sint, ramulis, & plexibus sese mutuo non amplectantur, in acie, angulosis superficiebus, & cuspidibus sese solummodo tangant; neque interius committantur. Hinc enim facile a se invicem separantur & rumpuntur.

429. Quæres 3^o. Quid, & qualiter sit Corpus ductile. Resp. 1^o. Corpus ductile est, quod tensione, adhæsione, aut alio quovis modo ducitur, extenditur, dilatatur, quia partium continuatio rumpitur, cujus generis sunt metalla, plumbum v. g. aurum &c. Et plurima alia, quorum tenuis aliquando gutta in longissimum filum distenditur.

Resp. 2^o. Corporum ductilitas ex eo provenit, quod maxime flexuosæ sint minimæ corporum particulæ, & ramulis, ac plexibus ita inter se catenatæ, ut licet ab aliquibus sese expediant, aliis statim implicantur, committantur, & adhæreant. Hinc enim difficulter aliæ ab aliis separantur. Simili modo alias corporum qualitates per mechanicas scilicet ratio-

nes, magnitudinem, motum, figuram, compositionem, ordinem &c. explicabis. Hæc tamen, tamquam puras conjecturas tradimus, in rebus tamen physicis non parum fundata: intimas enim corporum naturas, & texturas me ignorare candide sæpius sum confessus.

LECTIO XIII.

Hydrostaticæ Secunda.

De fluidorum corporum, quorum partes sunt homogeneæ, seu aquæ graves, gravitate, & pressione.

OBSERVATIO I.

460. Vas quodcumque vitreum, aut ex qualibet materia constructum undequaque occlusum, in media aqua, aut fluido quocumque immerjum, & detentum, statim ac superne, vel inferne, aut later-aliter recluditur, aqua aut fluido, cui immergitur, repletur, graviusque efficitur; cum pondus, quocum antea in bilance æquilibrium servabat, postea attollat (a): Quin immo vitreum vas sphericum, aut cylindricum hermetice, & exactissime clausum, atque obturatum, & appensi ponderis ope ad ingentes in mari profunditates (200. hexapadas) demissum, posteaque extractum, limpidissima, & sale etiam refertissima aqua plenum multoties reperitur. (b)

OBSERVATIO II.

461. Si tubum BH utraque extremitate apertum perpendiculariter in fluidum, puta in aquam, intro-mittas, digito inferius orificium H (Fig. 1. Tab. VI. Hydrost.) eatenus occludens, quoad longe intra aquam

(a) Nollet. t. 2. p. 229.

(b) Regnault. t. 1. Entret. 20.
Mont. Phll. T. III.

aquam ea extremitate immissa, alia supra aquæ superficiem extet; illico ac digitum subtraxerit, aqua per tubum sponte & celeriter ascendit: idem plane est, si ad tubi latus apertum sit foramen.

OBSERVATIO III.

262. Si in vasis X fundo O foramen aptetur; & obturaculo leniter occludatur, ita ut aqua ad altitudinem usque E, in totum vas immissa, operculum ipsum a premente aqua expellatur; idem subsequetur effectus, licet peculiaris tantum tubulus EO, cujus capacitas foraminis capacitati par sit supra ipsum foramen, & operculum statuatur, & ad eandem altitudinem E (Fig. 2. Tab. VI.) aqua impleatur; vacuo enim interea capaciore tubo X operculum extrudetur.

OBSERVATIO IV.

463. Si in tubi X aqua, aut fluido alio quocumque pleni fundo, tria aperiantur, & ita disponantur in eadem omnino ab aquæ superficie distantia, seu altitudine, equalia foramina FNO, ut eorum primo O aqua effluens deorsum perpendiculariter descendat, per secundum horizontaliter aqua possit, per tertium denique sursum perpendiculariter projiciatur; aqua ad eandem altitudinem intra vas consistente eodem impetu per singula exit foramina: quin immo eadem altitudo aquæ uni aperiendo sufficiens alia foramina operculis similiter occlusa, simul aperit.

PROPOSITIO LXI.

464. Omnium corporum fluidorum, eorum saltem, quæ in sensu nostro cadunt, partes sunt graves, & subjecta ipsi solida premunt.

Propositio, & experientia, & ratione patet: nulla siquidem fluida sunt, quorum partes sibi libere commissæ in terram non descendant: ea item omnia, in quibus experimenta capere licet, alia corpora, & nosmetipsos deorsum prenuunt. Neque est
cur

cur generale solidorum corporum attributum, gravitatem, fluidorum particulis, & elementis, quæ solidissima sunt, detrahimus: dura siquidem hæc corpuscula, durorum corporum naturam, & proprietates habere necesse est. Quod si aliquis circa materiem subtilem, lucem, ignem oriatur scrupulus, numeros 185, 186. & consule.

PROPOSITIO LXII.

465. *Fluida non solum in solida corpora, quibus incumbunt, gravitant atque premunt, sed etiam in fluida, partes scilicet aquæ superiores in cæteras inferiores gravitant, eas premunt, & elevare nituntur: hoc est, fluida non tantum, ut massæ totales, solidorum corporum instar fundum premunt; sed fluidi ipsius partes aliæ alias premunt, & in eas gravitant.*

Prima propositionis pars omnibus probatur: quotidiano enim experimento docemur, vas aqua plenum fortius subiectam, & sustinentem manum premere, quam si aqua evacuetur: quemadmodum enim arenæ cumulus, exiguarum, quibus constat, particularum gravitate donatur, licet ex a semutuo sint divise, & per modum unius corporis subiecta solida comprimit, ita aquæ, exiguarum scilicet, divisarum, & moventium, sed gravium tamen, & durissimarum particularum cumulus, suarum partium gravitatem retinet, easque ac si unum esset corpus, subiecta comprimit corpora.

Secundam vero partem inficiabantur Peripatetici cum *Aristotele*, qui sibi persuadebant, elementa in locis propriis non gravitare, aquam scilicet in aquam, aerem in aerem pressionem nullam exercere ac proinde superiores stagnantis aquæ partes in inferiores, quæ substant, non gravitare, easve comprimere: errori locum dedit vulgare phenomenon, vas scilicet aqua plenum facillime intra aquam a manu attolli, dum si in aerem extrahatur, totam aquæ gravitatem, & huius actionem exerimur: aqua igitur, inquiunt, intra aquam non gravitat, maxime autem, si extrahatur.

Veritatem tamen, experientia, & calculo certam, demonstrabimus 1^o. ex observatione 1, & 11 allata: neque enim aqua inferior per apertum foramen, & tubum ascenderet, nisi a superiore incumbente urgeretur; ex se enim, & ex propria gravitatis indole, ascensui potius resisteres, quam faveret. Aquæ etiam particulæ in magna aquarum profunditate eatenus solummodo per vitri poros ingredi possunt, quatenus salinæ, oblongæ, & teretes particulæ maximo supraplantium aquarum pondere comprimuntur, & una secum aqueas particulas deferunt: æquam igitur intra aquam gravitare, & proprium pondus retinere, ex observatione conficitur. Ratione etiam eadem veritas ostenditur: singulæ fluidorum partes a se invicem divisæ, & motu perturbatæ, solida & dura quædam sunt corpuscula, perinde ac minutissimæ arenæ granula, vel farinæ particulæ: ut igitur farinæ, pulveris, & arenæ granula, alia ab aliis premuntur, & eorum gravitationem sustinent; eodem pacto id in fluidorum particulis obtinebit: qua enim ratione a communi solidorum corporum proprietate, solidissima, si qua sunt, corpuscula excludentur? Supervacaneum duco in re certa confirmanda diutius immorari.

COROLLARIUM I.

466. Si igitur fluidum in vase e.g. contentum duobus planis horizonti parallelis mente divides; eo magis erunt compressæ particulæ, quo magis a superiori superficie erunt remotæ, & vasis fundo propiores: majorem enim fluidi gravitantem copiam sustinent, quo inferius subsunt: prima autem fluidi superficies reliquas premit, quin ab illis eadem ratione prematur, reliquæ vero & premunt, & premuntur.

COROLLARIUM II.

467. Quo igitur inferiores erunt fluidi partes, eo majorem, cæteris paribus, habebunt densitatem, particu-

ticulæ enim ad modum spongiæ eo magis addensantur quo magis comprimuntur; seu a majori pondere premuntur; a superna igitur superficie gradatim descendendo, majorem & majorem fluidæ massæ & pressionem, & densitatem habebunt. Hujus corollarii veritas in aere, ut alia mittam fluida, luculentissime obtinet, ut suo loco explicabitur. Interim autem suppono, eas esse corporis fluidi particulas, quæ comprimi, seu condensari, & in minorem molem redigi possint, quod in omnibus fluidis locum non habet.

Quoniam autem corporum gravitas massarum rationem sequitur (n. 201) : preterea vero si æqualia sint volumina massæ, & gravitates sunt in ratione densitatum, seu quo major est densitas, majus est corporis pondus (n. 201.) : manifeste elicitur, inferiores fluidi partes superioribus esse graviores.

COROLLARIUM III.

468. Rariores igitur fluidi particulæ, & idcirco leviores, in partes magis densas; & graves gravitant easque premunt: superiores enim partes minus pressæ, erunt etiam minus densæ, ac proinde magis leves; ex autem inferiores partes comprimunt.

Eadem ratione solidum corpus v. g. urinator eo majus sustinet pondus, & fortius comprimitur, quo profundius in fluido immergitur, longior enim fluidi columna illi incumbit. Urinator ad maris usque superficiem e fundo sensim emergens, sensim etiam aquarum compressionem decrescentem experitur. Visitur id potissimum in aeris bulla, quæ virtute sese expandendi gaudet, & eo amplius expanditur, quo propius ad superficiem accedit; decrescentem enim pressionem facilius superat.

Solvuntur Argumenta Opposita.

469. Oppon. 1^o. Urinatores majorem aquæ pressionem, & pondus non experiuntur, dum ad pro-

fundiorem in mari altitudinem, quam dunt ad modicam tantummodo descendunt: at si aqua inferiorem aquam premeret, vehementissimam in maris fundo pressionem Urinator sentiret, immensum scilicet superstantis aquæ pondus, quod illi perpendiculariter incumbit. Magnopere huic argumento fidunt, & immerito quidem, adversarii. Resp. nego majorem, cujus falsitas abunde patet ab experimentis a J. C. Desaguliers allatis (a); enormem enim adeo pressionem, & pondus sustinere, & non citra doloris sensum deprehenderunt, qui in maris fundum extrahendarum mercium causa descenderant, ut copiosum aliqui sanguinem naribus ejecerint, aliquis etiam brevi interierit.

470. Deinde licet multoties majorem aquæ pressionem, & incumbens pondus non sentiant urinatores, cum ad majorem profunditatem descendunt; exinde tamen minus illis superstare pondus, & pressionem non infringitur: quod ex triplici capite provenit. 1. quia modicum plerumque est altitudinum, ad quas ascendunt, discrimen: 2. quia maximæ atmosphæræ pressioni a teneris assueti, ejusmodi pressionis abbreve tempus incrementum non deprehendunt: est autem atmosphæræ, quod sustinemus, pondus, 32 pedum aquæ altitudini æquale, ut suo loco probabitur. 3. ea est humani corporis structura, ut æqualiter fluido utrinque pressum æqualiter utrinque resistat perfectumque servant resistentiæ, & pressionem æquilibrium: urinator autem in qualibet altitudine intra aquam demersus, æqualiter ab omni parte premitur, ut modo probabimus. Statim vero ac inæqualiter intra aquam ab aliqua parte prematur, enorme illico alia ex parte aquarum pondus experitur, & non citra dolorem, & valetudinis periculum sustinet urinator, ut jam exposuimus: unde facile deduces, superiorum partium gravitatem inferioribus communicari, seu inferiores partes, & premi, & vim premendi in se habere.

habere ex pressionibus superiorum partium compositam.

471. Oppon. 2^o. Si aliæ alias fluidorum partes premerent, fluidum in fluidum gravitaret; densiores, & graviore essent inferiores fluidorum partes: at hoc falsum est, ut visitur in aqua, cujus partes ut supra jam attigimus, & plenius infra explicabitur, eandem habent densitatem, & gravitatem. Resp. juxta dicta corollario 2^o. si fluidum sit compressionis capax, ut aer v. g. & alia, concedo primam propositionem, si sit compressionis incapax, ut esse aquam experimentis edocemur, nego. Equidem licet in arenæ cumulo densiora non fiant inferiora granula ob superiorum pressionem, tamen hujusmodi pressionem non inficiamur sed granulorum induritiem, & minorem, quæ particularum propria est, compressionis capacitatem inferimus.

472. Oppones 3^o. Si inferiores aquæ partes a superioribus comprimerentur, corpus etiam solidum in profundiori aqua immersum, & magis proinde compressum, totumque superincumbentis aquæ cumulum sustinens, difficilius inde extraheretur, quam si propius ad superficiem innataret; copiosioris enim aquæ pondus superare necesse est: at hoc est falsum. Respond. corpus quodcumque in aqua, aut fluido quocumque immersum, tantundem a superincumbente aqua versus fundum premitur, quantum a lateralibus columnis, & inferiori aqua ad superficiem urgetur, ut fusius statim explicabitur: inde vero nascitur æquilibrium: cumque totum incumbentis aquæ pondus a lateralibus aquæ columnis sustineatur, eadem in extrahendo corpore oritur difficultas, a majori vel minori profunditate extrahatur.

473. Oppones 4^o. Herbæ, arbuta, plurimæque de vegetantium genere alia, in lacuum, fluminum, & maris fundo nascentia, sursum recta, & perpendiculariter diriguntur, seu ascendant, aut crescant: at si ab incumbente aqua premerentur, fundo potius reptarent, & compressa distenderentur. Resp. Herbæ sunt aqua leviores: ea autem est fluidorum,

explicanda postea proprietas, ut solida leviora corpora sursum perpendiculariter expellant, licet ea semper comprimant: quin immo cum eadem a lateribus, ac superne sit aquæ pressio juxta mox dicenda, eandem resistantiam superare necesse esset, ut per fundum se se expanderent.

PROPOSITIO LXIII.

474. *Fluidorum partes, seu columnæ seorsim, & ab aliis aliæ independenter deorsum gravitant, subiectaque corpora, vel basim premunt, & corantur effluere.*

Notabile id fluidorum a solidis corporibus discrimen ex observatione numero 462 allata probatur; niti enim columna CO (Fig. 2. Tab. VI.) foramini superincumbens seorsim gravitaret, sed una simul cum adjacentibus columnis XX, solidorum instar, & per modum unius indivisibilis ponderis; majus illius columnæ esset pondus, dum extracto tubulo EO, una cum circumambiente aqua gravitaret, faciliusque obturaculum expelleret, quam dum in tubulo EO inclusa, & ab alio fluido separata foramini innititur, ut ex se patet: hoc autem est falsum. Hujusce fluidorum proprietas ex ipsorum natura, minimarum scilicet particularum divisione, vel motu derivatur: cum enim componentia elementa sint a se invicem libera, alia ab aliis lateraliter adstantibus deorsum non trahuntur, cum se se commissura aliqua non prehendant; ut sit in corporibus duris: quorum particule mutuo sibi invicem implexæ, & fortiter catenatæ deorsum descendere nequeunt, quin alias secum trahant.

COROLLARIUM.

475. Si igitur foramen Odigito occludas, & aquam ne exiliat impediās, unius columnæ EO foraminis respondentis gravitatem sustines, circumstans vero fluidum digitum nullatenus premet, perinde ac si reliqua vasis capacitas fluido esset vacua; dum op-

posi-

positum duris corporibus accidit, nam si unum tabulæ punctum sustineas, totum tabulæ pondus, omniumque illius partium gravitatem sustentas.

Licet igitur Vas X (Fig. 2. Tab. VI.) immensam habeat capacitatem; totamque oceani amplitudinem, & aquam contineat, perinde obturaculum O premetur, ac si tubulus tantummodo EO aqua plenus illi super incumberet. Unde qui obturaculum sursum elevare niteretur, Columnæ EO pondus solummodo sentiret. Quod si fluiditate amissa, in gelu concreveret aqua, omni circumstantis seu stagnantis aquæ, in gelu conversæ, pondere gravaretur, qui columnam EO attolleret.

476. Oppones, Ergo per foramen in vasis fundo apertum O columna tantummodo EO ipsi incumbens diffluet, circumstans vero aqua in vase suspensa, & per medium excavata manebit. Probo: in foramen O, solum columna O gravitat; reliquæ vero in subjectas sibi fundi ipsius partes, quibus innituntur, & sustinentur, dum alia per apertum labitur foramen: aqueas enim particulas sibi superimpositas referunt globuli, aut particulæ columnarum NN ad basim OO (Fig. 8. Tab. VI.) perpendicularium: una earum columnarum independenter ab alia gravitat; alia igitur per foramen labente, sustinebitur altera, quod tamen experientia repugnat. Resp. cum fluidorum particulæ vel motu intestino circumquaque moveantur, vel saltem versus omnes partes gravitent, & se se impellant, ut statim probabimus, fit ut laterales particulæ in cavitatem a decidente columna relictam pondere, vel motu prolabantur, illamque repleant; torus proinde in vase contentus liquor per foramen profluat: sustinerentur autem laterales columnæ, si solidi globuli ita sibi superstarent, ut neque hac illac moverentur, neque moveri niterentur, quod in aqua non obtinet.

PROPOSITIO LXIV.

477. *Licet fluidorum corporum integra massa deorsum tantum descendere nitatur, eorum tamen partes gra-*

gravitatem suam versus omnes partes deorsum, sursum, lateraliter exercent; se se circumquaque mutuo premunt, & premuntur.

Fluidorum corporum particularum gravitatio, pressio, & nifus deorsum, probatione non indiget: eas vero se se lateraliter premere aliasque ab aliis impelli ex observatione x, & mille aliis, quæ adduci possent luculenter demonstratur; fluidum enim quodcumque, nisi vasis parietes obstant, lateraliter diffluit, eoque celerius exilit quo magis premitur, sursum denique aquæ particulæ per tubum I Y, (Fig. 1. Tab. IV.) utrimque apertum contra propriæ gravitatis indolem ascendunt; ab aliis igitur fluidi circumstantis particulis impelluntur, & ad ascendendum determinantur; cum aliud non sit, a quo ejusmodi effectus derivari possit.

478. Hoc tamen inter prædictas gravitationes intercedit discrimen, quod quilibet fluidi particulæ seorsum ab aliis deorsum gravitant (quod est peculiaris gravitatis caracter) sibi derelictæ descendunt; lateraliter tamen & sursum moventur, non propria aliqua virtute, seu independenter ab aliis; sed adstantium, & superincumbentium particularum pondere, & pressione recta vel obliqua ad hujusmodi motum compelluntur. Phænomeni hujusce, seu proprietatis ratio in ipsa fluidi natura, & sinu latet: si hypothesi, aut conjecturis dandus sit locus; dicere possumus; quod fluidi corporis particulæ maxime circa se ipsas volubiles hinc, & inde motu intestino agitatae se se recte & secundum directionem horizonti perpendicularem NQ (Fig. 38. Tab. III.) non premunt; quasi scilicet omnium particularum columnam NQ componentium centra in eadem recta invenirentur; sed particula T duas alias RS oblique tangens, & comprimens, ad latera impellit. Rursus columnæ LI aliam NQ circumstantes, deorsum nituntur; descendere autem nequeunt, quin inferiorem aquam RS attollant; ea igitur per apertum canalem, unicam majori pressioni viam cedendi, assurgit.

PRO-

PROPOSITIO LXV.

479. Si fluidum quodcumque corpus homogeneum N in columnas horizonti perpendiculares mente dividat, cujuscumque columnæ pondus ejus altitudini respondet.

Sunt enim omnes fluidi, ejusque columnarum partes graves (n. 464.) : deorsumque proinde tendunt, aut nituntur; deinde superiorum particularum pondus in inferiores, quibus innituntur, refunditur: ergo integrum columnæ pondus ex partialibus partium ponderibus componitur, inferioresque particulæ, immo fundus, cui ipsa incumbit columna, eo magis premitur, quo plures eum premunt fluidi partes, hoc est, quo altior fuerit columna.

480. Oppones si ita est, columna quadruplo altior, ejusdem licet diametri, quadruplo magis fundum, infimasque columnæ particulas, seu basim premeret, quam columna quadruplo altitudine minor: concedo: (*) apertis igitur, pergis, intra bases columnarum æqualibus similibusque foraminibus, copiosior quater aqua intra idem tempus e majore columna efflueret: ejusmodi enim effluxus causam habet fluidi pressionem, & gravitatem; causa igitur crescente, & quadruplo majori, quadruplum etiam effectum, sequi necesse est: ut non quadrupla, sed dupla tantum in prædicto casu effluit aqua, ut inferius demonstrabitur: ergo falsa est propositio.

Resp. Nego secundam illationem: ejus probatio, quæ tota vera est, non quadruplæ, sed duplæ aquæ effluxum evincit; hoc enim pacto sunt effectus inter se, ut causæ, alius scilicet alterius quadruplus, quod ita conficio: dupla aqua intra idem tempus per æquale foramen diffuens, dupla velocitate diffuit;

(*) *Altitudo Columnarum prementium computatur a foramine usque ad superficiem aquæ in eadem, aut in vase communicanti contentæ.*

fluit; est igitur illius Massa, 3, velocitas item 2 ergo vires sunt 4, aqua subdupla per aperturam eodem tempore effluens est 1, illius velocitas item 1, ergo vires sunt 1x1, seu 1; vires igitur effluentium aquarum, hoc est, pressio-
num effectus sunt inter se, ut 4 ad 1, ut ipsæ columnarum pressiones, seu fluidi quantitates. Si autem exiret aqua quadrupla, quadruplam haberet velocitatem: illius igitur vires essent, 16, 4 nimirum in 4 ductæ; ergo effectus majorem haberent rationem, quam causæ.

481. Ex insigni fluidorum proprietate num. 477. probata, & ex modo dictis, maxima in humanæ vitæ commodum derivantur emolumenta, ea enim ratione fit, ut aqua v. g. se se undequaque impellens, horizontaliter sæpe sæpius impellatur, perfluat hortos, agros, arbores, & mille id genus alia irripet, alluat, nutriat, sæcundet; sursum modo impulsamiram fontium varietatem, & pulchritudinem efficiat, ex quibus innumera in homines emanant beneficia. Vide inferius quæ de hujusmodi argom-
to fusius explicamus.

PROPOSITIO LXVI.

482. *Fluidorum corporum particulae se se ad invicem, & mutuo versus omnes partes, sursum deorsum, & ad latera ita premunt, ut perpetuum inter se æquilibrium servant, aliaque alias sustineant, & a se ipsis mutuo sustineantur.* (Fig. 44. Tab. III.)

Est dicere, fluidi corporis SS v. g. particulas homogeneas ita gravitate sua se invicem premere, ut proprio tantum earum pondere, & pressione spectata se se mutuo ad eandem altitudinem constituent, vel in eodem, vel in pluribus vasibus communicantibus existant. Supponamus enim liquidum corpus in columnas æqualis diametri divisum, singulæ quidem columnæ deorsum gravitando alias elevare nituntur, ut in earum locum succedant; cum tamen omnes eandem habeant gravitatem, alia alii prævalere non poterit, neque sursum ad majorem altitudinem attollere. Da enim columnam K ab adjacentem
te

te N supra communem superficiem elevari, aquæ igitur partes columnæ K (Fig. 1. Tab. VI.) summatem constituentes, cum a nulla vasis superficie hinc inde sustineantur, proprio pondere ad columnam N dilaberentur, eoque pacto omnes iterum columnæ ad eandem altitudinem componerentur.

2. Liquidum corpus AN (Fig. 1. Tab. VI.) in multiplices superficies horizontaliter divisum supponamus; superiores particule infrastantes alias premunt (n. 463.); eas tamen, cum homogeneæ sint gravitatis, sursum attollere non possunt; actioni enim, & pressioni parem resistentiam opponunt.

3. Columnæ KI partes ex lateribus quidem versus AN disfluere, si nullam illinc resistentiam offenderent (n. 477.) deficiente enim laterali columna A, in ejus locum alia K laberetur Columna igitur KI laterales columnas NA tantum premit, quantum ab iis vicissim premitur.

COROLLARIUM I.

483. Hinc liquido constat, fluidorum corporum particulas proprio earum pondere spectato, & omni exteriori causa seclusa, penitus quiescere: cum neque deorsum, neque sursum, aut lateraliter aliter ab aliis moveri possint: neque enim cum perfectissimo æquilibrio stare potest motus, ut ex terminis patet.

Oppones. At supra diximus fluidi corporis componentes particulas huc illuc intestino motu cieri: igitur vel nullum earum est æquilibrium, vel stante æquilibrio moventur Respondeo ad precisam corporis fluiditatem intestinum ejus particularum motum non requiri diserte asseruimus: quod si prædictum motum in pluribus fluidis adserimus, id exteriori causæ, igni, calori & præterlabenti subtili materię tribuimus: hujusmodi autem motus, qualem in ferventi aqua agnoscimus, assertum particularum æquilibrium non destruit.

COROLLARIUM II.

484. Exinde etiam notissima, & celebris fluidorum proprietas derivatur, ea scilicet in sphaericam circa suæ gravitatis centrum conformari superficiem, nulloque pacto in planum aliquod posse distendi. Ex asserto enim fluidorum æquilibrio sequitur, ejusdem liquoris partes supra alias attolli, & sustentari non posse; suprema igitur, seu externa, & convexa fluidi superficies eandem ubique a centro gravitatis habere distantiam, quæ nulli superficiei præter sphaericam potest convenire.

COROLLARIUM III.

485. Quantumvis stagnantis aquæ, lacuum fluminumve superficiem planam esse judicemus; sensuum fallaciz id est tribuendum; si enim esset plana, inæqualem a centro haberet distantiam; eoque majorem, quo magis a contactus puncto esset remota; cum ex Geometria sit notissimum, rectam; seu planum AA tellurem O tangentem in M, (Fig. 5. Tab. IV.) hinc inde a prædicto contactu longius, & longius a centro semper removeri, & planum inclinatum componere, velut acclivem montis superficiem, per quod sponte sua fluidum disaberetur.

Sensibus tamen fluidorum superficiei convexitatem dijudicare non possumus; quia sunt amplissimæ, & maximæ superficiei sphaericæ insensibilia segmenta, quæ insensibiliter a plana superficie discrepant.

COROLLARIUM IV.

486. Inferiores liquoris partes a superioribus compressæ, eam vicissim comprimunt, pars enim A, a laterali adjacente columna pressa sursum elevari nititur; superincumbentes igitur particulas D ejus ascensum impediennes, eamque deorsum prementes, comprimit, & elevare nititur. Idem de lateratibus pres-

pressionibus dicendum est : unde omnes fluidi parte circumquaque premuntur. (Fig. 1. Tab. VI.)

PROPOSITIO LXVII.

487. *Fluidorum corporum pressiones, quibus deorsum lateraliter, vel sursum alia corpora fluida, vel solida comprimunt, elevare, vel expellere nituntur, in eadem profunditate, seu altitudine sunt æquales in fluidis homogeneis.* (Fig. 2. Tab. VI.)

Propositionis veritas ex observatione numero 463. allata manifeste constat, cum fluida columna E O eandem resistantiam superet, deorsum, lateraliter, vel sursum agat, eademque vi, & velocitate profiliat, premat, aut corpora dimoveat in F, O, N, sursum, deorsum, lateraliter, dummodo existant in eadem altitudine ab aquæ superficie computata. Proprietatis hujusce causa physica ex maxima fluidi corporis elementorum mobilitate & parvitate derivanda est; ex ea enim fit, ut insensibiles particulæ, sensibilisque ex iisdem resultans massa, tantumdem nitatur deorsum, quantum laterales partes lateraliter; vel sursum propellere conatur.

488. *Oppones.* Partes fluidi ex gravitatis indole deorsum directe tendunt, gravitant, & nituntur; in latera autem non nisi oblique agunt, pressio autem obliqua debilior est, quam recta: ergo fluidum corpus fortius, deorsum, quam lateraliter moveri nititur. Deinde vis gravitatis motui deorsum favet, ascensui opponitur; æqualiter igitur deorsum & sursum urgere non potest. Respond. Eatenus liquida columna circumstantem aquam lateraliter, & sursum extrudere nititur, quatenus deorsum descendere conatur, neque aliam ad descensum viam habet, nisi circumstantes columnas lateraliter, & sursum propellat. Unde cum ab eodem descendendi conatu triplex ea oriatur pressio; nil mirum est, si pares utrobique vires exerat.

PROPOSITIO LXVIII.

489. *Fluida homogenea in quibuscumque vasibus communicantibus ad eandem altitudinem seu superficiem horizontalem ascendunt, & existunt.*

Demonstratur. Hæc propositio ex dictis hætenus deducitur. Sint Cl, KA (Fig. 4. Tab. VI.) duo vasa communicantia eodem fluido, v. g. aqua plena, quorum primum Cl sit multo capacius secundo: si aqua in primo pertingat ad LO , eandem omnino altitudinem habebit in secundo. Nisi enim ita esset, descenderet aqua in primo, elevaretur in secundo: descendat ergo in primo per spatium LO : tantundem igitur aquæ ascendet in secundo per MN : sunt ergo æqualia duo solida LOO , MMN : primum ergo non posset elevare secundum. Aliis verbis: aqua non potest descendere in C quin æqualem massam elevet in A , estque tota massa aquæ in C ad totam massam in A , ut velocitas, quam in A haberet ascendendo ad velocitatem in descendendo: cum igitur velocitas unius massam alterius compenset; sintque velocitates reciproæ, ut massæ, erunt resistentiæ utrinque æquales per principium generale mechanicæ; erit igitur æquilibrium.

Et hinc etsi C esset mare Atlanticum, A vero exiguus tubus intra continentem existens, & cum oceano communicans, ad eandem altitudinem in utroque aqua subsisteret.

PROPOSITIO LXIX.

490. *Fluida corpora, & se ipsa, & solida, quibus insistant, & sustentantur, corpora, seu vasorum bases, pro ratione baseos, & altitudinis quantumvis majorem, aut minorem habeant massam, comprimunt.*

Antequam propositionem, observationibus certam, demonstrarem, noto 1^o. Fluidorum TR altitudinem esse rectam NT (Fig. 5. Tab. VI.) ab eorum superficie T ad fundum usque perpendiculariter, & horizontaliter ductam. 2^o. quadruplicem esse

esse posse vasorum, liquores continentium, figuram, quod ad præsens attinet institutum: vel enim vasa uniformem habent capacitatem ut cylindrus v. g. CF, (Fig. 7. Tab. 6.) vel a basi ad summitatem usque, ad modum conicæ pyramidis inversæ, perpetuo ampliantur, minimamque habent in basibus latitudinem; vel e contra maximam in basi diametrum, quæ sensim decreascit. Vel irregulari, & varia amplitudine, ut vasa NOQ, TRD. (Fig. 8. 11. Tab. VI.) prædita sunt: ea item vasa vel ad horizontem perpendicularia, vel obliqua statuuntur.

De his omnibus dico: liquorum in vasorum bases pressionem liquorum altitudini, & baseos amplitudini præcise respondere: & primo quidem si vasa ubique habeant amplitudinem eandem, ut cylindrus CF, (Fig. 7. Tab. VI.) manifesta res est: cum enim omnes liquidæ columnæ, & eandem habeant altitudinem, & basi innitantur omnes, pro earum numero & altitudine, hoc est, pro baseos F magnitudine, & liquorum altitudine basim F premunt.

491. 20. Sit vas CD, a basi ad summitatem usque sensim capacious; fundus E perinde comprimitur ac si tubulus tantummodo EI cylindricus, ejusdem, ac basis, diametri, & latitudinis, eum comprimeret, effusa reliqua aqua: primo enim ea aquæ columna basim libere, & totaliter premit, omnes deinde alix columnæ, quæ ipsam circumstant, vasis parietibus innitantur, inter columnam ipsam EI fundo innixam & vasis parietes velut insertæ, & hinc inde, ne disfluant, impeditæ.

492. Oppones: Columna FM (Fig. 10. Tab. VI.) v. g. parietes puncto M oblique innixa, in eo eatenus sustinetur, quatenus a columna DF principali, ne deorsum ad fundum descendat, lateraliter sustentatur, & ita de aliis: fundus igitur CD non tantum columnam CDEF illi directe libere, & perpendiculariter incumbentem, sed circumstantes etiam columnas MLRIH &c. in præcipuam gravitantes sustinet: magis igitur quam pro ratione baseos, & altitudinis fundus comprimitur. Respondeo

Mont. Pbil. T. III.

T

nego

negō omnes consequentias : licet enim columnæ *M L* in præcipuam incumbant lateraliter , illius pressionem non augent ; hujusmodi enim columnæ lateralis *MF* nisus ab alia simili , & æquali opposita alterius columnæ lateraliter etiam prementis *ME* sustinetur , retunditur ; impeditur , aut destruitur ; iisque lateralibus pressionibus præcipuæ columnæ *C F* in fundum pressio non augetur .

493. 3°. Sit vas *GA* (Fig. 7. Tab. VI.) cujus amplitudo a basi *G* ad summitatem usque decrescat , fluido plenum : paradoxo videtur ; simile , perinde basim *G* eo etiam in casu premi , ac si vas *GB* ejusdem , ac vas *GA* , altitudinis , eandem tamen a communi basi *G* ad summum usque capacitatem habens , eodem sit fluido plenum . Paradoxi tamen veritatem experientiz innumeræ , quæ asserri possunt , demonstrant . Hujus phænomeni causa physica non est explicatu facilis , nec eadem ab omnibus assignatur : rem ego ita concipio : columna *NN* (Fig. 8. Tab. VI.) omnium extensior , basim *N* , & inferiores sui particulas pro altitudinis sui ratione comprimens , æqualiter etiam aquam *OO* basi reliquæ immediate superfusam lateraliter , deorsum , & sursum premit , ac elevare nititur (n. 477.) columnā igitur *OQ* in vasis parietem , & punctum *Q* desinens , tantundem elevari conatur , quantum extensior columna *NN* basim suam premit : æqualiter igitur & basis *N* a columna *NN* deorsum , & paries *Q* a columna *OQ* sursum urgetur : paries autem *Q* pressionem , & vim regerit , atque pressioni resistit : columna igitur *QO* in basim a parietis puncto *Q* repulsa , seu reperiussa eandem in basim *O* premit , & deorsum urget ; æqualiter igitur puncta *NO* baseos premuntur : cum igitur idem de reliquis omnibus columnis sit dicendum , sequitur , liquidi eo in vase comprehensi pressionem baseos , & altitudinis *NN* rationem sequi , eandemque esse ac si vas cylindricum ejusdem basis , & amplitudinis , fluido esset repleum .

Cum dixi columnam *OQ* in parietem *Q* agere pari ratione , ac a columna *NN* inferne elevatur ,
eam

eam semper virium partem detraho, quæ a naturali particularum OQ gravitate destruitur, quæ quidem vires actioni in parietem G detractæ, cum parietis reactione in basim conspirant, ac proinde ex eo capite pressionis vires non minuuntur,

COROLLARIUM I.

494. Si loco baseos BD manum substituas, eaque incumbentem aquam OBD sustentens, parem in manu pressionem senties ac si totum vas BAGD, (Fig. 6. Tab. VI.) ejusdem a basi usque ad summum amplitudinis aqua esset plenum: da v. g. totam vasis cylindrici GB capacitatem 100. librarum aquam continere, unicam vero aquæ libram conico, aut irregulari vase GA (Fig. 7. Tab. VI.) contineri: si manu eam aquæ libram in vase ita disposito sustineres, centum aquæ librarum pressionem sentires.

495. Oppones: qui integrum vas GA unica liquoris libra plenum, filo v. g. alligatum, & suspensum teneret, unius libræ pressionem, seu pondus experiretur; hujusmodi enim vas bilanci appositum, cum libræ unius pondere ex alia parte appenso æquilibraretur: ergo fluidum eo etiam modo dispositum pro molis suæ, non autem pro altitudinis, & baseos ratione gravitat, & fundum premit. Respond. concedo antecedens, & nego consequentiam argumenti; totum enim vas A cum inclusa liquoris libra simul sumptum, & per modum ponderis unius appensum, unius libræ pondus habet (ad vasis gravitatem non attendimus), vasis tamen fundus pressionem ut 100. sustinet.

Atqui fieri potest, inquis, ut vasis fundo G, ut 100, pressio, bilanx, cui fundus vasis innititur, unius libræ pondus sustineat? Respondeo liquorem in vase AG modo supra dicto dispositum considerandum esse velut elasticum corpus, v. g. arcus chalybeus, cujus pondus sit unius libræ, intra ligneam capsulam sursum, & deorsum eam efficiens compressionem, qualem centum librarum pondus utrimque efficeret: hujusmodi quidem corpus elasticum inse-

viorem basin viribus 100. urgetur, æquali scilicet pressioni actione: ea igitur pondus, ut 100. sustentaret: qui tamen & capsulam & corpus ita dispositum manu teneret, unicam sustineret libram; reliquum enim pondus, seu vires tantumdem deorsum, quantum sursum adniterentur, & agerent, se se proinde impedirent, & æquilibrium servarent, seu potius a capsula sustentarentur.

COROLLARIUM II.

495. Unde si avulso fundo vasis, illius vicem manu agas, vel eum non satis firmum manu sustentens, 100. librarum pressione gravaberis; unicam tamen libram experire, si vas satis utrinque firmum supra manum teneas.

2^o. Fluido liquiditatem suam servante, pressione, ut 100. urgetur fundus, eo autem in glaciem concreto, unius tantum libræ pondere premitur: quod licet paradoxum videri possit, est tamen procul dubio verum, & ex data modo explicatione, satis intelligitur.

COROLLARIUM III.

497. Hinc etiam manifeste patet, cur, si in dolium, aqua vel vino plenum, tubulum 20. pedes longum, & utrinque apertum superiori ex parte immittas, & vino adimpleas, magna adeo ex hac liquoris (duarum, 3 vel 4 librarum) ad eam altitudinem suspensione oriatur pressio, ut dolium ipsum tanti ponderis sustentandi impotens disrumpatur. Idem in miste, aliis exemplis videre est. Exigua enim liquoris massa, in subtili tubo DC (Fig. 13. Tab. VI.) existens, eodem modo premit vas A D B deorsum, lateraliter, sursum, ac premeret totum fluidum in amplissima capacitate A X contentum, eamque adimpleret, etsi A X esset integer oceanus.

498. 4^o. Tandem si vas G B, O F (Fig. 11. Tab. VI.) sint maxime quidem irregularia, vel ad horizontem oblique statuantur; in iis etiam expozitæ
pro-

PHYSICA GENERALIS. 191

propositionis veritas obtinet: ut ex dictis, & experimentis etiam, constat: licet igitur vas G ad horizontem inclinatum majorem aquæ copiam contineat, quam rectum BC in utroque enim sifideorsum communicent, ad eandem altitudinem fluidum confluit (n. 489.): parem tamen in fundo pressionem habebunt; inclinati enim vasis C parietes eum fluidi excessum sustinent: idem non dissimili ratione de vase figuræ prorsus irregularis dictum habe. Illud tamen monemus, ea quæ de vasis, & tubis in præsentiarum dicimus, ad tubos capillares extendi non debere, cum in iis alia causa, aliaque phænomena observentur, & locum habeant, ut in loco dicemus.

PROPOSITIO LXX.

499. Si sint duo, aut plura vasa liquoribus homogeneis ad eandem altitudinem repleta, pressionem totalem in vasis fundis rationem basium habebunt.

Si enim fluida in æqualis diametri columnas divisæ concipiamus, cum eandem omnes habeant altitudinem (hypothesis), erunt pressionem ut columnarum numeri, hoc est, ut vasorum bases, cum id reliquis omnibus sint pares.

PROPOSITIO LXXI.

500. Si fluida, seu vasa, eandem habeant, seu æqualem basim, altitudinem vero diversam; erunt pressionem in vasorum fundo in ratione altitudinum.

Cum enim bases, hoc est, columnarum numerus, in utroque vase sit idem, per altitudines solummodo discriminantur: duabus autem inter se ex utroque vase relatis columnis, ejusdem omnino diametri, erunt earum in fundum pressionem ut altitudines (n. 494.); eadem est reliquarum omnium ratio.

PROPOSITIO LXXII.

501. Si liquores, & basim, & altitudinem habuerint inaequalem, erunt eorum pressiones in ratione composita basium, & altitudinum.

Sic prioris fluidi basis, 4, altitudo, 3; posterior basim habeat, 2, altitudinem, 5; erunt pressiones primi ad secundum, ut 12, ad 10; quæ est ratio composita basium, & altitudinum (a); ulteriore probatione hæc non indigent; ex dictis enim satis sunt manifesta, & experimentis, atque calculis probantur.

9.

*De liquorum densitate dissimilium pondere,
& æquilibrio.*

DEFINITIO.

502. Eos liquores dicimus *heterogencos* (quoad presens institutum) qui diversam habent gravitatem specificam, diversam proinde densitatem. Quæ vero ratione alia aliis densiora sint corpora, diximus in loco. Id obiter notandum; plurimos dissimilis naturæ, & speciei liquores, eandem habere gravitatem specificam, ac proinde esse homogeneos juxta sensum hic a nobis usurpatum.

PROPOSITIO LXXIII.

503. Si duo, aut plures liquores heterogenei in vasis AO contenti, bases & altitudines habuerint æquales; erunt eorum pressiones in ratione densitatis. (Fig. 3. Tab. VI.)

Cum enim, & bases, & altitudines sint pares, eædem erunt ex his capitibus pressiones; ergo ex dens-

(a) *Elem. Geom. Intr. n. 22.*

denſitatibus ſolummodo ejuſmodi preſſionum diſcrimen petendum eſt; vel igitur vaſa ſunt ad horizontem perpendicularia, vel diſſimilia, & diſſimiliter inclinata TR , OR : (Fig. 3. Tab. VI.) in primo caſu paria ſunt liquorum volumina; eorum igitur preſſiones (quæ cum ponderibus coincidunt) ſunt inter ſe ut denſitates: in poſteriori caſu preſſiones perinde ſunt, ac ſi utrumque vaſ eſſet perpendicularare: eandem enim preſſionem exercet in R fluidum OR ac in N fluidum TN : hoc eſt, vaſ quodcumque inclinatum TR , quod ad preſſionem attinet, reducitur ad rectum TN ejuſdem baſis & altitudinis. Quare ſi fluidum aliquod alio ſit duplo denſius, dupla etiam in caſu propoſitionis erit illius preſſio.

PROPOSITIO LXXIV.

304. Liquores heterogenei in eodem vaſe quieſcente ita ſeparatim immiſſi, ut graviores deorſum, quæ leviora ſunt ſurſum, diſponantur, eo pacto inter ſe diſſindi, vi gravitatis perſiſtunt: ſi autem inter ſe miſceantur, vi etiam gravitatis iterum ſeparantur, & in priorem ordinem reſtituuntur.

Utraque propoſitionis pars ratione, & experientia probatur; gravitantium enim corporum proprietas eſt, ut quæ graviora ſunt, inferiorem quærant, ſerventque locum, levioribus ſurſum retruſis. Quotidiana id etiam docet experientia; identidem quippe eodem in vaſe plures diverſæ gravitatis ſpecificæ injecti liquores juxta gravitatis ſuz ordinem diſpoſiti ſine confuſione perſeſtant, ut: factò ſæpius periculo expertus eſt Nolleſ (a) idem in vaſ quinque diverſos inſundens liquores, Mercurium ſcilicet, Oleum tartari, Spiritum vini, Spiritum therebinthinæ, Aerem.

Secunda propoſitionis pars ex eadem gravitatis lege conſequitur: graviores enim fluidi denſioris moleculæ

(a) *Leçons de Phyſique* t. 2. p. 282.

leculæ, insensibilesque particulæ majori pondere deorsum actæ ab aliis levioribus se se liberant, & facta per medium liquorem via infra levius fluidum se se accomodant. Immo si fluidum levius, puta vinum, infra aquam in gravius fluidum eodem in vase AB (Fig. 12. Tab. VL) statuatur, ita ut non nisi per angustam in medio vase aperturam, seu canaliculum communicari liquores possint, observatione compertum est, vinum per mediam aquam superius extantem in fili tenuissimi formam ascendere, eodemque pacto aquam in inferius vas descendere, quoad totum vinum in superiore vasis partem translatum supra aquam subsistit.

505. Oppones: plures aliquando diversæ gravitates liquores secum ipsis, permiscuntur, neque postea quiescente vase separantur, ut videre est, si vinum rubrum in aquam desuper vi aliqua infundatur, tota enim aqua vini colorem induit, quem semper retinet: vis igitur gravitatis ad liquores separandos non sufficit. Respond. distingue conficiens si alia non obstat causa liquorum separationem impediens, nego, si alia adsit causa, concedo, sed nihil inde contra nos. Plerumque enim fit ut liquorum, specifica gravitate differentium, particulæ secum ipsis ob peculiarem earum figuram, ramos, angulosasque asperitates ita implicentur, ut separari deinceps a se mutuo solo gravitatum discrimine non possint. Id citra dubium in aqua, & vino secum permixtis accedit, & in pluribus aliis liquoribus; tum vero potissimum, cum vel ex industria permisceantur, vel in alium liquorem in vase quiescentem violenter alius superne infunditur. Infusi enim liquoris particulæ concepto impetu supra stagnans fluidum allabentes, & mutuo a se se separant illud ingrediuntur, dividunt, permeant, illiusque particulis intime commiscuntur.

Quod si supra stagnantem liquorem, aquam v. g. leniter allabatur vinum, interposita præcipue tenui panis crusta, se se constanter separati, & impermixti conservant, qui alias facile permiscuntur li-

quo-

quores. Ea etiam est aliquorum fluidorum corporum diversitas, particularum, & elementorum figura, textura, & ordo, ut neque facile permisceri inter se possint, vel si violenter permisceantur, facillime a se invicem disjungantur, ut videre est in oleo v. g. si aquæ, aut vino infundatur.

PROPOSITIO LXXV.

506. *Si in vasis communicantibus CI, AK (Fig. 4, 5, 7, 11. Tab. VI.) diversæ gravitatis specificæ liquores ita infundas, ut uno quidem vase E gravior, levior in altero, quin permisceantur, subsistant; erunt in æquilibrio, si altitudines a communi basi IK ad liquorum superficies sint reciproce, ut fluidorum gravitates, qualiscumque sit vasorum figura, inclinatio, capacitas &c.*

Indubia hujus propositionis veritas probatur primo, & manifestissime ex pluribus experimentis quæ affert Nollet (a) Desagullier (b) de Molieres (c) & alii passim. Duobus enim communicantibus tubis CA secundum altitudinem in æquales partes divisus, & in eorum altetum A, mercurio v. g. infuso, qui aqua decies & quater densior, & gravior est, aqua in aliud vas infusa ad decimam quartam divisionem subsistet, ad primam vero tantummodo elevaritur mercurius; Idem similiter in aliis liquoribus observatur. Ratione autem evincitur propositio. Dato enim, quod, & bases, & amplitudines tuborum, & liquorum altitudines sint æquales, integræ liquorum AB (Fig. 3. Tab. VI.) in basim pressiones erunt ut densitates, seu ut gravitates directe (n. 503.): Fluidum igitur densius A basem D, seu fluidum levius in alio vase B contentum fortius urget, atque sursum propellit, quam ab illo prematur, & propellatur.

507.

(a) Loco citato.

(b) *Cours de Physique* t. 2. Lr. 3. 8. 9. &c.

(c) *Leçons de Physique*.

507. Fiant 2. Altitudines *DH*, *GO* liquorum gravitatibus reciproce proportionales: æqualiter singuli, & bases deorsum, & se se ad invicem sursum urgebunt: cum enim pressiones sint in ratione composita altitudinum, & densitatum, tantundem decrescente altitudine *O*, decrescit, quantum aucta densitate, augetur pressio: sunt igitur pares cum major liquoris *A* altitudo per majorem fluidi *B* densitatem compensetur, & vicissim. Hæc demonstratio, qualiacumque statuatur vasa, obtinet; dummodo enim eandem habeant basim *PB*, (*Fig. 11. Tab. VI.*) & altitudinem *BA* homogenei liquores, eadem in fundum pressione agent (*n. 501.*), ad eandem igitur altitudinem *AT*, a liquore *O* sustinentur, eumque sustinent.

Hujus propositionis ope specificæ liquorum densitates, & gravitates explorari possunt.

508. Oppones: sint duo tubi communicantes *CB*, quorum primus *C* basim habeat *F*, alterius duplam, liquoremque duplo etiam graviorem contineat: ex modo dictis erit altitudo liquoris *B* alterius dupla: contendo autem, debere esse quadruplam: probo: si bases *FG* (*Fig. 7. Tab. VI.*) essent æquales, pares etiam forent pressiones (*n. 507.*): major autem est columnæ *CF* amplioris in basim pressio, quam si minoris esset diametri, alterius columnæ *GB* diametro æqualis: capaciorem igitur basim fluidum *C* liquorem *B* ad altitudinem duplo majorem attollet. Respond. nego consequentiam: aucta quidem basi, pressio etiam in basim augetur, at in alterius tubi liquorem *BG* pressio non pro amplitudine capaciorem columnæ, sed pro minoris tubi amplitudine mensuranda est; aliis verbis: ex ampliori vase *C* columna tantummodo diametri alterius columnæ diametro æqualis, in liquorem *B* graciliori vase contentum agit, reliquum autem fluidum, vel in vasis parietes, vel in illius fundo sustinetur.

COROLLARIUM.

509. Denfior igitur, & gravior liquor levius fluidum, quodcumque illud fit, in tubis communicantibus obliquis, rectis, curvis irregularibus, cujuscumque basis, & amplitudinis fuerint, eo usque elevabit, quoad altitudines sint gravitatibus reciproce proportionales. Id ex hactenus demonstratis evidenter deducitur, neque alia indiget demonstratione.

Et hinc si in duobus tubis communicantibus aqua, & mercurius versentur; erit altitudo aquæ ad illam mercurii ut 14 ad 1; id enim est inter eorum gravitates discrimen.

Ex hoc etiam theoremate agnoscimus Fontes quamplurimos mari superficie altiores ab illo originem suam ducere posse, ut suo loco dicetur.

Si liquorum gravitates specificas explorare velis, duos communicantes tubos, æqualis diametri v. g. in id negotii adhibebis: eorum longitudines in æquales partes divide appositis numeris in lineis transversalibus communibus 1, 2, 3, &c. (Fig. 17. Tab. VI.) liquores in tubos infusi, cum diversam habeant gravitatem, ad diversas etiam altitudines subsistent: numeris illis terminis, seu altitudinibus affixi, eorum pondera reciproca indicabunt, alio enim liquore ad 3; alio ad 7 subsidente, erit gravitas specifica primi ad secundi reciproce ut 7 ad 3. Aliam tamen inferius rationem exponimus, qua fluidorum pondera explorari accuratius possint. Tandem inferitur; fluidorum heterogeneorum pressiones in bases, esse in ratione, composita basium, altitudinum, & densitatum.

L E C T I O XIV.

Hydrostaticæ tertia.

*De solidorum in fluida corpora immersione ,
sustentatione , æquilibrio .*

D E F I N I T I O

510. Solida corpora , majorem , parem aut minorem , ac fluida , gravitatem habent : graviora sunt , cum sub pari volumine majorem habent gravitatem ; leviora , si minorem ; æque gravia , si æqualem . Quare tripliciter ad se invicem referri possunt . Eum gravitatis excessum , vel defectum , quo solidum corpus æqualia fluidorum volumina excedit , aut ab iis deficit , *gravitatem aut levitatem relativam* nuncupamus .

Quodcum igitur corpus , fluidum , aut solidum , eadem semper absoluta gravitate præditum multiplicem habet *relativam gravitatem* , aut *levitatem* pro multiplici eorum , ad quæ refertur , corporum gravitate , & gravitatum discrimine ; cum enim fluida v. g. sint alia aliis graviora , eorum gravitates vario excessu a gravioris solidi pondere superantur ,

P R O P O S I T I O LXXVI.

511. *Liquores immersum in ipsis solidum corpus prinde comprimunt , ac paris voluminis fluidum solidi in loco repositum comprimerent .*

Sequitur ex supradictis : gravitant enim , & in solida , & in se ipsa (n. 464.) sursum , deorsum , lateraliter fluida corpora (n. 465.) : solidum igitur in fluido immersum circumquaque a liquore comprimitur : partes enim super solidum extante illud deorsum urgent , laterales insuper columnæ lateraliter comprimunt ; dumque inferiorem fluidi partem sursum elevare conantur , solidum ex inferiori etiam parte comprimunt . Vide quæ diximus (n. 475.)

C O.

COROLLARIUM.

512. Solidum igitur A fluido immersum eo fortius premitur, quo altius fuerit liquori immersum, & quo major etiam fuerit fluidi densitas, & gravitas: Ex duplici enim hoc capite, liquorum in partem A, (Fig. 18. Tab. VI.) fluidam & ipsam, pressio augetur (n. 309.) : majus enim ei incumbit pondus, si altior, vel densior fuerit incumbens fluidi columna, unde altius in leviori fluido immergi necesse est, ut parem illic experiamur pressionem, ac in graviore fluido ad minorem altitudinem immerfi, majori unius liquoris altitudine, majorem alterius gravitatem compensante.

Hujusce rei exemplum passim in re vulgari habemus: bulla aeris ex vasis aqua pleni fundo sensim ad superficiem emergens, sensim ascendendo dilatatur, & sensibilis fit, quæ prius erat insensibilis: aeris scilicet partes elastica virtute donatæ se se expandere semper affectant; sed a premente liquido impediuntur; cum autem ascendendo minori semper pressione urgeantur, sensim magis, & magis dilatantur.

PROPOSITIO LXXVII.

513. Solidum quodcumque corpus fluido immersum tantumdem sui ponderis ammittit, quanta est fluidi volumine parvis gravitas.

Solidum A, (Fig. 18. Tab. VI.) v. g. sit digitus cubicus duarum librarum ponderis, æquale vero aquæ X volumen libræ gravitatem habeat. Dico, solidum A fluido X immersum libræ pondus amittere. Probatur: si loco solidi A aqua immerfi, esset æquale aquæ volumen, tota ejus gravitas a circumposita aqua laterali, & inferiori sustentaretur; nullumque illic motum, sed perfectum æquilibrium haberet, ut est ex se notum, & superius de homogeneis liquoribus explicavimus: Fluidum igitur X unius libræ aquam A sustentaret: idem igitur

igitur pondus in solido A, quod eundem ac libra aquæ occupat locum, sustinet: solidum igitur A tantumdem de absoluto pondere ammittit, quanta est ejus, in quo immergitur, fluidi sub eodem volumine gravitas. 2. solidum fluido immersum cum eo liquore pugnat, cujus locum occupat, & sursum repellit; ac fluidi sibi mole, seu volumine æqualis locum occupat, illudque expellit, aut expellere nititur, ut in illius locum descendat; ab eo igitur fluidi volumine, & gravitate sustinetur.

COROLLARIUM I.

514. Solidum A ejusdem, ac fluidum X densitatis, & specificæ gravitatis, fluido ipso immersum omnem suam gravitatem amittit: cum enim eadem prædicti solidi, & paris fluidi massæ sint pondera juxta hypothesim, se se mutuo sustinent, & perfectum servant æquilibrium. Eo casu, quemcumque in fluido X locum teneat corpus A, erit ad omnem motum aquæ indifferens, ex se tamen versus nullam partem movebitur; neque enim deorsum ob sustentatam gravitatem; neque sursum ob perfectum æquilibrium moveri potest.

COROLLARIUM II.

515. Solidum quodcumque A pluribus successive fluidis specificè levioribus, & diversæ inter se gravitatis immersum, plus de sua gravitate absoluta in graviore, quam in leviori fluido amittit: levius proinde est in primo, faciliusque per illud sursum trahitur, quam in secundo.

Demonstratur. In utroque enim fluido tantumdem ponderis amittit, quanta est fluidi mole æqualis gravitas (n. 513.): ea vero est in graviore major; plus igitur ponderis in graviore amittit; leviusque proinde manet, & facilius sustentatur. Quare si eundem auri globum in spiritu vini, in vino, in aqua, in mercurio successive immittas, gravissimum erit in spiritu vini, minus grave in vino,

PHYSICA GENERALIS. 303

no, levius in aqua, levissimum in mercurio, quia major est mercurii, quam aquæ, aquæ, quam vini &c. gravitas.

COROLLARIUM III.

516. Unde duo quælibet solida pondera tum gravitate, cum volumine æqualia, & in bilancis brachiis æquilibrata, postea vero altero bilancis brachio, & appenso illi pondere in mercurium, in aquam, aut quemlibet diversæ gravitatis liquorem immisso, æquilibrium illico amittunt, illudque prævalet pondus quod leviori fluido immergitur, cum minus de sua gravitate amittat (n. 515.).

COROLLARIUM IV.

517. Duo aut plura quæcumque solida mole quidem paria, gravitate inæqualia, sed eo, cui immerguntur, fluido graviora, eandem in illo gravitatem amittunt (n. 537.) gravius proinde corpus majorem adhuc gravitatem retinet. Ex dictis etiam sequitur, nullius corporis absolutam gravitatem æstimari, aut explorari extra vacuum posse: Aer enim, ut inferius probabimus, est corpus fluidum grave: in eo igitur partem aliquam gravitatis suæ amittunt corpora, quam recte æstimare non possumus.

COROLLARIUM V.

518. Licet idemmet corpus, mole & densitate, haud mutatum, in vacuo, & postea in aere, aut alio quocumque medio sustineremus, non idem tamen pondus in vacuo, ac in aere v. g. sustentabimus, sed in vacuo majus, minus in pleno deprehenderetur. In vacuo enim omnem corporis absolutam gravitatem, in pleno vero relativam solummodo, absoluta semper minorem sustentamus: cum absoluti ponderis partem, medium, puta aer, sustineat.

COROLLARIUM VI.

519. Duo, aut plura quæcumque corpora solida pondere quidem paria, sed mole inæqualia, fluidis quibus immerguntur specificè graviora, inæqualem in fluido gravitatem amittunt, majus scilicet majorem; minus minorem: singula enim fluidi volumine sibi æqualis gravitatem amittunt (n. 515.): majus igitur majorem, majoris voluminis pondus, deperdit. Aquæ v. g. argenti, & auri pondera æquilibrata immitte; gravius longe præ argento aurum deprehendes, nullumque secum ipsis servare æquilibrium.

In eodem etiam medio, pro status varietate multiplex in demerſi corporis gravitate est discrimen; aqua enim, aut lac (idem de aliis liquotibus) frigore densantur, fiuntque graviora; calore rareſcunt, levioraque evadunt: si igitur pondus aliquid in lacte pro diversis caloris, & frigoris statibus immergatur, varium subibit pro statuum varietate in pondere discrimen: majusque illius in calido liquore, minus in frigido erit pondus.

PROPOSITIO LXXVIII.

519. *Solidum corpus A liquido X specificè gravius, ab eo sustineri non potest, si vel in totum, vel ex parte solum sit fluido immerſum, sed ad liquoris fundum relativo pondere descendet.* (Fig. 18. Tab. VI.)

Probatur. Sic solidi A fluido X duplo gravioris pondus, libra duplum; liquidum X non nisi libram corporis A sustinet, id scilicet pondus, quo par liquoris volumen constat (n. 513.) gravitatum igitur excessu, seu pondere relativo unius libræ deorsum nititur solidum A, & ad vasis fundum descendit.

COROLLARIUM I,

520. Qui solidum A fluido X immerſum eoque gravius, filo v. g. sustentat relativa solum ejus solidi

lidi gravitate premitur, eamque sustinet; libram scilicet in propositionis hypothesi. Cum enim fluidum eam solidi gravitatem sustineat, quæ prædictum est par fluidi volumen; superest, ut pondus tantum relativum a manu sustentetur.

Eo relativo pondere per medium fluidum descendunt, motumque suum accelerant gravipra solida; iisdemque subjiciuntur legibus; quas superius in libro gravium descensu exposuimus: perindeque est, ac si solidum A. squam tantummodo relativam gravitatem haberet.

COROLLARIUM II.

311. Naturalis omnium gravium corporum prope tellurem descensus a gravitate solummodo relativa provenit. Nam corpora in aere ut plurimum aut in liquidis aliis corporibus, quæ gravia sunt, descendunt: aliquam igitur ponderis absoluti partem sustineant fluida, per quæ descendunt (n. 313.) nec nisi a relativa gravitate deorsum surgunt; & trahuntur.

PROPOSITIO LXX.

312. Corpora quæcumque solida fluido leviora, fluido supernatant, eaque solummodo sui parte immergantur, quam mole adæquet fluidum; eandem, ac integrum solidam, gravitatem habens.

Hæc propositio (ut supradixi omnes) observationibus, & ratione probatur. (a) Integra enim solidi L. gravitas, æquæ N. M. (Fig. 1. Tab. VI.) e loco pulsæ pondus adæquet: dico, ejusmodi corpus eo in situ stare in æquilibrio; si enim in vicem corporis succederet aqua, omnia essent in æquilibrio (n. 482.) si igitur eadem est aquæ, demersæ solidi parti æqualis, gravitas (hypothesis;) idem servabitur æquilibrio. Aliis verbis; solidum eatenus

(a) Vide Nollet. loc. cit.
Mont. Phil. T. III.

nus immergitur, quatenus fluidi loci pulsus gravitatem vincit, ut in ejus locum succedat: quamprimum igitur eum occupet locum, & aquam expellat; cujus gravitas integrum corporis pondus adæquet, immergi ulterius non potest.

COROLLARIUM I.

323. Corpus quodcumque solidum A liquido X, in quod libere demittitur, specificè levius, demergi totaliter nequit, sed eidem fluidi aliqua semper ex parte supernatat. Si enim integrum demergeretur, liquorem sibi mole æqualem expelleret, illiusque locum occuparet; cum igitur fluidi pars, solido mole æqualis majorem, quam solidum, gravitatem habeat; solido præponderabit, illudque extrudet, quoad illius tantum partis fluidi locum occupet, quæ æqualem sibi habeat gravitatem. (Fig. 15. 18. Tab. VI.)

Hinc est, quod onerariæ naves mercibus marina aqua specificè gravioribus onustæ, & pondere immenso præditæ, aquis tamen supernatent. Licet enim plura mercium genera sint aqua graviora, leviora tamen sunt alia. intra navis deinde cavitas notabilia intercluduntur spatia mercibus vacua, & solo aere plena; unde fit ut totum navigii corpus sit aqua specificè levius; demergi proinde non poterit. Quod si casu aliquo in rimulas fatiscat tabulatum; & aqua per rimulas ingrediens, aerem expellat, & in illius locum succedat, ut sæpe sæpius accidit; repletis marina aqua concamerationibus seu internis cavitatibus, fit integrum navigii corpus aqua specificè gravius, & ad maris fundum descendit.

COROLLARIUM II.

324. Corpus solidum liquidis specificè quidem gravius, diversa tamen inter se gravitate præditis, diversimode immergitur, magis scilicet leviori, gravius minus. Minus enim gravius, quam levioris fluidi-

PHYSICA GENERALIS. 307

fluidi volumen solidi gravitatem adæquat . Hinc est quod navigia mercibus onusta profundius in fluviali aqua , quam in marina demerguntur ; ea enim falsedine immunis minorem habet gravitatem , ut experientis certum est , ex quibus constat , cubicum marinæ aquæ pedem $73 \frac{1}{4}$ libris consistare ; 72. vero , si sit fluvialis : (a) Ex eadem causa urinatores facilius in marina , quam in fluviali aqua supernatant . Corpus quod in aquam fere totum demergitur , minima tantum sui parte mercurium ingreditur .

COROLLARIUM III.

§25. Quemadmodum solidum B liquido X (Fig. 15. 18. Tab. VI.) specificè gravius , & in ipso immersum , sibi quæ relictum ad fundum respectivo pondere descendit , ita solidum fluido specificè levius in eoque demersum , & sibi etiam relictum , ad superiora respectiva fluidi gravitate , seu solidi levitate ascendit , aut detruditur : hoc unum discrimen interest , quod in priori casu solidum fronte descendit , & fluidi partes loco pellit , in secundo a fluido detruditur ; priorque descensus propriæ solidi gravitati , posterior autem ascensus , externæ fluidi gravitati tribuitur .

COROLLARIUM IV.

§26. Solidum in fluidum specificè gravius non nisi violenter immergi integrum potest : hisque viribus ad eam immersionem opus est , quæ fluidi gravitatem relativam superare possint . Sit solidi B pondus libræ , æquale fluidi volumen 3. libris ponderet : ea ad corpus immergendum vi opus est , quæ duæ libræ superentur ; cum ea sit virtus , quæ fluidi partes solidum ad superiora urgent , & expellere
ni-

(a) Vide Biblioth. des Philos. t. 2. p. 3. 61.

nituntur. Corollarium huiusce veritatem obviis experimentis ediscimus. Porro solidorum intra fluida ex prædicta causa ascendentium motus continuo, ut densusio descensio, acceleratur.

COROLLARIUM V.

527. Idemmet solidum absoluta quidem gravitate, & massa non mutatum mole tamen pro majori minorive calore varium, in eodem fluido diversimode immergitur; magis scilicet dum ad minus contrahitur volumen, minus si magis expanditur. De corpore liquoribus leviori intelligenda sunt hæc. Quod si corpus sit liquido specificè gravius, majorem item gravitatem in eo deperdet, si majori, quam si minore contineatur volumine; ut jam superius demonstravimus.

COROLLARIUM VI.

528. Duo quælibet solida gravitate quidem paria, sed volumine inæqualia, & in vacuo ad bilancis brachia æquilibrata, æquilibrium illico amittunt; si e vacuo ad aerem (quem gravem esse interim suppono, probaturus postea,) aut aliud quodcumque fluidum extrahatur. Nam in vacuo, integro absoluteque pondere in se invicem agunt, cum nullum illic circumstans fluidum ea corpora sustentet; at fluidum magis sustentat majoris, quam minoris voluminis corpus (n. 513.): plus igitur gravitatis primum, quam secundum deperdit, magisque proinde postremum hoc corpus gravitabit, & alteri prævalebit.

Immo etiam, si duo ad bilancem æquilibrata solida mole inæqualia ab uno ad aliud medium, seu fluidum diversæ gravitatis specificæ, puta ab aere ad aquam transferantur; æquilibrium etiam amittitur. Sint v. g. duo corpora mole quidem imparia, sed ejusdem ponderis; puta, librarum quatuor A B, (Fig. 14. 15. Tab. VI.) quorum levius A sit aqua duplo gravius, alterum quadruplo; in aquam
bilanx

PHYSICA GENERALIS. 309

bilanx cum appensis ponderibus immittatur: primum quidem corpus A dimidiam; secundum tertiam sui ponderis partem amittunt (n. 318.): primum igitur duas tantum libras, tres secundum retinet: inæqualiter igitur ponderant.

COROLLARIUM VII.

319. Solidum corpus A fluidis, quibus est immersum, specificè levius, eo velocius & majori impetu ascendet, quo gravius erit fluidum corpus, cæteris tamen paribus. Nam quo major fuerit liquoris gravitas, majus etiam illius pondus respectivum, & gravitatis discrimen; majoribus igitur viribus solidum sursum protrudet (h. 310.), quam fluidum levius: Hinc est quod ligna, suberes, cartæ, & similia facilius, & brevius per mercurium, quam per aquam ascendunt. Vapores, & exhalationes velocius per densiorem, quam per rariorem, aerem sursum avolant, & sic in mille aliis.

Dixi cæteris paribus ob plurimas alias causas quæ ad hujusmodi effectus possunt concurrere. 1º. Major, vel minor mediæ fluiditas, seu ejus particularum tenuitas, & facilis separabilitas, viscositas, & tenacitas, quæ a particularum mole, figura, & mutua secum ipsis catenatione proveniunt; facile enim constat, difficilius a solido aliquo rumpi fluidum, cujus partes tenaciore vinculo committuntur, aut majori constare mole: 2º. varia etiam ipsius solidi figura, magnitudo, superficies & superficiei asperitas, aut levigatio, ad eorum ascensum aut descensum non parum conferunt. Nam quo major est superficies, majorem in fluido resistentiam offendent; cum eorum mediorum resistentiæ superficierum rationem sequantur (a).

330. Levigatæ etiam superficiei corpus facilius multo per aquam ascendit, aut descendit, quam si hirsutam, scabrosam, asperam habeat superficiem; de-

descendens enim corpus aquam expellit, dividit, prorudit, radit; facilius autem est levigati, quam scabrosi corporis ratio. Ex prædictis capitibus tanta aliquando est mediorum, ad minuta potissimum corpora relate, resistentia, ut licet fluido specificè graviora existant, vel penitus superhætant, vel notabili interiecto tempore descendant, aut ascendant.

Obvia rarsim exempla habemus: sensibiles athomi heterogenei, & grandiores pulvisculi ad varia corpora spectantes; quibus aqua, & liquores cæteri perturbantur, tardissime per aquam descendant, aut ascendant: multoties etenim media in aqua aliquando sistunt, nec nisi oblique ad fundum perveniunt: Eadem ratione innumera per aerem circumvolitant athomi, quas in solari radio in cubiculum ingresso observamus, aere quidem ipso graviores, sed quæ ob nimiam resistentiam non nisi paulatim, deorsum, aut sursum moventur.

PROP. LXXX. PROBLEMA.

531. *Ex modo dictis ratio deducitur, qua specificam fluidorum omnium gravitatem metiri, & inter se conferre possumus, quod facillime vitrei tubuli BC (Fig. 12. Tab. VI.) ope consequimur. Sit exiguus, & vitreus tubus CA in sphaeram interius vacuum definens; per vacuum tubum CN in partes æquales secundum ejus longitudinem divisum, aliqua plumbi granula, vel parum mercurii insundantur, ut sphaerula A inclusi ponderis ope intra liquores descendat, tubumque BC aliqua ex parte demersum sursum perpendiculariter ad fluidi superficiem erutum conservet.*

Liquorum gravitatem exploraturus instrumentum in aquam communem a scæcis quidem puram, demitte, eamque divisionem nota, ad quam, omni sedato motu, aquæ superficies pertingit; extractum deinde instrumentum in alias aquas, quarum levitatem, & puritatem explorare volumus, & in alios etiam liquores successive immitte: eaque puncta diligenter notentur, ad quæ tubulus est in fluidis singulis immersus: quibus inter se collatis

notum fiet, qui eorum liquorum, in quibus periculum facimus, sint. graviores; ea enim fluida, in quæ profundius immergitur instrumentum, minorem habent gravitatem. Eo pacto aquarum, quæ in quotidianum potum, & cæteros humanæ vitæ usus adhibemus, bonitatem dignoscimus; ex scilicet meliores existimantur, quæ leviores sunt, cum heterogeneis aliorum corporum particulis minus scateant, sintque proinde puriores. Pluvialis idcirco aqua in cisternis collecta, & conservata cæteris omnibus præferri merito solet; in vapores enim prius redacta, & in nubes, supremamque aeris regionem ascendens, fæces, quibus scatebat, deponit; quandiu moratur deinde in cisterna eas, quæ supersunt, fæces ad fundum gravitate sua subsidentes, deponit, & expurgatur, Sed de his iterum in loco redibit sermo.

PHÆNOMENA.

532. Ex tradita hactenus doctrina obvia passim phænomena explicabis. 1^o. ligna quamplurima in aquam injecta supernatant primo, postea tamen sensim immerguntur, & ad fundum non emeritura paulatim deferuntur: hujusce rei causa est, quia copiosus aer in innumeris, & satis amplis lignorum porulis contentus, quandiu in iis detinetur, molem efficit aquæ specificè leviorē; immisso tamen in aquam ligno, aerem in capaciorebus saltem poris contentum aquam paulatim ingreditens expellit, illiusque locum occupat: unde fit, ut quæ modo erant specificè leviora, graviora jam sint ligna, & ad aquæ fundum juxta traditas superius regulas descendant.

533. 2^o. Cereus globus solidus in frigidam aquam injectus supernatat, calefcente aqua ad fundum descendit; quod si aqua aliquandiu vehementem calorem servet, aut serveat, globus iterum, fundum quasi pertransit, emergit. Globus cereus aqua frigida specificè levior in eam primo demissus supernatat: calore rarefactis aqua, & levior evadit, priusquam cerei sat caloris communicetur, ut ipsa etiam intumescat, rarior, leviorque fiat; hinc cera calefcente; aqua specificè gravior

vior ad fundum descendit ; at conservato , & alio in aqua calore calefacta etiam sensibilibiter cera , calore rarefuit , & ad majus volumen redacta fit serventi aqua specificè levior , iterumque emergit .

334. 3^o. Idem fere in humano cadavere in aquam injecto , sub eamque putrescente visitur : cadaver primo descendit , quia aqua specificè gravius sustineri ab ea non potest ; aliquibus interjectis diebus emergit ; nam infra aquam putrefactione , & fermentatione intumescens , volumine auctum , fit etiam aqua specificè levius , & ad superficiem emergit ; ubi quamplurimis ejus partibus evaporatione abeuntibus , & corpore ipso ad minorem molem redacto , pristinum supra aquam acquirit pondus , quo ad fundum , iterum emersurum , relabitur .

335. 4^o. Ipsi etiam pisces innato quodam se se modo contrahendi , dilatandi deinceps instinctu , id assequuntur , ut graviores modo , quam aqua , ad fundum descendant , leviores postea sursum ascendant , caput extra aquam attollant : ad fundum iterum pro lubitu relapsuri : modo etiam in ea persistunt mole , ut specifica gravitate fluido æquales horizontaliter huc illuc deferantur ; hæc ut exequantur , natura providet : duplicem enim intra piscium corpora statuit folliculum , aere ut plurimum plenum , ea arte constructum , ut inclusus aer possit inspiratione augeri , expiratione imminui : unde pro variis folliculi contractione , & dilatatione , auctum vel imminutum piscis volumen , majorem , minorem , aut eandem habeat , ac fluidum gravitatem . Fufus ista explicabimus cum de piscium natatu sermo sit .

336. Oppones Contra hætenus dicta : Si acum horizontaliter , & leniter supra aquam apponas , supernatat ; at est specificè gravius quam aqua : Respondeo acus superficiem , cavitatibus , porulis ramosis aeris partes tenacissime adherent , & ab aquis particulis non nisi difficulter expelluntur , quod ex eo patet , quia acus immersa superficies vix madescere deprehenditur : licet igitur acus sit specificè levior , adhærescente tamen aere fit specificè levior , ac proinde aquis supernatat . Adde nonnihil etiam

etiam acus immersionem ab ea, quam ejus superficies patitur, resistentia impediri.

PROPOSITIO LXXXI.

337. *Specificæ fluidorum quorumcumque gravitates sunt inter se directe, ut pondera, quæ solidum A, fluidis specificè gravius in iis demersum amittit.*

Cum enim eam deperdat gravitatem, quam æqualia fluidi continent volumina (n. 313.), amissa proinde pondera iis gravitatibus æqualia, erunt inter se, ut eorum æqualium voluminum gravitates, hoc est, ut specificæ fluidorum gravitates directe. (Fig. 18. Tab. VI.)

PROPOSITIO LXXXII.

338. *Specificæ fluidorum gravitates sunt inter se inverse, ut ejusdem solidi, fluidis levioris, partes demersæ.*

Præbatur. Solidum A (Fig. 18. Tab. VI.) liquoribus specificè levius, eo plus immergitur, quo minor est fluidi ipsius gravitas (n. 314.): si igitur fluida sint diversæ gravitatis; minus in graviore, magis in leviori immergitur: ergo specificæ eorum gravitates sunt inverse, ut volumina immersa, seu ut immerse solidi partes. Plura quæ addere possem, theoremata, vel multam sapiunt mathesim, vel Philosopho non sunt necessaria. Qui plura desiderat, mathematicos Hydrostaticæ scriptores consulat, dum nos curiositatis gratia sequentia proponimus problemata.

PROP. LXXXII. PROBLEMA.

339. *Auri, aut monetæ bonitatem hydrostaticè explorare.*

In communem jam abiit usum, non purum, sed adulteratum argentum, & aurum in monetam convertere: aurum scilicet cupro, argentum stamno com-

commiscendo : neque eandem cupri , aut argenti massam ad parem auri quantitatem singulæ nationes adhibent , sed pro temporum , & nationum varietate , attenta etiam auri , & argenti penuria , & Reipublicæ necessitatibus , minorem , majoremve metallorum dosim eidem argenti , aut auri massæ permiscunt , ut purior exinde , copiosiorve moneta conficiatur ad publicum hominum , & nationum commercium adhibenda . Unde patet , plurimum referre , ut omnis fraudi occludatur locus , auri , & argenti puritatem habere exploratam . Licet autem multiplex sit ea explorandi ratio , hominibus minime ignota , id etiam hydrostatice exequendi trademus modum .

Est vero aurum argento gravius , argentum stanno : si igitur statuuntur pondera æqualia , aliud quidem ex auro puro ; ex auro , & argento ; aut stanno secundum ; majus erit impuri metalli volumen : vel si volumina sint paria , majus erit puri , quam impuri metalli pondus : Hoc posito , datum nummum , cujus bonitatem explorare volumus , ad bilancem exactissimam in aere , & in aqua expendo , insimulque ejusdem ponderis in aere , & in aqua discrimen , seu deperditam intra aquam gravitatem noto . Idem fiat periculum in simili alia probatissimi auri , & ejusdem intra aerem ponderis moneta : si eandem utraque gravitatem in aqua amisit , purissimum etiam suspecti nummi est aurum : si majus hæc amisit pondus , adulteratum est aurum ; majus enim habet volumen , minorem proinde gravitatem specificam . Quod si explorandum nummum cum alia nota moneta non quidem sincera , ejusdem tamen ponderis conferas , & quæ modo diximus exequaris , facile dignosces , utra earum sit ex impuriori auro conflata .

Non dissimili ratione artificis dolum in aurea Hieronis Regis corona Hydrostatice deprehendit Archimedes ; dolum enim subodoratus Hieron Archimedi rem detegendam commisit , qui coronam in vas aqua exacte plenum immisit , insimulque liquoris copiam , qui corona injecta effluxit , diligenter notavit ;

PHYSICA GENERALIS. 319

ravit; deinde in idemmet vas, aqua similiter plenum, purissimum aurum, eodem atque corona, pondere præditum immisit, minoremque aquæ effluxisse copiam deprehendit: minorem igitur, insert *Archimedes*, massam, seu volumen aurum purissimum, quam corona continent, licet idem habeant pondus; corona igitur est purissimo auro specificè levior: ex auro igitur puro non est confecta. Hic tamen explorandi modus ad notabile in magnis quantitibus discrimen præter propter dignoscendum sufficiens, ad exigui ponderis, & voluminis alia, ut sunt nummi, & similia, adhiberi commodè non potest, ob plurimas, quibus est obnoxius, fallacias, quæ nulla hominum industria vitari possunt.

PROP. LXXXIV. PROBLEMA.

340. *Onerarias, aut alterius generis naves, in fluminibus. aut pelago demersas Hydrostaticæ beneficio extrahere.*

Inter innumera, quibus naves sunt obnoxia, pericula, id non infrequenter accidit, ut ventis hinc inde concutientibus, vel mille aliis de causis fatiscientibus tabulatis, lateribus, aut fundo, eaque aquæ copia intra pavigii capacitatem ingressa, quam anthliz nequeant exhaurire, ad fundum delabantur, illicque subsidant plurimis, & pretiosissimis mercibus onusta navigia. Quod quidem si longe a littoribus eveniat, malum; nullum, illi adhominibus, aut arte afferri potest remedium: si vel prope littora, vel intra etiam ipsos portus, aliqua tandem via non sine fructu tentatur remedium.

In id vero; subtrus. navigii corpus (in quo est rei cardo) plurimi circumducendi sunt funes, sub prora potissimum, & puppi, vel ad ipsum navigii corpus fortiter alligandi: chordarum extremitatibus supra aquam extantibus plurima circumquaque dolia aere solum plena, ita circumligentur, ut dolia, velut totidem bolides, in maximo aquæ refluxu tensis chordis supernatent; aqua ad littora iterum fluent, & sensim assurgens dolia specificè multo leviora

316 *PHYSICA GENERALIS.*

viora elevabit; elevari autem ea nequeunt, quid navigium etiam, cui tensis chordis fortissime circumligantur, sursum trahant; navis autem e ceno, aut arena subducta facile ad superiora educitur.

Quod si tantum sit demersi navigii pondus, ut doliorum ope extrahi non possit, unus, duorum, trium navium ope extrahetur, dummodo ex ad demersi navigii corpus fortiter alligentur cæteraque eo, quem diximus, modo peragantur. Si eo in loco navigium pereat, ubi nullus, aut modicus sit aquarum fluxus, & refluxus, alligata ad demersam navim dolia aqua impleantur, ut novo pondere intra aquam majori ex parte immergantur, eoque pacto demersa, & tensis chordis alligata, aqua iterum anthliarum ope evacuantur, ut aqua leviora facta sursum, & se, & navigium attollant. Eadem ratione, qua navigia, alia etiam pondera, intra flumina demersa extrahi possunt: unam, quæ primo obijcitur, difficultatem, qualiter scilicet infra aquas descendere, & tandiu illic immorari, quoad navigio circumligentur chordæ; homines possunt, in Hydrometria explicabimus.

LECTIO XV.

De lege continuitatis.

541. Quoniam generales naturæ leges in generali physica proprium sibi locum vindicant, *Continuitas* vero inter illas leges a non paucis hodie recensetur, & a quamplurimis etiam negatur, recta methodi ratio a me postulare videtur, ut hoc etiam loco pro argumenti complemento postquam leges universales corporum ab omnibus admittas examinavimus, doctrinæ gratia, dubias etiam leges examinemus. Continuitatis legem parum, aut nihil curarunt antiqui, licet scholasticæ philosophiæ genio maximo conveniret, cum de metaphisica potius subtilitate, quam de physicis experimentis, aut observationibus participet, allaque ex parte aptissimum

mum sit longissimis disputationibus argumentum. Qualecumque tamen fuerit antiquorum Philosophorum de lege continuitatis Judicium, aut eam prætermittendi ratio, inter recentiores disputari incipit, esset necne *continuitas* inter universales naturæ leges numeranda? Sunt aliqui præclari nominis Philosophi, qui illam omnino adstruant, dum ex opposito alii, nec numero, nec ingenio, aut eruditione secundi, eam inficiantur. Quid sit hujusce rei paucis exponemus.

DEFINITIO.

343. *Lex continuitatis* nihil est aliud, quam *successiva actionum gradata productio, & transitus per omnes gradus intermedios*, ita, ut quidquid in rebus producitur, destruitur, augetur, diminuitur, transferretur, immutatur, modificatur, per gradus omnes intermedios successive fiat, nullaque sit in rebus determinata actio, effectus, magnitudo, aut mutatio, cujus partes simul, aut in instanti fiat: dum v. g. certus impetus, & vis lapidi imprimitur, aut ab uno corpore in aliud per percussionem transfertur, ea vis integra simul imprimi, aut transferri, & communicari non potest; sed necessario fiet successive, & gradatim per omnes magnitudinis gradus intermedios: si gradus impetus lapidi a manu comunicandus consistet partibus in infinitum divisibilibus, eum impetuum gradum non nisi successive in infinitis partibus temporis comunicabimus.

DEFINITIO.

343. *Lex igitur continuitatis* proprie solum spectat actiones, quibus res, & effectus quicumque fiunt, destruantur, vires transferuntur, mutantur, diminuuntur &c. ab hac igitur continuitatis lege, seu continuitate actionum distinguitur alia *continuitas corporum*, seu effectuum, quæ in eo consistit, quod partes corporum se mutuo immediate, & mathematice

318 *PHYSICA GENERALIS.*

tice tangant: duplex proinde distingui debet continuitas, prima quidem in actionibus, a nobis definita, quæ semper intelligitur nomine *legis continuitalis*: alia verò inter partes corporum, de qua impræsentiarum non agimus: scimus tamen aliquos hodiè esse philosophos, qui primam legem statuunt, ab eaque deducunt non existere secundam; seu ex continuitate actionum, continuitatem corporum, & contactum non esse contendunt, atque inferri existimant.

544. Duplex autem distingui debet actionum ordo, & species: prima, scilicet, quæ tempus, aut motum producant, in iis consistunt, aut specialem ad illa habent relationem, quæ quidem dicuntur *successivæ*: aliæ vero, quæ *permanentes* dici possunt, illæ sunt; quarum effectus, omnesque earum partes simul possunt existere, puta actiones producentes, aut destruentes impetum, & aliæ similes. De priori actionum ordine nulla est controversia, omnes enim continuitatis legem in ii observari fatemur: ad alterum igitur actionum ordinem quæstio solummodo reducitur.

PROPOSITIO LXXXV.

546. *Lex continuitatis generatim accepta (prout omnes actiones complectitur,) nullo efficaci argumento probatur.*

Propositionem non melius probabo, quam ea adducendo argumenta, atque diluendo, quibus continuitatis lex probari solet. Duplex autem est præcipuum, quorum primum ab inductione alterum vero ab ratione metaphysica petitur. Primum ita proponitur. Nihil in natura sit seu producitur, destruitur, augeatur, diminuitur, comutatur, aut ad certam aliquam magnitudinem pervenit, eamque acquirit, aut in ea constituitur simul, & per saltum, sed per gradus omnes, & omnes magnitudines intermedias possibiles pertransit, v. g. Sol, & omnia Astra per gradus successive moventur, ascendant, & descendunt in horizonte: densatio, ac ra-

PHYSICA GENERALIS. 319

refactio per gradus fiunt, seu corpus paulatim transit a minori ad maiorem densitatem, aut raritatem: omnia corpora, quæ moventur, per lineas continuas, aut curvas, aut rectas moventur; hoc est, ab uno ad alium locum non pertranseunt per saltum, sed per medium continuum spatium; dies paulatim per auroram venit, per crepusculum abit: Motus gravium, immo & quorumcumque corporum oblique, aut recte ascendentium, descendentium, & projectorum, continuitatem semper servant in semitis percursis; unde velocitates etiam, dum augentur, aut minuuntur, paulatim semper, & per gradus mutantur; directiones corporum paulatim inflectuntur, & in alias convertuntur, ita, ut nullius reapse in directionum mutationibus fiant anguli: nulla tandem corpora in angulos exactos desinunt, sed in eorum cuspidibus, quantumvis acutis, microscopij ope, flexus, & crassities observantur: curvaturam etiam habent fluviorum alvei, arborum folia, rami, spinæ, &c.: ergo natura in omnibus continuitatem affectat, & sequitur, ac proinde etiam in rerum omnium effectuum, velocitatum, virium, productionibus, translationibus, communicationibus, diminutionibus, & destructionibus, omnia fiunt per gradus omnes intermedios magnitudinis a nihilo usque ad eam, quam obtinent magnitudinem. En totum, quotum est, inductionis argumentum, cui passim lex continuitatis innitur.

546. At tota hæc inductio, partium enumeratio, & argumenti vis ad hoc antiquissimum, & nemini ignotum enthimema reducitur. Motus localis, & quæ per motum localem fiunt, successive fiunt, & per loca continuata, & intermedia, sine saltu ab uno ad alium locum distantem transeunt: ergo etiam causarum actiones, seu effectuum productiones, virium communicationes, destructiones &c. erunt successivæ, & fiunt per gradus omnes intermedios: aliis terminis: nullum mobile suum motum ab uno ad alium locum producit, nisi successive, & per loca intermedia: ergo etiam nulla causa effectum ali-

aliquem cujuscumque magnitudinis producet, destruet, augebit, imminuet, & transferet, aut communicabit *simul*, quin successive, gradatim, acquirat, & transeat per omnes gradus magnitudinis illius effectus.

547. Quod inductio allata ad hoc enthimema reducatur, patet, quia quidquid in ea continetur ad rem spectans, si velocitatem, aut vim excipias (quæ cum sit in questione, sine principii petitione adduci non debet) sunt motus locales, aut eorum effectus: quid enim est aliud ascensio, descensio, & quicumque alius Astrorum motus? auroræ claritas, lucis intensitas successive augetur, & minuitur ob solem successive accedentem, vel recedentem, hoc est, localiter progredientem: intensitas, & remissio lucis, & reliquarum similium, qualitatum ab earum particularum dispersione per majus, vel confluxione ad minus spatium pendet: hæc autem per motum localem sunt: similiter etiam densitas, & raritas corporum fit per motum particularum ad se mutuo accedentium, vel recedentium.

548. Quod additur de spiculis, de foliis, de fluviis est maxime obscurum, & parum ad rem facit: scimus foliorum, acicularum, spiculorum extremitates; & omnes corporum acies, quas percipimus non desinere in puncta, sed habere latitudinem, poros, crassities, prominentias: quælibet etiam prominentia, seu monticulus microscopio in spiculi cuspe detectus, subtiliores alias habebit asperitates, cavernulas &c.: fiat, vero, necne materiales anguli in natura, nullus mortalium scit: negabit magna geometrarum, & philosophorum pars, qui materiam in infinitum divisibilem statuunt; affirmabunt alii, qui continuum ex indivisibilibus componunt.

549. Cum igitur nullus hominum divinare possit, sint nec ne in natura veri materiales anguli, sique id e plurimis illis unum, quæ in reconditissimo naturæ sinu latent, cum ad prima elementa materiæ, nobis penitus ignota, spectet; nullo jure ex hujusmodi rebus ignotissimis argumentum peti potest: esset enim rem prorsus occultam, tamquam certum

tam ponere, ut argumentum inde posset deduci.

550. Jam luce meridiana clarius est, in adducto a me enthymemate nullam contineri inductionem, sed argumentum solummodo a pari, ut inquirunt, seu relationem inter motum localem, illiusque effectus ex una parte, atque causarum actiones, seu rerum productiones, destructiones, communicationes virium &c. ex alia. Nullus autem fuit Philosophus, quem huiusmodi relatio, seu argumentum a pari desumptum lateret, & successivam effectuum ip adducta inductione enumeratorum continuitatem non agnosceret; quin tamen vim aliquam in eo argumento ad similem continuitatem successivam in omnibus causarum actionibus inferendam animadvertet.

551. Quod si valeret adducta inductio, recte etiam hoc modo inferre liceret: locali motui, & effectibus omnibus, qui in locali motu consistunt, aut illum habent adjunctum, ita est necessaria successio temporis, & locorum, per quæ, & in quibus movetur corpus, ut nulla potentia eam successionem tollere ab iis effectibus possit: idem igitur verum erit in quibus cumque aliis causarum actionibus, & effectibus, ita ut ne Deus quidem certam velocitatem, seu impetus partes uni corpori simul imprimere possit, quin successive, & continue gradatim eum impetum producat. Nullus autem huiusmodi discursum tamquam legitimum admittet.

552. Directe igitur respondeo ad argumentum. Quemadmodum res seu effectus alii sunt permanentes, quorum partes non opponuntur, sed simul existunt; alii successivi, quorum partes simul existere nequeunt; ita & actiones, seu productiones, destructiones &c. aliz sunt permanentes, successivæ aliz: utraq; suorum effectuum naturam sequuntur: sicut rerum successivarum partes v. g. plures partes temporis aut motus *simul* existere nequeunt: ita neque produci, seu earum partium productiones conjungi *simul*: ex adverbo sicut omnia corpora universi simul existunt, ita & eorum partes, partiumque productiones simul existent, aut existere possunt:

plures partes motus, aut temporis, quibus lapis movetur, non possunt *simul* existere; ac proinde neque *simul* produci: omnes tamen partes impetus ipsius lapidis simul existunt, ergo & earum actiones simul existunt, simulque ex partes produci possunt, & producuntur.

A successivis ad permanentia, & a permanentibus ad successiva non in omnibus peti argumentum potest. Diceretne aliquis hunc mundum, hoc est, omnem materiam hujus mundi fuisse, a Deo Opt. Max. secundum legem continuitatis productam, modo unicum punctum, postea aliud &c. At hoc modo parum digne de supremi illius decreti fiat efficacia sentiri videretur:

553. In idea motus localis causæ naturalis hæc duo comprehenduntur, correspondentia successiva, & continua temporis, ac loci: temporis quidem, quia neque in uno, eodemque tempore potest corpus esse in pluribus locis, neque existere potest temporibus interruptis; loci vero, quia neque mobile movetur per loca, per quæ non transit; neque potest esse simul in pluribus locis: unum enim esset participatio *ubiquitatis*, ut dicitur, seu immensitatis uni enti illimitato convenientis, a qua solum differret secundum magis, & minus: aliud vero esset alternatio productionis, & destructionis, quod quidem dominium in Creaturas uni Deo competit. In effectuum tamen eorum actionibus, quæ nullam habent cum locali motu immediatam affinitatem necessariam, cur negabimus, posse eos effectus simul, & sine successione produci, v. g. certam imperus quantitatem?

554. 2^o. Argumentum est hujusmodi: si actio quæcumque, seu effectus fieret per saltum, hoc est, si aliqua determinata magnitudo produceretur, communicaretur, aut destrueretur simul, & non successive; sequeretur, actionem, seu effectum tempore productionis per saltum, aut nullum habere statum, & locum, aut duos simul status, vel loca habiturum; v. g. si mobile per horam, vim, seu velocitatem habeat, ut 3, & finita hora, acquirit si-
mul

PHYSICA GENERALIS. 323

mul velocitatem, seu vim, ut 6; in communi termino, & discrimine harum horarum, & vim solum, ut 3, & vim etiam, ut 6, habebit, aut in eo communi termino nullam vim habebit. Similiter si mobile per rectam aliquam lineam transeat cum determinata velocitate, & in puncto simul vel ad aliam rectam CM transeat, vel aliam velocitatem &c. I determinatam simul acquirat; deberet in transitu ab una ad aliam rectam, ab una ad alia velocitatem, duas simul, aut nullam habere velocitatem, in duobus simul, aut nullo existere loco. Id autem, ex ratione continuitatis enascitur; duæ enim magnitudines continuatæ communem aliquem terminum, & limitem intermedium habere necesse est, prorsus indivisibilem in ratione limitis: si igitur mobile velocitatem determinatam simul acquirat, in communi temporum aut linearum limite, in quo ab una ad aliam velocitatem transit, utramque velocitatem debet habere, in utroque loco existere; vel nullam velocitatem habere, & nullibi esse: cum enim ille limes ad utrumque tempus, aut extensionem spectet, non est potior ratio, cur unius potius, quam alterius temporis, aut loci velocitatem habeat; vel igitur utramque, vel neutram.

555. Hoc antiquissimum argumentum simile videtur illi sophismati, quo *Diodorus Cronus* nullum motum existere posse probabat, hoc modo discurrens; vel moveor in termino, & loco, ubi exiſto, vel in termino immediate, ad quem tendo, & in quo existam; non primum; quia aliter ab eo loco non exirem; non secundum, quia nihil movetur, ubi non est. Si verum esset argumentum, neque Deus etiam certam quacumque magnitudinem simul producere potuisset, v. g. non posset mobili habenti impetum, ut 3, vires duplas simul imprimere contra continuitatis legem: nulla enim potentia fieri potest, ut mobile existens, in nullo existat loco, vel status omnino oppositos habeat: At credet ne aliquis, Deum non posse simul producere mundum, & quancumque aliam magnitudinem

X 2

per-

permanentem, & vires omnes, quibus a principio astra, & cætera corpora movebantur? Igitur creatis etiam causis secundum limitationem creaturæ huiusmodi agendi modus erit impossibilis? uno verbo, si argumentum tenet, & verum habet, in quocumque rerum ordine impossibile esset legem continuitatis violari, neque ipsa etiam causarum omnium causa, nempe Deus, datam aliquam vim simul producere posset, aut destruere: omnibus enim, & quibuscumque causis æque opponitur argumentum, cum æque sit impossibile relate ad omnes causas, negationem, cum re negata in eodem loco, & tempore conjungere: Si ergo causa aliqua, nempe causa prima legem continuitatis violare posset, cum aliunde negationem, cum re negata conjungere nequeat; evidens est, quod possit lex continuitatis violari, quin negatio cum re negata jungatur, aut corpus in oppositis, statibus constituitur.

556. Directe argumento Respondeo, terminum, seu limitem communem inter duas magnitudines continuas, & ad neutram spectantem esse meram ideam methaphysicam, cui nihil in physica responderet; termini enim quantitatum physicarum sunt potestatem illarum partes, quibus se tangunt; quantitates se se contingunt physice, v.g. partes materie, quin ullus detur continuatus limes ab earum partibus extremis distinctus: poteritquo mobile determinatam vim habere in extremo puncto lineæ præcedentis, & duplam in primo consequentis. Hoc autem posito, nulla jam est impossibilitas illa in argumento allata, neque negatio cum re negata conjungitur, neque eadem res, v. g. corpus mobile in duobus oppositis statibus constituitur.

557. At impossibile est, reponitur, duo puncta se contingere, quin penetrentur: impossibile igitur est, quod duo puncta se contingant, quorum unum sit finis primæ partis corporis, alterum vero sit secundæ initium. Hæc ratio in quæstionem de continuæ quantitatis elementis, ac compositione nos deduceret, quare respondeo; sint nec ne indivisibilia, aut puncta extensa, aut monades, aut partes

in

PHYSICA GENERALIS. 335

In infinitum divisibiles, termini, & extrema corporum contiguorum, non est hujus loci disputare. Puncta extensa superius admisi, & prima esse elementa corporum propugnavi: cum nihil sit, quod valide illa puncta impugnet, ut in loco probavi, ea impræsentiarum suppono; iis vero positis, optime intelligitur, puncta esse contigua, quin penetrentur, posseque unum primi, alterum secundi segmenti extremum, & limitem existere, quin ullum sequatur absurdum.

§58. Qui partes divisibiles in infinitum admittunt, earum contactum necessario supponunt, non enim dividitur, quod non erat unitum, aut contiguum. Monadum autem, & punctorum non extensorum assertores minime latet antiquissimum hoc *Aristotelis* contra *Zenonem* argumentum, eo tamen minime deterrentur, aut sententiam mutant. A primo igitur usque ad ultimum patet, allatam rationem methaphysicam nihil pro lege continuatis probare.

§59. Preter inductionem, & argumentum methaphysicum hætenus allatum, opponitur pro continuitatis lege modus agendi creaturarum, quæ cum sint limitatæ virtutis, paullatim solummodo, & gradatim resagere possunt: plura enim uno eodemque tempore agere, destruere, communicare debilem causarum creaturarum virtutem, atque conditionem superare videtur. Verum ex debili hoc argumento nihil momenti deduci potest: conditionis, & limitatæ creaturarum virtutis est limitatos etiam effectus producere; sed continuitatis legem in omnibus observare nequaquam est finitæ, & limitatæ, virtutis proprium, aut necessarium.

PROPOSITIO LXXXVI.

§60. *Licet in rebus successivis, in tempore nimirum, ac motu, aut in actionibus cum tempore, & motu connexis lex continuitatis observetur, in cæteris tamen actionibus prædicta continuitatis lex non existit.*

Hæc propositio ex immediate antecedenti fere deducitur: si enim nullum est fundamentum satis

probabile ad legem continuitatis universalem stabiliendam; hæc autem aliunde sensuum testimonio opponitur, cui stare debemus, quamdiu evidens, aut certa ratio contrarium non doceat; manifeste deducitur, improbabilem esse continuitatis legem generatim acceptam prout omnes rerum actiones, & effectus comprehendit.

561. Præterea vero probatur primo; sensuum testimonio apparet, corpora quiescentia, in quæ alia incurrunt mobilia, a quiete ad magnam velocitatem immediate pertransire, hoc est, magnam velocitatem, & vim simul acquirere, aut etiam simul deperdere (cum in alia incurrunt) quin per gradus eam celeritatem, aut impetum acquirant, aut amittant: quamdiu igitur non demonstretur, sensus nostros in hisce observationibus falli; eorum testimonio standum nobis est, & proinde dicendum, in corporum incursionibus, & quamplurimis aliis rebus saltum committi, hoc est, vires & plures alios effectus non per gradus, sed simul produci, ac destrui.

562. Duplici, aut triplici ratione proposito argumento accuri potest, primo, si dicamus, corpora sese mathematicè non tangere, quod pauci aliqui philosophi tenent, aut tenere profitentur: secundo, si vires paulatim ante contactum communicari incipiant ita ut illæ brevissimo, & prorsus insensibili tempore contactum immediate præcedenti, usque ad contactum ipsum successively, & secundum continuitatis legem communicentur, eaque communicatio in contactu absolvatur: tertio, si corpora dura neges, in omnibus vero aliis virium communicationem, per compressionem, quæ successively fiat, & paulatim ab unis ad alias partes transmittatur, exerceri contendas.

563. Omnia hæc sunt possibilia, sed in pura possibilitate consistunt, dumque efficaci argumento non probatur, perpetuo omnium sensuum testimonio insistendum potius est. Et ut nihil de contactu corporum, aut de corporibus duris dicam, de secundo tantummodo loquar; ita ego contra me ipsum pro lege
con-

continuitatis aliquando argumentabar. Legem continuitatis non in omnibus generatim rebus a natura observari, ex communicatione, aut destructione virium in occurſu, & incurſu corporum facta ſenſuum teſtimonio accedente poſſimum probo; vires enim, ſeu impetum in magna aliqua quantitate produci, transmitti, aut deſtrui ſimul, ſenſus demonſtrant: attamen fieri poteſt, ut vires brevifſimo tempore contactum præcedenti, uſque ad contactum ipſum communicentur ſucceſſive, & ſecundum legem continuitatis, ſenſus vero eas in inſtanti, & ſimul communicari exiſtiment.

ſ64. Rem ego ita cogitabam: vires quæ eodem momento temporis a zero acquiri incipiunt, & uſque ad aliud determinatum momentum gradatim continue creſcunt, poſſunt eſſe majores; & majores, plures, & plures in infinitum. Pone. ve. gratia, lunarum ſeriem in eadem ſemidiametro a telluris atmophæra uſque ad orbem Lunæ, quæ omnes ſimul libere ſibi, & virtutis centripetæ permittantur uſque ad datum momentum, in quo omnes ſiſtant: in hoc caſu, qui ex parte exiſtit, cum vis centripita ſemper agat, vires eo tempore acquiſitæ ſucceſſive, & continue acquiruntur; omnes eodem momento temporis, ab eodem corpore, & a nihilo, ſeu zero velut communi termino generari incipiunt: pono enim, incipere a perfectæ quiete abſoluta, in qua vis acquiſita eſt zero; ſeu a quiete relativa, quæ vis relativa etiam eſt zero: erunt autem hæ vires pro varia lunari diſtancia in infinitum creſcente, aut decreſcente in infinitum diverſæ quoad magnitudinem: vires autem eodem modo, quo acquiruntur, deperdi, & communicari poſſunt, ut per ſe evidens eſt.

ſ65. Sit modo corpus quodcumque B (Fig. 37. Tab. III.) quieſcens abſolute, aut relative ad certum virium exceſſum, in quod incurrat corpus A in certa diſtancia CO dividatur; repreſentabit CO tempus commune, quo infinitæ lunæ, ſeu mobilia vires in indefinitum diverſas acquirunt OX, OZ, OR, OS, OT, ON &c. in data ratione creſcentes,

X 4

tes,

tes, aut decrecentes in indefinitum. Spatium autem eodem modo divisibile est, atque tempus, ac proinde etiam recta *CO* representare potest spatium in quo percurrendo ab *C* usque ad *O* sit virium quarumcumque continua communicatio, aut amissio in mobili *C*, & acquisitio in *B* in quacumque ratione data. Mobile *A* æquale *B* v. g. cum ad *C* pervenerit, vim habet *CM*, seu *OM* relative superiorem ad vires corporis *B*: in puncto *C* incipiat ea continue deperdi in *A*, & transferri in *B*: recta *ON* vires representans, dividi poterit in ratione, quæ opus est, ut vires inter corpora distribuuntur, ad hoc ut corpora post contactum pari velocitate ferantur; sit ea divisio in *R*, & ducta *CR* vires communicatæ a puncto *C* continuo crescunt secundum infinitas parallellas & applicatas *YP*, *LV*, quæ continuo crescunt proportionaliter ad partes spatii, aut temporis continui, & continue crescentes *CY*, *CL*, *CO*, *EV*: proportionaliter etiam decrescit vis residua in *A*; decrecentibus continuo restis *PE*, *VF*, *RN* usque dum in contactum æquantur omnino vires communicatæ, & residuæ: quod si *A* esset quadruplum v. g. corporis *B*; sit *OX* quarta pars virium, seu rectæ *ON*, ductaque *CX*, per ordinatas *YH* continuo crescentes virium communicatio usque ad contactum peragentur, & sic in quacumque alia corporum & virium combinatione.

566. Uno verbo, id unum quaeritur, utrum in percurrendo spatio insensibili *CO* vis quæcumque proportionaliter, & continue acquiri, destrui, imminui, & communicari possit? posse autem ex dictis manifeste constat. Ejus rei Idea aliquo modo formabitur, si in mobili quocumque *A*, vi quacumque delato concipiatur quædam virium atmosphæra circularis, quæ quidem in omnibus viribus eandem habeat extensionem, seu radium, sed per densitates in indefinitum majores, aut minores distinguantur, quæ tamen a centro ad peripheriam continue semper, & gradatim decrescant; hisce autem positis, vires secundum leges continuitatis communicantur, & tamen hæc communicatio in instanti fieri, atque

atque in ipso solum contactu sensibus appareret, Fieri autem potuit, ut Deus mundum condens, hanc statuerit primitivam legem in omnibus corporum occurribus semper servandam; liberrimum enim vero id Deo fuit: ea autem lege posita, continuitatis lex in ipsomet corporum contactu, & in virium quarumcumque communicatione, aut emissione servatur.

367. Quis autem demonstrabit, primitivam illam legem circa virium communicationes non existere, generalem non esse, & casus, corporaque omnia non comprehendere? si igitur ex una parte demonstrare non possimus impossibilem esse, aut non existere prædictam illam legem, atque omnia corpora non comprehendere; ex alia vero evidens est, quod ea stante, optime intelligitur lex continuitatis, licet sensuum testimonium refragetur; consequi videtur, legem continuitatis existere, & fundamentum ad illam negandam ex sensuum testimonio ductum penitus ruere:

368. Respondeo præfato discursu modum quidem demonstrari possibilem, quo lex continuitatis stare posset, cum iis virium translationibus, & communicationibus, quæ in corporum contactu sensus nostri, *simul* fieri existimant; verum cum nihil nisi possibilitas prædicto ratiocinio evincatur, tota adhuc vis fundamento superius exposito constat.

369. Probatur 2^o. Ea est differentia inter effectus ex natura sua successivos, ut est motus realis, aut tempus, & effectus permanentes, quorum partes nullam dicunt successionem, aut oppositionem, ut primi ob naturam successivi, alii post alios edantur, neque simul existere possint, & veluti duratione penetrari; alii vero, quales sunt productiones rerum permanentium, creatio hujus mundi, destructiones, & communicationes rerum, seu actionum, corpora ipsa, & magnitudines permanentes nullam relate ad existentiam habentes oppositionem, incipiant, desinant, communicentur, & existant simul: uno verbo, alia sunt impenetrabilia, & continua quoad locum, penetrabilia quoad tempus, si ita loqui licet, ut
cor-

330 *PHYSICA GENERALIS.*

corpora; alia penetrabilia quoad locum; impenetrabilia quoad tempus, ut motus partes, & tempus ipsum reale; alia denique, & quoad tempus, & quoad locum penetrabilia, ut virium intensitates, actiones, communicationes &c. earum enim partes, & existunt simul tempore, & loco; si ergo existunt simul, cur non poterunt produci simul?

570. Probatur 3°. causa quæcumque data in dato temporis momento vim aliquam, seu effectum agit; causa igitur dupla, tripla quadrupla &c. cur in eodem momento partes effectus duplas, triplas, quadruplas &c. in infinitum non producet, ac communicabit, si hujusmodi partes simul conjungi possunt? Infinita pene omitto, quæ ex physica peti possent, nam hæcenus dicta abunde sufficiunt.

Finis Tomi Terti.

INDEX TOMI III.

331

Physica Generalis. Pars II.

LECTIO PRIMA.

DE virium Corporum motorum æstimatione, ac mensura; seu de viribus vivis, & mortuis.	pag. 3
Annotatio Historica.	<i>ibid.</i>
DEFINITIO vis vivæ.	8
PROP. 1. Velocitas corporum per eorum massam ducta, est virium vivarum mensura, ac proinde &c.	<i>ibid.</i>
Motus æquabilis.	9
Theora percussionalis in corporibus duris.	15
Theoria motus in Corporibus mollibus.	18
Compositio Virium.	22
Argumenta opposita.	20

LECTIO SECONDA.

De viribus centralibus, centripeta nimirum, & Contrifuga.	40
Harum virium Definitiones.	<i>ibid.</i>
OBSERVATIONES, aliquæ, ad hanc materiam spectantes.	44. 45. 46
PROP. 2. Corpus quæcumque tam solidum, quam fluidum circa punctum aliquod in curva circumvolutum, expositis modo centralibus viribus movetur, quarum scilicet una per tangentem agit, altera vero ad centrum &c.	46
PROP. 3. Omne corpus duplici vi ad motum sollicitatum, quarum una ad punctum aliquod determinatum perpetuo Corpus trahat, altera secundum directionem ad priorem perpendicularem dirigatur, curvam circa datum punctum describit.	48
PHÆNOM. Passim obvis, quæ per supradictas vires facile explicantur.	49. 50. 51
PROP. 4. In plurimorum corporum gyrantium systemate, si alia aliis sint densiora, alia item aliis ad motum aptiora, partes densiores majorem vim centrifugam acquirunt &c.	51
PROP. 5. Vires centrifugæ duorum, aut quorumcumque corporum eadem velocitate in eadem a centro distantia	51

ria circum volventium sunt in patione directa massarum corporum. *ibid.*

PROP. 6. Si duo, aut plura corpora æqualia in orbitis inæqualibus circa centrum iisdem temporibus volvantur, servatis iisdem a centro distantis, erunt illorum vires centrifugæ, ut orbitarum radii &c. 53

COROLLAR. 1. 2. Quæ ex præcedenti propositione deducuntur. 52. 53

PHÆNOM. Aliqua explicantur. 53. 54

COROLL. 3. Si vorticis aut systematis partes non in eodem plano circumvolvuntur, sed circa eundem axem, in diversis tamen planis, leviora, seu rariora corpora a densioribus quidem non ad unum omnia centrum in medio systemate posicū detruduntur &c. 55

COROLL. 4. Ex demonstratis sequitur, quod si globus solidus, aut vortex fluidus sphericus circa axem roretur, ita ut omnes partes homogeneæ eodem tempore vertiginem suam absolvant; vim centrifugam longe maiorem habebunt partes, quæ in æquatoris periphæria convolvuntur &c. 56

PROP. 7. Corporum æqualium, seu ejusdem massæ, diversis celeritatibus circumvolutorum in eadem orbita vires centrifugæ sunt inter se in ratione duplicata velocitatum. *ibid.*

COROLL. Vires centrales Corporum in inæqualibus orbitis eodem tempore girantium exprimuntur per massas in velocitates ductas &c. 57

PROP. 8. Si Corpus aliquod in Curvâ circa punctum aliquod vi ad illud tendente retineatur; eamque lineam viribus centralibus describat, erunt areæ, quas radius a centro curvæ ad Corpus ductus describit, proportionales. 58

PROP. 9. Si corpora fuerint inæqualia, & diversis celeritatibus in æqualibus orbitis convolvantur, erunt vires eorum centrales in ratione composita ex simplici ratione massarum, & duplicata velocitatum 59

SCHOLION. Ubi aliqua circa vires centrales, indicantur propositiones, quæ apud aliquos Auctores demonstratæ inveniuntur. *ibid.*

NOTÆ. Ubi supradicta omnia virium centralium theoriam spectantia facillime ope calculi demonstrantur. 60

LECTIO TERTIA.

De Corporum gravitate.

DEFINIT. Gravitatis.

61

63

DEFI-

I N D E X.

333

DEFINIT. Gravitatis absolutæ & relativæ.	64
§ Præcipua Gravitatis Phænomena.	65. 66. 67
DEFINIT. Centri magnitudinis & gravitatis.	66
ANNOT. HIST. Ubi Philosophorum circa gravitatem sententiæ expenduntur.	67
PROP. 10. Corporum gravitas non est principium aliquod, qualitas, vis, aut eenergia Corporibus ipsis intrinsicæ, & ab eorum natura promanans &c.	70
PROP. 11. Corporum gravitas, aut gravitatis phænomena explicari, aut intelligi difficile possunt per virtutem attractivam &c.	73
PROP. 12. Corporum gravitatem per vim attractivam Newtonianam modo superius indicato tradere, & exponere, obscurum, atque non satis probabile mihi videtur.	78
PROP. 13. Neque gravitas, neque gravitatis phænomena explicari possunt per unicum fluida materię vorticem supra æquatoris polos ab occidente in orientem per circulos parallelos delatum.	80
PROP. 14. Per duplicem materię fluida circa terræ vorticem, quorum primus circa mundanum axem, & supra polos; secundus autem ab uno ad alium polum supra æquatoris diametros, & primi vorticem perpendiculariter interfecans roretur, gravitatis phænomena, & natura explicari non possunt.	86
SCOLION. Christiani Huggens, & Leibnitii opinio proponitur.	90
SCOL. Quid circa gravitatem tenendum sit.	91

L E C T I O Q U A R T A.

De Attractione, seu gravitate universali non mechanica.	94
DEFINIT. Attractionis.	95. 96
ANNOTATIO Historica.	98
PROP. 16. Attractio, seu vis attractiva in exposito sensu accepta, ab omni scilicet materiali impulsione, mechanicisque causis distincta, non existit in natura. 101	105
Argumenta, & experimenta in contrarium.	105
COROLL. Deducitur ex supra dictis attractionem considerandam esse tantummodo tanquam hypotheseim quandam geometricam nihil in rebus ponentem, aut statuentem, quod sit a materialibus causis distinctum.	109

LE-

LECTIO QUINTA.

- De gravitatis Corporum effectibus, & primo quidem de iis, qui a sola gravitate derivantur. 111
- DEFINIT. Plani horizontalis. *ibid.*
- DEFINIT. Lineæ horizontalis. 112
- DEFINIT. Centri magnitudinis, seu figure, Centri gravitatis in corporibus, & Centri corporum gravium. *ibid.*
- COROLL. Si Corpus quodcumque grave homogeneam, eandemque in suis partibus densitatem, seu gravitatem habeat, centrum pravitatis cum magnitudinis centri coincidit. *ibid.*
- DEFINIT. Lineæ retæ a centro gravitatis unius corporis ad comune gravium centrum ductæ. 113
- Hypothesis Ubi supponitur figuram terræ esse sensibilibiter sphæricam. *ibid.*
- OBSERVAT. Circa gravium descensum. 114
- COROLL. 1. Liber corporum descensus semper fit per rectam lineam ad horizontem perpendicularem; nisi ab aliqua causa exteriori aliter determinetur. *ibid.*
- COROLL. 2. Omnia corpora gravia terrestria in telluris centrum diriguntur, & gravitatis actione tendunt. 115.
- COROLL. 3. Si tellus est in medio universi, omnia corpora gravia etiam ad universi centrum propendent, & nituntur. 116
- COROLL. 4. Si tellus per centrum perforaretur, de missus per foramen lapidis ad Centrum usque descenderet, illicque in aere, vel in vacuo conquiesceret, nulli sustentaculo inixus. *ibid.*
- COROLL. 5. Eadem in hypotesi homo ita in centro locatus, ut ejus pectus centrum teneret, pedibus staret erectus. 117
- COROLL. 6. Si planum perfecte planum terram contingat, illicque globus perfecte sphæricus superimponatur, ad contactus punctum illico descendet, in quo tandem sisteret. *ibid.*
- COROLL. 7. Sequitur ex supra dictis ædificiorum parietes ad planum horizontale perpendiculariter erectos, non esse inter se geometricè parallelos. 118
- COROLL. 8. Homo tellurem circumiens in quocumque terræ puncto consideretur, a terra minime caderet, sed semper versus centrum urgeretur. *ibid.*
- COROLL. 9. Siquis terram circumiret viator, plus capite,

- pite, quam pedibus spatii conficeret. 119
 Observat. 1. 2. 3. 4. In quibus aliqua gravitatis phenomena proponuntur. 119. 120. 121
 PROP. 16. Omnia terrestria Corpora, in quibus experimenta capere licet, gravitatem habent, qua versus terræ centrum descendunt recta. 121
 COROLL. Nulla sunt corpora absolute levia. 121
 PROP. 17. Omnia Corpora gravia eandem, sive ejusdem generis, & naturæ habent gravitatem. &c. *ibid.*
 COROLL. 1. Cum solidum quodcumque corpus ad terram descendit, omnes ejus particule communem, seu eandem inter se habent velocitatem. 122
 COROLL. 2. Sensibiles omnium corporum particule æquales in eadem altitudine æqualem inter se habent gravitatem, & idem pondus. 122
 COROLL. 3. Pondera quoruncumque corporum in eadem altitudine pendensium sunt inter se directæ, ut ipsorum massæ, seu quantitates. *ibid.*
 COROLL. 4. Etsi corporis varietur status, puta si modo liquidum, postea solidum & firmum efficiatur, eandem nihilominus, in eadem altitudine, gravitatem absolutam retinebit. 123
 PROP. 18. Gravium Corporum pondus, seu absoluta gravitas, temporis successu non augetur, vel minuitur, sed in eadem a tellure distantia eadem semper perseverat. *ibid.*
 PROP. 19. Corpora gravia inequalis molis, quæ in vacuo, aut medio non resistente æqualem habent gravitatem absolutam, ad fluidum ponderosum, v. g. aerem, translata, ponderis æqualitatem amittunt. &c. 130
 PROP. 20. Corpora magnitudine æqualia, specificæ tamen gravitatis diversæ in medio resistente ex eodem puncto & altitudine demissa, inequali tempore descendunt; citius, quod gravius. 131
 COROLL. 1. Quo majus fuerit in iis corporibus gravitatis cum discrimine, eo majorem in descensu celeritatis differentiam habebunt. 132
 COROLL. 2. Quo gravius & ponderosius erit medium per quod Corpora diversæ gravitatis specificæ descendunt, eo majori celeritatum discrimine descendunt. *ibid.*
 COROLL. 3. Corpora diversæ gravitatis specificæ, si fuerint absoluto pondere æqualia, tardius in medio resistente descendunt, quod specificè levius. 133
 PROP. 21. Duo vel plura corpora ejusdem gravitatis specificæ, mole inequalia, ex eadem altitudine in terram

- ram demissa, inæqualiter cadunt; quod majus est, & proinde gravius, citius descendit. *ibid.*
 OBSERVAT. Circa pendulorum oscillationes. 137
 PROP. 22. Eiusdem Corpora gravitas non eadem in omnibus locis perseverat; sed ab æquatore versus polum crescere videtur. *ibid.*
 COROLL. Gravitas, seu pondus corporum a polis ad æquatorem minuitur, ab æquatore versus polos progredienti augetur &c. 136

L E C T I O S E S T A.

- De naturali corporum gravium perpendiculariter, & libere descendentium acceleratione, & ascendentium retardatione. 138
 DEFINIT. Motus accelerati, retardati, uniformis sed accelerati, & uniformiter retardati.
 OBSERVAT. Circa motus accelerationem. 138. 139. 140
 PROP. 23. Corpora gravia libere ad terram cadentia vel in vacuo, vel in resistente medio, ut in aere, eorum suum accelerant. 140
 COROLL. 1. In acceleratione motus gravium spectari debet gravitas ut premeas potentia mobili a tergo semper instans, illud versus terram semper urgens, & impellens. 141
 SCOL. Proponitur argumentum, ex precedenti Corollario deductum, contra Peripateticorum opinionem gravitatem in interna qualitate adstruentium. 141
 COROLL. 2. Gravium libere descendentium motus est uniformiter acceleratus. 142
 PROP. 25. Spatia composita, seu a principio motus numerata a gravibus decidentibus percurta sunt inter se, ut quadrata temporum, quibus illa percurruntur. 144
 COROLL. Spatia composita sunt ut quadrata celeritatum in fine temporum acquisitarum. *ibid.*
 PROP. 26. Probl. Dato spatio, quod mobile aliquod certo tempore lapsus initio computato conficit, spatium alio quocumque tempore ab eodem mobili conficiendum invenire. 145
 PROP. 27. Spatia separata, quæ grave descendens singulis temporibus percurrit, sunt inter se ut numeri imparibus in serie Arithmetica crescentes 1.3.5.7.9.11. *ibid.*
 PROP. 28. Quodcumque corpus grave si celeritate in fine cujusdam temporis acquisita, & in quiete permaneat, iterum moveretur, spatium conficeret duplici ejus

ejus quod celeritate uniformiter accelerata eodem tempore conficit. *ibid.*

PROP. 29. Aer, & cætera omnia media, per quæ grave corpus in terræ viciniis descendit, gravium descensum ex parte retardant. *146*

COROLL. 1. Mediorum resistentiæ sunt ut spatia ab eodem mobili percurfa. *147*

COROLL. 2. Non servatur admissum in mediis resistentibus stabilita superius descendentiū gravium theoria. *ib.*

COROLL. 3. In ratione multo majori crescunt resistentiæ, quam celeritates acquirantur. *ibid.*

COROLL. 4. Gravium descensus fit tandem æquabilis. *148*

COROLL. 5. Quo graviora fuerint media, vel leviora cæteris paribus decidentia corpora, eo citius motus acceleratus ad æquabilem reducetur. *ibid.*

PROP. 30. Corpus sursum perpendiculariter projectum, vel per medium resistens, vel per spatium vacuum impellatur, motu deferitur eadem ratione retardato, qua decrefcentis Corporis motus acceleratur. *ibid.*

COROLL. 1. In spatio vacuo, aut in modica tantummodo per aerem gravium ascensione spatia percurfa sunt inter se in ratione numerorum imparium arithmetice decrefcentium 9. 7. 5. 3. 1. *149*

COROLL. 2. Celeritates ascendentium perpendiculariter gravium per medium non resistens in eadem minuuntur ratione, qua augentur tempora. *ibid.*

COROLL. 3. Grave sursum projectum motum suum tandem amittit, & in terram motu accelerato relabitur. *ibid.*

COROLL. 4. Gravia sursum per aerem ad magnam altitudinem projecta motum suum citius ac si in medio non resistente ascenderent, amittunt. *150*

COROLL. 5. Corpus grave ex data aliqua altitudine decedens, eam in fine motus accelerati velocitatem habet, qua ad eandem altitudinem ascendere iterum potuisset. *ibid.*

COROLL. 6. Spatia seu altitudines ad quas idem corpus perpendiculariter projicitur (in medio non resistente) sunt inter se, ut earum, quæ illa primitus imprimuntur, velocitatum quadrata. *151*

LECTIO SEPTIMA.

De motu corporibus gravibus a projectore quiescente, vel translato, impresso, seu externe communicato. *152*

DEFINIT. Projectionis. *152*

DEFINIT. Lineæ descriptæ a corpore horizontaliter, vel oblique projecto. *153*

Ment. Phyls. Tom. III.

Y

PROP.

- PROP. 31.** Corpus grave in vacuo, vel alio medio resistente & homogeneo sursum, vel deorsum perpendiculariter ad horizontem a motore quiescente projectum, rectam lineam describit, a qua nunquam deflectit. *ibid.*
- COROLLAR.** Corpus deorsum projectum multo majori fertur velocitate, quam si per quancunque aliam directionem projiciatur. 154
- SCOL.** Aliqua notatu digna circa motum a projiciente im-
missum. *ibid.*
- HYPOTH.** Corpus quodcumque grave secundum quancunque directionem verticali obliquam projectum duplicis potentiz viribus movetur. 155
- COROLL.** Corpus projectum predictarum potentiarum directionibus sese accomodat, & media quadam via procedit. 156
- PROP. 32.** Corpus grave quodcumque horizontaliter, aut per directionem horizonti obliquam projectum curvam lineam describit. *ibid.*
- COROLL.** Si lapidem manu, aut glandem plumbeam sclopo horizontaliter in scopum emittas; eum nunquam attinges. 157
- PROP. 33.** Corpus grave horizontaliter projectum motu composito parabolam physice describit; non tamen geometrica, & rigorose. 158
- PROP. 34.** Corpus grave secundum directionem quancunque ad horizontem obliquam projectum curvam sensibilibiter, licet non geometrica parabolicam describit. 159
- COROLL. 1.** Quo major fuerit projecti corporis velocitas, eo amplio-rem ceteris paribus semitam, seu parabolam describet. 160
- COROLL. 2.** Motus compositus ex motu projectionis equabili, & gravitatis accelerato uniformiter deorsum, vel sursum retardato, parabolam describit. *ibid.*
- PROP. 35.** Corpus grave horizontaliter projectum semiparabolam motu composito sensibilibiter describit. *ibid.*
- PROP. 36.** Corpus grave sursum oblique projectum integram parabolam describit. 161
- COROLL. 1.** Idem temous impendit Corpus grave libere ex data aliqua altitudine demissum in perpendiculari solius gravitatis ope percurrenda, atque in curva motu composito describenda. 162
- COROLL. II.** Si ex puncto aliquo dato plura simul projiciantur corpora gravia, ita ut parabolas longe inter se diversas describant, omnia hæc corpora simul terram attingent. *ibid.*

COROLL. 3. Si eques æqualiter currente equo delatus lapidem, vel quodcumque aliud corpus manu dimittat, ad terram per curvam parabolicam descendet. 163

COROLL. 4. Corpus ab equite motu æquali progrediens sursum perpendiculariter projectum, lineam parabolicam ascendendo, & descendendo ita describit, ut supra equitis manum regrediatur. *ibid.*

§. §.

Summa Theoriæ, & praxis artis Balisticæ. 164

PROP. 37. Si Corpus oblique ad horizontem projectum integram parabolam describat, tantum temporis in descendendo, quantum in ascendendo insiniet. 166

COROLL. Semper integra describitur parabola data quacumque projecti obliqua directione. 167

COROLL. In projectione corporis, vel recta, vel obliqua, celeritas, seu motus æqualis projecti representat semior linatas ad axim, motus vero gravitatis abscissas refert. *ibid.*

SCHOL. Aliqua Exponuntur, quæ debent observari, ut ad datum scopum emissæ bombarda pertingar. 168

PROP. 38. Projecto corpore per directionem quacumque obliquam, descriptaque parabola, si maxima altitudo parabolæ usque ad directionem producat, erit tota recta GE (ut in fig. 18. tabul. 2.) dupla maximæ altitudinis parabolæ G. F. 169

COROLL. Si ex puncto, in quo parabola horizontem secat, erigatur recta perpendicularis ad horizontalem usque ad directionem, erit ea recta quadrupla maximæ altitudinis parabolæ. *ibid.*

PROP. 39. Sit recta perpendicularis ad horizontem, ex qua si cadat libere corpus projectum, eam velocitatem acquirat, quæ emittitur per directionem obliquam, ea recta, tanquam diametro, assumpta, describatur semicirculus lineam directionis secans in I. (ut in fig. 18. tab. 2.) ex puncto sectionis ad diametrum ducatur recta horizontali parallela, hæc erit quarta pars amplitudinis parabolæ &c. 170

COROLL. In casu immediate antea proposito, manifestum est projectum, v. g. bombardam, eadem seu per vi projectum pro varietate anguli directionis, ad majorem, vel minorem amplitudinem projici. 171

COROLL. 2. Iisdem manentibus viribus, seu velocitate, si anguli directionis æqualiter hinc inde a Semitecto differant per excessum, vel per defectum, erunt amplitudines jactuum, seu parabolarum æquales. 172

Y 2.

CO.

COROLL. 3. Amplitudines projectionum eadem velocitate manente, sunt inter se, ut sinus anguli dupli elevationis, *ibid.*

SCOL. Assignatur principium generale, quo posito omnia problemata balistica solvuntur. *173*

PROP. 40. Probl. Data velocitate bombardæ, invenire amplitudines, & altitudines quasvis, quæ sub diversis elevationis angulis illa vi fieri possunt. *ibid.*

LECTIO OCTAVA.

De descensu corporum gravium per plana inclinata, ubi de pendulis, *175*

DEFINIT. Plani inclinati. *ibid.*

DEFINIT. Gravitatis Corporis absolutæ, & relativæ. *ibid.*

OBSERV. Corpus grave per planum quodcumque inclinatum libere descendens, motum suum uniformiter accelerat; ascendens vero, motu uniformiter retardato ascendit. *176*

COROLL. Corpus grave per planum inclinatum descendens perinde motum suum accelerat, ac si perpendiculariter caderet. *ibid.*

PROP. 41. Gravitatis relativæ corporis cujuscunque gravis supra planum inclinatum est ad absolutam ejusdem corporis gravitatem; ut plani altitudo ad illius longitudinem. *177*

COROLL. 1. Corpus quodcumque grave minus habet ponderis in plano inclinato, quam in verticali. *179*

COROLL. 2. Duo Corpora quorum primum libere pendeat, secundum vero plano inclinato innitatur, æqualem gravitationem exercent, si gravitas primi sit ad secundæ gravitatem, ut altitudo ad longitudinem plani. *ib.*

COROLL. 3. Si plurima ex eodem puncto nascantur diversæ longitudinis plana, idemque corpus per ea successive demittatur; eo minor erit hujusce corporis gravitas, quo major fuerit longitudo plani. *180*

COROLL. 4. Corpus quodcumque per ejusdem altitudinis, sed diversæ longitudinis plana descendens, eo fortius planum comprimet, quo majorem habuerit longitudinem. *ibid.*

COROLL. 5. Si duo Corpora supra duo diversæ longitudinis, & elevationis, ejusdem tamen altitudinis plana se mutuo sustinent, eorum gravitates sunt inter se, ut eorundem planorum longitudines. *181*

PROP. 42. Velocitas cujuscunque corporis gravis per planum inclinatum pondere suo decidentis, dato quocumque tempore ab initio motus numerato acquiescit, est

I N D E X.

341

est ad velocitatem, quam eodem tempore idem *grave* lapsus per verticalem acquireret, ut altitudo est ad longitudinem plani. 182

COROLL. 1. Celeritas absoluta est ad celeritatem relativam supra planum eodem tempore a principio motus numerato, ut sinus totus ad sinum anguli elevationis plani. 183

COROLL. 2. Corpus quocumque grave ex puncto aliquo libere primum, postea vero per planum inclinatum descendens, inæqualibus velocitatibus, & temporibus ad terram usque perveniret. *Ibid.*

COROLL. 3. Spatia ab eodem corpore gravi ex puncto dato successive per verticalem, & per obliquam postea demisso, in eodem tempore a lapsu numerato percursa, sunt inter se, ut velocitas, seu gravitas relativa ad absolutam. 184

COROLL. 4. Spatia ab eodem, vel æqualibus mobilibus in plano inclinato, & in verticali iisdem, seu æqualibus temporibus a lapsu numeratis peteunda, sunt inter se inverse, ut altitudo ad longitudinem plani. *Ibid.*

COROLL. 5. Corpore gravi ex puncto aliquo libere demisso, & noto insuper spatio quod intra determinatum aliquod tempus conficit, facillime dignoscas quantum spatii in quocumque plano inclinato eodem tempore peragrabat. 185

COROLL. 6. Dato quocumque spatio, quod grave descendens intra datum tempus, puta, minutum secundum a lapsu conficit, similiter spatium facile dignoscas, quod intra idem tempus in plano verticali conficeret. *Ibid.*

COROLL. 7. 8. Ubi demonstratur quod corpus grave per plura plana inclinata successive demissum idem tempus in percurrentis planis, atque in plano verticali impenderet. 185. 186

PROP. 43. Corpus grave per planum inclinatum, descendens, eam, cum ad plani extremitatem pervenerit, velocitatem habet, quam acquireret, si per planum verticale descenderet. 186

COROLL. 1. Corpus grave per quæcumque plana ex eodem puncto ad eandem horizontalem descendat, pariter semper in hæc horizontali habet celeritatem. 187

COROLL. 2. Corpus grave per planum inclinatum descendens, eam in fine notius vim & celeritatem habet, qua corpus ipsum ad eandem altitudinem per idem, aut simile planum ascendere potest. *Ibid.*

PROP. 44. Tempora quibus corpus grave planum incli-

natum & verticale percurrit, sunt inter se directe, ut sciatia. 188

COROLL. 1. Inæqualibus temporibus per inæqualia plana, ejusdem tamen altitudinis, corpus descendit, & quo longiora erunt plana, diuturnior erit motus. *ibid.*

COROLL. 2. Si circulare planum perpendiculariter ad horizontem statueretur, & ex pluribus periphæriæ punctis plures cordæ seu plana inclinata ducantur ad infimum perpendicularis diametri punctum, corpora gravia simul ex quolibet periphæriæ puncto, & ex diametri vertice demissa, eodem tempore infimum punctum attingent. 189

PROP. 45. Si corpus ex data quacunque altitudine ad horizontem per plura plana inclinata, & contigua, quæ quidem sensibili angulo sint ad invicem inclinata, demittatur; minorem, cum horizontale punctum attingerit velocitatem habebit, atque si per verticalem lineam descenderet. *ibid.*

COROLL. 1. Si planum A B, (fig. 27. tab. 3.) aut radius, vel sinus totus accipiat, erit velocitas per idem planum acquisita, ad velocitatem, quæcum in aliud planum ingreditur, ut sinus totus ad sinum complementi anguli A B C. 191

COROLL. 2. Eo major erit virium, & velocitatis corporis descenditis, & in aliud planum transeuntis amissio, quo major fuerit angulus A. B. D. (eadem fig.) minor quo magis decreverit. 192

COROLL. 3. Corpus grave per circuli, aut alterius curvæ arcum descendens velocitatis nullam iacturam facit. 193

PROP. 46. Si duo gravia super duobus aut pluribus planis similiter inclinatis, & proportionalibus descendant, tempora illis percurrendis impensa erunt inter se in subduplicata ratione longitudinum planorum. *ibid.*

COROLL. 1. Datis duabus Curvis similibus, & ad horizontem similiter inclinatis, erunt tempora, quibus idem, vel diversa corpora gravia eas descendendo percurrunt, in ratione subduplicata ipsarum curvarum. 194

COROLL. 2. Inæqualium circulorum ad horizontem perpendicularium arcus similes, eodem modo ad horizontem dispositi, sunt inter se directe, ut quadrata temporum, quibus a decedente gravi percurruntur. *ibid.*

PROP. 47. Si grave quodcumque per exiguos, licet inæquales, circuli ad horizontem recti, arcus, parum a rectis lineis discrepantes ad ultimum periphæriæ punctum descendant, erunt descensionis tempora sensibilibiter æqualia. 195

SCHOL.

SCHOL. Ubi aliqua scitu digna in hac materia deuv-
frantur.

ibid.

S. S.

De Pendulis.

197

DEFINIT. Penduli.

DEFINIT. Vibrationis, & oscillationis.

ibid.

PROP. 48. Pendulum circa punctum aliquod suspensum,
& ad punctum usque suspensionis adductum, sibi que
permissum perinde movetur, ac si rupto filo per pla-
num inclinatum descenderet &c

ibid.

COROLL. 1. Pendulum circa punctum aliquod suspen-
sum, & ad puncti suspensionis altitudinem adductum,
libereque demissum, ad locum infimum pondere suo
descendit, illudque transgrediens, ad æqualem ex alia
parte altitudinem ascendit.

198

COROLL. 2. Pendulum libere oscillans arcus circulares
describit ea ratione, ut dum ad infimum usque pun-
ctum descendit, motum suum accelleret, ab eo pun-
cto recedens motum uniformiter retardet.

199

COROLL. 3. Omnes penduli vibrationes sunt inter se
æquales, quantumvis inæquales circuli arcus singulis
vibrationibus percurrantur.

200

COROLL. 4. Pendulum eodem tempore totum spatium
a puncti suspensionis altitudine usque ad locum infi-
mum numeratum percurrit, quo idem, vel aliud gra-
ve diametrum circuli, cujus radius esset longitudo pen-
duli, percurreret.

ibid.

COROLL. 5. Si eadem ubique sit corporis gravitas,
idem pendulum, eundem oscillationum numerum æqua-
li tempore ubique locorum conficiet.

201

PROP. 49. Pendulorum inæqualium & per similes arcus
excurrentium longitudines sunt intra se ut quadrata
temporum, quibus oscillationes conficiuntur.

SCHOL. Numeri oscillationum, quas inter idem, aut
æquale tempus, duo inæqualia pendula absolunt,
sunt in ratione inversa temporum, quibus singula per-
ficiuntur.

ibid

SCHOL. Quæ dicta sunt de pendulis circulares arcus mo-
tu suo describentibus, de iis etiam potiori jure intel-
liguntur, quæ ob. peculiarem structuram cycloidalis
arcus describunt.

203

L E C T I O. N O N A.

De Corporum Solidorum gravium sustentatione, & la-
psu, seu Centrobarica Physica, ubi etiam de modo inve-
niendi centrum gravitatis corporum. physice agitur.

205

Y 4

HY-

HYPOTH. Omnium cujuscumque corporis partium gravitas perinde agit, ac si ejusdem in corpora centro gravitatis existeret. 206

PROP. 50. Cujuscumque corporis gravis centrum gravitatis per lineam rectam ab eo ad centrum terræ ductam descendere semper nititur. &c. *ibid.*

PROP. 51. Cor. us, illiusque centrum gravitatis non tantum perpendiculariter, verum etiam oblique descendere nititur &c. 207

COROLL. 1. Quodcumque Corpus grave, nisi ab externo obstaculo impediatur recte aut oblique ad horizontem, seu terræ centrum descendet. 208

COROLL. 2. Si Corpus quodcumque grave fulcro, in acutissimum licet cuspidem desinenti, innitatur, ita ut linea ex centro gravitatis ipsius corporis per fulcrum eundem ducta ad centrum terræ dirigatur, stabit corpus & a fulcro penitus sustentabitur. *ibid.*

PROP. 52. Corpus quodcumque grave alteri corpori, seu plano impositum, & innixum cum penitus quiescet, si linea directionis gravitatis intra corporis basin cadat, illamque pertranseat, ruet autem, si extra basin cadat. 209

Phænomena. ad Centrobaricam physicam spectantia. 210. usque ad 215.

L E C T I O D E C I M A.

De solidorum corporum æquilibrio, sustentatione, præponderantia, & elevatione; seu statica physica: ubi primum & universale mechanicæ traditur principium. 216.

DEFINIT. Libra. 217

DEFINIT. Statera. 218

DEFINIT. Æquilibrationis corporum. *ibid.*

Princip. & **Lex** 1. Mobilis cujuscumque vires sunt, & exprimuntur recte per factum ex corporis ipsius massa in ejus velocitatem ducta. 219

Princip. & **Lex** 2. Duo quæcumque corpora librarum horizontaliter jacentis extremitatibus imposita, si moveantur, celeritatem habent rationem, quam inter se habeat ipsius libra, aut statera brachia. *ibid.*

PROP. 53. Ea Corpora universim librarum, aut staterarum appensa, & horizontaliter disposita, sunt in æquilibrio, si pontus unius sit ad pondus alterius, ut hujus velocitas ad velocitatem prout. 220

COROLL. 1. Si duo corpora ejusdem ponderis in æqualibus ab axe distantis statuuntur, momenta habebunt æqualia. 221

COROLL. 2. Si duo Corpora in æqualibus ab axe distantibus

I N D E X.

343

stantiis statuta sint in æquilibrio, æqualia habebunt pondera. *ibid.*

PROP. 34. Si corpora quæcumque statem, aut libræ imposita sint in æquilibrio, erunt eorum celeritates in ratione ponderum reciproce. *233*

COROLL. 3. Æqualia pondera in inæqualibus ab axe distantia suspensa, æquilibrio non habent, sed remotius proximiori prævalet. *ibid.*

COROLL. 4. Si duo pondera æqualia statem appensa habeant æquilibrio, in imparibus ab axe distantia sunt suspensa. *ibid.*

COROLL. 5. Si duo inæqualia pondera statem brachiis appendantur in paribus ab axe distantia, nullum erit æquilibrio. *234*

COROLL. 6. Si duo pondera in paribus ab axe distantia suspensa non maneant in æquilibrio, non erunt æqualia. *ibid.*

SCHOL. Ubi de modo Inveniendi Centrum gravitatis Corporum. *ibid.*

§. §.
Staticæ instrumentorum usus, examen, fallaciæ. *225*

L E C T I O S E C U N D A.

Mechanica, seu de machinis simplicibus. *230*

DEFINIT. Machinæ. *ibid.*

DEFINIT. Machinæ simplicis. *231*

§.
Principium universale Mechanicæ. *232*

De Veste. *234*

Augmentum potentia in veste, & Phænomena. *235*

COROLL. Potentia quæcumque datum pondus quodcumque sustentabit, si sit potentia ad pondus, ut reciproce distantia ponderis ad distantiam potentia. *ibid.*

COROLL. In casu æquilibrii in 1. veste erunt pondus, & potentia modo æqualia, modo potentia major, modo minor absolute: in 2. semper potentia erit major absolute, quam pondus: in 2. semper absolute minor. *236*

PHÆNOM. aliqua quæ ex supra dictis sponte derivantur. *237. 238. 239*

PROP. 35. In veste cujuscumque generis potentia agens perpendiculariter ad ipsam vestem longe efficacior est, quam si agat oblique &c. *239*

§.
Axis in Peritrochio. *240*

TROCHLEA. *242*

PROP. 36. Per trochleam immobilem neque augetur, neque

- neque minuitur potentia. 243
PROP. 57. Per trochleas mobiles multipliciter augetur,
aut minuitur pondus. *ibid.*
§ § §.
COCHLEA. 245
§ § § §.
CUNEUS. 247
Hydrostatica Physica, seu de fluidorum corporum statu,
natura, pondere, æquilibrio, pressione. 251
L E C T I O. XII. Prolegomena.
De fluidi & humidi corporis natura, ubi etiam corporum
firmitas & levitas doctrinæ gratia physice explicantur. *ibid.*
DEFINIT. Hydrostaticæ. 252
DEFINIT. Fluidi. *ibid.*
COROLL. Ubi de discrimine inter fluidum, liquidum, &
humidum Corpus. 253
HYPOTH. Composita physica ex diversis particularum
ordinibus, magnitudine, & figura variis confurgunt. 254
COROLL. Corpora fluida & liquida ex partibus appri-
me duris confurgunt. *ibid.*
PROP. 58. Physica Corporum fluidorum natura in eo
stat, quod illorum integrantes, & insensibiles particule
figuram habentes ad motum aptam, & exiguo sese con-
tacta attingentes, sint a se invicem divisæ, vel actua-
lem versus omnes partes habeant motum. 255
PROP. 59. Licet ad physicam fluidorum naturam con-
stituentiam satis sit insensibiles corporis particulas fi-
gura ad motum habili prælitas a se invicem esse divi-
sas, nullo licet motu sint affectæ; plurima tamen sunt,
in quibus præter supra dicta, insensibilia ipsa elemen-
ta intestinum habent motum versus omnes partes. 258
COROLL. 1. Licet intestinus particularum motus ad
fluiditatem non requiratur, illo tamen accedente, ma-
jorem fluiditatem habet corpus. 260
COROLL. 2. Eo erit magis fluidum corpus, quo minutio-
res fuerint ipsius particule, si cætera sint paria. *ibid.*
COROLL. 3. Fluidum perfecte fluidum, si quod exi-
stat, particulis magnitudinis minimis, maxime mobili-
bus, perniciosissimo motu concitatis constare necesse est. 261
PROP. 60. Corporum humiditas in eo consistit, quod
tenuissimarum particularum figura, & magnitudines eo-
rum corporum, quorum respectu humida sunt, potius,
& corporibus conformentur, ita ut per ea insinuentur;
eorum particulis intermiscantur &c. 261
Opposita arg. solvantur. 263

De corpore viscoso, fragili, & ductili. 271

L E G E T I O XIII.

De fluidorum corporum, quorum partes sunt homogeneæ, seu æque graves, gravitate, & pressione. 273

Aliquæ observationes proponuntur ex quibus gravitas, & pressio fluidorum etuitur. 273. 274

PROP. 61. Omnium Corporum fluidorum partes sunt graves, & subjecta ipsi solida premunt. 274

PROP. 62. Fluida non solum in solida corpora, quibus incumbunt, gravitant, sed etiam in fluida, partes scilicet aquæ superiores in cæteras inferiores gravitant, & elevare nituntur. 275.

COROLL. 1. Si fluidum in vase contentum ductis planis horizonti parallelis mente dividas; eo magis erunt compressæ particulae, quo magis a superiori superficie erunt remotæ. 276

COROLL. 2. quo inferiores erunt fluidi partes, eo majorem, cæteris paribus, habebunt densitatem. *Ibid.*

COROLL. 3. Rariores fluidi particulae, & idcirco leviores, in partes magis densas, & graves gravitant easque premunt. 277

Solvuntur arg. appof. *Ibid.*

PROP. 63. Fluidorum partes seu columnæ seorsim, & ab aliis aliæ indefinenter deorsum gravitant. 280

COROLL. Si in fundo cujuslibet vasis aqua pleni foramen aptetur, quod digito ocludas, & aquam ne exiliat inpedias, solius columnæ foramini respondentis gravitatem sustinebis. *Ibid.*

PROP. 64. Licet fluidorum corporum integra massa deorsum tantum descendere nitatur, eorum tamen partes gravitatem suam versus omnes partes exercent. 281

PROP. 65. Si fluidum quodcumque corpus homogeneum mente dividas in columnas horizonti perpendiculares, cujuscumque columnæ pondus ejus altitudini respondet. 283

PROP. 66. Fluidorum Corporum particulae se se ad invicem versus omnes partes ita premunt, ut tamen perpetuum inter se æquilibrium servent. 284

COROLL. 1. Fluidorum Corporum particulae proprio earum pondere spectatæ, & omni exteriori causa se clusa, penitus quiescunt. 285

COROLL. 2. Fluida omnia in sphericam circa suum gravitatis centrum conformantur superficiem. 286

COROLL. 3. Quantumvis stagnantis aquæ superficiem plana-

planam esse judicemus; sensuum fallacie id est tribuenda.
ibid.

COROLL. 4. Inferiores liquoris partes a superioribus compressæ, eas vicissim comprimunt.
ibid.

PROP. 67. Fluidorum corporum pressiones, quibus quocunque corpora fluida, vel solida comprimunt, in eadem profunditate seu altitudine sunt æquales in fluidis homogeneis.
237

PROP. 68. Fluida homogenea in quibuscumque vasibus communicantibus ad eandem altitudinem seu superficiem horizontalem ascendunt.
238

PROP. 69. Fluida corpora, & se ipsa, & solida, quibus insistant, corpora, seu vasorum bases, pro ratione baseos, & altitudinis comprimunt.
ibid.

COROLL. 1. Si loco baseos alicujus vasis convergentis manum substituas, eaque incumbente aquam sustinentes, parem in manu pressionem senties, ac si vas aliquod ejusdem a basi usque ad summum amplitudinis aqua esset plenum.
238

COROLL. 2. Ubi de eadem pressione fluidorum agitur.
232

PROP. 70. Si sint duo, vel plura vasa liquoribus homogeneis ad eandem altitudinem repleta, pressiones totales in basium fundis rationem basium habebunt.
293

PROP. 71. Si fluida, seu vasa, eandem habeant, seu æqualem basium, altitudinem vero diversam, erunt pressiones in vasorum fundo in ratione altitudinum.
ibid.

PROP. 72. Si liquores & basium, & altitudinem habuerint inæqualem, erunt eorum pressiones in ratione composita basium, & altitudinum.
274

De liquorum densitate dissimilium pondere, & æquilibrio.
ibid.

PROP. 73. Si duo, aut plures liquores heterogenei in vasibus contenti, bases, & altitudines habuerint æquales, erunt eorum pressiones in ratione densitatis.
ibid.

PROP. 74. Liquores heterogenei in eodem vase quiescentes ita separatim immixti, ut graviore deorsum quæ leviora sunt sursum, disponantur, eo pacto inter se distincti vi gravitatis persistunt &c.
295

PROP. 75. Si in vasibus communicantibus diversæ gravitatis specifica liquores infundantur, & in uno quidem vase gravior, seviore in altero, quin permisceantur, subsistant; erunt in æquilibrio, si altitudines a communi basi ad liquorum superficies sint reciproce, ut fluidorum gravitates.
273

CO-

I N D E X.

349

COROLL. Densior, & gravior liquor levius fluidum, in tubis communicantibus cujuscumque figure, eo usque elevabit, quoad altitudines sint gravitatibus reciproce proportionales. 299

L E C T I O XIV.

De solidorum in fluida corpora immersione, sustentatione, æquilibrio. 300

DEFINIT. Gravitatis Corporis solidi comparative ad fluidum. ibid.

PROP. 26. Liquores immersum in ipsis solidum corpus perinde comprimunt, ac parvis voluminis fluidum, solidi in loco repositum, comprimerent. ibid.

COROLL. Solidum fluido immersum eo fortius premittur, quo altius fuerit liquori immersum, & quo major fuerit densitas, & gravitas ipsius fluidi. 301

PROP. 27. Solidum quodcumque corpus fluido immersum tantundem sui ponderis amittit, quanta est fluidi volumine parvis gravitas. 301

COROLL. 1. Solidum ejusdem, ac fluidum densitatis, & specificæ gravitatis, fluido ipso immersum, omnem suam gravitatem amittit. 302

COROLL. 2. Solidum quodcumque pluribus successive fluidis specificè levioribus, & diversè inter se gravitatis immersum, plus de sua gravitate absoluta in graviore, quam leviori fluido amittit. 302

COROLL. 3. Duo Solida pondera tum gravitate, tum volumine æqualia, & in bilancis brachia æquilibrata, si alterum bilancis brachium, & pondus illi appensum in aliquem diversè gravitatis liquorem immitatur, æquilibrio illico amittunt. ibid.

COROLL. 4. Duo aut plura quæcumque solida mole quidem paria, gravitate inæqualia, sed eo, cui immerguntur, fluido graviora, eandem in illo gravitatem amittunt. 303

COROLL. 5. Licet idemmet corpus mole, & densitate haud mutatum, in vacuo, postea in aere sustineamus, non idem tamen pondus in vacuo ac in aere sustentabimus. ibid.

COROLL. 6. Duo, aut plura corpora solida pondera quidem paria, sed mole inæqualia, fluidis quibus immerguntur specificè graviora, inæqualem in fluido gravitatem amittunt. 304

PROP. 28. Solidum Corpus liquido specificè gravius, ab eo sustineri non potest, si vel in totum, vel ex parte.

parte solum sit fluido immersum, sed ad liquoris fundum descendet. *ibid.*

COROLL. 1. Et qui solidum fluido immersum eoque gravius, filo v. g. sustentat, relativa solum ejus solidi gravitate premittitur. *ibid.*

COROLL. 2. Naturalis omnium gravium corporum propere tellurem descensus a gravitate solummodo relativa provenit. 305

PROP. 75. Corpora quæcumque solido fluido leviora ea solummodo sui parte immerguntur, quam mole adæquat fluidum, eandem, ac integrum solidum gravitatem habens. *ibid.*

COROLL. 1. Corpus quodcumque solidum liquido specificè levius, demergi totaliter nequit, sed aliqua semper ex parte supernatat. 306

COROLL. 2. 3. 4. 5. 6. 7. Aliqua ulterius proponuntur ad solidorum immersionem spectantia. 305. usque ad 310

PROP. 80. Problem. Ex supradictis ratio deducitur, quæ specificam fluidorum omnium gravitatem metiri, & inter se conferre possumus &c. 310

Phænomena aliqua passim obvia explicantur. 311

PROP. 81. Specificæ fluidorum quoruncumque gravitates sunt inter se directe, ut pondera, quæ solidum fluidis specificè gravius, in iis demersum amittit. 313

PROP. 82. Specificæ fluidorum gravitates sunt inter se inverse, ut ejusdem solidi, fluidis levioris, partes demersæ. *ibid.*

PROP. 83. Probl. Auri, aut monetæ bonitatem hydrostaticè explorare. *ibid.*

PROP. 84. Probl. Onerarias, aut alterius generis naves, in fluminibus, aut pelago demersas hydrostaticè beneficio extrahere. 315

L E C T I O XV.

De Lege continuitatis. 316

DEFINIT. Legis continuitatis. 317

PROP. 85. Lex continuitatis generatim accepta (prout omnes actiones complectitur) nullo efficaci argumento probatur. 318

PROP. 86. Licet in rebus successivis, in tempore minimi & motu, aut in actionibus cum tempore, & motu connexis lex continuitatis observetur, in cæteris tamen actionibus prædicta continuitatis lex non existit. 325

ERRORES TOMI TERTII.


	ERRATA	CORRIGE.
Pag. 37. liq. 41	perpendiculariter	perpendiculariter
38	4 axes	axes
39	25 ad illo	ab illo
34	1 elibano	clibano
ibid.	16 elibanum	clibanum
58	6 viribus contralibus	viribus centralibus
59	9 velocitates autem, eorbitz	velocitates autem & orbitz
65	9 ab terram	ad terram
66	5 duplex Intendum	duplex interdum
76	11 ex omai partem	ex omni parte
84	36 inclusam materia	inclusam materiam
91	29 comotis	cometis
103	9 diffunderetur solum	solum
109	11 que neque	que
110	41 a peculiare Del	peculiari
118	1 nullius nostrum	nullus
121	31 4 pedes alto	alto
124	29 omnia aliam	alla,
138	21 ope Barometri observa sunt	observant
139	7 circlicet conficit	conficit
159	37 secundi igitur tempore	secundo
ibid.	1 abscissas	abscissas
168	27 in nota mediate	mediate
181	23 motus verticalis	motus
183	11 ejusdem corporis gravius	gravius
184	24 sunt autem spata	spatia
250	20 illius index	desiderantur hæc verba, = Circulum conficit, & 60 minuta prima designat, in tot enim partes circulum ab eo indice percursum dividimus: rota vero L, seu orbiculus J, ac illius index y sexages
255	9 spiritas	spiritus
ibid.	27 invicere	invicem
260	1 caleicente	calescente
274	19 possillat	profillat
285	13 lateribus	lateralibus
311	11 regionem	regionem
329	16 opime	optime
355	14 gormetricæ	geometricæ
396	2 subensam	subtensam,

secun.

ERRATA		CORRIGE.
Pag. 197	lin. 27 secundam	secundum;
194	12 Praxim	praxim
207	28 illuc	illius
208	8 subsista	subsistat
210	30 conurum	centrum
214	20 directionis	directionis
219	33 peragratum	peragratum
232	29 Geometrico	Geometrico

ERRORES FIGURARUM.

ERRATA		CORRIGE.
Pag. 15.	lin. §. 42, 43	Notetur fig. 6. tab. 1.
26	§. 45	Notetur fig. 7. tab. 1.
40	§. 67	Notetur fig. 11. tab. 1.
42	§. 71. 6. CV	CH
45	23 fig. III. tab. 4	tab. 6.
47	1 fig. I. tab. 1.	fig. 11.
60	27 æqualis est L b	LC
106	§. 162.	Notetur fig. 41. tab. 3.
117	8 §. 180. centro N	O
234	5 fig. I. tab. 4	fig. 12.
202	23 tab. 3	tab. 4.
204	2 Semicycl. PN	ON
209	10 Centrum gravitatis L	Z
236	7 Arcus S R	RSNTC
244	§. 418.	Notetur fig. 13. tab. 5.
295	4 fig. 3. tab. 6	fig. 5
259	3 OM	OC
260	16 si igitur RX	AX
290	2 si per ME	MC
225	1 Notatur fig. 32	superfluit
ibid.	14 Notatur fig. 30	32.
228	28 Ad I	Ad G
ibid.	31 per Arcum RGI	REI
284	26 fig. 44	fig. 1, 4. tab. 6.
322	§. 534.	Not. fig. 39, 40. tab. 3.
60	28 fig. 5	4
250	1 H 148.	H 2, 48
ibid.	5 giros 320	320



Ton

1

2

3

4

5

6

7

8

9

10

11

12

13

14

15

16

17

18

19

20

21

22






23

24

25

26

27



Lat.

2

A

W

1

1

2

) 1

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5

4

3

2

1

0

9

8

7

6

5


4

3

2


1

0




Tab. 12


Tab. 2




Carl Sérent elcudr



Phil. Lib. MECHAN. TAB. 5.





Carol Peyx.

150529051